

№ 204 Жаҳон АДАБИЁТИ



МУАССИСЛАР:

ЎЗБЕКИСТОН МАТБУОТ
ВА АҲБОРОТ АГЕНТЛИГИ

ЎЗБЕКИСТОН
ЁЗУВЧИЛАР
УЮШМАСИ

РЕСПУБЛИКА
МАЪНАВИЯТ
ВА МАҶРИФАТ КЕНГАШИ

1997 йил июндан
чиқа бошлаган

№ 5

2014 йил, май

Боши мухаррир:

Шуҳрат РИЗАЕВ

Жамоатчилик кенгаси:

Эркин ВОХИДОВ
Абдулла ОРИПОВ
Омонулла ЮНУСОВ
Муҳаммад АЛИ
Муҳаммаджон ҚУРОНОВ
Қаҳрамон ҚУРОНБОЕВ
Иброҳим ҒАФУРОВ
Низом КОМИЛОВ
Шуҳрат СИРОЖИДДИНОВ
Муҳаммаджон ҲОЛБЕКОВ
Хурийд ДҮСТМУҲАММАД

Таҳрир ҳайъати:

Омонулла РИЗАЕВ
(масъул котиб)
Амир ФАЙЗУЛЛА
Назира ЖЎРАЕВА
Музффар АҲМАД
Дилдорхон АЛИЕВА
Алимурод ТОЖИЕВ
Шаҳноза НАЗАРОВА
Севара АЛИЖОНОВА

МУНДАРИЖА

Алишер НАВОЙЙ. “Парим бўлса...”3

ЖАҲОНГА БЎЙЛАШИБ

А. ЙўЛДОШЕВ. “Парим бўлса...”4
Хикоя.....

НАСР

Ф.КЛИНГЕР. *Фауст ҳаёти, аъмоли ва жаҳаннамга кулаши.* Роман. (Рус тилидан М.Махмудов, А.Абдулқодиров тарж.).....23

ГЛОБУС
АНГЛИЯ

Жаҳоний номларга бой мамлакат ...126
Англия шеърияти.....132

Англия насири
Ж.ОСТИН. *Андиша ва ғурур.* Роман. (Рус тилидан М.Исмоилова тарж.).....63
Г.ГРИН. *Фораттар мактублар.* Хикоя. (Рус тилидан Д.Алиева тарж.).....143
Англия драматургияси
С.БЕККЕТ. *Годони кутиш.* (Рус тилидан Ж.Эшонқул тарж.).....151
Унутилмас сиймолар.....193

ДРАМА

Л. ТАБУКАШВИЛИ. *Хаёлот дардида.* (Рус тилидан М.Хайруллаев тарж.).....95

УСТОЗ ТАРЖИМОНЛАР
БИСОТИДАН

Мирзиёд МИРЗОИДОВ.....111

АДАБИЁТШУНОСЛИК. ФАЛСАФА

Ф.СТАРР. *Марказий Осиёнинг янгитдан қашф этилиши.*50
Н.МАҲМУДОВ, М.ЖЎРАЕВ. *Асрлар оша тараалаётган зиё.*59
М.ҲОЛБЕКОВ. *Инглиз уйғониш даври драматургияси: Уильям Шекспир...*166
М.ТЎЛАХЎЖАЕВА. *Шекспир ва саҳна тажрибалари.*174
М.УМАРОВА. *Тарихий ҳақиқат ва тақдир.*184
И.ҲАҚҚУЛ, Ш.НАЗАРОВА. “Наҳот изтирообда доим тафаккур...”188
Ф.АТАЕВ. *Муштарак илдизлар.*198
Муковамизда204
Тақвим.....205



* * *

*Парим бўлса, учуб қочсам улустин то қанотим бор,
Қанотим куйса учмоқдин, югурсам то ҳаётим бор.*

*Чиқиб бу дайрдин Исога невчун ҳамнафас бўлмай,
Биҳамдиллаҳ, тажсарруд¹ бирла ҳимматдин қанотим бор.*

*Халойиқ сухбатидин минг гамим бордурки, муфт² ўлгай
Агар минг жон бериб билсанки, бир гамдин најсотим бор.*

*Чекиб агёрдин юз жавру тортиб ёрдин минг гам,
Не ўзга халқдин гайрат, не ўзимдан уётим бор.*

*Чекиб кўздин ёзай бир хатки, даҳр ахлига кўз солмай,
Бу дамким кўз саводидин қаро, кўздин давотим бор.*

*Тилар кўнглум қуши анқодин ўтса нори юз водий,
Мунунгдек сайд этарга Қофдин ортуқ саботим бор.*

*Навоий, билки, шаҳ кўнгли манга қайд ўлмаса, биллаҳ,
Агар кавнайнга³ хошок чоғлиқ илтифотим бор.*



¹ Барчасидан воз кечиш.

² Текин.

³ Икки дунё



Абдуқаюм ЙҮЛДОШЕВ

1962 йили Самарқанд вилоятининг Кўшработ туманида туғилган.

Тошкент политехника институти (ҳозирги Тошкент давлат техника университети)да ўқиган.

“Сунбуланинг илк шанбаси”, “Тимсоҳнинг кўз ёшлиари”, “Парвоз”, “Бир тун ва бир умр”, “Алвидо, гўзаллик”, “Банкир”, “Камта ўйин” сингари насрый китоблари чоп этилган.

“Пуанкаре” ҳикояси 2012 йилда “Жаҳон адабиёти” журналининг ўиплик мукофотига муносиб топилди. Ушбу асар асосида Ўзбек давлат драма театрида “Ҳаёт формуласи” номли спектакль саҳналаштирилган.

“ПАРИМ БЎЛСА...”

Ҳикоя

Умри киндик қони тўкилган овулида ўтаётган бўлишига қарамасдан Ибодулла шаҳар жинниси эди. Бемалол айтиш мумкинки, балиқ сувда ўзини қандай эмин-эркин сезса, аллақачон “шаҳарлик” лақабига эга бўлиб ултурган жўрамам ўзини шаҳарда шундай ҳис қиласади. Ҳолбуки, мактабни битирганидан сўнг у Тошкентда бор-йўғи бир ой яшаган, ундаям абитуриент бўлиб. Лекин барibir пойтахтни беш бармоғидай аниқ билади, дейишади. Мабодо бирон манзил борасида иккиланиб қолган тақдирда ҳам Ибодулла учун сўраб-суриштириб, айтилган жойни топиб бориш қўшни овулдаги тўйга ўтиб-келишдай жўн иш.

Ҳар гал шаҳарга тушиш жўрам учун байрам эди. Ўзиям оғзининг таноби қочиб, икки-уч кунлаб астойдил тайёргарлик кўтарди: сочлар олдирилган, кўйлак-шимлар ювдирилган, дазмоллатилган, ҳаттоқи рўмолчага қимматгина атирдан мўл-кўл сепилган, қора мой суртилавериб-чўткаланаверганидан, бир парча духобада артилаверганидан ялтираб кетган туфлисига қараб bemalol соч тараса бўлади... Айниқса пойабзал масаласида Ибодулла жуда инжиқ эди: шаҳарга атаб атайн олиб қўйган туфлисини наинки ўзимизнинг овулдаги, балки ён қишлоқлардаги энг дабдабали тўйларига ҳам киймасди, таъбир жоиз эса, кўз қорачигидек асрарди. Унинг бу килиғидан ранжиганларга ёинки хатти-ҳаракатини мазах қилганларга жавобан Ибодулла одатда “Сен нимани ҳам тушунардинг, эй умри бефойда ўтиб бораётган банда” дегандай ачиниш аралаш қараб қўйгач, ўхшатиб жавоб берарди:

– Душман оёққа қарайди...

Дарҳақиқат, шундан кейин мазкур ўта оддий ҳақиқатни унугтган ҳолда меъёридан ортиқ тирғала бошлаганини сезган ҳар қандай гапдон ҳамқишлоқ ҳам жимиб қоларди.

Тўғри, минг яхши кўргани билан, ҳа деб шаҳарга тушиб келаверишга жўрамизнинг ҳамёни имкони бермасди. Ахир, ўзи фермер... хўжалигига оддий сувчи бўлса, арзимаган маошию ҳосил йифилганда оладиган уч-тўрт тонна буғдойи, бирон тележка егулик қовун-тарвуз билан бола-чақасини боқсинми, шаҳарда ялло қилиб юрсинми?

Аммо қишлоқда ким кўп – у-бу юмуши сабаб пойтахтга отланиб

қолганлар кўп. Қишлоқ одами шаҳарга шундай, дабдурустдан бостириб бораверишдан ийманади. Бунинг устига шаҳарда ким кўп – хужжатингни сўрайдиган, сўнг, паспортни кўлига олгач, “Сизни тўрт кун бурунам шу ерда кўргандайман”, дёя талмовсираб турадиган миршаб кўп. Шундай пайтлари бундай одамларнинг жонига Ибодулла гўхшаган “шаҳар кўрган эчки”лар ора киришади.

Тан олиш керак, шаҳарча озода уст-бош кийган, бунинг устига кўчадаям, метродаям шу жойларнинг асл эгасидай гердайиб юрадиган, юзида ўзига ишонч ва қатъият акс этиб турган Ибодуллани ҳали бирон миршаб тўхтатиб, хужжат сўрамаган. Аммо унинг бўйини кисибгина, атрофга олазарақ қараб, “Ишқилиб уялиб қолмайин-да” деган ҳадикда кетаётган ҳамроҳларидан биронтасини милиционер тўхтатса бас, Ибодулла кўмакка ошиқарди.

Одатда Ибодулла честь бериб ўзини таниширган миршабга кўзларини кисганча майин ва ҳаттоқи, оталарча табассум билан қараб турарди-да, шеригининг паспортини ўзининг кўлига олиб:

– Раҳимхон акам яхши юрибдиларми? – деб сўрарди. – Ҳойнаҳой ишда бўлсалар керак, биз уларнинг уйларига бораётгандик. Кеннойимга кечакўнгироқ қилиб тайинлаб кўйгандим.

То миршаб “Рахимхон ака”нинг кимлигини эслаб олгунга қадар Ибодулла кейинги зарбани берарди, яъни бирдан бош чайқарди-да:

– Э, кечирасиз, – дерди астойдил афсусланиб, – Раҳимхон ака вазирликка ўтиб кетдилар, а? Ман у кишиниям ҳалиям сизларнинг бошқармандизда деб ўйлаб...

Одатда, исмлар ўзгариб турарди: баъзан “Рахимхон”, баъзан “Акмалжон”, баъзан яна бошқаси...

Табиийки, бундай сўзамоллиқдан кейин иккиланиб қолган баъзи миршабларнинг бу йўловчиларга оқ йўл тилишдан ўзга иложи қолмасди. Буни тахминан элликка-эллик дейиш мумкин. Аммо сал хушёроқ ёинки тажрибалироқ милиционер барибир хужжатни олар ва номига бўлса ҳам вараклаб кўргандан сўнгтина буларга жавоб бериб юборарди. Тўғри, баъзан умуман бунақангги тарзда аравани куруқ опқочишлар таъсир қилмайдиган бирон миршаб ўзига самимият билан қараб турган Ибодулла га қараб эҳтимолки ўша жумласини айтиб ҳам қоларди: “Сизларни тўрт кун бурун кўргандайман... Амалдаги қонунга кўра шаҳарда уч кундан ортиқ юрсларингиз...”

– Тўппа-тўғри, – дерди Ибодулла киприк қоқмасдан. – Тўрт кун бурун келиб Раҳимхон акамни (Акмалжон акамни, Рустам акамни...) аммасининг тўйига айтиб кетгандик. Раҳимхон акам полковник Аслиддин аканиям олиб бордилар. Ажойиб одам эканлар... Сизга ўхшаган кўл-оёғи чакқон укалари хизматда бўлишиди...

Бу қадар очиқ-ойдин эътирофдан сўнг яна тирғалаверишга унча-унча миршабнинг ҳадди сифмаслиги аниқ...

Бундай пайтлари ҳайратга тушган ҳамроҳлар дарров Ибодулладан ўша акахонини қаердан танишини сўраб қолишади. Ибодулла қувлик билан кўз қисади ва сирли тарзда:

– Шаҳарга қулоқни тозалаб келиш керак, – деб кўяди...

Устига-устак, Ибодулла кўп ялинтириб ёки ўзини тарозига солиб ўтирмайди. Одатда, у ҳамроҳликни илтимос қилиб келгувчига учта савол билан мурожаат этади:

– Боришдан мақсад? Қачон қайтилади? Мабодо ўша куни қайтилмаса, қаерда ётиб қолинади?

Мана шу саволларига қисқагина жавоб олгач, Ибодулла қошлирини чимирган кўйи бир лаҳза жиддий тарзда ўйланиб қолар, шундан сўнг қатъий тарзда:

– Борамиз, – дерди.

Шу билан иш битди, тамом-вассалом.

Ибодулланинг соқол-мўйловини қиртишлаб олиб, сартарошга чопқиллаб колганини, кийимларини ювдириб, дазмоллатаётганини, арзанда туфлисини шифонер тагидаги қутисидан олиб, артиб-артиб қўяётганини кўрган Гуласал эрининг яна шаҳар сафарига тадорик кўраётганини биларди-ю, бироқ миқ этмасди. Зоро, Ибодулла – ҳаттоқи бир кунга бориб келса ҳам – шаҳардан алланечук хушнуду шодон кайфиятда, кўзлари чақнаб, болалариу рафиқасини жуда-жуда соғиниб, энтикиш аралаш ҳаяжон билан, ҳовлиқиб, ажабтовур совға-саломлар билан қайтгувчи эди. Баайни олдидан оққан сувнинг қадрига энди-энди ета бошлагандай... Бундай кунларнинг кундузлари қувончли, кечалари эса лаззатли бўларди... Ўзини ёлғондан сипо, вазмин тутаётган, аммо ҳаяжондан вужуди дир-дир титраётган эри шаҳарга жўнаб қолса бас, Гуласал ширин бир нимани орзиқиб кутаётган гўдакдек тамшаниб йўл қарагани-қараган эди.

Лекин худо шоҳид, кимга ҳамроҳлик қилмасин, баъзилар орқаворатдан ачитиб айтганидай, кимга “гид”лик, яъни экспкурсоводлик қилмасин, Ибодулла ўша одамнинг ўзига пул сарфлашига йўл қўймасди! Ўзи камбағал бўлгани билан, орияти баланд йигит эди бизнинг “шаҳар кўрган эчки”миз Ибодулла!

Одамлар унинг мана шу қилигини тушунолмай аввал ажабланишар, сўнг ҳайрон бўлишар, нихоят жаҳллари чиқиб Ибодуллани (яна орқаворатдан):

– Ўзининг фойдасини билмаган тентак, – деб сўкиб ҳам қўйишарди.

Илло, шаҳарга бориб келишга ҳамроҳ бўлишни илтимос қилган ҳар қандай банда ўша одамнинг йўл ва овқат пулини тўлаши жоиз ҳамда лозим эмасми? Шундок. Одий мантиқ ҳам шуни талаб этади-ку. Лекин Ибодулла мантиқ-пантикни тан олмас, кўзларини бакрайтирганча “Немецкий ҳисоб-китоб” деб тураверарди. Буни энди ўзбекчага ўтирасак “Элликка-эллик” ёки бўлмаса “Ҳар ким ўзига тўлайди” деган ажабтовур маъноларни англатарди. Сўнг, гапига қатъий амал қилган кўйи, автобус ё бўлмаса “Истана” маршрутли таксининг йўл ҳақини ўзи учун тўлар, бирон ошхонада овқатлангани маҳаллари ярим пулини чиқариб тураверар, агар ҳамроҳи “хой-хой” демаса шаҳардаги автобус-троллейбусу метрода ҳам йўл ҳақини биринчи бўлиб узатишдан ҳам қайтмасди...

Шўрлик Ибодулланинг маблағи ошиб-тошиб ётган бўлсаям майлийди... Ахир кўр эмасмиз, биламиз, Ибодулла бир сўмлаб пул йиғади, ўзини, баъзан оила аъзоларини ейиш-ичишдан сиқади, бировларнинг ўтини ўриб бериб уч-тўрт танга топади, кимларнингдир томорқасини суғориб бериб яна “носвой пули” ишлайди. Ва топганларининг барини тишининг кавагида асрайди. Бариси, бариси шаҳар учун, шаҳар учун!

Шаҳар!

Ҳатто уч фарзанд – икки ўғил ва бир қиз ҳам дадалари баъзан хасислик қилиб бермаган пул озгина фурсатдан сўнг шаҳардан ўзларига ажойиб-ғаройиб совға-саломлар тарзида қайтиб келишини яхши билғанлари учунми ортиқча тихирлик қилиб ўтирайдилар. Шу боисдан улар ҳам меҳрибон отанинг пойтахт сафарини интиқ кутадилар...

Шаҳарга бориши аниқ бўлиб қолган маҳаллари Ибодулланинг кўзлари чақнаб кетарди. Бу кўзларда қувончдан кўра каттароқ, ҳаяжондан кўра кучлироқ, энтикишга нисбатан таъсирчанроқ туйғу ёлқинланарди.

Ха, Ибодулла шаҳар учун туғилган эди. Ҳар бир шаҳар сафари унинг учун бир дунё шодликлар олиб келадиган эзгу айём каби азиз ва лазиз эди...

Афсуски, жўрам қишлоқда яшарди...

* * *

Бу дунёда ҳамма ҳам омади чопган иш билармон ёки яхши яшашни қотириб қўядиган уддабурон бўлавермайди-ку. Одатда осмондаги ойни

орзу қилмасдан, борига қаноат қилибгина кун кўришни маъкул кўрадиган одамлар атрофимизда кўпроқ учрайди: ҳаёт қонуни бу.

Ибодулла ҳам шундайлар тоифасидан шекишли. Ҳар қалай, ўттиз беш ийллик умрини камтарин-камсуқумгина ўтказди, бойиб кетайин, қўлимда пул ўйнасин деб ўзини ўтга-чўққа урмади; илло, бунақа ишларни эплол-маслигини ўзи ҳам яхши биларди.

Мана, қишлоқ адоғида турадиган Ғанибой. Ўн ийлча бурун институт-нинг филология факультетини тутатган. Аммо ўзининг соҳаси бўйича бир кун ҳам ишламади. Дипломини сандиққа ташлаб кўйганча, тадбиркорлик билан шуғулланди. Аввал фермер бўлди, кейин қўшимчасига биофабрика ташкил қилди. Бунгаям қаноат ҳосил қилмай, қишлоқнинг ўзида иккита тегирмон курди, иккита дўкон ишга туширди, даласига Россиянинг иккита тракторини сотиб олди. Аммо шу даражага эришгунга қадар, билганларнинг таъбири билан айтганда, “эшшакдай ишлади”: на ўзи дам олди, на ишчиларни тинч кўйди...

Институтда олган билими унчалик ёдидан чиқмаган шекишли, Ғани бальзан негадир ўзидан кўмак ёки қарз сўраб келганларга қараб туриб истеҳзоли оҳангда машҳур мисрани сал ўзгартирилган шаклда ўқиб қоларди:

— Мен ғанийман, сизда бисёр эҳтиёж...

Албатта, илтимосчини “ғаний” сўзининг аслида “бой, бадавлат” маъно-да келиши ҳам, ғазал муаллифи ҳам қизиқтирамайди. Унинг учун ўтинчи бажарилиб қолса бас.

Мана шу Ғанийманнинг иккита лақаби бор эди. Иккинчиси “янги ўзбек”. Бу-ку, тушунарли, ҳар қалай, “Ўзбековул”дан чиққан баобрў тадбиркор, сармоядор. Аммо биринчи лақаби ғалати ва анчайин узун ҳам: “Дикқат! Тошкентдан кўрсатамиз!..” Ҳа, ҳа, худди шундай. Бунинг қисқача тарихи эса бундок: Институтда ўқиб юрган ийлари таътилга келган Ғанининг бўлғуси тилшунос эканлигидан, бунинг устига шифир-пифир ёғиб юришидан хабар топган раис уни атай чақиририб, қишлоқнинг ёзги саройида хўжалик аъзоларининг умумий йиғилиши бошланиши ҳақидаги хабарни сахна ортидан овоз кучайтиргичда эълон қилишни сўрайди. Матн ҳам соддагина бўлади: “Дикқат! “Ўзбековул”дан гапирамиз...” Аммо нимагадир ҳаяжонланиб кетган Ғани ўзини диктор Ўқтам Жобиров ҳис қиладими, ишқилиб кўтаринки оҳангда, тилини ғалати бураганча ўта тантанавор тарзда: “Дикқат! Тошкентдан кўрсатамиз!..” деб юборади.

Жон-пони чиқиб кетган раис оғзидағи носини туфлайсола чопиб парда ортига ўтади ва “Хозир ўзинингта кўрсатиб кўяман!” деганча шўрлик дикторни кувиб солади...

Қизиқ томони шунда эдики, “янги ўзбек”нинг сармояси ортган сайин шунга тескари мутаносиб равишда биринчи лақаб ўз-ўзидан эл-улуснинг ёдидан кўтарилиб кетмоқда эди: ҳар нечук, ноқулай энди, шундай одам-а; бир замонлар овулдошларига ҳадди сифиб ҳазиллашган бўлса ҳазиллашгандир, нима, энди шугина эркалигини қирқ йил достон қилиб юриш шартми... уят бўлади-я...

Кишлоқда гап ётармиди. Айниқса қўпчилик назаридаги одамнинг туриш-турмуши синчков нигоҳлар остида кечиши тайин. Хуллас, шундай нигоҳлар эгалари тарқатган айрим миш-мишларга қараганда, кейинги пайтлари Ғанибой анча ўзгариб қолган. Хусусан, кўйиб беришса кунтуннинг йигирма тўрт соатини оёқда, ишда ўтказадиган “янги ўзбек” кутилмаганда мутолаага зўр беришга ўтганмис-у, энди сал фурсат топса бас, ётиб олиб бир нималарни ўқигани-ўқиган эмиш. Бир хил пайтлари қордай опшоқ “Ласетти”сини ичидан кулфлаб олиб, китобдан бош кўтармай ўтираверармиш.. Бироқ бу ҳали ҳаммаси эмас. Ғанибой хонасига қамалиб олганча, далага борсаям қўлтиғидан қўймайдиган “ноутбук” компютерида эринмай кино кўрармиш. Аммо бу ҳам ҳали ҳаммаси эмас. Ғанибой... тунлари, ҳаммадан яшириниб олиб бир нималар ёзаётган эмиш... Сармо-

ядор одамнинг ҳар бир хатти-харакатидан недир эзгуликлар қидирадиган ва уларни топишга ҳам уста ахли овул дархол воқеликнинг моҳиятини очиб берадиган ташхисини ўзлон қилдиким, ёзаверсин, ёзгани яхши-да. Мана кўрасизлар, тез орада мазкур “ижод намуналари” – бу иборани ўзбековулликлар эҳтиром билан тилга олишарди – алоҳида китоб ҳолида чоп этилади, ададиям бирон ўн беш минг, йўқ-йўқ, овулдаги чақалоқлару қарияларниям хисобга олган ҳолда ўттиз мингни ташкил этади. Бу ҳали бошланиши. Ажабмас, кейинги китоб овулимизда яшаб ўтган ва хозирда яшаётган машхур зотлар ҳамда оддий одамлар ҳақида бўлса... “Қазисан-картасан, ўз қасбингга тортасан, – деди овулда синчилигию мақолларни ўзи айтмоқчи бўлган фикрга мослаб ислоҳ этиши билан ном чиқарган Марди бобо. – Фанибойдиям ҳўкимат бежиз тўрт йил ёзув-чиズувга ўқитмаган-да...”

Каттагина овулнинг у бошида ўтказилган тўй-маъракага баъзан бу бошидаги одам боролмасдан ҳам қолади. Камсукумроқ Ибодулланинг Фанибой билан ош-қатиқлиги йўқ эди, бунинг устига “янги ўзбек”нинг жўрамга ўҳшаганлар қўшилмайдиган давраси бошка, улфату ошна-оғайниси бошка. Марди бобо топиб айтганидай, тезак қопи билан, кетмон сопи билан, ҳамён эса ўзига бопи билан.

Шунгами, саратон тафти қайтган сунбула тонгларидан бирида шахсан Фанибойнинг ўзи далага кириб келганида Ибодулла аввалига уни танимай қолди. Хўп, ана, уни кўрмаганига нари борса етти-саккиз ой бўлгандир. Одам ҳам шунчалик тез ўзгарадими? Қани у аввалги кибр аралаш манманлик, кўзга яққол ташланиб турадиган даражадаги бирорларни менсимаслик, ҳамсуҳбатига тепадан қарашлар, қўлларини кўкрагига намойишко-рона чалиштириб туришлар, қаддини фоз тутиб юришлар... Ибодулланинг каршисида озиб-тўзиб, қорайиб кетган, ёнок сүяклари туртиб чиқкан, кенг пешонасини чуқур ажинлар тилиб ўтган, кўзлари ич-ичига ботган... хорғин банда турарди. Ҳа, бутун вужудида, пир-пир учайтган лабларида, билинар-билинмас титраётган бармоқларида бениҳоя ҳорғинлик “манаман” дея кўзга ташланиб турган шу банда биринчи бўлиб салом берди ва ўзи овулда эришиб улгурган мақомига мутлақо ярашмаган титроқ овозда, ахволига янада мос тушмаган тарзда чўғдай ёнаётган кўзларини олиб кочган кўйи... шаҳарга бирга бориб келишни таклиф қилди.

Бундай кутилмаган ташрифдан довдираб қолган Ибодулла – ахир, овулнинг ўзида “янги ўзбек” “юр” деган заҳоти чопқиллаб чиқадиган неча-нечча талабгор топилиши аниқ! – ўзининг одатдаги аниқлаштируви саволларини ҳам айттолмади. Ганининг ўзи изоҳ берди:

– Икки машина буғдой обкетаётгандим. Сотишга.

Бундай тижорат сафари таклифи сал ўзига келиб олган Ибодулланинг кўнглига ўтиришмади.

– Мен бир оддий сувчи бўлсам, Ғани ақа, – деди у шаҳарликларга таассубан ўзидан кичик одамга ҳам “ака”лаб мурожаат этиб. – Савдо-сотикини тушунмасам...

– Менам килолаб сотиб ўтирмайман. Оптом бераман-қўяман... – ердан бош кўтармай садо берди Фанибой. – Менга шаҳарни биладиган одам керақ, Бир-икки борар жойларим бор...

– Ўйлаб қўрай, – аниқ жавобдан ўзини олиб қочди Ибодулла.

– Илтимос, ақа... Сизга ишониб келдим...

Ёпираи! Бу “янги ўзбек”ка бир бало бўлгани чин шекилли. “Илтимос” дедими? Дўпписи ерга тушиб кетса, пул бериб олдирадиган одам-а?..

“Синган!..” деган ўйдан юраги шувиллаб кетган Ибодулла вақтдан ютишга харакат қилди:

– Ўзи қачон бориши керак?

– Ҳозир. Ана, машиналар ҳам кеп қолишиди...

Дарҳақиқат, йўл бошида иккита “КамАЗ” машинаси кўринди.

– Бу... бу... – баттар довдираб қолди Ибодулла. – Тайёрланмасдан... шундайига...

– Шаҳарда таксида юрамиз... Орқагаям... Илтимос...

Кимсан, Ганибойнинг ўзи қаршингда кўл қовуштириб турипти-я, Ибодулла! Шундай одамга йўқ деб бўладими?..

– Ундай бўлса... кетдик...

Шундай қилиб, Ганибой деганлари олдинга ўтиб йўл бошлади, жўрам унга эргашди.

Хаётиди илк бор шаҳарга ҳеч бир тайёргарликсиз бораётгани учунми, Ибодулланинг қўнгли ғаш эди...

* * *

Хайдовчи Ганибойнинг қайниси Азиз экан. Машина катта йўлга чиққандан у қулоғига бир нима тақиб олдию, йўлдан кўз узмаган кўйи, ора-сира елкаларини учирив қўйганча миқ этмасдан кетаверди.

Ухшатмагунча учратмас. Ноутбукини очган Ганибой ҳам қулоғига наушник тақаётганини кўрган Ибодулланинг энсаси қотди: илло, у одатда сафарга чиққанида ҳамроҳлари билан чақчақлашиб, гангир-гунгир хангома қилиб кетарди; шунда йўлнинг узоқлигиям билинмай кетади. Булар бўлса...

“Йўқ, бу синмаган, – ўзича мулоҳаза юрита бошлади Ибодулла. – Шундай бўлганида аллақачон ярим қишлоқ бундан хабар топиб улгуради. Лекин буни бир бало қилиб алдаб-сулдаб, катта пулга ухлатиб кетишган. Шунинг аламига куйиб кетган...”

Ҳамроҳининг ўзига тикилиб қолганини сездими, клавиатура тугмачаларини ошиқиб босаётган Ганибой бош кўтариб, нимадир деди.

– А? Узр... эшитмай қолдим...

“Янги ўзбек” ноутбуки экранига ишора қилди:

– “Қора оққуш”. Кўрганмисиз?

Ха, бу бандага нимадир бўлгани аниқ эди. Ўзи оққушмиш-у, яна қорамиш... Тўғри, Ибодулла унга ўхшаб тўрт йил институт тупроғини яламаган, аммо табиатда бунақаси учрамаслигини билади. Шундай бўлсада, ҳар эҳтимолга қарши, жим турмаслик учуноқ, азбаройи лутф юзасидан сўраган бўлди:

– Қайси күш?

Ганибой бажонидил изоҳ берди:

– Натали Портман ўйнаган. Кейин ўзининг балетмейстерига эрга теккан актриса бор-ку.

Ибодулла “пиқ” этиб кулиб юборишдан ўзини аранг тийди, зеро у айни сонияда телевизорда кўп қўйиладиган бир кинодаги гуржими-арманни одамнинг гапларини эслаб, ўзича ҳозирги вазиятга мослаганди ҳам: “Менга қара, Валико, ким у Натали деганлари, бу ерда нима қилиб юрибди у, пишириб қўйибдими унга...”

Бир амаллаб лаб-лунжини йиғишириб олган Ибодулла жиддий тарзда бош иргаб қўйишини уddeлади, гўёки айтди: “Ким бўлибди у Портман-мортманларингиз... Керак бўлса ундан катталариниям биламиз, ака!”

Бу унсиз эътирофни илғаб, баногоҳ юзи ёришиб кетган, лаблари пир-пир учиш асносида қўллари сезиларли даражада титрай бошлаган Ганижон (“Худо ҳаққи, унинг иссиғи бор! – деган тўхтамга келди Ибодулла ҳамроҳининг чўғдай ёнаётган кўзларидан нигоҳини олиб қочиб, тер тепчиган пешонасига зимдан разм соларкан. – Камида ўттиз тўққиз, балки қирққаям яқинлаб қолгандир...”) компььютерини ўртага қўйди-да, буюк ҳаяжон билан экранга ишора қилди. Ибодулла шу томонга қаради. Унда ярим-яланғоч аёллару тор иштон кийган эркаклар уёқдан-буёққа чопиб юришарди. Ганибой сал энгасиб, наушнингининг бир томонини ҳамроҳининг қулоғига қўйган эди, Ибодуллага энди мусика ҳам эшитила бошлади.

Юзи ҳамроҳинининг юзига яқинлашиб қолган Ғанибой ҳеч бир муқаддимасиз, гўё тасодифан узилиб қолган сухбатини келган жойидан давом эттираётгандай:

– Кўряпсизми?! Кўряпсизми?! – деди туйқус босиб келган ҳиссиётлар гирдобида вужуди дир-дир титраганча. – Кўлда оқкушлар яна қизларга айланишиди. Мана малика. Мана... Шўрлик қиз шаҳзодага ҳаммасини айтиб беряпти. Ёвуз сеҳргар уни оқкушга айлантириб кўйган. Факат тундагина у яна маликага айланади. Жодудан бутунлай ҳалос бўлиш учун қизни кимдир чин кўнгилдан севиб қолиши керак... Худди ўзимизнинг афсоналарга ўхшайди-я... Тўғрими, тўғрими!

Бу савол эмас эди, маълум ва аён ҳақиқатни тасдиқлатиб олиш эди, холос. Шу боис ўзига титраб-қақшаб қараб турган ҳамроҳига бош иргаб кўйган Ибодулла яна бир бор азбаройи оғзига талқон солиб ўтираслик учуноқ сўради:

– Ишқилиб охирида... кутуладими қиз?

– Йўқ-да! – чинқириб юборди Ғанибой. – Ёвуз сеҳргар маликанинг ўрнига ўзининг қизини шаҳзодага малика деб кўрсатади. Шаҳзода алданади... Буни эшигтан Одетта ҳалок бўлади, кейин Зигфрид ҳам...

– Ким-ким?

– Қиз билан йигит...

– Ҳа, оғир экан... – деб кўйди Ибодулла.

– Тўппа-тўғри! Тўппа-тўғри! Буни кўриш оғир. Лекин кўрмасликнинг иложи йўқ... ҳеч иложи йўқ...

Ўзининг оддийгина луқмаси бундай чуқур мулоҳазаларга олиб келишини кутмаган Ибодулла ортиқча ақлли гап қилиб ўтирасдан, оддийроқ таклифга кўча қолди:

– Бошқаси йўқми? Енгилроғи...

– Бор, бор... – “Янги ўзбек” шошиб клавиатура тугмачаларини боса бошлиди. – Мана, “Жизель”. Лекин бунинг охиридаям алданган қиз ўлади-да... Каранг, ўзингиз қаранг.

Бу балет томошаси эди.

Тўғриси, Ибодулла бошида ҳеч нимани тушунмади. Йигит-қизлар ўёқдан-буёққа ўтиб сакрашадими-ей, оёқ учларида юришадими-ей... Ўзи жуда яхши биладиган нарсалар ҳақида тушунтириш беришга уринаётган Ғанибойнинг изоҳлари эса аксар ҳолда жуда қисқа, бунинг устига нотаниш исмларга мўл эди:

– Манави Жизель. Дехқоннинг қизи... Отаси йўқ, онаси бор. Онасининг оти Берта... Бу шаҳзода Альбер. Кўряпсизми, у дехқонга ўхшаб кийиниб оляпти. Буни ўрмончи йигит Ганс кузатиб турибди... Қизлар узум теришяпти... Мана, Альбер Жизелни кўриб қолди. Бир кўришда муҳаббат!.. Каранг, юраги касал бўлсаям қиз қандай ўйнайпти... Учаяпти!.. Ганс рашқ қиласяпти...

..Нихоят Жизель ҳалок бўлди!

Ибодулла шу билан томоша тугади деб ўйлаганди. Аммо қўзлари жиққа ёш Ғанибой мўъжиза кутаётган ўсмир каби энтикиб, ҳамон экрандан кўз узмасдан турарди.

Балетнинг давоми бор экан: қизнинг арвоҳи қабрдан чиқиб келди-да, аввалига аста-секин, кейин эса шиддат билан ракс туша кетди... Альбер деганлари чирпирак бўлиб унга қўшилиб кетди-ку...

* * *

– Етиб келдик, почча!.. Почча деяпман!

Жеркиброк айтилган бу гапдан сўнг иккала балет томошабини бошларини кўтаришиди. Дарҳақиқат, машина бозор дарвозаси ёнида турарди. Айб иш устида қўлга тушиб қолгандай хижолат тортаётган Ғанибой шошиб компьютерни ўчира бошлади.

Машинани ўраб олган йигирма-ўттиз чоғли эркак-аёл зўр бериб бир-бирларини итариб-туртган кўйи вағир-вуғир кўтарганча кабина томон интилишарди.

– Даллоллар, – деб кўйди Гани.

– Олибсотар каналар! – нафрат билан тишларини ғижирлатди Азиз.

Орқадан етиб келган иккинчи машина сигнал берди.

Учовлон пастга тушиши. Ибодула даллолу-олибсотарлар тўдасини ёриб ўтиб, чеккароқка бориб тураркан, ўзича бу Гани бежиз “янги ўзбек” эмас, савдо соҳасида катта истеъоди бор-у, ҳозир шуни намойиш этади деб тахмин қилганди. Бироқ даллолларнинг қўлни омбурдай қисиб олишию, елкани узиб олгудай силташларига чидайдиган одам асли Азиз экан. У пинак бузмай, ўзининг нархини айтиб тураверди...

Ахийри ўзаро келишув юз берди чоғи, машинани ичкарига олиб кириб кетишиди.

Орадан ярим соатлар чамаси вақт ўтди ва терлаб-пишиб кетган, ярим қоп пулни кўлтиғига қисган “янги ўзбек” бошчилигидаги икки машина дарвоздан қайтиб чиқди.

Гани Ибодулланинг олдига борди, яна нимадир илтимос қилмоқчидай жовдираф қаради, аммо оғиз очишига улгуролмади: қайниси ҳаллослаб келиб қолди.

– Қайтамизми?

Гани қопни Азизга узатди:

– Буни опангга бериб қўярсан.

Хайдовчи поччасига ажабланиб қаради:

– Сиз қайтмайсизми?

– Жон деб қайтардим тайёр машинада. – Гани минг истиҳола ила хафсаласиз тарзда турган Ибодуллага ишора қилди: – Аканинг бир-иккита иши бор экан. Шунга карашиб юборинг деганди.

– Ростданми? – аллақандай шубҳаланиб сўради ҳайдовчи гўё у еб, ўзи куруқ қолгандай Ибодула тарафга ўқрайиб қараб қўяркан. – Иши бўлса ўзи қиласвермайдими?

– Энди, ука, олди-бердилик иш экан. Сал қаттиқроқ турадиган одам бўлмаса бу кишини гел қилиб кетишлиари ҳеч гап эмас... Бир овулнинг одами бўлсак. Одамнинг иши одамга тушади-да...

– Унда... қачон қайтасизлар? – савол беришини кўймасди ўжар қайнин. – Опам сизни мен билан бирга қайтади деганди.

– Мен жон-жон деб қайтган бўлардим, деб айтдим-ку, – гўё ноилож қолган одамдай қўлларини икки ёнга ёйди Гани. – Лекин ёрдам бераман деб лафз қилиб кўйдим... Ишимиз битганда таксида бўлсаям қайтамиз...

Ўжар қайнин иккиланиб турди-турди, охири бир қарорга келди шекилли, кўлини силтаганча, ҳаттоқи хайрлашмасдан ҳам машинаси томон юрди.

Тезда иккала машина ҳам жўнаб кетди. Ана шундан кейингина елкасидан тоғ ағдарилгандай енгил нафас олган Ганибой ўзига ҳайрон бўлиб қараб турган Ибодуллага қараб қандайдир аянчли тарзда кўз қисиб кўйишга, лаблари титраб илжайишга уринаркан:

– Қаранг, – деди иддао ила. – Буларнинг бари ўзича хўжайин...

Гап кимлар ҳақида кетаётганини тусмол қилган бўлса-да, Ибодула индамай қўяқолди. Зеро Ганибойнинг тухматига қолганидан унинг дили озор чеккан эди.

Буни сезди шекилли, “янги ўзбек” кўзларини олиб қочган кўйи бир оғиз:

– Узр... – деди.

Эркак кишига узр сўраш осон эмас. Айниқса Ганибойдай от устида юрган одамга. “Шундай одамки шундай йўл тутяптими, демак бунга арзирли бирон сабаб бўлса керак. Қани, бу ёгини кутайлик-чи, – деган қарорга келди Ибодулла. – Ўлмаган қул ҳаммасини кўраверади...”

– Юринг.

Гап оҳангидан шиддан кўра ҳадик-хавотир, ишончдан кўра илинж кўпроқдай туюлаётган Фанибой тутқунликдан озод бўлган күш каби кўкрагини тўлдириб нафас олди-да, катта-катта қадам ташлаганча йўл бошлиди, Ибодулла унга эргашди.

* * *

Афтидан, бу ерларни Фанибойнинг ўзи жуда яхши билади шекилли, Ибодуллани ҳеч иккиланмасдан... ҳаммомга бошлади.

— Ҳали ювинадиган иш қилмадингиз шекилли, — пичинг қилди Ибодулла шеригининг “шундай кирамиз-у, чиқамиз” деган таклифига жавобан. — Колаверса, ўрай агар, шу ҳавода иссиқ буғда ўтиришимни ўйласам, ҳалитдан нафасим қайтиб кетяпти.

“Шаҳарлик”нинг аҳволини тушундими, Фани кўп тикилинч қилиб ўтирмасдан, ҳаммомга кирди-кетди ва орадан чорак соатлар ўтгандан сўнг арчиған бодрингдай силлиқкина бўлиб чиқиб келди: сартарошга соч-соқолини киртишлатишга ҳам улгурнибди! Энг ажабланарлиси, Фанибой бўйинбоғ тақиб олганники, буни кўриб Ибодулла бира тўла тилдан қолди.

Ўзи бугун “шаҳарлик” кўп ажабланишларга дучор бўладиган кун чоғи, Фанибой ўйлга чиқасола дуч келган машинани тўхтатди ва ҳайдовчидан сўраб ҳам ўтирмасдан олд ўриндиққа жойлашиб оларкан, бир оғиз:

— Театрга! — деди.

— Қайси бирига, ака? Шаҳарда театр кўп бўлса.

Фани бу саволни берган ҳайдовчига “Шуниям билмайсанми?” дегандай ажабланиб қаради-да, сўнг, Ибодуллани багтар ҳайратларга солган кўйи:

— Опера-балетга, — дея манзилга аниқлик кириди.

— Ўн беш минг.

— Ҳайда.

Ибодулла эътироуз билдиришга уринди, туллак ҳайдовчи билан савдолашмоқчи бўлди, илло у турган ерларидан “опера-балет”га кўпи билан тўрт минг сўмга бориши мумкинлигини яхши биларди. Аммо то “шаҳарлик” оғзини очиб улгургунга қадар Фани эшикни қарсиллатиб ёпди ва машина тез ўрнидан кўзгалди.

Атрофга намозшом қоронгулиги босиб келмоқда эди.

Ибодулла театр ёнидаги бирон емакхонага, дейлик, “уголок”ка ё “Зарафшон”га борармиз, “опера-балет” шунчаки мўлжал бўлса керак, деб тахмин қилганди. Аммо ўзини театр ёнидаги ўриндиққа ўтқазиб қўйган Фанибой чопиб бориб кассадан иккита чипта, ўйлнинг қарама-қарши тарафидағи гул дўконидан эса чиройли ва каттакон гулдаста олиб келганини кўргач, бутунлай калавасининг учини йўқотиб, довдираб қолди. Илло, шунча йиллардан бери шаҳарга қатнайди, қанчадан-қанча ҳамқишлоқларига Тошкентни томоша қилдирди, аммо ҳалигача бирон мардум “Мени опера-балетга олиб бор”, демаган. Сўраганлари бозор, зоопарк, цирк, ха, ана, жуда борса Миллий театр. Шундаям бирон “кулдирадиган томоша” бўлса...

Бу ерда эса...

Афтидан, дунёда “таом, егулик” деган нарсалар борлигини тамомила унутган, балки шунгами, — ха, ха, булар мадорсизлик аломати, бошқача бўлиши мумкин эмас! — ранги сезиларли даражада оқариб, калта-калта нафас олаётган, нечукдир лаблари яна пир-пир уча бошлаган, гулдастани қалқон янглиғ махкам бағрига босган “янги ўзбек” Ибодуллани театрга бошлади.

“Оқкуш кўли” деган балет намойиш этиляпти экан.

Томошабин сийрак залга кириб, жойларига ўтиришди.

Оч, чарчаган “Шаҳарлик”нинг бир тили қичиди, бир тили қичиди; “Ҳали эрта эмасми, ака, кунингиз энди — латифаларда милён марта айтилганидай — ярим яланноч қизларни кўриб илҳомланишга қолдими?” дея гап билан шеригини ўйиб олмоқчи бўлди, бироқ... Бироқ Фанибой гап эшитадиган,

эҳтимол, айтилган гапни тушунадиган ахволда эмасди: у суратдай қотиб, саҳнага тикилиб қолганди, байни заррин нақшли, қизғиши ҳошияли пардадаги кўринмас томошада кимнингдир, балки ўзининг ҳаёт-мамот масаласи ҳал бўлаётгандай...

Залга викорли, капалакнусха бўйинбоғ таққан эркаклар, анвойи либослару дур-жавоҳирлар шодаси сиймин танларининг очик ўринларини янада кўз-кўзлаётган кибрли аёлар кириб келишди. Зериккан Ибодулла уларни томоша қилиб ўтириди.

Ахийри зал чироклари ўчди, парда очилиб, саҳна ёришди ва ҳақиқий томоша бошланди.

Тантанали мусиқадан кейин саҳнага беш-олтита йигит-қиз чопиб чиқиб келиб, оёқларининг учларида туриб ўйнай бошлашди.

Кўз кири билан томошабинларни кузатиб ўтирган Ибодулланинг назарида Фани нимадир деб шивирлагандай бўлди.

— А? — деди у сал энгашиб, қулоғини “янги ўзбек”нинг оғзига яқин олиб бораракан.

— Адажио... — тишлари орасидан аранг шивирлади саҳнага қараб қотиб қолган, ҳатто киприк қоқмаётган Фанибой. — Энди... энди “па-де-де”...

Томошабинлар жонланиб қолишиди, уч-тўртгаси ўз хайратини изҳор этгандай қарсак ҳам чалиб юборди. Ибодулла саҳнага қаради: оқ либосли қиз бир оёғининг учида тик турганча зўр бериб жойида чир айланарди.

— Фуэте... — яна пичирлади Фанижон.

Шериги балет атамаларини тилга олаётганини тушунган Ибодулла “дод” деб юборищдан ўзини аранг тияркан, энсаси қотганини яшириб ҳам ўтирасдан пичинг қилди:

— Нима қилай шунга, суюнчи берайми?..

Лекин Фани ҳамон одамни эшитадиган ахволда эмасди...

Асабийлашган Ибодулла ўзини ўзи чалғитиши ҳаракатига тушди ва, ажабки, бирдан топиб, илжайиб ҳам кўйди. Кўпинча, ёши каттароқ қишлоқ аёллари бирон ноҳушроқ гап-сўз, гийбат топиб келган бола-бакра ёки ўзлари унчалик ёқтиримайдиган хотин-халажга “Нима, суюнчисига иштонимни ечиб берайнми?” деб заҳарханда қилишади ва ҳаттоки ростдан ҳам шундай қилишмоқчидай лозимларига қўл теккизиб қўйишади. Энди, тасаввур этайликки, саҳнада ўйнаётган раққосалар ҳам шунақа деб қолишиди. Лекин ечиб берай деса ёки қўл теккизиб кўрсатдай деса уларнинг иштонлари йўқ-ку. Шунда улар нима қилишади?.. Ҳа-ҳа-ҳа...

Саҳнага еттитами-саккизта оқкуш чиқиб келди ва бир-бирларининг кўпларини чалиштириб ушлаганларича саф тортишиб қандайдир қўл (гўёки, чунки унинг чизилганлиги кўриниб турарди) бўйида рақс туша бошлашди.

Ана шунда... ана шунда Ибодулланинг назарида ер кимирлаётгандай бўлди ва у ваҳима аралаш ажабланиб ёнига қааркан, кўзлари ўт бўлиб ёнаётган Фанийонинг тишлари такиллаб, бутун вужуди қалт-қалт титраётганини кўрди... Яна бир сониядан сўнг “янги ўзбек”нинг қулаги тушиши аён эди.

Буни сезишдан аввал ҳис қилган, ваҳимага тушиб қолган Ибодулла шеригининг бикинига аста туртди:

— Мазангиз бўлмаяптими, ака?

Саҳнадан кўз узолмаётган Фани бикинига теккан қўлни беихтиёр маҳкам чанглаб олди ва омбурдай қаттиқ қисди. Кафт суяклари синиб кетгудай бўлган Ибодулла додлаб юбормаслик учун тишини тишига босаркан, барibir:

— Им! — дейишдан ўзини тийиб туролмади.

Олдинги қаторда ўтирган аёл ўгирилиб, бармоғини лабига босган кўйи пичирлади:

— Тш-ш!..

Орқа қатордан ҳам шивирлаб дакки беришди:

— Молодые люди!.. Не шалитесь!.. Это театр!

Туйқус сесканиб кетган Ғани саҳнадан нигоҳини олди ва қаерда ўтирганини эслолмаётгандай ён-атрофга, Ибодуллага эсанкираб қаради, унинг кўлини чангалидан кўйиб юборди.

— Чиқиб... сув-пув ичиб келайлик, ака.

Ғани кескин бош чайқади, шу билан наинки ўзи қишлоқдан бошлиб келган “шаҳарлик”ни, балки бутун дунёни унугтган одамдай саҳнага қадалиб, “қилт” этмай тикилиб ўтираверди. Бамисоли ҳайкал...

Алоҳа спектакл тутади. Томошибинлар ўринларидан туриб қарсак чалишиди. Таъзимга чиққан балетчиларга гулдасталар тақдим этишди. Ибодуллани ҳайрон қолдиргани шу бўлдикки, Ғанибой шундок чиройли – шубҳасиз, жуда қиммат – гулдастасини бирорвга топширмади, бориб саҳна четига кўйиб келди.

Ташқарига чиқишиди. Ғани яна шошиб такси тўхтатди, бу сафар манзилни ҳайдовчининг кулоғига шивирлаб айтди. Унинг болаларча бу қилиғи Ибодулланинг ҳам кулгисини қистатди, ҳам жаҳлини чиқарди. Ибодулла деганлари шаҳарни билмас экан!

Такси Ибодуллага таниш мавzedаги бир маҳалла охирроғида тўхтади, “янги ўзбек” билан келишувга кўра таксичи уларни кутиб турадиган бўлди.

Сезиларли даражада ҳаяжонланаётган, бармоқлари титрай бошлаган Ғанибой ҳовлилардан бирининг эшигини ўз қалити билан очди.

— Вақтимиз зиқрок, шунинг учун фақат зални кўрсак етади. Мехмонхона билан ётоқхона кейинги сафарга.

Ибодулла “янги ўзбек”нинг бу гапидан ҳеч нарсани тушунмаган бўлса-да, ҳар эҳтимолга қарши бош иргаб кўйди.

Үйда катта курилиш кетаётгандиги ҳовлида сочилиб ётган материаллар бўлакларидан, турли чиқиндилар уюмлари, ҳавоза ва эски чўтка-пакирлардан ҳам билиниб турарди.

Ғанибой ишонч билан йўл бошлади. Улар бўёқ ва оҳак иси анқиб турган йўлак орқали кенг-мўл, айтиш мумкинки ҳаддан ташқари кенг-мўл хонага ўтишди. Ғанибой “чик” этказиб девордаги тугмачани босди. Шифтдаги денгиз манзараси ўртасига осилган улкан, заррин шокиляли қандил порпираб ёнди... Энди буни хона ҳам деб бўлмасди. Дейлик, мўъжазроқ спорт зали. Фақат уч тараф девор ҳам яхлит кўзгу билан қопланган. Тўртинчи тарафда одам бўйи расмлар қатор осилган.

— Йигирмага ўн, — ғурур билан гапириб қолди Ғанижон. Сўнг деворда осилган расмларга ишора қилиб, бир-бир таништириб чиқа бошлади: — Бу Мари Рамберг. Буниси Анна Павлова, киносини кўрган бўлсангиз керак. Икки серияли. Бу Ольга Преображенская. Буниси Матильда Кшесинская, у хақда энди кино олинайти. Бу Агриппина Вагонова. Галина Уланова билан Майя Плисецкаяни таниган чиқарсиз. Буниси Ульяна Лопаткина... Светлана Захарова... Мария Аллаш... Сильва Софиан... Диана Вишнёва... Екатерина Васильевани билмаган одам йўқ... Буниси ўзимизнинг Бернора Қориева... Бунақа юлдузлар қараб турган залда машқ қилишнинг ўзи бўладими, ака!

Ибодулла деворда балет юлдузларининг суратлари турганлигини, бу эса машқ зали эканлигини тушунди. Аммо ким учун, нима учун? Тўғри, у нималарни дир сал-пал фахмлагандай эди, бирор аниқ бир тўхтамга келишга қийналаётганди. Ҳар қалай, Ғанийонинг театрда титраб-қақшаб ўтиришининг ўзи ёк у-бу нарсалардан шоҳидлик бераётгандай...

— Сиз, — ҳаяжонланиб гапида давом этди “янги ўзбек”, — бу уйни кўрган ягона одамсиз! Керак бўлиб қолса, тасвирлаб берасиз. Чунки мен гапиролмай қоламан... соқовга ўхшаб қоламан... Мен бу уйни... таг-туғи билан бераман. Иккаламиздан бошқа ҳеч ким билмайди. Шундайига. Олсин. Кейин хоҳласа яшасин, хоҳламаса ёқиб юборсин ё бирорвга совға қилиб юборсин! Бу унинг иши...

Жўмбоқ гаплардан тоқати тоқ бўлган Ибодулла кўрсроқ оҳангда сўради:

— Кимнинг ахир?

Ғанибой худди ўзи ҳаммага маълум ой ёинки куёш ҳақида гапирайти-ю,

бу ғалча негадир тушунмаётгандай, ҳамқишлоғига ажабланиб-меровсираб қаради. Сўнг бир оғиз:

— Кетдик, — деди.

Ибодулла тўнғиллаб қўйди:

— Умримиз йўлда ўтаркан-да...

* * *

Бу сафар такси уларни кўп қаватли уй ёнига ташлаб кетди.

Тез орада тутқаноғи тутадигандай дир-дир титраётган, оғир-оғир нафас олаётган Ғанижон дамо-дам уйга қараб қўйиб, уёқдан-буёққа бориб келаркан, ўзини чалғитиш, асабларини жиловлаб олиш учунми, тинмай гапиравди:

— ...Мен бир нарсани аниқ биламан, жўра. Бир марта кўришдаёқ юрак-бағинг ўртаниб севиб қолсанг — мана шу ҳақиқий муҳаббат, қолган ҳаммаси бекор. Дунёда олти миллиард одам яшайди. Леқин юлдузинг юлдузингта тўғри келадигани биттагина. Биттагина, холос. Ўшани топсанг — баҳтинг, топмасанг ўзингниям, ўзгаларниям алдаб, кун кўриб ўтиб кетаверасан бу ҳаётдан... Бир йилча бурун мен уни учратиб қолдим. Кўрдиму қотдим... Ўзиям аёлмисан аёл-да! Кийинишлари, юришлари, кулишлари... Тишлари майда, бир текис, худди гуручдай... Бадан, юз оппоқдан-оппоқ... кордай десаммикин, мармардайми... Қош ингичка қилиб терилган, киприклар узун-узун... Нозик, қаттикроқ ушласанг узилиб тушадигандай бармоқлар... Анови... ким эди-я... ха, Отойи айтган-ку, “Ғояти нозуклигиндин сув била ютса бўлур” деб... Худди ўшанақа аёл... Бир қултум сув билан “лик” этиб ютиб юборсанг... Факат қоп-қора кўзлари маъюс, жуда маъюс... Бир кўришдаёқ у мен учун, факат мен учун яратилганини тушундим... У ҳам ҳаммасини сезди... Индамасдан келиб қўлтиқлаб олди. Биз шаҳарни узок қездик. Тасаввур қиласизми, бир оғиз гаплашмасдан қездик. Бир оғиз гаплашмасдан-а... Йўқ... — ногаҳоний хотиралар қучоғида қолган Ғанибой ширин лаззатдан инграб юборди, — йўқ, у юрмасди, сузарди... Унинг қадам ташлаши олдида бизнинг хотинларнинг лўкиллаб юрадиган туюдан фарқи қолмайди... Кейин шу ерга келдик... Унинг уйига... Мана шу бир хонали каталакка... Кордай оппоқ баданидан... баданидан шундай бир нозик ис, нозик ифор келардики, бир нафас олсангиз бас, бошингиз айланиб кетади... Бундай аёл эрқак кишига ҳаётида бир марта учрайди, бир марта. Бошқа дуч келмайди... Шу аёл... шу аёл... бошини кўкрагимга қўйиб хўнграб йиғлади, нозик билаклари билан мени кучиб йиғлади... Ёлғизлигини, оқшом театрдан қайтганида зимистон уй кўзига лаҳаддай кўринишини, чироқларни ҳам ёқмасдан муздайин пешонасини кўзгуга тираб узок-узок йиғлашларини гапириб берди... Мен ҳам қўшилиб йиғладим... Эрқак бошим билан кўз ёшларимдан уялмай йиғладим... Кўз ёши юракни дарддан фориғ қилишини ана шунда билдим, aka... Шунча йил яшаб, ҳақиқий севги қанақа бўлишини ана шунда билдим, aka... Кўнгиллар қовушиши таналар қовушишидан афзалроқ эканлигига ана шунда имон келтирдим, aka... Бундай аёлга — ҳатто у сени кучиб турганида ҳам — хирс билан қаролмайсан, қақшаб сифинасан, тавалло қиласан...

Мен ҳам одамман, ахир! Мен ҳам дунёга бир марта келаман. Қисқагина ҳаётимда шундайин фаришта ўз-ўзидан қаршимда пайдо бўлиб колганлигининг ўзи яратганинг менга чексиз инояти эмасми?..

Жиққа ёш тўлган кўзларини чирт юмиб олганча ширин хотиралар уммонида лаззатланиб-хузурланиб сузаётган Ғанибойга ҳайрон бўлиб қараб турған Ибодулла ахийри:

— Ушани... ўшани излаб келдингизми бу ерга? — деб сўради.

Ғанибой сесканиб кўзларини очди. Сўнг, савол маънисини англади шекилли, Ибодуллага ёш болага қарагандай ажабланиб қаради:

— Э, aka, бундай аёлни излаб келмайдилар. Бундай аёлга тиз чўкиб “Буюр, одам ўлдирайинми, ўғирлик қилайнми, бутун дунёга ўт қўяйинми, айтга-

нингни киприк қоқмай адо этаман, фақат сен меники бўлсанг бас!” дейдилар...

Нихоят филологлиги намоён бўлаётган Ғанига дикқат билан тикилаётган Ибодулла шошиб кейинги саволини берди:

– Сиз шундай қилдингизми?

– Ҳа! – деди Ғанибой шоша-пиша. Аммо бу эътирофда ғурурдан, суурурдан кўра алам, чорасизлик кўпроқ эди. – Мен ҳаммасидан воз кечаман дедим! Бола-чақамдан, уйим-жойимдан, бойлигимдан, обрўйимдан. Эвазига ёнингда юрсам бас дедим. Мен... мен ҳатто унинг хизматкори бўлишгаям рози эдим... Лекин... лекин... – шу ерга келганда Ғанининг товуши титраб кетди: – лекин у мени рад этди!

– Нега? – беихтиёр қичқириб юборди Ибодулла. Сўнг, бирдан қаерда туришгани эсига тушиб қолдию, хижолат аралаш атрофга аланглади.

Аммо, афтидан, Ғанибой бутун дунёни унугтган эди. Кўзларидан йирик-йирик ёш томчилари юмалаб тушаётган “янги ўзбек” чексиз изтироб ва вахима билан шивирлади:

– У мени рад этди... Кейин бир оғиз: “Савдолашманг... майдалашманг...” деди... Шунда... шунда мен нималар қилиб қўйганимни тушундим... Энди кеч эди... “Фалон ишни қиласман!” деб оғиз кўпиртирмасдан бурун аввал шу ишни қилишим керак эди... Кейин оёғига бош урсам арзирди... Хуллас, у мендан воз кечди... Унинг уйидан... орқасига ўхшатиб тепилган итдай думимни қисиб чиқиб кетдими... Ўзиям бир кеча-кундуз қўйнимга пичноқ солиб, шу ерда пойлоқчилик қилдим... Билмайман, нега? Ахир айб ўзимда эди... У театрдан қайтаётган маҳали мени кўрди, аммо кўрмагандай ўтди-кетди... Ушандай виқорли... Мағур... Кўл-оёғимдан жон қочди... Тонгга қадар уй ёнида титраб-кақшаб турдим... Дераза ёнига бир неча марта келиб-кетди. Буни кўрдим... Аммо мени чақирмади. Кейин чирокни ўчирди... Сахар палла пойи пиёда йўлга тушдим... Қишлоқка не ахволда кириб бордим... Алаҳлаётган касалга ўхшаб қолган бўлсам керак... уйдагилар бошимда парвона... Бир хафта деганда ўзимга келдим... Нимадир етишмайди денг... Яшагим ҳам келмайди... Уни эсдан чиқарай дейман-у... Кўрган ошнинг куйиги ёмон бўларкан... Охири шаҳарга келиб, излай-излай иккита энг қиммат фаранг атиридан сотиб олдим. Ҳар бири юз доллардан экан. Хотинимга обориб бердим. Нархини сўраб бошимни қотирганди, “Беш минг сўмдан экан” дедим. Ниятим, яна ўша ифорни туйиш эди... Аммо... – Ғанибой алам дараҳтни муштлади, – биттасини дарров эрга тегмаган синглисига ошириб юбориби. Бир мактаниб қўймоқчи бўлган-да! Иккинчиси бир кўшнисига тўққиз минг сўмга пуллабди. Кечкурун борсам “Тўрт минг фойда кўрдим”, деб туриби тиржайиб... Солиб юборишимга сал қолди... Аммо... индамадим... Шу билан ҳаммаси эсимдан чиқиб кетар деб ўйлагандим... Қаёқда дейсиз... Мана бу ерим ўрганади, мана бу ерим... – Шундай дея Ғанибой қўксига шапатилади. – Шунақа пайтлари аклдан озаётгандай бўламан, гўё тез орада ётар-туар жойим жиннихона бўладигандай... Ухлай олмайман. Кун бўйи, ярим тунга қадар атай ўлиб-тирилиб ишлайман, чарчайин дейман, кейин ўзимни тўшакка отаман... Лекин барibir ухломайман... “Ишқ ахлиғадур ҳаром уйқу”¹...

Ибодулла миқ этмай ўтиради. Тўғриси, у ўзича тўпори, кўнглию миясида пул топишдан бошқа ташвиши йўқдай кўринадиган Ғанибойдан шунча гап чиқиши мумкинлигини хаёлига ҳам келтиргмаганди...

Ҳа, инсон боласини тушуниш қишин экан. Бўлмаса бу “янги ўзбек”ка нима етишмайди... Армони бор экан-да бечоранинг...

– Шу оловни босайин дея бирон баҳона топиб шаҳарга келаман. Ҳа, ҳа, баҳона топиб. Бир нарсанинг ҳидини сезишганми, уйдагилар бу ёққа келишимга тиши-тирноғи билан қаршилик қилишади. Келишиб олишганми нима бало!.. Шунда эркак бошим билан... минг битта баҳона қидираман. Шунақа пайтлари ўзимни ўзим ёмонлар кўриб кетаман... Шу ерга келиб ўтираман... кутаман... кутаман... Гўё у бирдан пайдо бўлиб қоладигандай... “Юринг”

¹ Навоийдан

дэйдигандай... Чироги ёниқ бўлса бир қувонаман “үйғоқ экан” деб, ўчган бўлса “Ким билан экан?” деб дарди дунёйим қоронғи бўлади... Тишларимни ғижирлатиб яроқ излайман... Гарчанд сезаман, у ёлғиз... Ёлғиз... Тонг саҳарда бўлса яна поий пиёда қишлоққа йўл оламан...

Балет ҳақида мен ўқимаган китоб, мен кўрмаган кино қолмади-ёв... Кейин... Навоийни ўқидим... Театрга нега унинг номи қўйилган деб ўйладимда... “Парим бўлса, учиб қочсан улустин то қанотим бор, Қанотим куйса учмоқдин, югурсам то ҳаётим бор...” Менам парим бўлишини истадим, у билан биргаликда эл-улусдан узоқ-узоқларга учиб кетишни орзуладим... Кейин негадир бу орзуни фақат ва фақат балетда чиройлироқ ифодалаб бўлади, деган ўйга бордим, буни ўзимча тасаввур ҳам қилдим... жуда-жуда яққол тасаввур қилдим... Ишонасизми, мен... мен ўқиб-ўрганиб... шу орзуйимни... балетга кўчирмоқчи бўлдим... Мен... мен либретто ёза бошладим. Йигит билан қиз бир-бирини яхши кўриб қолади... Охири парлардан қанот ясад, кўкка учиб кетишади, булулгар бағрида оқкушларга айланышади... Номиям “Парим бўлса...” Ёздим... “Йиғлаб-йиғлаб тугаттим охир”. Ишонасизми...

Ибодулла беихтиёр бош ирғади, баайни ишонишини билдирамокчи бўлди. Бироқ Ғанибой айни дамларда буни кўрадиган, тушунадиган ахволда эмасди.

— Бор йиққан-терганимни сарфлаб бояги жойни сотиб олдим-да, ўзимнинг хаёлимдаги ўйни курдиртиридим... Келса, “Парим бўлса...”ни машқ қилса... Балки ўйнаб берар... Ахир у истеъдодли... юлдуз бўлади... Лекин ўйнамасаям майли... Уй уники. Таг-туби билан... Либретто ҳам уники... буткул уники...

Мен театрнинг репертуарини, у қачон, қайси спектаклда саҳнага чиқишини ёддан биламан. Ўзим келолмасам, ишончли одамим орқали гул юбортираман. У билади... ҳаммасини билади... Лекин гулни олмайди... Саҳнада пайти атай мен томонга қарамайди... Ёмон кўнглини қолдиранман-да...

Умр, вакт деганлари учиб ўтиб бормоқда. Мен бундай яшашдан чарчадим. Мен биламан... у ҳалиям ёлғиз... ёлғиз... Мен бугун унинг пойига тиз чўкаман, “Менини бўл, мен ҳаммасидан воз кечдим!” дейман. Агар у яна рад этса... қайтиб ўрнимдан туролмасман... – у қоронғида пайпаслаб Ибодулланинг қўлини топди ва калитни тутди. – Буни бир амаллаб ўзингиз беринг. Отиб юборса, ердан олиб яна беринг. Жойни тушунтиринг... Айтинг, бу унинг учун арзимаган ҳадям... Инсоннинг бир кечалик баҳти бунақангича уйлардан мингтасига арзиди денг... Айтинг, ўтинаман...

Шу маҳал машина овози эшитилди. Ғанибой бирдан гапдан тўхтади, овоз келган томонга қаради. Уй ёнига пешойнасида яшил чирокчаси ёниб турган такси машинаси келиб тўхтади.

Машинанинг орқа ўринидигидан эркак билан аёл тушишди. Машина кетди. Эркак билан аёл қўлтиқлашиб уй томон юришди. Бу сарвикомат, дарҳақиқат, юрмаётган, викор ила сузид кетаётган аёл эди. Эркак нимадир деб шивирлади, аёл хандон отиб кулди... Бу баҳтиёр аёлнинг кулгуси эди.

Ибодулла ёнига қаради ва хаттоки қоронғуликда ҳам Ғанибойнинг ранги бўздек оқариб кетганини кўрди...

Эркак-аёл подъезддан ичкарига киришди. Биринчи қаватдаги хонадон чироги ёнди.

Вакт имиллаб ўтарди...

Аввал аёл дераза ёнига келди, аммо тез узоқлашди. Кейин эркак. Эркак пардани туширди. Сўнг чирок ўчди...

Зулматдан кўз узмай турган Ибодулла ёнида кимдир хириллаётганини эшитгандай бўлди. Ичи бўм-бўш бўлиб қолган Ибодулла шу тарафга ўгирилди.

Нафас ололмаётгандай жон-жаҳди билан бўйини ишқалаётган Ғанибой. Ибодулла ҳамроҳига синчиклаб назар солди ва... ажабки, унинг булулгар бағридан мўралаган тўлин ой ёруғида ялтираб кетган кўзларида ҳеч қандай маънони илғамади. Ҳеч қандай...

¹ Навоийдан

Худди шу лаҳзада, ўртага чўккан муздай сукунатни чил-парчин этиб ташлашга азм қилгандай туйкусдан лаблари дир-дир титраётган Ғанибой жилмайишга уриниш асносида сўзларни дона-дона қилиб, баайни овоз ку-чайтиргич ёнида турган каби:

– Диққат! Тошкентдан кўрсатамиз! – деди.

Ибодулла донг қотиб қолди...

* * *

Ибодулла энди титраб-қакшаганча кунишиб, бир нималарни тез-тез шивирлаётган Ғанибойнинг кўлидан тутди ва кўзларидан дувиллаб оқкан алам ёшларини яшириб ҳам ўтирасдан пойи-пиёда қишлоқ томон бошлади...

Удар қишлоқка тонгда кириб бордилар.

“Ўзбековул”да сармоядор одамни ҳамма танийди. “Янги ўзбек” Ғанибойнинг шаҳардан ақлидан озғандек, бўйнида бўйинбог билан қайтиб келгани ҳақидаги совуқ хабар қишлоққа яшин тезлигида тарқалди.

Орадан бир ош пишгулик фурсат ўтар-ўтмас эса қуишлиб келган саволларга жавоб тарзида бошқа миш-мишлар ҳам болалади: шўрлик Ғанибойни шаҳарга анави “шаҳарлик” Ибодулла олиб борган экан. Бунга Ғанибойнинг қайниси Азиз тирик гувоҳ экан. Ибодулланинг шаҳарда эски ўйнаши бор экан. Ибодулла уялмай-нетмай Ғанибойни шу ўйнашиникига бошлаб борибди. Аммо ўйнаш хотиннинг олдида бошқа ўйнаш эркаклар ҳам бор экан (“Қисқаси, исловатхона экан!” дейишарди янгиликни бир-бирига етказаётган ҳамқишлоқлар ишонч билан). Орада жанжал чиқади ва бечора Ғанибой ҳамқишлоғи Ибодуллани ҳимоя қиласман деб ўртага тушади. Ана шунда анави хотиннинг ўйнашлари бу икки қишлоқини роса тепкилаб ташлашади. Биттаси қалтисроқ тегиб, шўрлик “янги ўзбек”нинг миясини чайқалтириб юборади...

“Янги ўзбек”нинг хотини келиб ўз уйида муштдайгина бўлиб ўтирган Ибодуллани юмма талаб кетди... Карғишиларнинг-ку, хеч адоги кўринмасди...

Буям камдай, орадан ярим соат ўтар-ўтмас кутурган шердай уйга бостириб кирган Азиз “Поччамни ўлдирибсан-ку, наҳс босган! Сенинг касринг поччамга урибди!” дея хеч бир қаршилик кўрсатмаган Ибодуллани уриб-тепиб, сулатириб ташлади... Зор-зор йиғлаб Азизнинг этагига ёпишган Гуласал ҳам, чирқираб йиглаётган уч фарзанд ҳам кутурган йигитни тўхтатиб қололмади...

* * *

Орадан ўн кунга яқин вакт ўтди.

Ғанибой туманимиз марказидаги шифохонасида “психоген амнезия” ташхиси билан даволанмоқда. Шифокорлар унинг тузалиб кетишига умид бор дейишибди...

“Шаҳардаги кундош” ҳақидаги гап-сўзлардан чарчаган Гуласал фарзандларини олдию, ота-онасиникига кетворди.

Яккамоҳов бўлиб қолган Ибодулла кўп эзилди. Энди қишлоқ аҳли уни одам қаторига қўшмаслиги аниқ. Кўчага чиқса бас, ёщ-қари дарров тескари қараб олади... Баъзилар атай унга эшиттириб: “Бузук...” ва ҳаттоқи “Сенгаям аталгани бордир” деб ғўлдираб қўйишади...

Бу азобга чидай олмаган, уйида қамалиб ўтиравериб ақлдан озгудай ҳолга тушган Ибодулла кунларнинг бирида шаҳарга қараб йўл олишдан аввал шифохонага кирди.

Ғанибой каттагина ҳовлининг бир чеккасида, етим мусичадай кунишибигина ўтирган экан. Собиқ “янги ўзбек” Ибодуллани танимади, унинг қайта-қайта исмини айтишиларини, шаҳарга буғдой сотишга бирга борганилклари тафсилотларини хижолат бўлиб эшитди, пешонасини тириштириб, нималарни дир хотирлашга роса уринса-да, эвини қиломагач, ноиложлигини билдиргандай елка қисиб қўйиш билан кифояланди, сўнг, бу кам туйилдими, манглайига

ЖАҲОН АДАБИЁТИ

кўрсаткич бармоғида “дўй-дўй” этказиб уриб кўяркан, атай ўзини излаб келган меҳмонга қараб айборона тарзда тан олди:

— Хотира кетган, ака...

Дарди дунёси багтар коронғи бўлган, ўзини шунча гапни деворга айтган-дек хис қилаётган Ибодулла ўрнидан туриб, кетишга чоғланаркан, баногоҳ ниманидир эслагандай жойида тўхтади ва ҳеч нарсага умид қилмаган ҳолда:

— Парим бўлса... — деди.

Меҳмон ҳурмати учун қаддини ростлаётган жойида таққа тўхтаган Фанининг кўзларида оний сонияга недир маъно пайдо бўлгандек туйилди-ю, аммо шу заҳоти унинг ўрнини яна хотирасизликдан хижолатпазлиқ ҳиссиёти эгаллади.

Дарвозадан алам билан бошини қашлаб ўтаётган Ибодулла бирдан кўркиб кетди: унинг бармоқларига бир тутам соч илашиб чиққанди. Ибодулла шошиб яна бошини қашиди. Яна шу ахвол...

* * *

Кеча йилтирибош Ибодулла жўрамни Фарҳод бозорида кўриб қолдим. Олиб-сотарлик қилипти экан: Кўйлиқнинг улгуржи бозоридан тонг қоронгисида арzonга мева-чева олиб келиб, бу ерда қимматига килолаб пулларкан.

Олма уюлган пешта тагида анча гурунглашиб қолдик, биттадан пиво шишиасини бўшатдик. Овулни, қариндош-уруғларни эсладик.

Суҳбат орасида Ганибойни ҳам ёдга олдик.

Айтишига қараганда, Ибодулла ҳар ҳафта туманимиз марказидаги шифохонага бориб, собиқ “янги ўзбек”дан хабар оларкан. Унга ғазаллар ўқиб бераркан. Айниқса бир ғазални эшитган маҳали кап-катта бемор ёш болага ўҳшаб пиқ-пиқ ийғлармиш... Кишини хурсанд қиласидан томони шундаки, Ибодулла охирги марта борганида бемор ўзини рисоладагидай тутиби, ҳатто хайрлашиш олдидан “Китобингизни ташлаб кетсангиз... ўзим кечалари ўқиб ўтираман”, дебди. Сўнг, китобни олгач, дарров уни қўйнига яширибди. Дарвоза ёнида эса, кўриқчилар эшитмасин дебми, вужуди дир-дир титраганча, товуши қалтираб, аранг сўрабди: “У... ёлғизми?”. Бемор ўз номи билан бемор-да: кўнгли ярим... Шу боисдан Ибодулла ҳеч иккиланмасдан “Бордим... Билдим... У ёлғиз” дебди.

— Бу гапимни эшитаётган маҳал унинг юзи фавқулодда ёришиб, кўзлари чақнаб кетди. Худо шоҳид, буни ўзим кўрдим, — деди Ибодулла мамнун бўлиб.

Дарвоке, мутлақо туйкусдан “янги ўзбек”нинг қип-қизил йўқсил, тасар-руғидаги мулқларининг асосий қисми аллақачон сотилиб кетганлигидан, қолган қисми эса гаровга кўйилганлигидан вокази бўлган, бу кутилмаган машъум янгилиқдан эс-хушидан айрилар даражага етган ҳамда қарғишлиянатлар дўли остида қандайдир “шаҳарлик ойимча”ни улка-ан сармояни ўғирлаб, яшириб кўйишда айбләётган хотин “Уша бузукнинг ўзи келиб қарасин энди, нима, бунинг пули ҳалол-у, ўзи ҳаромми!” дея тайсаллаб турганлиги боисми, Ганибойнинг қарови анчайин ночорроқ ахволга тушиб қолибди. Устига-устақ, кўшимча дори-дармон олишга, яна баъзи бир майдачуида ташвишларга ҳам харажат дегандай... (Одамлар... уларни кўя турайлик. Илло, Марди бобо топиб айтганидай: “Пулинг бўлса банкада, Кўргани бори-шади танкада”. Лекин, айни пайтда, таассуфки, “Акчадан йироқ – меҳрдан йироқ”. Шу боис куни кеча овулнинг эркатоий бўлиб юрган, нима қилса ярашадиган Гани кўз очиб-юмгунча – гарчанд унинг учун энди буларнинг бир чақалик аҳамияти бўлмаса-да, — барча унвон-имтиёзларидан маҳрум этилиб, корни тўйиб кетганидан кўнглига келган номаъқулчиликларни қилиб юрган, охир-оқибат пешонаси “тақ” этиб деворга теккан ва энди, “ўтники ўтга, сувники сувга” қабилида, бор-буудидан айрилганидан сўнг еганларини қон қусиб қайтараётган ўйртумшук бандага айланганди...) Хуллас, бир ташрифида Ибодулла шахарда балеринага атаб қурилган уй хусусида сўраб

кўради: “Балки сотиш керакдир... ҳозир пул халақит бермасди... аксинча...” Аммо бирдан кўзларини олиб қочган Ғанибой – ҳар қанча пешонасини тиришириб ўйласа-да – нимагадир бу уйни мутлақо эслолмайди.

Шунга қарамасдан, кўнгил тубида не асл ниятлар бўлгани ноаён, Ибодулла барибир шахарда Ғанибой курдирган ховлига борибди. Бироқ уйни эгаллаб олган, аллақачон қайта қуришга ҳам киришган “ишончли одам” ҳеч қанақангি Ғани-панини танимаслигини, ховли эса якка ўзига тегишли эканлигини айтиб туриб олибди, ҳаттоқи ҳужжатларни ҳам кўрсатгач эса агар чақирилмаган меҳмон дарҳол ўз оёғи билан чиқиб кетмаса, милицияга кўнгироқ қилишини айтиб дўқ урибди...

Ибодулла ойда бир марта балетга тушаркан, ҳар сафар ўша балеринага гулдаста ташлаб келаркан: “Ғанибойдан деб ўйлайверсин...”

– Эҳ, тезроқ тузалиб кетса эди!..

Ибодулла бу гапни бир эмас, бир неча маротаба қандайдир ҳаяжон, тўлиқиши билан айтди. Бундай садоқатдан ўзимча хурсанд бўлиб, бу тилакка жон-дилим билан кўшилдим, кейин, бемор шифо топгач нима бўлиши билан қизикдим.

– Ғанибой ака тузалган куни Гуласални олдига олиб келаман. Ҳаммасини ўз оғзи билан гапириб беради! Ана шундан кейин хотиним ҳаммасини тушунади! Ўзи мендан кечирим сўрайди! – деб қолди бир маҳал Ибодулла энтикиб.

Ўсмоқчилааб сўрай-сўрай билиб олганим шу бўлдики, Ибодулланинг болачақаси ҳамон қайтмапти. Айниқса Ибодулланинг шаҳарга келиб ишлаётгани рашик оловига сепилган майдай таъсир кўрсатибди. “Уша... шаҳарлик ўйнаши билан қўшмозор бўлсин! Ана, олдига бориб олибди-ку!” дебди Гуласал бош эгиб келган элчиларга. Ваҳоланки...

– Қанақа ўйнаш? – алам билан қўлларини ёйди Ибодулла. – Тўрт бозорчи товукнинг катагидай хонада ижарада турамиз, жўра. Тор жойда гўшт егандан... деб тунлари иссиқ бўлса, шу ерда ётиб қолавераман. – У ўтирган жойимизни кўрсатди. – Шаҳарга келганим... Бошқа қаергаям борардим... Кимнинг ҳам менга кўзи учиб турибди...

Жўрамни юпатган бўлдим. Ногоҳ у пиқирлаб кулиб юборди.

– Тинчликми? – хайрон бўлиб сўрадим.

– Келганимдан бери... – куларди у ҳамон, – келганимдан бери икки марта миришаб ушлаб олди. Бир марта участкасигаям олиб борди, бармоқ изларимни олди...

Тамомила ҳайратга тушдим:

– Сени-я? Бўлиши мумкин эмас! Ахир... ахир қанчадан-қанча акахонларинг...

Бирдан жиддий тортиб қолган Ибодулла тақир бошига ишора қилди:

– Бунақа калла билан унака акахонларни тилга олиб бўлмайди, жўра...

Ёруғ бошида қишлоққа қайтиб кетишим керак эди, шунинг учун хайрлашишга шошдим.

* * *

Аниқ эсимда бор, Ибодулла билан жума куни кечга яқин хайрлашдик.

Шанба эса...

Ғани шифохонадан хотиржамлик билан, соппа-соғ одамдай чиқади, дўкондан тузуккина уст-бош, ҳаттоқи капалак нусха бўйинбоғ ҳам сотиб олади. Сўнг... шаҳарга келади, катта гулдаста харид қиласди, театрга киради, дудукланиб, титраб-қақшаб эшиқбон кампирдан балеринани сўрайди.

Театрнинг барча янгиликларидан вокиф кампир унга балерина икки ҳафтадан бўён суюкли ёри билан Оврупода “асал ойи”ни ўтказиб юрганлигини айтишга шошади... Баайни суюнчи сўраётгандай ўта кўтаринки кайфиятда айтади, ёш ва баҳтли оиланинг театрда ўтган дабдабали тўйида иштирок этганию, маза қилиб рақс тушганига қадар гапираверади, гапираверади...

Кейинроқ айрим шоҳидларнинг гувоҳлик беришларига кўра, ранги бирдан кўмирдай қорайиб кетган Ғанибой бир муддат кампирга анграйиб қараб колган, нимадир эътиroz билдиримоқчидай бўлиб оғзини каппа-каппа очган, лекин гапиролмаган, овоз ўрнига ғайритабий хириллаш эшитилган. Сўнг, ногоҳ, томоққа тикилиб қолган тош отилиб чикқандай ваҳшиёна тарзда ўкириб юборгану, гуп этиб кулаган...

Ўша воқеадан кейин Ғанини вилоят марказидаги руҳий хасталиклар шифохонасига ўтказиб, алоҳида хонада сақлай бошлишди.

Бир ойга етар-етмай деярли овқат емай кўйган бемор озиб-тўзиб кетди, соч-соқоли ўсиб, кўчада тентиб юрадиган уйсиз-жойсиз дайдиларга ўхшаб қолди.

Лекин... лекин одамнинг жони қаттиқ бўларкан. Айниқса у нимагадир умидвор бўлиб турганида, ниманидир илинж билан кутганида.

Хуллас... тасаввур қиласизми!.. онг-шуур кўзгуси чатнаган, хидалашган, ўргимчак тўридай ёйилиб кетган хаёлот афсуннида воқеликни тўлиқ идрок қилолмай қолган Ғанибой яширин равишда, турли-туман қушпаррандаларнинг патларидан ўзига... қанот ясайди. Қанот!

Иигирма биринчи асрнинг ўн тўртинчи йилида яшаётган Дедалми, Икарми ярим тун, борлиқни тўлин ой сутдай ёритган, кўқда юлдузчалар жимирилаб, сирли кўз қисаётганлари маҳал ҳовлига чиқади, ўртада қад ростлаб турган улкан дараҳт тепасига кўтарилади ва... қанотларини ёйганча кўкка парвоз қиласиди...

* * *

Шифокорларнинг хulosаларига қараганда, заранг ерга чилпарчин қула бутшганида бўйни қайрилган, умуртқа поғонаси жиддий шикаст еган бу телбани энди алоҳида хонага жойлаштиришнинг ҳожати ҳам йўқ: у барибири ўрнидан кўзгала олмайди...

Аламзода хотин у ёқда турсин, тамомила ҳафсаласи пири бўлган Ибодулла ҳам бемордан хабар олмай қўйди...

АММО...

Ажабки, жўрам Ибодулла шу ҳолида ҳамон ойда бир-икки марта балетга тушиб туради, “Оқкуш кўли”ни-ку, асло ўтказиб юбормайди, ўша балерина-га кўз-кўзлаган кўйи саҳна четига алламбало гулдаста кўйиб келишини ҳам унутмайди. Мен “Нега?” деб сўрайман, “Ғанибойдан деб ўйласин-да”, деб жавоб беради жўрам. Мен яна сўрайман: “Нега ахир?” Бу саволимга жавоб ололмайман.

Дарвоке, яқинда Ибодулла юзини сидириб ташлаб бўлса ҳам овулимизга келди, аллақачон поччасининг “Ласетти”сига эгалик қилиб олган Азиз билан учрашди, ундан Ғанибойнинг ноутбукини сўради, “Кўчириб оладиган бир нарса бор эди, жуда зарил эди”, деди ёлвориб. Бечора Ибодуллани уриб юборгудай важоҳатда турган Азиз аввалига роса оғзи кўпириб сўкиниб олгач, компьютердаги асли поччасининг миясини айнитган, яланғоч қизлари лаклак уятсиз кино-пино, расм-пасмларнинг ҳаммасини ўчириб ташлаганини, дастурларини ҳам янгилаганлигини, хуллас, “онадан туғилгандай яп-янги” холга келган ўша матахда болалари бир муддат “уруш-уруш” ўйинлар ўйнаб юрганликларини, бироқ бир хафтача бурун кутилмаганда ноутбуқдан ўт чиқиб, ўз-ўзидан ёниб кетганлигини айтади. “Узок ёнди”, дейди нобакор қайин баайни “Кўлингдан нима келади?” дегандай тиржайиб.

Дарҳақиқат, кўлидан ҳеч нарса келмаган Ибодулла яна шаҳарга қайтди.

Шундан бери ҳам жўрам ойда бир-икки марта гул кўтариб театрга боришини, афишаларга умид билан қарашни канда қилмайди денг: худди “Парим бўлса...” балетининг премьераси ўтказилиб қолинадигандай...

Шу... одамзодни тушуниш қийин экан-да ўзи...

* * *

Баёнчидан: Мен, дунёга тийрак нигоҳ билан қарашга уринаётган, ҳар бир айтилган сўзни ҳақиқат ўрнида қабул қилишдан аввал эринмасдан тишлаб, хидлаб, салмоқлаб кўришга ўрганаётган, ҳаттоқи шулардан кейинам кўзга ташланмас илдизлари дилининг туб-тубига етиб борган аъмолларидан озиқ олаётган шубҳаларидан тамомила айро тушолмаётган ҳақиқ бандада, жўрамнинг дил эътирофини одатимга кўра гумонсираб эшитарканман, бу ҳикоятда мантифу ички боғланишнинг ўзаро номутаносиблигини тусмолладим. Шу боис, ўзимга ўзим минг эшиттандан бир кўрган яхши дедим-у, шаҳарга навбатдаги сафарлардан бири атай Ибодулла оғзини тўлдириб айтган “опера-балет” томошасига кирдим.

Кўнглим бир нарсаларни сезгани чин экан. Саҳнада ўёқдан-буёққа чопиб юрган бўйчан, бирок вужудлари скелетга ўхшаб куруқ шакирлаган сувядан иборат, нечукдир дўкондаги арzon Барби қўғирчоқларини эслатадиган узуноёқ қизлару аёлларни дурбин билан кузатиб ўтира-ўтира... шўрликларга ачиндим. Илло, қаршимда ҳаёт ташвишларидан толган, кундалик турмушнинг аччиқ турткиларидан зада, балки бир замонлар кўзларида ёнган ўтлар аллақачон сўнган, бор-йўқ ниятлари зиммаларидағи бурчни, яъни мана шу ғичирлаган саҳнада сакраб-сакраб кўйишини адо этиш бўлган, упа чапланган юзлари қаримсиқ ожизалар турарди. Мен ҳатто уларнинг томошадан сўнг, парда ёпилган заҳоти муздай, заҳ, рутубатли хонага отилиб кирганларича эгниларидаги эскириб-титилган, игна-ип тегмаган жойи қолмаган, кир ва моғор босган, қўлтиқлари сарғайиб кетган оқкуш либосларини қанчалар нафрат ва алам билан юлқиб ечаётганликларини яққол кўз олдимга келтирдим... “Парим бўлса” эмиш-а! Парканот у ёқда турсин, икки қўлтиғига иккитадан мотор ўрнаттган тақдирингда ҳам булар ўзларининг бўйларидан баландроққа кўтарила олмасликлари шундайгина кўриниб турибди-ку ахир...

Қани у Ғанибой излаган, ҳаттоқи топган ҳам илоҳий фаришта, бир кўрганингдаёқ тинчгина ҳаётингни остин-устун этиб юборишга қодир илоҳий қудрат соҳибаси бўлмиш сервиқор париваш, бир кечалик висоли учуноқ қолган умрингни бир лаҳза ўйлаб ўтирасдан қурбонликка келтиришга лойик бемисл-бетимсол, қўл етмас хурлиқ? Қани у?.. Нега мен кўрмаяпман?..

Одам кўпинча ўзи кўргиси келган нарсаларнингина кўради, эшитгиси келган гапларнингина эшитади. Ҳойнаҳой, пул топиб, ақл топмаган бечора Ғанибой ҳам шу кўйга тушган. Бунақангি касаллик эса юқумли бўлади: инчунун, жўрам Ибодулланинг ташхиси ҳам маълум... Демак, аслида ҳеч қанақангি балерина-палерина бўлмаган. Эшитганларим эса икки кап-кагта эркакнинг сароб орзулари, алдамчи илинжлари ва... рўё измидаги тентакликлари ҳосиласи, холос. Балки улар бир хилда туш кўргандирлар-у, шуни асл воқелик деб қабул қилишгандир... Ҳойнаҳой, бу ёш билан ҳам боғланган: ўттиздан ошиб-қирққа яқинлашган бир хил эркаклarda шунақангি аллатовур “хаста”лик учрашини, охири-оқибат улар ичидан ўзларини бошқаролмай қолган айрим иродасизларининг томи кетиб қолишини эшитгандим... Ҳар не бўлганда ҳам энди буни қатъий ишонч билан айта оламан: бариси бекор. Ҳаётга кўзни каттароқ очиб, хушёр қараш керак. Ана шунда ҳаммаси борборича, асли қандай бўлса шундоқлигича кўринади-ю, аллақандай бекорчи довдираш-алаҳсирашларга, телбаликларга ўрин қолмайди...

Яна... ким билсин..., биз ҳам бир бандаку?

Абдуқаюм ЙЎЛДОШЕВ



Фридрих КЛИНГЕР

ФАУСТ ҲАЁТИ, АЪМОЛИ ВА ЖАҲАННАМГА ҚУЛАШИ

Роман¹

ИККИНЧИ КИТОБ

10

Иблис билан Фауст қиёфаларини ўзгартириб, роҳибалар либосида аёллар монастирининг айвонида туришарди. Коровул аёл шошқалоқлик билан юргурганча монастир нозираси – игуменяга, икки асилзода аёл келганлиги ҳакида хабар берди. Бош нозира уларни монастирда урф бўлган одатдаги тилёғламалик билан қарши олди. Иблис шунга яраша жавоб қилди. Дастурхон безатилиб, ширинликлар, асл майлар тортилди. Сухбат монастир ишлари, ўткинчи дунёнинг ташвишлари ҳакида кетди. Иблис афсусланганча, Клара воқеасини эслатди. Клара архиепископнинг жияни бўлгани учун монастирининг эркатои эди. У ёпинчигига ўралганча бошлиқ ёнида қулимсираб турарди. Фауст уни кўриб кўзини узолмай қолди, бўлажак саргузаштларни ўйлаб кўнгли қувончга тўлди, роҳибалар кийими остида бундай жозибадор шаддод қизни учратаман, деб сира ўйламаганди. Иблис гапларига жиддий тус бериб, бошлиқка айтадиган муҳим гапи борлигини билдириди.

Нозира: (Кларага караб) Кўзичоғим, эгачиларингиз билан боғда бироз ўйнаб туринглар. Аслзода меҳмонларим шарафига сизларга ҳам ширинлик ва майлардан юбораман, хурсандчилик билан ҳақиқий байрам қиласизлар.

Клара юргурганча чиқиб кетди. Бошлиқни янада қизиқтириш мақсадида Иблис ўзини хижолат бўлаётгандек, қатъиятсиз қилиб кўрсатди. Кейин фикрини очикроқ тушунтира бошлади.

Иблис: Эҳ, назокатли эгачи, сизга раҳмим келади! Авлиё эканлигинизни нафақат шаҳарда, бутун мамлакатда билишади, бунга шубҳам йўқ. Художўйлигиниз, қаттиқўйлигиниз ишингизда бироз бўлса-да, сизга таскин беради. Сиз ўзгалар учун тирик намунасиз, Исо пайғамбарнинг ҳақиқий келинларидансиз. Бу ўткинчи дунёда гунохга ботганлар кўпайиб кетди, муғомбир одамлар бегуноҳларни йўлдан оздириб, қалбига ёвузилик уруғини сочишга ҳаракат қилишади. Фариштадек бегуноҳ қизларни қанотингиз остида пок ҳолда авайлаб-асраб юрганингизни кўролмай юрган шайтонсифат одамлар бор, шуларнинг ўзидан куч-кувват оламан, омонат жонимни ўзи асрайди. Сиз бўлмасангиз уларнинг аҳволи нима кечарди!

Нозира: Хурматли эгачи, мен ҳақимда ташвиш тортманг. Ёшим анчага борган бўлса-да, Худога шукур, ҳали тетикман, соғ-саломатман. Озгина тобим қочса, ҳечқиси йўқ, ўтиб кетади. Рўза тутаман, тавба деб, тоат-ибодат қиласман, шуларнинг ўзидан куч-кувват оламан, омонат жонимни ўзи асрайди. Монастиримиз табиби доим шундай деб тайинлайди.

Иблис: (унга маънодор тикилган ҳолда) Наҳотки, озгина бўлса-да, ҳавф-хатарни сезмасангиз? Бирор марта ҳам башорат берадиган туш кўрмаганмисиз? Келажак ҳакида фикрлашга ундовчи бирор воқеа бўлмадими

¹ Давоми. Боши ўтган сонда.

монастирда? Тақводорлар баъзи бир белгиларга қараб, келажақда нима бўлишилигини сезадилар, одатда кўпинча шунақа бўлади.

Нозира: Мени қўрқитманг, титраб кетаяпман. Ўйлаб кўрай-чи... Ҳа, ҳа, эсладим... Уйқумда қўп безовтала наман. Тушимда кўпинча қабристонни, марҳумларни кўраман. Бир неча кун олдин... О, бу, албатта, белги бўлса керак! Бир неча кун бурун, тиззамда ухлашга ўрганиб қолган қучукчамни сайдир килдириб юргандим. У жуда ювош, ёқимтой жонивор. Ёлғиз кезиб юрадим, роҳибалар эса дараҳт сояларида эртак сўзлаб ўтиришарди. Бирдан қаёқдандир боғбоннинг баҳайбат ити пайдо бўлиб, бечора Pietas (Диёнат) итимни тагига босиб олиб, иблисона эрмак билан шуғуллана бошласа бўладими. Бу беозор, кичкинагина жониворнинг исмини руҳоний отахоним қўйганди. Шундоққина қўзим олдида бу баҳайбат маҳлукнинг шайтоний ишларидан мени титроқ босди, чўкингандарим ҳам ёрдам бермади. Охири кучим борича ҳассам билан урдим, қани энди бу нобакор бас қиласа. Мархум архиепископ мени монастир бошлиғи вазифасига тайинлаётганда совға қиласа ҳасса сингунча урдим. Балки бу воқеада белги бордир?

Иблис билан Фауст ўзларини гўё қўрқиб кеттгандек қўрсатаркан:

– Бундан ҳам баттар белги бўлиши мумкин эмас, – деб қўйишди.

Иблис: энди ҳаммаси равшан. Сизга айтмаганмидим, эгачи Агата? Фауст итоатгўйлик билан бош эгиб қўйди.

Нозира: Гапиринг ахир. Қалтираб кетаяпман, нафасим қисиляпти...

Иблис: Тингланг, азизам, кутулиш имкони бор ҳали. Балки, ёрдам бера оларман. Ҳасса архиепископнинг совғаси эканлигини унутманг. Диққат билан эшитинг. Акам бўлмиш Каноникни яхши биласиз. У менга ваҳимали бир хабар етказди. Тўғри, бу ҳақда ҳеч кимга оғиз очмасликка ваъда бердим, лекин арзимас гуноҳ эвазига катта гуноҳлардан кутулиб, шайтоннинг ҳийла-найрангларини барбод қиласа ҳам бўлади, деб ишонаман.

Нозира: Сиз ҳақсиз, казуистлар¹ ҳам шундай деб ўргатишади, деганди устозимиз.

Иблис: Билиб қўйинг, архиепископ ҳам руҳонийлар кенгашини бўйин эгишга мажбур қилди. Бир неча ойдан сўнг сизни лавозимингиздан бўшатиб, ўрнингизга архиепископнинг жияни Кларани тайинлашмоқчи.

– Эй, фалак! – қичқирди нозира ва қўлларини шапиллатганча хушидан кетди. Иблиснинг афти буришиб, Фауст эса илжайганча аёлнинг ажин босган чакагини силашга тушди. Нозира ўзига келгач, йигига тушди ва гуноҳга ботган бу ўткинчи дунёни лаънатлай кетди.

Иблис: Умидсизликка тушманг, эгачи. Ҳали бошингизга тушмаган кулфатнинг олдини олиш мумкин.

Нозира: Мен бечорага қандай маслаҳат бера оласиз? Эй фалак, шафқат қил! Мен нима қиласай, роҳибаларга нима бўлади!

Иблис: Сизга яна такроран айтаман: арзимаган гуноҳ эвазига кечирилмас гуноҳларнинг олдини олса бўлади. Казуистлар ҳам шундай деганларини ўзингиз тасдиқладингиз-ку. Ҳатто иблислар-у, уларнинг малайларини ҳам ҳийла-найрангларини йўққа чиқариш мумкин, дедингиз. Қадрдон эгачи, жонингизни хавф остига қўймасдан ҳам мақсадга эришиш мумкин, лекин ақлни ишлатиб, қўрқмасдан ҳаракат қилиш керак, токи гуноҳи бошқаларнинг бўйнида бўлсин.

Нозира: Оҳ, опажон, нима қилишим керак?

Иблис: Мен ҳам монастиримда худди шу кўйга тушганман. Эгачи Агата бунга гувоҳ: у ҳаммасини кўрган, менга ёрдам берган, қўрқманг, ҳеч нарса бўлмайди.

Фауст яна итоаткорона таъзим қилди.

Иблис: Бало-қазоларга гирифтор қилувчи ақл ва чиройга эга бўлган роҳибаларимдан бири юқори мансабли ҳомийлари орқали менинг ўрнимни эгалтамоқчи бўлди. Чекланмаган ҳокимият қўлингда бўла туриб, уни бой бериш қанақа бўлишини энди билиб олдингиз. Эгачим Агата билан бирга

¹ Казуистлар – чигал муаммоларни ҳам ҳал эта оловучи файласуфлар.

маслаҳат олиш учун бир қариндошимга мурожаат қилдим. Виждон ва гуноҳ ишлар масаласида у муҳокама қилишни жудаям ўрнига қўяди. Шу ақлли одамнинг маслаҳати менга жуда катта ёрдам берди, хозиргача унинг ҳақига дуо қиласман. Берган маслаҳатлари дастлаб мёнга оғир гуноҳдек туюлди, лекин у казуистлардан мисол келтириб, мени ишонтирди: ҳар қандай гуноҳ ишни рўза тутиб, тақво қилиб ювса бўлар экан.

Нозира: Маслаҳат беринг! Маслаҳат!

Иблис: Очик гапиришдан уяламан.

Нозира: Қулоғимга шипшига қолинг. Жонига зарап етказмасдан қора эгачилар бошлиғи қилган ишни оқ эгачилар бошлиғи ҳам қилиши мумкин.

Иблис: (шивирлаб) Рақибам бўлмиш роҳиба шаҳвоний нафс балосига учраган, деб одамлар орасида гап тарқатиш керак, ҳатто шундай ишни амалда содир этишига ҳам йўл бериш керак.

Нозира: (чўкинаркан) Эй, мукаддас Урсула! Ахир бу дўзахга етакловчи иблисона гуноҳ-ку?

Иблис: Ким унга қўл урсагина, азизам эгачи! Сиз бунга қўл урмайсиз ҳам. Лекин ўйлаб кўринг, роҳибаларингиз қилган яширин гуноҳлари учун сизга жазо беришмоқчи бўлса, унда нима бўларди?

Нозира: Азиз-авлиёлар ҳаққи-хурмати! Бундай хавфли ишни қандай яширган бўлардингиз?

Иблис: Менинг ахволим сизницидан мушкулроқ эди, сизга эса аллақачон шаҳарга тарқалиб бўлган туш ҳақидаги мишишлар ёрдам беради. Агар Кларанинг ҳужрасига доминик роҳиби кийимидағи эркакни киритиб юборсангиз, ана ўшанда гап-сўзлар тарқалишини кўрасиз, одамлар бу шайтоннинг иши, деб гап тарқатишса керак? Шайтонни лаънатлашади, сиз эса ўз ўрнингизда ҳукм сураверасиз. Сизнинг фойдангизни кўзлаб, дўстона маслаҳат бераяпман, яна ўзингиз биласиз.

Нозира эсанкираб қолди, довдираганча тасбехини ўгириб, оғзига келган дуоларини ўқиди.

—Шаҳвоний гуноҳ паноҳ бўлади. Ave Maria! (Марияга саломлар бўлсин!) Бу шайтоннинг васвасаси... Мукаддас Урсула, дилимни ёрит! (Авлиёнинг суратига назар ташлайди) Бу монастир учун катта шармандалик... Ave Maria... Айбни шайтонга ағдаришади... Мени ҳам умрбод жазога тортишлари мумкин! Pater noster! (Мукаддас ота!) Наҳотки энди, қариган чоғимда, монастирда хизматкорлик қилсан, қанчадаң-қанча роҳибаларга озор бердим, қийнадим, энди мени қийнашадими?.. Ёки бу ерни тарқ этсаммикан? Бу шарманда роҳиба шундоғам бутун шаҳарни бизга қарши қилиб қўйди. Ҳм... Роҳибаларга энди танбех бера олмайманми?.. Улар мендан қандай уч олишаркин!.. Ave Maria... Йўқ, ўлсан ўламанки, роҳибалар баҳтига бош нозира мансабидан кечмайман.

Иблис унга ачингандек бўлиб, гапларини маъқуллар, ахволини янада мушкүллашибарди. У иш режасини тузиб қўйди. Кетаётганида Фаустга қаратага:

—Кўрдингми, ҳеч нарса қилганим йўқ. Факат бу қари алвастидан рухингни куткарасанми ёки амалдан воз кечасанми, деб сўрадим, холос. Уткинчи мансабни деб нозира не қўйга тушмоқда.

Иблиснинг қилмишидан мамнун бўлса-да, Фауст унинг доим ҳақ бўлиб чиқишидан норози эди. Барча роҳибалар ибодат қилаётган пайтда нозиранинг ўзи доминик роҳиби кийимидағи Фаустни роҳиба Кларанинг ҳужрасига бошлиб келди. Черковдан қайтган Клара авлиё Урсула ҳақига ибодат қилди-да, ухлашга ётди. Бир мартағина кўрган, ўша машҳур бўлиб кетган туш унинг тасаввурда тез-тез жонланиб турарди. Клара ўша лаззат оғушида ётаркан, Фауст мақсадини амалга оширмоқ учун сездирмасдан оғушига кирди. Клара буни туш, деб тасаввур қилди-ю, амалда шаҳват оғушида тўлақонли лаззатдан баҳраманд бўлди. Бу орада монастир нозираси ўз ҳужрасида ўзига азоб бериб, тавба қиласар, хафтада бир кун нафл рўза тутишга онт ичиб, гуноҳини ювишга интиларди. Тунги воқеа Майнцдаги можароларга чек қўйди, лекин бечора Клара балога қолди, оқибати жуда ёмон бўлди.

Фауст оиласи билан хайрлашди. Бу гал унчалик қўз ёши тўкилмади, факат кекса отасигина маъюс тортиб, ўғлига панд-насиҳатлар қилди.

11

Рейн дарёси кўпригидан ўтишаркан, Фауст тунги воқеани эслаб, игуменя¹ устидан масхараомуз кулиб қўйди. Шу пайт у чўкаётган одамни кўриб қолди. У сувда жон-жаҳди билан улим чангалидан қутулишга ҳаракат қиласади. Чўкаётган одамни қутқариш учун Иблисга буйруқ берди. Иблис Фаустга маънодор қараб, жавоб берди:

— Нима талаб килаётганингни ўйлаб кўр, Фауст. Бу ёш йигит бўлса, балки чўкиб кетса, унга ҳам, сенга ҳам яхши бўлар.

Фауст: Иблис, кўлингдан фақат ёвузлик келади, холос. Наҳотки, мени шундай пайтда қараб тураверадиган одам, деб ўйласанг? Бор, уни кутқар!

Иблис: Нима, сен сузишни билмайсанми? Яхши! Лекин билиб қўй, оқибати сенга ёмон бўлади. Бир кун келиб афсусланасан, лекин кеч бўлади.

Иблис йигитни кутқарди. Фауст тунги гуноҳ ишларини бу яхшилиги ювоб кетар, дея ўзига тасалли берди. Иблис эса бу шубҳали тасаллидан кулиб қўя қолди.

УЧИНЧИ КИТОБ

1

Фаустнинг шу пайтгача бошидан кечирганлари, Иблис ўйлаганидек, унинг руҳиятини ҳаёт тўфонларига тайёрлаши керак эди, чунки Иблис инсонларни яхши биларди, оқибатини олдиндан кўра оларди.

Кўрган-кечирганлариFaустнинг қалбини аччиқ надомат ва афсусларга тўлдирди, холос. Энди бўладиган воқеалар эса қалбини тилка-пора қилиб, ақл-онгини давосиз дардга тўлдирди. Инсонни мусибатларга дучор қилувчи, қонхўр Иблисгина бу воқеаларга бефарқ қараб туриши мумкин, лекин одам-зот чидай олмасди.

Фульда соҳиллари бўйлаб отда сайр қилишар экан, Фауст билан Иблис қизгин сухбатга берилишди. Бир қишлоқка кираверишда, катта эман дарахти остида дехкон аёл болалари билан ўтиради. Рангпар юзларида кайғу-алам, умидсизлик акс этиб туради. Ўзгаларнинг қувончи-ю, мусибатларидан тез таъсирланадиган Фауст, бефарқ ўтиб кета олмади, нима бўлғанлигини сўради. Аёл анча вақтгача унга тикилиб турди-ю, лекин индамади. Фаустнинг меҳр билан тикилиб тургани, аёлнинг кўнглини юмшатди. Ўпкаси тўлиб, йифи аралаш унга қуидаги воқеани сўзлаб берди:

— Дунёда мен билан болаларимдан ҳам баҳтсизроқ одам бўлмаса керак. Мана уч йил бўлдики, эrim князь-епископга солиқ тўлолмаяпти. Биринчи йили ҳосил бўлмади, иккинчи йили епископга қарашли ёввойи чўчқалар экинларимизни еб тутатди, учинчи йили эса унинг овчилари экин-тикинларимизни пайҳон қилишди. Оқсоқолимиз нуқул бизга таҳдид қилиб, мол-мулкимизни рўйхатга оламан, деб кўркитади. Иккита ҳўқизимиз, битта бўрдоки новвосимиз бор, эrim бугун новвосни Франкфуртга олиб бориб сотмоқчи ва солиқлардан қутулмокчи бўлди. Эндинина ҳовлидан чиқиб кетаётганди, епископнинг иш бошқарувчиси келиб, новвосни князга беришини талаб қилди. Эrim бунга қаршилик қилиб, Франкфуртда уни яхшигина баҳога пуллашим мумкин, текинга бermайман, деб туриб олди. Бошқарувчи бўлса, солиқ тўламагунча епископга қарашли ерлардан ҳеч ким, ҳеч нарсани олиб кетишга ҳаққи йўқ, буни барча дехқонлар ҳам яхши билади, деб туриб олди. Шу пайт оқсоқол соқчилари билан этиб келди ва эrimга ёрдам бериш ўрнига бошқарувчининг ёнини олди, буям етмагандек, ҳўқизларимизни қўшдан чиқариб олди, бизларни эса соқчилар уйдан ҳайдаб чиқаришди. Ҳамма нарсамизни олиб кетишгач, эrim бунга чидай олмай ўзини ўлдирди.

¹ Игумена – монастир бош нозираси.

Ана, пичанхонада ётилти, чойшаб ёпиб қўйибман. Даррандалар еб кетмасин, деб кўриқлаб ўтирибмиз, руҳоний уни дағн қилишга йўл бермаяпти.

Аёл жасадни ёпиб турган чойшабни олди-ю, ҳушидан кетди. Буни кўрган Фауст даҳшатдан ўзини четга олди. Кўзидан шашқатор ёш оқди ва ҳайқирди:

– Ох, одамзот! Наҳотки кисматинг шу бўлса?

У кўкка тикиларкан, давом этди:

– Бу одамни сен жабр-зулм кўриб, ўзини ўлдириш учун яратганимисан?

Фауст жасадни ёпиб қўйди-да, аёлга бир ҳовуч тилла бераркан, унга деди:

– Ҳозир епископ олдига бориб, бу қайгули воқеани унга етказаман.

Эрингизни дағн қилиб, мол-мулкларингизни қайтаргач, бадкирдорларни жазолашади.

Бу воқеа Фаустни шу даражада ҳаяжонга солдики, епископ саройига етиб келганларида ҳам нафратини изҳор қилишга сўз тополмади.

Уларни илтифот билан кутиб олишиб ва дастурхонга таклиф қилишди. Князъ-епископ айни етук ёшда бўлсиб, жуда семиз эди, гўё жону танини ёғ босгандек. Унга овқат бўлса бўлди, бошқаси билан иши йўқ, фақат тилигинча чаққон, уни безовта қиласидан нарса факат буюрган овқати кўнглидагидек чиқмаса, фифони фалакка чикарди. Дастрон ноз-неъматларга тўла эди, хатто шайтоннинг сехрли дастурхонидан кўп марта баҳраманд бўлган Фауст ҳам тан берди. Дастронни бутунлигича пиширилган семизгина бузоқчанинг боши безатиб турарди – бу епископнинг севимли таоми эди. Епископ овқатдан бошини кўтармас, меҳмонларга ҳам лом-мим демасди. Кутимагандада Фауст гап бошлади:

– Марҳаматли жаноб! Агар иштаҳангизни бузиб қўйсам, кечирим сўрайман. Саройингиз яқинида бўлиб ўтган бир қайгули воқеани айтиб бермагунимча кўнглим жойига тушмайди. Адолатли ва христианларга хос раҳмдил эканлигингизга ишонаман, хизматчиликнинг бундан бўён шу даражада инсонни хўрлаб, камситишларига йўл қўймаслик чораларини кўрарсиз, деган умидаман.

Епископ ҳайрон бўлганча бошини кўтарди ва Фаустга тикилганча қадахни сипкорди.

Фауст ҳаяжон ва нафрат билан бечора дехқон воқеасини сўзлаб берди. Атрофдагиларнинг бирортаси ҳам бу гапларни эшитмагандек туюлди Фаустга. Епископ эса овқатдан бошини кўтармасди.

Фауст: – Мен епископга мурожаат қилаяпманни ёки пода бошлиғигами тушунмай қолдим. Ахир дастурхон атрофида ўтирганлар христиан динининг пешволари-ку, шундай эмасми, жаноб епископ?

Епископ ранжиган куйи Фаустга яна бир қараб қўйди-да, бошқарувчини чакиритириб ундан сўради:

– Анави овсар, кекирдагига пичоқ тортган дехқон билан қанақа воқеа юз берди?

Бошқарувчи кулиб қўйди-да, Фауст айтиб берган воқеани тақрорлади, кейин қўшимча қилиб:

– Семизгина новвосни сизга атаб олиб келдим, Франкфуртлиларга хайф кетади. Оқсоқол дехқоннинг мол-мулкларини хатлаб қўйди, чунки уч йилдан бери солиқ тўламайди, хўжалик юритишни билмайди, ландовур у. Бор гап шу, муҳтарам жаноб. Қасам ичаманки, бундан кейин ҳам шундай воқеа юз берадиган бўлса, айнан шундай қиласан, ўзимизга тегишли нарсани бериб юборадиган аҳмок йўқ.

Епископ: Сен ҳақсан. (Фаустга қарата) Нима истайсиз? Кўриб турибсиз-ку, дехқондан новвосни тортиб олиб, тўғри иш қилган. Сизнингча, менинг еримда бокилган семизгина новвосни франкфуртликлар есин-да, менга эса ориғи қолсин, шунақами?

Фауст жавоб бермоқчи эди, гапни епископ илиб кетди.

Епископ: Менга қаранг! Енг, ичинг, факат жим ўтиринг. Дастроним атрофида ўтириб олиб, ўша ярамас авом ҳақида гапиришга сиздан бошқа

хеч ким журъат этмаган. Кийимингиз зодагонлардан эканлигингизни эслатиб турмаганда, сизни ўшалардан бири деб ўйлаган бўлардим, чунки уларнинг ёнини оляпсиз. Билиб қўйинг, соликни тўлай олмаган деҳқон, анавинга ўхшаб, ўзини ўлдиргани маъқул. Бошқалар ҳам, одамларнинг иштаҳасини бузмасдан, жим ўтиргани маъқул. Бошқарувчи! Қаллагўшти иштаҳани очадиган кўринади...

Бошқарувчи: Бу ўша Ганс Рупрехтнинг новвосиники.

Епископ: Шунақа де! Қани суриб юбор-чи, қайласиням. Қалланинг қулогини кесиб оламан, жуда лаззатли бўлади-да! Анави арзи-дод қилган меҳмонга ҳам ёқса керак.

Бошқарувчи товоқни епископ олдига суриб қўйди. Епископ эндиғина калла гўштига пичоқ теккизганди, Фауст Иблиснинг қулогига алланарсани пиҷирлади, шу ондаёқ новвосча калласи ўрнида Ганс Рупрехтнинг қонга беланган боши пайдо бўлди, у епископга ғазаб билан ваҳшийларча тикилиб турарди. Епископнинг қўлидан пичоқ тушиб кетиб, ўзи хушдан кетганча муқкасига йиқилди.

Фауст: Мана шунақа, жаноб епископ, хурматли рухонийлар, христиан раҳмдиллиги хақида ваъзхонликни шу калладан эшита қолинглар.

Фауст шу сўзларни айтгач, Иблис билан бирга бу ердан жўнаб кетишиди.

2

Рупрехт фожеасини эшитган Фауст епископ ва аъёнларнинг жудаям шафқатсиз эканликларига амин бўлди. Епископнинг деҳқонларга қилган золимлиги Фауст қалбига қайғули ғазаб ва нафрат уруғларини сочди. Иблис билан ҳамкорликда қилган барча ишларини бирма-бир эсларкан, шунга ишонч ҳосил қилдики, қаерга қарамасин, ҳамма жойда шафқатсизлик, алдов, зўрлик, ёмонлик, иллатлар тўлиб-тошиб ётганлигини, бойлик, шон-шуҳрат ва роҳат-фароғат учун одамлар ҳар қандай ёвузликка тайёр эканликларини кўрди. Фауст оғир хўрсиниб, кўз ёшларини оқизганча кўкка илтижо қилди:

— Эй фалақ, кагта-ю кичикнинг дилига баҳт ва лаззатга томон интилиш истагини солибсан, адолат ва адолатсизликнинг фарқига боришни ўргатибсан. Дард ва кувончни бирдай ҳис қилиш туйғусини берибсан. Нима учун айримлари хукмдорликни кўлга киритиб, бошқаларнинг ҳис-туйғуларини оёқости қилиб, истаганча уларни хўрлашига йўл қўйиб бергансан? Нима учун кўз олдингда бир одам бошқасини қийноққа солишга журъат этаркан?

Фауст, барча балоларнинг келиб чиқишига инсоннинг ўзи сабабчи, деган хulosага келиб қолганди, лекин унинг безовта ва шубҳаланувчи ақли, воқелиқдан чалғитувчи тасаввури, қалб туғёни, ҳамдардлиги жўш уриб, бу кўргиликлар учун Яратганни айбордor қилмаса-да, кимдир жавоб бериши керак, деган ноаниқ фикрларга борарди. Уни саросимага тушириб қўйиш учун бир туртки кифоя эди, буни сезган Иблис, бўлажак фожеани олдиндан билиб, хурсанд бўлди. Машхур хукмдор саройига боргач, анча ўзимга келиб қолсам керак, деб ўйларди Фауст. Унинг умидлари пучга чиқишини билган Иблис, шу фикрида колгани маъкулроқ, деган ниятда уни ўз ҳолига қўйди.

Кечга томон улар шаҳарга кириб келишди ва минора атрофида тумоннат одам тўпланиб турганини кўришди. Минорада ўлимга хукм қилинган маҳбуслар сақланар, ижроси шу майдоннинг ўзида ўтказиларди. Кўплари хаяжонда, қайғуга ботган, тез-тез минорага кўз ташлаб қўйишарди, Фауст уларнинг биридан бунинг сабабини сўради. Оломон ичидан кимдир бақириб:

— Минора тепасида озодлик тарафдори, бизнинг ҳимоячимиз, жафокаш халқ дўсти, жабр-зулм душмани бўлган доктор Робертус ётипти! Унинг дўсти бўлмиш бераҳм вазир жасурлик билан бизни ҳимоя қилганлиги учун Робертусни ўлимга хукм қилган, эртага шу ерда қатл қилишмоқчи!

Бу гаплар Фаустнинг дилига оғир ботди. Одамзотнинг топталган ҳуқуқини ҳимоя қилиб, жонини аямасдан қурашга отланган бу жасур одам хақида

юксак фикрларга борди. Истибодод ва зўравонлик қай даражада даҳшатли оқибатларга олиб келишига гувоҳ бўлган Фауст Иблисдан зудлик билан уни Робертус олдига олиб боришни буюрди. Иблис уни четга тортди-да, Робертус азоб чекиб ётган қамоқхона бўлмиш минорага учиб чиқиши. Робертуснинг ғурур билан, мардонавор, лекин шу билан бирга аламли бокишилари ҳар қандай одамни чўчишиб юборган бўларди, аммо бу ҳолат Фаустда ўзгача таассурот қолдирди. Ўлим олдида ўзини совуққонлик билан хотиржам тутишидан уни ҳақиқатан ҳам буюк инсон эканлигига ишонди. Икки одамнинг бирдан пайдо бўлиши докторни ажаблантирмади ҳам. Фауст Робертусга яқинлашаркан, гап бошлади:

– Доктор Робертус, бўлиб ўтган воқеаларни ўзингиздан эшитиш учун келдим. Ишонмаяпти ёки шубҳага борајпти, деб ўйламанг, сизни кўрибоқ эшигтанларим ҳақ эканлигига амин бўлдим. Халқни аянчли ахволга солиб қўйган зўравонлик курбони бўлдингиз, мен ҳам сизга ўхшаб бундан ғазабдаман. Балки ишонишингиз қийиндир, лекин мен сизга ёрдам бергани келдим.

Доктор унга совуққина назар ташлади-да, бошини қуии солганча жавоб берди:

– Ҳа, ҳақиқатан ҳам зўравонлик ва истибодод курбони бўлдим, айникса, дўстим деб юрган одамдан кутмагандим, шуниси алам қиласи. У шунчаки зулмга асосланган ўз тамойилларини ҳимоя қилибгина қолмай, балки, кўркув ва ҳасаддан шунга кўл урди. Сизни танимайман, ёрдамингизга ҳам унчалик ишонмайман, аммо сизга ўхшаган одамлар билиб қўйисин: халқ озодлиги учун жонимни курбон қиляпман. Ёшлигимдан рухим озодликни истайди. Ахир инсоннинг қадр-қиммати, уни юксакликларга кўтарадиган хислат шу эмасми! Қалбимда жабр-зулм ва зўравонликка қарши ғазаб ва нафрат ўша пайтлардаёқ аланга олган. Бунга мисоллар ҳаётда ҳам, тарих китобларида ҳам тўлиб-тошиб ётипти. Инсоният бошига тушган кулфатларга қарши чора топа олмаганимдан алам билан қўз ёши ҳам тўқдим. Қадимги Юнон ва Рим тарихидан мъълумки, агар золим хукмдорлар халқни эзиб асоратга солмасалар, одамлар табиат ато қилган имкониятларини ишга солиб, юксак мақсадларга эришиши мумкин. Билимларим бошимга бало бўлди.

Биламан, одамларнинг куч-қуввати, имконияти турлича, жамиятда ва давлатдаги ўрни ҳам шунга яраша. Ҳар бир шахснинг жамиятдаги ўрни, моддий ахволи, шахсий ҳуқуқи, эркинлигини таъминловчи қонун-қоида бормикан, дея изладим, аммо чигалликлардан бошқа нарса топмадим. Чексиз ҳақ-хуқуққа эга бўлган золим хукмдорларнинг иши бу, деган хulosага келдим. Менга шу нарса аён бўлдики, инсоният тил-забонсиз хайвонлар тўдасидан иборат, бир гурух қароқчилар эса ҳокимиятни эгаллаб, ўзаро келишиб олиб, ўз манфаатлари йўлида халқни истаганча талон-тарож қиласи, зўрлайди, қонун эса фақат уларнигина ҳимоя қиласи. Бу дунёда хукмдорларнинг ўзбошимчалигини чеклайдиган бирорта қонун борми? Бошликларнинг ўзи қонунни тан олмаса, хоҳлаган ишини қилса, жавобгарликни сезмаса, судга тортиб бўлмаса, бу қанақа бедодлик? Балки, нариги дунёда жавоб берар? Майли, шунака бўла қолсин, аммо бу нарса уларни тўхтатиб қололмаяпти-ку, бемалол истаган номаъқулчилигини қилиб юришипти, ҳамма нарсасидан маҳрум бўлганларнинг оҳ-ноласини ким эшигади, осмон йироқ, ер қаттиқ. Инсон табиатига, ҳис-туйғуларига зид нарса-ку булар!

Фауст дикқат билан эшитаркан, қовоғи уюлди, пешонасини ишқалаб қўйди. Иблисга эса бу гаплар ёкиб тушди. Доктор Робертус гапида давом этди:

– Хукмдан кейинги ахволимни кўрсангиз эди: борлиғимни ғазаб ва нафрат чулғаб олди. Майли, душманларим мени ахмок дейишсин, лекин бу ишни дилдан қилдим. Одамларнинг фикрича, буйруқларга кўр-кўронга итоат этиш, ялтоқланиш, нима қилиб бўлса-да, юкори мансабга эришиш ва шундан фойдаланиб ўзгаларни талаш, эзиш разолат-ку? Буни одамлар “ақлли

бўлиш” деб атайдилар. Мен каби одамлар эса ҳокимиятга ҳалол йўл билан етишишни истайди. Ҳамма бало шундаки, ҳозирги вазир билан мактабда бирга ўқиганман, дўст эдик. Жамиятда юқори лавозимга эришиб, одамларга буйруқ бериб, бошқариш қобилияти бор эди. Ўша пайтлардаёқ фикримиз турлича эди: у жабр-зулмга асосланган бошқарув усулини маъқулларди, мен эса қарши эдим. Одамлар олдида ҳам, юзма-юз туриб ҳам бу ҳақда баҳслашардик. Кўпинча мен устун чиқардим: жабр-зулм, истибодога қаршилар мен томон бўлар ва аксинча, золим хукмдорлик тарафдорларини у ўзига оғдиради. Ҳокимият тепасида шунга ўхшаш одамлар тургани учун тез орада у юқори лавозимларга кўтарилиб, вазир даражасига эришди, мен эса қашшоқ ва хору-зор бўлиб қолавердим. Мени ўз томонига оғдириш ва ўзига тобеъ қилиш учун турли мансабларни таклиф қилди, лекин мен кўнмадим. Узил-кесил ғалаба қилиши учун мен ва маслақдошларим уни ҳомий деб тан олишлари, у ўрнатган шафқатсиз идора усулларини кўллашимиз керак эди. Халқда менга қарши ишончсизликни ҳам уйғотмоқчи бўлди. Лекин мен ўз эътиқодимга содик бўлиб қолавердим, у мансаби юқорилашган сари, мен ҳам унингadolatcizliklariiga қарши курашни кучайтиравердим. Агар у ҳақиқий олижаноб ҳис-туйғуларга эга бўлганда эди, мени тушунган бўларди, хурмат киларди. Аммо бунинг акси бўлиб чиқди. Ҳар бир нутқимдан сўнг менга бўлған нафроти ошаверди. Бир ойча олдин, унга қарши ёзган мақоламни ўқиган халқ, унинг уйи олдида тўпланиб, исмини атаб, таҳдид қила бошлади. Мақоламни хукмдоргага кўрсатгач, устимдан суд ишлари бошланди ва мени ўлимга хукм қилишди. Одил судлов деганлари шу бўлди, лекин халқ мен томонда. Мендан эшитмоқчи бўлғанларингиз шулар. Бошқа ҳеч нарса дея олмайман. Агар ёрдам бериш қўлингизда бўлса, бунга розиман. Лекин билиб қўйинг, душманимдан шафқат кутмайман, ундан кўра ўлганим афзал. Факат алам қиласиган жойи шуки, инсониятга боғланган кишанларни узиб ташлай олмадим. Агар душманим бўлсангиз қайтиб кетаверишингиз мумкин, мен эса у дунёдаги мангубозодлик сари кетаман.

Бу жасур курашчининг айтганлари Faust қалбининг энг тубидан жой олди ва шу ондаёқ адолатсизлик қилгани учун, уялтириш мақсадида вазир ҳузурига жўнади. Иблис эса доктор Робертуснинг хур фикрлилиги остида бошқа нарса ётганлигини яхши тушунарди.

Вазир уларни яхши кутиб олди. Faust ҳам кўрқмасдан, эркинлик билан доктор Робертуснинг қайғули аҳволи, унинг олижаноб мақсади ҳақида очик-оидин гапирди. Дўстиман, деб юрган одам, золимликка қарши чиқкан одамин курбон қилиши, обрўсига ҳам салбий таъсир қилиши мумкинлигини қистириб ўтди. Вазирнинг қасди бор, шунинг учун ундан ўч олайти, деган фикрга боришларини тушунтириди.

— Агар қилаётган ишларингиз адолатли бўлса, — қўшимча қилди у, — кўрқишингизга хожат йўқ, аксинча бўлса, у ҳолда доктор ҳақ бўлиб чиқади, манфаатингиз йўлида, ҳасад билан ундан ўч олдингиз, зарарингизга гувоҳлик берувчидан шу йўл билан кутулдингиз, деб ўлашади.

Вазир: Ким эканлигинизни билмайман, сўрамайман ҳам. Фикрлаш тарзимни билмоқчи бўлсангиз, муомаламдан билиб оларсиз — хираги қилиб таъналар ёғдирдингиз, айб кўйдингиз, чидадим. Уйлаб кўринг, мамлакатдаги ахволни билмасдан туриб, фақат кўчадаги олди-қочди гапларгагина ишониб, мен билан бундай гаплашишга ҳаққингиз борми? Сиз раҳмдиллик қилаяпсиз, мен ҳам шунга яраша жавоб қилаяпман. Доктор Робертус дўстим эди, ҳозир ҳам шундоқ. Робертусга ўхшаган истеъоддли одамлар Ватанига сидқидилдан хизмат қилишшапти, унга ўхшаб зарар келтираётгани йўқ. Нима сабабдан янглиш йўлдан кетаётганлигини суриштирмоқчи эмасман, бу унинг виждонига ҳавола. Мен халқ фаровонлиги ҳақида қайғуришим керак, у бўлса халқнинг кўнглига кутқу солиб, исён кўтармоқчи. Мен бунга узоқ чидадим, агар якка-ю ёлғиз ўғлим шу ишларни қилганда, уни ҳам аяб ўтиргмаган бўлардим — жазоси ўлим. Мен эмас, қонун унга жазо берди, куролли исён нималарга олиб

ЖАҲОН АДАБИЁТИ

келишини у яхши биларди. Ўз хатти-ҳаракатларим учун инсоният олдида жавоб беришга тайёрман. Мен фақат халқнинг баҳт-саодати, осойишталигини ўйлайман, холос, халқ вақти келиб тушуниб олар. Агар сиз дастлабки таассуротларгагина суюниб хулоса қилаётган бўлсангиз, яна бироз ўйлаб кўринг, фикрингизни сиполик билан бошқачароқ тарзда изҳор қилмоқчи бўлсангиз, халқ учун, мен учун фойдалироқ бўлса, эшишишга доим тайёрман.

Бундай қатъий ва самимий сўзларни айтгач, вазир чиқиб кетди. Фауст жавоб бериш учун сўз тополмади ва Иблисга қаратади:

– Қайси бирига ишонишим керак? – деди.

Иблис елкасини қисиб кўйди. Умуман олганда, инсониятни маҳв этувчи, дўзахга етакловчи ҳолатларда Иблис ўзини гўлликка солар, билмадим, деб кўя қоларди.

Фауст: Сендан сўраган ўзим аҳмок! Яхшиси, қалбимга қулоқ соламан! Менга ўхшаш эътиқоди зўр одам бекордан-бекорга ўлиб кетиши мумкин эмас.

Хозирги ёшларнинг эътиқоди заиф эканлигини билганда эди, Фауст доктор Робертусга ишонмаган бўларди. Аммо унинг учун бу янгилик эди.

Эртасига эрталаб Faust Иблис билан ҳукм ижро этиладиган майдонга жўнади. Йўл-йўлакай Иблисга ўз қарорини айтди. Тиз чўкиб кундага бошини кўйган Робертуснинг боши узра кўтарилган жаллоднинг болтаси муаллақ қолди, маҳкум бирдан йўқ бўлди. Иблис уни кўтарганча мамлакат ташқарисига олиб чиқиб кетди. Faustнинг буйруғига кўра унга кўп миқдорда пул берди. Хурсанд бўлиб, тўрт томонинг қибла, кетавер, деб кўйиб юборди. Робертус озодлик ва бойлиқдан қай мақсадда фойдаланишини Иблис жуда яхши биларди. Робертус йўқ бўлиб қолганилигидан оломон хурсанд бўлиб, майдон табрик қичқириклирига тўлди. Худои Таолонинг ўз севган бандасига кўрсатган марҳамати эканлигига ишонч мустаҳкамланди. Ўз ишидан мамнун бўлган Faust оломон ҳайқириғига кўшилди.

3

Шундан сўнг Faust Иблис билан князлигига жўнади ва тўппа-тўғри князь саройига кириб келишди. (Қаҳрамоннинг Германия бўйлаб қилган саёҳатидаги кўп саргузаштлар ҳақида ёзиб ўтирадим.) Хурматли ўқувчи, айrim олмон ҳукмдорлари ва аслзодалари исмини айтмаганим кўрққанимдан эмас, сабаби, уларнинг хатти-ҳаракатларига ёлғончи, лаганбардор ва нодон тарихчиларимиз бутунлай бошқача баҳо беришган, аслида эса ҳақиқий қилмишлари сир сақланган. Одамлар ёлғонни рост деб қабул қилишга мойил бўлади, шунинг учун ошкор қилинган сир-асрорларга ишончсизлик туғилмасин, деб ўйладим.

Тез орада икки йўловчи бутун Германияга донг таратган, доно, олижаноб ва адолатли подшо, халқлар отаси деб тан олинган ҳукмдорнинг пойтахтига етиб келишди. Тўғри, барча фуқаролар ҳам бу фикрга қўшилавермасди, аммо барчага бирдек ёқадиган ҳукмдор ҳали дунёга келмаган. Сиёсатчilar орасида шунаقا мақол бор, у ҳукмдорларга ҳар хил таъсир қиласди: ёмон ҳукмдорларни яхши йўлга бошлиш ўрнига, ундан ҳам баттарига йўллайди.

Бойлиги, зодагонларга хос муомаласи туфайли Faust билан Иблис саройга осонгина йўл топди. Faust князни кузатаркан, гўё у билан олдиндан муносабат ўрнатгандек, маълум бир кайфиятга тушди. Тахмини тўғри чиқиши учун князнинг бир оғиз муомаласи кифоя эди. Кўринишидан, балки ҳақиқатан ҳам шундайдир, тўғри сўз, очиқ кўнгил, ўзгаларда яхши таассурот уйғотишга мойил, дилтортар, ширинсухан, ўз қадрини сақловчи, ҳазилни ҳам ўрнига қўядиган, сўзсиз, ўзгаларнинг хурматига сазовор бир одам эди, сабабини эса, тушунтиришга ҳожат йўқ. Қаерга бормасин, у ўзини хушмуомала, одобли қилиб кўрсатар, фақат синчков одамгина булар остида сохталик ётганини пайқаб қолиши мумкин. Ўзининг табиий феъл-авторини сиёсий ҳийлаларга бўйсундира олган зодагонлар билан камдан-кам мулокотда бўлган Faust

князга қойил қолди, уни комил инсон, деб тушунди. Бирмунча вақт саройда бўлган Фауст барча аслзодаларни таниб олди. Бир кун кечки пайт у Иблис билан сухбатга киришди.

Фауст: Шу кунларда атайлаб сен билан князъ ҳақида гаплашмадим. Энди тушунгандаримдан умидвор бўлиб айтмоқчиманки, у ҳақдаги гап-сўзлар ёлғон эмас экан. Сен ҳам бунга ишонишинг керак – қидирганимизни топдик.

Иблис: Гапни қаёққа бураётганингни кўриб турибман. Иблис ҳақидаги тасаввуринг фалати экан. Лекин бу ҳақда кейинроқ гаплашамиз. Ҳақиқатан ҳам ҳукмдоринг ёмон одам эмас. Уз мулоҳазаларим ҳақида сенга айтмайман. Шу бугун кечкурун вазир билан сухбатлашиб, бўлажак воқеалар ҳақида анча-мунча нарсаларни билиб олдим. Ҳукмдоринг ҳақиқатан ҳам буюк қадр-қимматга эга эканлигига ўзинг қатъий амин бўласан, бунга имкониятинг бор. Ҳозирча ўша комил инсонингни ардоқлаб ўтира тур. Энди айт-чи, унинг эркатоий граф Ц... ҳақида фикринг қанақа?

Фауст: Лъянати! Мени хижолатга солаётган нарса айнан шу. У – ҳукмдорнинг энг яқин дўсти, айни пайтда у хатарли сувилон, тутқич бермайдиган чапдаст, худди эрига хиёнат қиммоқчи бўлган аёлдек айёр. Балки, бу дилидагини яширадиган бир ниқобдир, чунки қирол арзандаларига ёпишиб оладиганлар саройда кўпdir?

Иблис: Фауст, наҳотки, ўзининг кимлигини ҳаммадан боплаб яшириб юрадиган шу одамнинг юраги бор деб ўйлайсан? Ақли, чаққонлиги, эҳтиёткорлиги табиий ҳиссиётларини йўққа чиқарган одамга ишониб бўладими? Унда на түфма сезги, на руҳий шиддат қолган. Ҳар бир инсоннинг ички оламида рўй бераётган шиддатли интилишлари унинг ташки қиёфасида, юз-қўзларидан акс этмас экан, демак, у табиий қиёфасини йўқотган, дунёдаги энг хавфли ёвуз ҳайвонга айланган. Бундай ярамас маҳлуқлар энг нозик маънавиятини ҳам шаҳватпарастликка курбон қиласди.

Фауст: Сенингча буни мугомбирлик ҳам деб бўлмайдими?

Иблис: У ҳолда инсоннинг заррадек бўлса ҳам ўзлиги қолиши керак, чунки ниқоб ҳам шахснинг ўзига хос хусусиятларини тўла яшира олмайди: ниқоб кийганни овозидан, хатти-ҳаракати ва юриш-туришидан билиб олиш мумкин. Йўқ, Фауст, у одамни қандай эканлигини кўрган бўлсанг, у шундай одам.

Фауст: Лъянати! У ким бўлди экан?

Иблис: Ҳа, бу одам кўпни кўрган, Европа қиролларининг барча саройларида бўлган, ўзига сайқал бериб, табиий қўполликларидан асар ҳам қолмаган. Совуқкон ақл-идроқи билан табиий хис-туйғуларини йўққа чиқарган одам тасаввурингизда эзгу иш деб эсингиз кетадиган нарсалар устидан кулувчи, ёқмаган нарсасининг баҳридан ўтувчи, ўтқир ақл эгаси. Шахсий тажрибасига таяниб, инсониятни йиртқичлар тудаси деб хисоблади, кимдир хайрли ишларга бел боғласа, уни ғажиб ташлайди. Усталик билан уюштирилган ва амалга оширилган саройдаги фитнадан бошқа нарса уни қизиктирмайди, қизлар билан, худди туридан узиб олинган гулдек муомала қиласди: лаззатидан баҳраманд бўлгач, бепарволик билан топтаб ташлайди.

Фауст: Ичиқора иблис! Шундай одам князлиги ҳукмдорининг дўсти бўлиши мумкинми?

Иблис: Ҳукмдорга у ким бўлишини тез орада кўрасан. Айтиб қўяй: воқеалар ҳали олдинда. Шу бугун кечкурун вазирни кўрдингми?

Фауст: Нимагадир менга ғамгин, ташвишли бўлиб кўринди.

Иблис: У сизлар “ҳалол одам” дейдиганлар тоифасидан. У меҳнаткаш, фазилатли ва адолатли, лекин амалга оширган биргина ёвузвлиги тарози палласини босиб кетади. Ҳамма бало шундаки, гўзал аёлларни кўрса кўнгли суст кетади, аммо олий ақидаларига амал қилиб, черков фотиҳа бўрмагунча яқинлаша олмайди. Биринчи хотини вафот этгач, ўша сен кўрган аёлни севиб қолиб, тезда унга уйланиб олди. Вояга етган болаларига ўтай она бўлиб олган бу аёл, унга вақтинча лаззат берди-ю, аммо фаровонликдан умрбод жудо

қилди. Севгининг кўзи кўр дейишади, шундан фойдаланган аёл қимматбаҳо тақинчоқлар, зебу-зийнат, кийим-кечаклар, кўнгил очиш учун, ўзига, эрига, болаларига тегишли бўлган барча бойлигини совурди, бу ҳам етмагандек, каттагина қарзни бўйнига осиб қўйди. Ўз уйининг ҳақиқий хўжайини бўлган, ўша сен кўрган барон Г... ни йўлдан уриб, уни ўзига ёрдамчи қилиб олди. Ҳамма нарсасини совуриб бўлгач, тасавурида уйғонган истак-ҳоҳишиларини қондиришга бошқа чора тополмай, ўйнаши тўқиган режаларини амалга ошироқчи: мақсади ўз қизининг иффатини ҳукмдорнинг арзандасига, у айтган баҳода сотиш ва келажакда қизни турмушга бериш ҳақидаги ёлғон ваъдаларига ишонтириш. Вазир бу ҳақда ҳеч нарсани билмасди, у факат маблағи йўқлигини, қарзга ботғанлигини биларди, холос. Бойлигини бемалол совуриш учун ўғай она қувғинига учраган ўғли қайтиб келаётганлигини, аҳмоқлиги туфайли мушкул аҳволга тушиб қолғанлигини ўйлаб, вазир эсанкираб қолди. Бу орада турклар билан бўлган урушда қатнашган ўғли кўлидан жудо бўлди. Ҳукмдор уни ҳурмат қилишини билган граф Ц... балки, жиддийроқ бир ишни амалга ошироқчи бўлгандир? Лекин яқиндан бери ахвол ўзгарди. Ҳукмдор арзандасига мамлакатдаги энг бой меросхўр қизга уйланишни таклиф қилди. Энди граф Ц... нинг хаёли қандай қилиб бир ўқ билан икки қуённи отиш ила банд: вазирни, ҳам оила аъзоларини шундай усталик билан йўқ қилиши керакки, ҳеч ким ундан шубҳаланмасин, ўч олган деб ўйламасин. Барча оила аъзоларини гумдон қилиб, вазирнинг ўзини эса куртдек эзиб ташлайди, токи унинг оҳ-воҳини ҳеч ким эшитмасин.

Фауст: Наҳотки, ҳукмдор унинг ўчини олмаса?

Иблис: Воқеа ривожини ўзинг кўрасан.

Фауст: Бу ишга аралашма. Акс ҳолда кунингни кўрсатаман.

Иблис: Иблиснинг сенга кераги йўқ, ўзинг ҳам кўп нарсага қодирсан. Фауст, энди биз инсон қалбини ўраб турган пардани кўтарамиз. Олмонларда ҳам такомилликка эришиш қобилияти борлигини кўрганимдан мамнунман. Тўғри, сизлар бошқа ҳалқларга тақлид қиласизлар, ўзингизга мосини эмас бу, аммо дўзах учун фарқи йўқ: энг муҳими ўз истагингиз билан ҳаракат қиласиз.

4

Фауст саройдаги гўзал хонимларни йўлдан уриб, вақтичоғлик қиларкан, граф Ц...нинг нияти амалга ошиш фурсати яқинлашарди. Ҳукмдор арзандаси барон Г... билан бирга ўтириб, унга ўз режасини баён қиласарди. Унинг қўли билан иш қилмоқчи эканлигини сезган барон, вазирнинг хотинига бўлган ишқ олови орадан йиллар ўтиб сўниб қолган бўлса-да, унинг бошига тушган қайғу, қизининг кўз ёшлари, ўғлининг майиб бўлгани виждонини бироз безовта қилди ва унга юкламоқчи бўлган ишни бўйнидан соқит қилишга баҳона кидира бошлади. Одатда бир-бирини яхши биладиган одамлар ўртасида бўлганидек, барон ҳам бажармаган иш учун олдиндан мукофот пулени олди. Иш режасига кўра, граф ҳукмдорнинг розилиги билан баронни муҳим дипломатик топшириқ билан император саройига жўнатиши керак. Унгача барон катта пул эвазига вазирнинг хотинини ўз томонига оғдириб, у орқали эри хонасидан муҳим бир хужжатни ўғирлаши керак эди. Ҳукмдор билан бошқа бир князлик хонадони ўртасида чиқкан жанжални бартараф қилишда ўша хужжат ҳал қилувчи восита бўлиши керак. Хужжат вазирга маъруза тайёрлаш учун ишониб топширилган бўлиб, граф мўлжаллаганидек, ишни шундай ташкил қилиш керакки, натижада айборд факат вазир бўлиб қолсин. Кўринишидан, гўё вазир душман томонга сотилиб, муҳим хужжатни уларга бермоқчи бўлгану, аммо граф Ц...нинг хушёrlиги туфайли хиёнат амалга ошмаган бўлиши керак. Оқибатда граф Ц...нинг ҳукмдор ва унинг оиласи нажоткорига айланади-қолади. Режа шулардан иборат эди. Хотинига пул бера олмайдиган эркакнинг жазоси шу, деб хисобларди вазирнинг хотини. Колаверса, ҳукмдорнинг арзандасига шунга ўхшаш хизматлар кўрсатиб

ЖАҲОН АДАБИЁТИ

туриш, уни ўз томонига оғдириш учун фойдадан ҳоли эмас, деб ҳисоблаган аёл, ўйлаб-нетиб ўтирасдан хужжатни баронга топшириди.

5

Оғир хўрсинганича вазир ёлғиз ўзи кабинетида у ёқдан-бу ёкка бориб келарди. Шу пайтгача таскин бериб турган суюкли қизи ҳам бўлажак шармандаликинди ўйлаб, хонасида ич этини еб ўтиради. Севги деб аталмиш маккор туйғунинг алдоқчи шуълалари қалбини эзар, хонасига бекиниб олиб, аччиқ-аччиқ йифларди. Шафқатсиз қўллар юлиб олган гул каби сўлиб борарди. Ғам юки остида эзилиб кетган вазирнинг хонасига хотини кириб келди-ю, мусибати янада кучайди. Кетидан кирган барон император саройига дипломатик топшириқ билан боришига алоқадор бўлган қўлланмани сўради. Бу ҳақда хукмдор олдиндан фармон берган бўлиб, уни топиш учун вазир канцелярияга чиқиб кетди. Бундан фойдаланиб, аёл суюклиси олдида ёлғондан ҳаяжонга тушиб, ўзини чорасиз аҳволда қолгандек кўрсатди. Вазир қўлланмани баронга топшираётган пайтда чопар кириб келди ва хукмдорнинг фармонини вазирга топшириди. Унда ўша машъум хужжатни маъруза билан бирга бериб юборишлик тайинланган эди. Бу хужжатларни рақиб томон вакилларига танишиб чиқиш учун тақдим қилиш лозимлиги айтилганди. Вазир кабинетидан хужжатни қидира кетди, шкафларни ағдар-тўнтар қилиб титкилади, аммо хужжат топилмади. Юзидан совуқ тер чиқди. Канцелярия ходимлари, котибларни сўроққа тутди, хотини ва қизидан ҳам сўраб чиқди, фойдаси бўлмади. Биргина йўл қолди, холос, айбисизлигини ҳис қилса-да, бўйинини эгиб ҳаммасига чидаши керак. Хукмдорнинг олдига кирганда, у ерда граф Ц... ўтиради. У бўлган воқеани сўзлаб берди. Бу воқеада ўзининг айби йўқ эканлигини таъкидлаб, хукмдор амрига мунтазир эканлигини билдириди. Вазирнинг бу хабари хукмдорга қандай таъсир қилганлигини билиш учун граф уни бир неча дақиқа кузатиб турди. Кейин совуққина тиржайиб ўша хужжатни чўнтағидан олди-да, хукмдорга таъзим билан узатди. Қандай қилиб бу хужжат унга тушиб қолганлиги ҳакидағи саволларга жавоб беришини истамади, хукмдор ғазаб билан дўқ-пўписа қилгач, ўзи ўйлаб топган ёлғонни сохта ғазаб билан сўзлаб берди. Кўз кўриб, кулоқ эшитмаган бундай айб уни эсанкиратиб кўйди, ишнинг бундай чаппа кетишини кутмаган вазир, нима дейишни билмай лол бўлиб, котиб қолди. Хукмдор ғазаб билан унга тикиларкан:

– Миянг айниб тож-тахтимга хиёнат қилишингни олдинроқ билишим керак эди, – деди.

Вазир бундай таънани эшитгач, ўзини бироз қўлга олиб, айби йўқ эканлигини исботламоқчи бўлиб оғиз жуфтлаганди, хукмдор йўл бермади, ишни топшириб, уйига жўнаб кетишини буорди. Суд ишни кўриб чиқмагунча шаҳардан ташқарига чиқиши ман этди.

Шўрлик вазир кўз ёшини оқизганча чиқиб кетди. Умидсизликка тушган қизи келажакда бошига тушадиган шармандаликинди айтиб берди, хотини эса айбни бўйнига олди. Унинг ироди кучи сўнди, ақлдан озди. Ақлдан озиш инсон учун жуда оғир қисмат. Онги зулмат пардасига қопланиб, ўтмишда яқинлари томонидан етказилган қалб жароҳати ҳам унутилади.

Иблис бу воқеани Фаустга олдинроқ айтиб берганди, шунинг учун атайлауб уни вазир хонасига олиб келганда, хушини ҳали йўқотмаганди, фикрлаш қобилияти хиссиётларини бошқариб турарди. Чеккан мусибатлари ҳакида алланималарни ғулдуради, кўзидан оқаётган ёш унинг тиззасини кучоқлаб турган қизига томди. Мусибат ва ғам-аламга ботган қизнинг юзини умидсизлик қоплаганди. Ота табассум билан қизининг соchlарини силади, яна жилмайди... Хонага ўғли кириб келди. Йигит хурсанд бўлиб, отасининг кучоғига отилмоқчи бўлди, лекин маъносиз боқаётган нигоҳини кўргач... Нихоят, вазирнинг аламдийда кўксидан даҳшатли қичкириқ отилиб чиқди, қалбларни ларзага солди, асабларни қақшатди ва бечорани умрбод даҳшат ва қайfu тимсолига айлантириди.

Фаустнинг жазаваси тутди. Газаб ва нафрат билан лаънатлар ўқиди. Ҳакиқий воқеани ҳукмдорга етказиб, ёлғончини фош қилмоқчи бўлди. Иблис илжайганча унга маслаҳат берди. Агар ўша “комил инсон” даражасига етган ҳукмдорнинг ҳакиқий башарасини кўрмоқчи бўлса, эҳтиёт бўлишиликни тайинлади. Фауст саройга шошилди ва бўлган воқеани ётиқлик билан ба-тафсил сўзлаб берди. Қабиҳликка кўл урган граф Г...бу хиёнатни вазирнинг қизи билан алоқани узиш мақсадида қилганлигини айтиб ўтди. Ҳукмдор ўз арзандаси граф Г... ни чақиртириди ва уни кучоклаб деди:

– Шундай дўстим борлигидан баҳтиёрман. Мени деб ақл бовар қилмайдиган даражада ғалати иш қилибсан, қойил. Вазирнинг ўзи бир аҳмоқ одам эди, кутулганимдан хурсандман. Бундан буён унинг вазифасини ўзинг бажарасан.

Фауст газабдан лол бўлиб тошдек қотди. Кейин бироз ўзига келди, вазирнинг ахволини эслади. Ихтиёрида бўлган Иблисни ишга солиб, даҳшатли тарзда ўч олишни ҳам унуди. Ҳукмдор ва арзандасига таъна тошларини ёғдирди. Ақл-онгини ишга солмасдан ҳиссиётларига эрк берди, ҳолбуки, инсонни оёқости қилган бу золимдан қасос олиши керак эди. Уни тентакка чиқариб, ҳайдаб солишди. Иблис уни шод-хуррамлик билан кутиб олди, унга жавобан Фауст оғиз очмади. У тишларини гижирлатарди, инсоният билан алоқаларини абадий узганлигидан аянчли тарзда қониқиши ҳосил қилди.

Тун ярмида граф Фауст билан Иблисни тутиб, ифлос қамоқхонага тиқиши буюрди. Фауст Иблисга қаршилик қилмасликни тайинлади. Бу риёкорларнинг ёвуэлиги қаёқача боришини билмоқчи бўлди. Қамоқда ҳам шубҳалари унга тинчлик бермади. Қундуз куни кўз олдида содир бўлган воқеада вазирнинг қисматини ким бошқаради, деган савол уни қийноқقا соларди. Газаб ва нафратга тўлган мияси вулқондек қайнаб кетди... Кутилмаганда истехҳзо билан қаҳҳаҳа отди ва қичқирди:

– Эй, Худо, қаердасан? Одиллигинг қаерда қолди, кўрмаяпсанми? Ҳалол инсон ақлдан озди, уни шу ахволга соглан золимга арзандаси қилган ярамасликларини айтиб, кўзини очмоқчи эдим, у бўлса бундан янайм қувониб кетди. Маънавият-ахлок оламида, мантикий боғланиш, маъно ва мақсад борми? Ақлдан озган ўша баҳти қаронинг телба тасаввуридаги зулмат оламидан бу ёруғ дунёнинг нимаси афзал? У бечора ҳимоясиз қолиб, Яратганинг иродаси билан ҳалок бўлди, қасос оладигани ҳам йўқ!

Иблис тиржайганча эшитаркан, Фауст давом этди:

– Агар инсон бирор ҳатти-ҳаракатни зарурият остида қиларкан, демак, Парвардигор унинг қалбига шу нарсани жойлаган, у ҳолда қилмиши учун жавобгар эмас-ку? Лекин, беайб Парвардигордан гуноҳга ботиравчи ёмон нарсалар чиқмайди-ку? Бинобарин, қилмишимиз қандай ёмон оқибатларга олиб келмасин, бизда айб йўқ, у ҳолда бизга номаълум бўлган сабабларга кўра қилмишимиз қурбонига айланамиз. Агар қилмишимиз ҳакиқатан ҳам мудҳиш ва жазога лойик бўлса, у ҳолда бизни жазолаш адолатдан эмас-ку, ахир қалбимизга жойлаган ўзимиз эмасмиз-ку? Бу муаммони ечиб бер, эй Иблис. Нима учун ҳакиқатгўй, адолатли инсон азоб-уқубатда-ю, ёвуэлар эса роҳат-фароғатда? Шуни билмоқчиман!

Иблис: Фауст, сен факат икки хил эҳтимолни назарда тутаяпсан. Агар учинчиси ҳам бўлса-чи? Худо сизни яратиб, курт-қумурсқадек ўз ҳолингизга ташлаб кўйган бўлса-чи?.. Бу чигалликларни ўзингиз ечиб олинг, қабилида бу дунёнинг алғов-далғовларига рўбарў қилинган бўлсангиз-чи? Агар эплай олмасангиз, демак, у дунёда жавоб берасиз. Бундай қарама-карши фикрларни қалбингизга жойлаган Зот, қилмишингизга қараб охиратда ё жазо беради, ё мукофотлайди.

Фауст: Агарни магарга тиркашни қайси бир файласуфдан ўргандинг? Ҳаётдаги оддий воқеаларни кузатавериб, шундай хulosага келдимки, инсон бекордан-бекорга ўзини қийнаб, масалалар моҳиятига етмоқчи бўларкан, аслида уни ечиб бўлмас экан, ҳатто Иблис ҳам бунга ожизлик қиларкан. Оламда иллат ва аҳмоқлик ҳукмронлик қилар экан, эзгуликка ўрин йўқ, чунки умрини яхшиликка бағишлаган одам химоясиз қолади. Яхшиликни одамлар ўйлаб топишган, чунки табиий эҳтиёжларимиз, феъл-атворимиз, еб-ичиб, лаззат олишнингина билади, яхшиликни билмайди. Биз эса аҳмоқона гердайиб кўкка тикилганча, итоаткор бўлганимиз учун, номаълум келажакдан мукофотлар кутамиз, атрофимизда эса устимиздан кулаётган, тантана қилаётган иллатлар тўлиб-тошиб ётибди. Мен эса тилка-пора бўлган қалбим билан дарғазаб онгим ўртасида аросатдаман, гўё кутурган денгиздаги яшин урган кемадаман – ё денгиз қаърига чўкишим, ё оловда куйишим керак – унисида ҳам, бунисида ҳам ажалга дучор бўламан. Инсон мусибатларини кўрганимда мени қамраб оладиган раҳмидиллик кимга ҳам керак? Одамларга факат манфаат келтирувчи бир омил сифатида қаровчи замона зўрларининг қалби каби, менинг ҳам қалбим, майли, тошга айлансан. Мен ҳам ўшалардек бўлишим, инсониятни таҳқирлашим керак. Эй, фалак, она қорнидаёқ ўлиб кетсам бўлмасми?! Нега менга ҳиссиёт бергансан, ақл-онг бергансан? Адолат деган нарсани билмай кўя қолсам бўлмасми? Нима учун инсон моҳиятини Иблисдан билиб, унинг олдида инсониятни лаънатлашим керак? Эй, сафсатабоз маккор, яна сендан илтимос қиласман, бу муаммони ечиб бер. Сирни айт, у дунё вакиллари пайдо бўлиб, жонимни олсалар ҳам тайёрман.

Иблис: Ўзингни бос, истакларингдан воз кеч. Бу дунёнинг ожиз бандаларига бундай сир-асрорларни билиш раво кўрилмаган, ҳали неча минглаб одамлар бу муаммо йўлида ҳалок бўладилар. Дастребки учрашувимизда қўйилган мақсадларимизни унутма. Мен сенга инсоннинг ҳақиқий борлигини кўрсатишга, ёшлиқдаги бемаъни фикрлар-у, китоблардан олган таассуротларингни йўққа чиқариб, ҳаётдан лаззатланишга имконият яратиб беришни ваъда қилгандим. Мени деб Яратгандан воз кечдинг. Унинг ишларига ҳеч қачон ақлинг етмайди, айтганларинг эса телбаликдан бошқа нарса эмас, унинг кўз олдида қилаётган жирканч ишларинг манманлик, телба орзулар, холос. Агар кўтаришга қурбинг етса, атрофингни қуршаган бир сирни айтаман.

Фауст (аҷиқ заҳархандалик билан): Туғилганимдан то ўлгунимча тепамда хилпираб турадиган даҳшатли жаҳаннам куткуси ҳаққи қасам ичаман, инсониятдан воз кечиб тўғри иш қилдим. Ўзимни ихтиёрингга топшириб, озод ва эркин тирик жон сифатида ўз тақдиримни ўзим ҳал қилдим (Овозини пастлатиб, ғазаб билан). Озод ва эркин тирик жон! Хо-ҳо-ҳо! Овчи итига ўҳшаб, озод ва эркин. Бўйинбоғидан ушлаб олсан қаёққа бораркан бу маҳлук?!

Иблис: Ҳой мазахчи, менга ишонавер, агар одамларга, сенга берилганидай, ғайритабиий куч ато қилинганда эди, дўзах тап-тақир бўлиб қоларди, ер юзини иблис-у, шайтон, инс-жинслар босиб кетарди, ёмонлар азизавлиёларинг-у, золим ҳукмдорларнинг ихтиёрида бўлган, сизларга қарши ишлатиладиган аскар-ҳарбийлардан ҳам кўп бўлиб, сон-саноғига етиб бўлмасди. Ҳайҳот! Сенга ўҳашаш ақллиларнинг аҳмоқона истакларини бажаришга мажбурман! Сенга ўҳшаб, ҳар бир ярамас даҳо, шайтонни дўзахдан чақириб олиб, измига солиш имкониятига эга бўлганда холимиз не кечарди?

Шайтоннинг сўнгги мулоҳазалари Фаустнинг бошқа фикрларига туртки берарди, лекин тасодиф сухбатнинг белига тепди. Қамоқ хонасига тўсатдан олтига соқчи билан иккита жаллод катта қопларини кўлтиқлаб кириб келишиди. Фауст нима бўлганлигини сўраганда, уларнинг бошлиги буйруқ билан келганликларини, унга кўра иккаласини қопга жойлаб, шу яқин атрофдаги дарёга чўктириш кераклигини билдириди. Иблис кулиб юборди ва Фаустга қаратага:

ЖАҲОН АДАБИЁТИ

— Кўрдингми, Фауст, ҳукмдор эзгуликка жонбозлик кўрсатганингни тақдирламоқчи.

Фауст унга бир қаради-ю имлаб қўйди. Қамоқ ичи жаҳаннам шовқин-суронига тўлди, соқчилар даҳшатга тушиб йикилишди, шамол чирпирак килиб маҳбусларни учирив кетди.

Шу ондаёқ Фауст қалбида қасос ўти аланга олди-ю, ўзи эса юзига халоскорлик ниқобини тортди. Инсоният зулмкорларидан ўч олишга бел боғлади. Иблиснинг имкониятларини ишга солиб, бу дунёдаги риёкор ва ёвузлар устидан ҳукм қилишга киришди. Фауст:

— Саройга бор, — дея буйруқ берди Иблисга, — Яхшиларни ҳақорат қилганларни бўғиб ўлдир. Сотқинларни кўра-била туриб, уларни мукофотлаган, ҳақиқатни оёқ ости қилувчиларни ер юзидан қуритиб юбор. Инсоният учун қасд ол!

Иблис: Сен жудаям ошириб юбординг.

Фауст: Қасоскор уйқуда, ҳақиқатгўй эса жафо чекмоқда. Эзгулик ниқоби остидаги риёкорлар йўқ бўлишини истайман.

Иблис: Ундан кўра инсониятни қириб ташлаш учун ўлат юборишни буюра қол. Қайсарлик қилиб, тентакларча иш тутсанг, одамларнинг ҳоли не кечади? Бу билан жаҳаннамни тўлдирасан, холос, Ер юзида эса тартиб эскича қолаверади.

Фауст: Вой ичиқора иблис-эй, ёвузликларини давом эттириш учун, уни асраб қолмоқчимисан? Ундей ҳукмдорлар барчаси дўзахий, чунки улар иллатларни мукофотлаб, эзгуликнинг қадрини ерга уришмоқда. Унинг жазоси ўлим! Ёвуз қилмишини ортмоқлаб, жаҳаннамга равона бўлиши керак.

Иблис: Тентак! Осийларнинг жонини олсам, хурсанд бўламан. Кейинчалик менга таъна қилиб, ўзингни оқламагин, деган ниятда айтаяпман бу гапларни. Майли, оқибатига ўзинг жавоб берасан.

Фауст: Розиман. Буниям тарози палласига қўйиб кўраман, зора, гуноҳларимни босиб кетса. Бор, уни жонини ол! Қасос ўқига айлан! Амалдорини эса Ливия саҳросига обориб қўй, токи ўша ерда азобланиб, қийналиб ўлсин.

Иблис: Буйруғингни бажараман, Фауст, лекин ўйлаб кўр, ҳукм қилиш сенинг вазифанг эмас.

Фауст: Дунёда энг ожиз махлук эканлигимни биламан. Лекин шу лаҳзада эмас!

Иблис: Иззат-нафсингга тегиб кетгани ва инсондан қўнглинг қолгани учун шу ишни қилаётганингни биламан.

Фауст: Вайсақи! Ёшлиқдаги телбаликларим асорати бу, ёмонликни кўриб ғазабим қайнар, ноҳақ одамни кўрсам, ўлдириб қўйгим келарди. Бундай нарсаларга бепарво бўлганимда, сени дўзахдан чиқариб ўтиармидим? Бор, буйруғимни бажар!

Ўзининг даҳшатли дўзахий қиёфасига кириб, Левиафан ухлаб ётган ҳукмдор хонасида пайдо бўлди ва жаҳаннамни эслатувчи қичкириқ билан уни уйғотди, унга кўзи тушган ҳукмдор тил тортмай ўлди. Кейин Иблис қўркувдан титраб турган амалдорни ушлаб олиб, Ливия саҳросига улоқтириди. Фауст олдига қайтгач: “Буйруғинг бажарилди!” деди ва иккаласи қанот боғлаб, мамлакатдан чиқиб кетишиди.

Фауст қайғуга ботганча отда келарди (чегарадан ўтишгач, Иблиснинг сеҳржодуси билан юриш услубини ўзгартиришганди). Сўнгги воқеа Фаустнинг қалбини ҳамон эзib турарди. Иблиснинг ҳар доим ҳақ бўлиб чиқиши унга алам қиласарди. Воқеаларга ўзи гувоҳ бўлгани, одамлар ҳақидаги тасаввuri ўзгариб, уларнинг ҳақиқий башараларини кўрганлиги, дард устига чипқон бўлди. Иккиюзламачи, риёкор одамлардан вазир учун қасос олганлиги унга

бироз таскин бериб турарди. Одамзот манфаати йўлида ўз жонидан воз кечиб, Иблис билан иттифоқ тузди. Бу анча-мунча одамнинг қўлидан келмасди, мард бўлиши керак эди. Бу борада у қадимги дунё қаҳрамонларидан ҳам ўтиб тушди. Агар улар шон-шуҳрат кетидан қувиб, жонини фидо қилган бўлсалар,Faust ҳар икки дунёсини ҳам қурбон қилди, шу маънода уни шахсий манфаатдорликда айблаб бўлмасди. Ҳар қандай шароитда ҳам инсон ўз иззатнафсини юқори кўяди, ҳатти-ҳаракатини шу бошқаради. Faust жаҳаннамда унга аталган шоҳона ўринни тасаввур қилиб кўрди. Такаббурлиги тутиб, Иблис ваъда берган лаззат ва шахватпарастилиги ҳам ёдидан қўтарилиди. Отда кетаркан ўзини ёвузиликдан ўч олувчи эзгулик рицари деб тасаввур қилди. Бу алдоқчи фикр ўзига малҳамдек ёқиб тушди. Ҳатто Иблис орқали ҳам етиша олмаган сир-асрорлар ҳақидаги уни қийноққа солаётган фикрлар ҳам бироз чекингандек бўлди. Улимдан ором топған тақводордек, жаҳаннам ёқасида у ҳам ором топди. Иблис уни фикрларидан чалғитишни истамасди, шунинг учун ёнида жим кетаверди. Эзгулик ҳақидаги ҳавойи фикрлари уни турли балоларга дучор қилишини билган Иблиснинг нафрати, Faustнинг билими кенгайган сари, ортиб борарди. Faustнинг тасаввурида пайдо бўлган, ранг-баранг хаёлий кўринишилар йўқолишини, унинг жаҳаннамда мисли кўрилмаган азоб-уқубатлар чекишини олдиндан кўра билган Иблис завқланарди. Узоқ муддатли сукутдан сўнг Faust тилга кирди:

– Айт-чи, анави маккор амалдор нима бўлди?

Иблис: У қизиб ётган кумда тилини осилтириб, бир томчи сувга зор бўлиб ётиби, лекин у ерларда минг йиллардан бери ёмғир томчиламайди, шамол ҳам эсмайди, шудринг ҳам тушмайди, бошидан офтоб уриб, ўлар ҳолатда. Мияси айнаб, Яратганга ҳам лаънат ёғдиришга тайёр, аммо қақраб қолган тили гапиришга ожиз. Нам ерни ялаш учун юмронқозиққа ўхшаб кумни кавлаб ётиби, аммо ўзига гўр қазиётганидан хабари йўқ. Ўч олиб, кўнглинг ўрнига тушдими?

Фауст: Ўч! Адолатни ўч билан аралаштирма! Бу сўзларинг менга оғир ботди. Бечора вазирнинг мусибатлари ҳақида сўзлаганимда, заҳархандалик билан кулганинг ҳали ёдимда.

Иблис: Faust, ким ҳақ эканлигини вақт кўрсатади. Дехқон жут экади, ундан арқон тўқийди, агар солиқни вақтида тўламаса, бешафқат хўжайини уни шу арқонга осади. Ишни кенг йўлга кўйган устомон одамни кўрсатсан, холинг не кечарди? Биз ҳозирча бир маҳлукнинг терисини шилиб кўрдик, холос, кўксини ёриб кўрганимизда нима бўларди? Яшашга лойик эмас, деб барча ёмон одамларни ўлдираверсанг, Тангри таолога иш қоладими? Лекин одамлар ҳаётда мусибат чекади, гоҳо гуноҳ ишларга қўл уради, охиратда мукофотини ё жазосини олади. Айт-чи, Faust, инсоннинг ожизлиги нимада? Бирор нарса ясамоқчи бўлсанг, мақсадингга мос тушиши керак эмасми? Максадингга мос тушмаса ёки фойдадан кўра зарари кўпроқ бўлса, хатоингни тузатиб, уни такомиллаштиришинг ёки ундан бутунлай воз кечишинг керак эмасми?

Faust эндиғина жавоб беришга чоғланган ҳам эдики, шу пайт узоқда ўт кетган қишлоқ кўринди. Ҳаяжонланган Faust отга қамчи босди, кетидан Иблис отини чоптириди. Тез орада рицарлар ва аскарлардан иборат гурухга дуч келишди. Тўқнашувда улар мағлуб бўлиб, рақиблари аллақачон жуфтакни ростлаб қолишган экан. Қишлоққа яқинлашгач, далани тўлдириб ётган жасадларга, отларга кўзлари тушди. Улар орасида тирик қолган бир куролбардор бўлиб, у чиқиб ётган ичак-чавағини қорнига тикишга уринарди. У даҳшат билан қичқирап, оғзига келганини қайтармасдан сўкинарди. Faust мулоҳимлик билан ундан тўқнашув сабабини сўради, аммо ярадор унга бақириб берди:

– Йўқолинг, бироннинг ишига бурнингизни тиқманг! Ичагингизни қўлингизга тутқазиб кўйишганда, бунақа суриштиравермасдингиз. Тушунмадим, нима сабабдан қорнимни ёриб ташлашди? Ҳов анави ёш рицар

хўжайиним бўлади, ўшандан сўранг, у ҳам ярадор бўлди, ўшани деб шу ахволга тушдим.

Рицар олдига боришиди. У сонидан яраланган бўлиб, Фаустнинг саволига жавоб берди:

– Яқинда анави ёнғин бўлаётган қишлоқлик бир дехқон нуфузли графга тегиши ўрмонда бир буғуни отган экан. Ўша граф менинг хўжайинимдан айборни айтишни талаб қилган. Олмонларнинг одати бўйича айборни ўлдириб, буғуга боғлаб, ўрмонга ҳайдаб юборишади. Хўжайнин дехқонни бергиси келмади. У, дехқоннинг мол-мулкини тортиб олиб, граф фойдасига мусодара килиш етари, деб ҳисоблади. Граф бунга рози бўлмади: императорнинг ҳомийлигидан фойдаланиб, Худо номидан иш кўраётганлигини рўкач қилиб, бизга қарши уруш бошлади. Тўқнашувда биз енгилдик, граф қишлоққа ўт қўйиб юборди, аскарлари қишлоқни ўраб олиб, ҳеч кимни чиқармаяпти, Худога ичган қасамини бажарайапти, барча эркакларни сихга тортиб, итларига, чўчқаларига едирмоқчи.

Фауст: (ғазабланиб) Унинг қальаси қаерда?

Рицар: Анави кўриниб турган тепаликда. У жуда мустаҳкам қурилган, чиройли, мамлакатда ягона.

Фауст тепаликка чиқиб, қишлоққа назар ташлади. Болаларини кўтариб олган аёллар, эркаклар, мункиллаган чоллар, ёш йигит-қизлар саросимага тушиб, кўриқчилар оёғига йиқилиб, раҳм-шафқат тилаб илтижо қилишарди. Граф бўлса кўриқчиларга қичқириб:

– Орқага ҳайда, бу итларни! Ҳаммаси қуйиб ўлсин! – деб қичқиради.

Умидсизликка тушган дехқонларнинг фарёди еру кўкни қоплади:

– Айбимиз нима! Айбор аллақачон қочиб кетди. Болаларимизда нима гуноҳ? Ҳеч бўлмаса шуларга раҳмингиз келсин!

Отликлар қиличларини ишга солиб, ётиб олганларни ўрнидан турғазар, олов томон ҳайдарди. Зора, чақалоқларга раҳми келса, деган умидда оналар болаларини ерга ташлар, аммо чақалоқлар отлар туёғи остида қолиб, ҳалок бўлишарди.

Фауст қаҳр билан қичқиради:

– Қалъага учиб бор, Иблис, ҳаммасини ёқиб кулини кўкка совурмагунча қайтиб келма. Бу золим уйига қайтиб келиб, ўч олиш қанақа бўлишини кўриб қўйисин.

Иблис кулимсираб, бошини чайқаганча жўнаб кетди. Фауст дараҳт остида ўтирганча, бесарамжонлик билан узоқ-узоқларга тикиларди. Олов қоплаган қалъага кўзи тушгач, адолат қарор топди, деб ўйлади ва Иблисни мамнунлик билан кутиб олди. Голибона кўринишда пайдо бўлган Иблис, қалъада содир бўлғанларни айтиб берди, граф зудлик билан аскарларини тўплаб қалъа томон елдек учиб кетаётганини ҳам айтди.

– Лекин, Фауст, – кўшимча қилди у. – жаҳаннам азоблари, қилмишинг олдида ҳолва. Графнинг ёшгина севимли хотини бор экан, бир хафта олдин тўнгич фарзанд кўришган экан...

Фауст: Уни боласи билан кутқар!

Иблис: Энди кеч. Бола нимжонгина онаси бағрида қуйиб кулга айланди.

Бу хабардан Фаустнинг қалби эзилиб кетди ва жаҳл билан Иблисга қаратади:

– Вайрон қилишга намунча шошилмасанг! – деди.

Иблис: Фикр билдиришда, хulosса қилишда сенчалик шошганим йўқ. Агар кўп одамлар бизнинг куч-қудратимизга эга бўлғанларида борми, дунёни аллақачон вайрон қилган бўлардинглар. Ўйламай-нетмай куч-қудратимни сунистемол қилаётганинг бунга далил эмасми? Шу тарзда давом этавер! Йистак иродасига эрк берган одам тоғдан қулаётган тош мисол – уни тўхтатиб бўладими? Тошдан-тошга урилиб парчаланиб кетади. Бегуноҳ чақалоқни жоним билан сақлаб қолган бўлардим. Энди у онаси билан бирга жаннатдан макон топади. Онаси қанчалик химоя қилмасин, иккаласи ҳам қуйиб кул бўлди.

Фауст: Ҳа, бу менинг айбим билан бўлди.

Фауст шашқатор бўлиб оқаётган кўз ёшларидан нам бўлган юзини этаги билан ёпди.

Фаустнингadolatsiz ишлар учун ўч олиш истаги бироз пасайди. Охирги бўлиб ўтган воқеалардан чарчаган онги, Иблис эсига солган фикрдан бироз тасалди топди. Чакалоқ билан онаси у туфайли дўзах азобларидан кутулибди. Ўзгарувчан хис-туйғулари, лаззат истаги, янгиликларга ўчилиги, турли шубҳалар уни бошқа ўйларга буриб юборди. Ҳамма нарсани тездан илиб оладиган ҳиссиётлари бир-бирига тутқич бермасди.

Йузини очганда қаршисида Левиафан кулимсираб турар, ниманидир дикқат билан эшитмоқчи бўларди. Фауст Левиафандан сўради:

– Нега тиржаясан, қотил? Кимнидир гапига қулоқ солаяпсан, шекилли, лекин мен ҳеч кимни кўрмаяпман.

Иблис: Янглишмадинг. Бевафоликка ундовчи бир шайтон ҳозиргина ёнимга учиб келди. Бир воқеани сўзлаб берди. Сенга ҳамроҳ бўлганимдан бери, кулгини ҳам эсдан чикаргандим, шуни эшитиб мирикиб кулдим.

Фауст: Сўзлаб бер. Мен ҳам бироз вақтиноғлик қиласай.

Иблис: Ким гапирсинг? Менни ёки у?

Фауст: Кани у? Мен кўрмаяпман.

Иблис: У ёнингда ўтирипти. Кўришни истайсанми? Ёки овозини эшитиш кифоя қиладими? Унинг овози жуда майнин, ёқимли, ҳар қандай аёлни ҳам ўйлдан оздириши мумкин.

Фауст: Овозини эшитсан, бас! Кўзга кўринмас ҳикояидан латифа эшиши мен учун янгилик, шуниси маъқул. Фақат ҳикоя кулгили бўлиши керак.

– Кулгули, айни пайтда фожиали ҳам, худди сизлардагидек, Фауст, – най навосидек майнин, лекин қўнғироқдек овоз жаранглади.

Овоз давом этди:

– Ҳозиргина Кёльнда бўлдим. Даҳолардан кўра кўпроқ черковлари-ю, осори-атикалари билан машхур. Аммо алданган эркаклар у ерда тўлибтошиб ётибди.

Фауст: Иблис насиҳатгўй бўлса-я! Менимча, бу шайтон кўп нарсаларни кўрган бўлса керак. Гапини танқид қилишдан бошлади-я. Ҳой, шайтон, сен ахмоқ бўлсанг керак! Қайси шаҳар тўғрисида шундай деб бўлмайди?

Овоз: Фауст, ҳақиқатнинг доим ўз ўрни бор. Шу десангиз, мен бир художўй хонимнинг ёнидан жой олдим: эри Голландияга кетган экан. Бу жонсарак, ўйинқароқ меҳмоннинг турган жойидан хабари йўқ хоним, васвасага тушиб, айни мен ўтирган жойда содир бўлаётган истакларидан хайрон бўлиб, руҳий отахонига бу ажойиб ҳолатини билдири. Отахон тушунтириб бўлгач, ўша мен ўтирган нозик жойга беҳаё нарса эҳтирос билан ёпишганини хис қилдим. Максадимга эришгач, у жойни тарқ этдим. Кўчалар бўйлаб учиб бораракман, шўх ўйигитни учратиб қолдим. Рохибларингиз наздида, худди бизнинг кийимдек, масхарабозлар кийимида эди у. Устида қизил ёмғирпўш, йирик шоҳлар билан безатилган ниқоб кийган: оёғи эчки туёғига ўхшаш, узун думи бор. Шоҳлари ўртасига ўтириб олдим, шаҳар кездик. Юнкер яширинча фон Тросселнинг ўйига кирди. Бу ўйигитни биринчи хотини орқали танирдим, сиз билан таништиришга арзийдиган ўйигит. Бўйи олти фут келадиган вестфалик давангирни тасаввур қилинг: елкаларида гўё семиз бузоқнинг калласи. Юз ифодаларидан ўжар бир овсар, ҳеч кимга гап бермайдиган мақтанчоқ, ёввойи, кўпол бир кулга ўхшаш. Бунақалар шаҳарликларга ҳам, дехқонларга ҳам бало-қазодек кўринади, бунинг устига хотини хиёнат қилади. Отаси олий зотлардан бўлишига қарамай, уни отбоқарлар, хизматкорлар, куролбардорлар тарбиялаган, мақтабда эса беҳаёликни, сўкишни ўрганган, бу борада аравакашлар ҳам унга тенг

келолмасди. Капеллан унга бироз ёзув-чизувни ўргатди-ю, турли афсона ва эртаклар билан миясими айнитди. Зодагон унвонига хос, шунга ўхшаш билимларни олгач, уни кичкина отлик гурухга бошлиқ қилиб, император турклар билан олиб бораётган урушга юборишиди. Урушда яхшигина жанг қилди, лекин кўпинча дўстларини талаб, насл-насабига яраша зўравонлик қилиб юрди. Кўпроқ ичиб олиб отдан йикилгач, ножӯя ишлари барҳам топди. Ийқилгандан сон суюги чиқиб кетган экан. Даволаниш фойда бермади, хизматни ташлаб Кёльнга келиб жойлашди. Зерикканидан аламни китобдан олди: сехргарлар, жодугарлар ҳақидаги афсона ва тарихий китобларни ўқиб чиқди. Ватанпарварлик (бу борада сиз олмонлар ҳаммадан ўтиб тушасиз) хиссиеётлари жўш уриб, ўзи кўрган жойлардаги ёдгорликлар, табаррук жой билан боғлик ривоятларни ўрганиб, саёз тасаввурини бойитди. Унинг фикрича ўн бир минг қиз мўъжизаси ҳақидаги ривоят бошқаларидан устун турди (бу борада у ҳақ бўлса керак). Уч сехргар ҳақидаги афсона уни завқа тўлдиради. Ўйлангунга қадар улар ҳақида китоб ёзмоқчи бўлди, лекин Вифлеемга бора олмади¹. Кўриб турганингиздек, олмонларга хос пишиқ-пухталик билан, вижданан ёзади, аммо бадаҳлоқлик билан сўкиниш одати қолмади. Рұхонийлар ҳам, оддий қавмлар ҳам унга кўп таъналар қилишиди: у ваъда берарди-ю, аммо сўзи устидан чиқмасди, олдингисидан ҳам баттар бўралаб сўкаверарди. Тўшакка михланиб қолғанлиги, бу ҳайвонни бошқа касалга ҳам дучор қилди – восвос бўлиб қолди. Ўлимдан қаттиқ кўрқар, биз шайтонлардан ҳам, лекин ҳар гапида бизни тилга олар, чакираарди. Бунинг устига у ўта рашикли эди. Хотинидан кўзини узмас, бир қадам ёнидан жилдирмас, афсоналарни шарҳлаб, урушда кўрсатган қаҳрамонликлари ҳақида ёлғон-яшиклиарни сўзлаб берарди. Яқинда иккинчи марта уйланди. Мен уни тузогимга илинтиромоқчи эдим, аммо у аллақачон мени ортда қолдирипти, ҳозир ўзингиз бунга гувоҳ бўласиз.

Чиройли хотинининг суюклиги сохта шайтон қиёфасига кириб, шовқин билан зинадан кўтарилиди. Шохларини учқун чиқарувчи чироклар билан ўраб, кўзи ёниб турувчи кўршапалак шаклига кириб, ўртасига ўтириб олдим. У ўринга яқинлашиб қичкирди:

– Тrossель! Тrossель! Рицар фон Тrossель! Хўжайним шайтон мени хузурингга юборди. Сенга салом йўллаб, агар сўкинишларингни, чакириклиарингни бас қилмасанг, ўзи келиб бўйнингни узуб ташлармиш. Аллақачон шундай қилган бўларди, лекин ўн бир минг қиз билан учта сехргар йўл бермаётганмиш. Бу сени тинч кўйди дегани эмас. Билиб кўй, бундан буён яна сўкинадиган бўлсанг, доимо ёш хотинингни суюклиги билан кўшиб кўяди.

Никоб кийган йигит яна тапир-тупур қилиб зинадан тушди. Тrossелни қалтироқ босди. Инс-жинсдан кўрқан Елена кўрпага ўраниб олганди, эри чакирганини эшитиб, кўрпадан бошини чиқарди. Хотини йиги-сиғи билан ҳасратини тўкиб солди, балога гирифтор қилмаслик учун, азиз-авлиёларни ўртага солиб, бундан буён сўкинмасликни эридан ёлвориб сўради. Эри нола билан ибодат қилди ва сўкинмасликка ваъда берди. Бизларни шарманда қилган ҳалиги йигит кетидан Рейн бўйигача кузатиб бордим. Уни ёшгина зодагон йигит кутиб турган экан. Бу йигит маккор аёл у билан черковда учрашганда, шунақа томоша кўрсатишга ваъда берган экан. Ҳалиги масхарабоз йигит кийимларини ечиб ташлади. У одам гадойлик қилиб юрадиган дарвешлардан экан.

Тrossель кун бўйи қимирамасдан жим ўтириди. Унинг учун гапириш – сўкишдан иборат. Маккор аёл эрини зимдан кузатиб турар, қани энди сўкина колса, деб интизорлик билан кутарди. Ташида эса эри атрофида гиргиттон бўлиб, эри сўкинган тақдирда бундай шармандаликка чидай олмай, адойи тамом бўлишини айтиб, кўз ёши қилди. Умри бино бўлиб Тrossель биринчи марта ич-ичидан хўрсиниб қўйди. Юзи ўлиқдек оқариб кетди. Атрофидаги-

¹ Ҳазрати Исони чақалоқлигига кўришга келган уч авлиё-сехргар воқеасига ишора (тарж.).

лар билан иши бўлмай қолди: қўлёзмаларини титкилашди, суюкли итини оёқости қилишди, бақиришди, қўполлик қилишди, ҳатто иши юзасидан суд ноҳақ ҳукм чиқарди, у бўлса лом-мим демай тишини-тишига қўйиб, чида б юраверди. У деярли тилдан қолди, Елена тушкунликка тушай деганда, бир кун кечкурун, тўсатдан, сафарга чиқсан зодагон кийимида, ўша гадойлик қилиб юрган дарвеш Тrossелнинг жанговар дўстиман, деб кириб келди. Сўкинишга қарши қўйилган тўғонни ҳам олиб ташлаб, уч сехргар ҳақида Тrossелга гап очди. Қарабисзики, соқовнинг тили чиқиб, гапдон бўлиб қолди, оғзидан бол томиб, азиз-авлиёларини мактади, қўлёзмаларидан ўқиб берди, аёл эса ҳурматини килиб, тинглаб ўтириди. Дарвеш қараса, ҳали-вери гапдан тўхтамайдиган, шунда у масхараомуз тиржайиб:

– Уч сехргар? Нега учта? Рейнда уларга пишириб қўйиптими? Нега Кёльнга келишди? Уйида қиласидиган иши йўқми, дайди машшоқларга ўхшаб, тентираб юришнинг нима кераги бор? Уларни кутиб ўтирган одамлар нима ишлар билан шуғулланишган? Мени кечирасиз-у, бундай одамлар ҳамма нарсадан воз кечиб, санғиб юрмайдилар, агар ҳайдаб юборишган бўлса, бу бошقا гап. Булар ҳаммаси бекорчи гап!

Тrossель бу гаплардан кўкариб кетди. Кейин юзи қизарди, пешонасидаги томирлар бўртиб чиқди. Гезарган лабларида кўпик пайдо бўлди. Безовталиқ билан муштларини қисди, юзи тиришиб, қийшайиб қолди. У ҳансира, пишқиради. Азиз-авлиёларни ҳакорат қилган бадкирдорни урмоқчи бўлиб таёғини қўлга олмоқчи эди, қўрқиб кетган хотини ўрнидан сапчиб туриб, уни қучоқлаб олди, ўпиб-эркалаб, ширин сўзлар билан танчлантира бошлади. Эрини силаб-сийпаркан, беҳосдан унинг оёғидаги қадоқни босиб олди ва кучи борича эзди. Эри дод-вой кўтарди, оғзига келганини аямай сўкишларни ёғдириб ташлади. Мехмон қўрқанидан қочиб кетди, аёл эса эрининг оёғига ўзини ташлаб қичқира кетди:

– Нима қилиб қўйдинг, номусимни барбод қилдинг-ку!

Аёл хушдан кетиб йиқилди. Серрайганча қотиб қолган эрининг юзи оқариб кетди, кейин қалтироқ босди. Бироз ўзига келгач, олдингидан ҳам баттар сўкишга тушди, оғзидан боди кириб, шоди чиқди:

– Оёғимдаги қадоқни нега босдинг? Сўзимни устида туриб, бу лаънати тилимни ташлаб юрган эдим-ку?

– Нега сўкиндинг? – деди Елена унга жавобан. – Сенга бирор тегмаса бўлди, номусим билан ишинг йўқ.

Шу пайт ўзимни кулгидан тия олмадим.

– Кулаётган ким? – тиши-тишига тегмай сўради Тrossель.

– Иблис! – дея қичқирди аёл.

Эр-хотин юрганча хонасига кириб, кўрпага бурканиб олишди. Кўркуви босилгач, орадан кўп ўтмай Тrossель хуррак ота бошлаганди, кимдир бақириб уни уйғотди:

– Тур ўрнингдан, беодоб, ўринни бўшат! Сени бугун гўсхўр қилишимга тўғри келади. Лекин сен кўркма, ота-онам сенга ўхшаш художўй, сенга ёмонлик қилмайман. Жонинг ором олсин, деган ниятда қилинайпти бу ишлар, агар қимирласанг, шу ондаёқ ажина келиб, додингни беради.

Тrossель сакраб ўрнидан турди-да, бурчакка биқиниб олиб, тунги қалпоғи билан юзини ёпди, шу кўйи титраб ўтираверди. Орадан бир неча соат ўтгач, ўша овоз яна гапирди:

– Ўрнинга қайтишинг мумкин, лекин ёдингда бўлсин, ҳар гал сўкинганингдан кейин, ўрнингни эгаллайман, қўникишдан бошقا чоранг йўқ.

Овоз эгаси деразадан чиқиб кетди. Елена ўзини олдингидан ҳам баттар қиёфага солди, оиланинг зулмкори бўлган рашикчи эр эса, энди хотинига ялинниб, ҳеч бўлмаса бу гал кечиришини илтимос қилди.

Беадабга яна кўплаб тузок қўйишиди. Анчагача сўкинмай юрди, лекин маккор аёл бунинг йўлини топди. Кўллаб юрган эскича усули кўл келмай

қолгач, янгисини ўйлаб топди. Эр кун бўйи асарининг янги боби устида ишлаб ўтиради. Унга кўра сехгарлар уйидан пиёда эмас, туяга ўтириб кетган, тунда уларнинг йўлини чироқ тутиб учган фаришта ёритганлигини исботлаб берган. Эрининг берилиб ишлаганлигини, ўз ишидан мамнун эканлигини сезган аёл, эри ташқарига чиқиб кетганидан фойдаланиб, ёзганларини йиртиб, ғижимлади-да, ип билан ўраб кўйди. Бир варагига эса чақани ўраб, қофозни ёқди ва кўчадаги гадой машшоққа деразадан отди. Хонасига қайтган Тrossель кун бўйи ёзганларини ўқиб чиқмоқчи бўлди, лекин кўллэzmани топа олмай, кўрқа-писа хотинидан сўради. Елена ўзини билмаганликка олди, учинчи марта сўрагач, жирканганча деди:

– Мана ўша қораламаларинг! Ҳар доимгидек юзлаб қофозни қоралаб, кейин ўзинг йиртиб ташлайдиганлардан, деб ўйлабман.

Эр ғазаб билан тишини ғижирлатди. Ипни ечиб, хотинига отди, қофоз бўлакларини тахларкан, бўкирганча сўради:

- Қолганлари қани?
- Деразадан отиб юбордим.
- Деразадан?!

У шунаقا бўралаб сўка бошладики, ойналар, стол устидаги идишлар жаранглаб кетди. Елена қулокларини бекитганча эски қилифини бошлади. Кечаси яна ўша меҳмон келди, Тrossель унга ўрнини бўшатиб берди. Пастга тушаркан, тиши орасидан тўнгиллаб кўйди:

– Уччала сехгарниям бўйни узилса бўлмасмиди. Иккинчи марта мени масхара қилишиб.

– Учинчисиям бўлади, тўртинчисиям, бешинчисиям бўлади, беномус осий! Азиз-авлиёларни ҳакорат қилма, кечирилмас гуноҳ бу! – кўрпа остидан қичкирди овоз.

Меҳмон ўз сўзининг устидан чиқди. Кунда-шунда бўп қолди. Ниҳоят, бугун эрталаб Тrossель хотинига ёрилди:

– Бошқа чидай олмайман! Интилишларим бекор кетаяпти. Бўғилиб кетдим, ёрилиб ўлсам керак, чунки сўкинмасдан яшай олмайман. Тушликдан кейин руҳоний отахон Орбелиусни чақиртираман, эртага эрталабдан олдимга келсин. Ҳаммасини унга айтаман. Балки бизга ёрдам берар.

Елена унинг гапини маъқуллади, лекин шу заҳотиёқ билдирилмасдан хотасига жўнади. Суюклисига хат ёзиб, бўлган воқеани баён қилди ва ундан шайтонни юбортариб, у орқали Тrossельни огохлантириб, агар бировга айтадиган бўлса, ўлиб кетиши мумкинлигини айтиб, кўрқитиш кераклигини илтимос қилди.

Кўрганларимдан қаноат ҳосил қилиб, бошдан-оёқ янги кийиндим: ажинанинг дафал терисидан мўйна ёқали нимча, турли рангдаги оловдан тўқилган бўйинбог, оёқларимга хўрз пихи такиб, юзимга бадбаша курбақа никобини тортдим, тақир бошимга патли шляпа кўндириб, елкамга қизил ёмғирпўш ташладим-да, Еленани кузатиб кетавердим. Дум ўрнидаги илон мени ўраб олган бўлиб, боши қурбақа оғзидан чиқиб турарди. Шу либосда хат ёзаётган Елена ниң орқасида туриб, илон тилини ликиллатганча майин овозда қулоғига шивирладим: “Ўзингизни ортиқча уринтирманг, хоним! Шайтон керак бўлса, шундоққина ёнингиздаман, хизматингизга тайёрман! Истаганингизни буюраверинг!”

Воқеа давомини ва якунини, Фауст, кейинги учрашувимизда билиб оласиз.

Овоз тинди, Фауст эса олдидан жин ғизиллаб ўтиб кетганини сезди ва кетидан қичкирди:

– Ҳой, қаёққа кетдинг? Қиссадан ҳисса қилмадинг-ку?

Иблис: Шунаقا дегин! Шоирларингизга ўхшаб, шайтон қиссадан ҳисса хам чиқариб бериши керакми, мазмунига путур етади. У жуфтакни ростлаб бўлди, ўзига бошқа эрмак ҳам топиб бўлгандир. Ҳа, Фауст, олмон аёллари анча устомон чиқиб қолди. Уларки, сизларни ўзгартира олмапти, бизларга йўл бўлсин.

Бу ажойиб воқеадан кулиб, ҳазил-хузул билан, бир шаҳар дарвозаси олдидан чиқиб қолишиди. Шаҳарда уларни меҳмон қилишиди, ажойиб майлардан ичишиди, Фаустнинг ғамгин кайфияти анча кўтарилиди. Шаҳарда ярмарка ташкил қилинган бўлиб, тушлиқдан сўнг, тиқилинчда сайр қилиб келиш мақсадида, шаҳар майдонига йўл олишиди.

Улар келиб қолган жой ўзига хос бир мамлакат эди. Шаҳар монастирларидан бирида ёш роҳиб яшарди. У хаёлтотга шунаقا берилган эди, натижада соғлом фикридан асар ҳам қолмади. У диннинг куч-кудратига тўла ишонар, вақти келиб руҳи самоларга кўтарилишига, илоҳий курдатга эга бўлиб, тоғни талқон қилишга, жонбозлик кўрсатиб, ҳаворий бўлишга умид боғларди. Ўзгаларнинг турли аҳмоқона ишлари, лўттибозликларини ўзига қабул қиласерарди. Хаёлпаратнинг файласуфдан фарқи шуки, файласуф ўзгаларнинг фараз ва тахминларига нафрат билан қарайди, хаёлпарат эса инсон рухияти қабул қилмаган чиқиндиларни тўплаб, ўзиники қилиб олади. Ҳар қандай фидойи каби, у ўз маслагини тўғри, деб хисоблар, нотиқлик санъатини мукаммал эгаллаганлиги, кўпчиликнинг, айниқса, эҳтиросга уч аёлларнинг диққат-эътиборини жалб қилганди. Тез орада тасаввuri унга яна бир сехрли имконият ато этди. Унинг ёрдамида олий мавжудотлар билан руҳий алоқа ўрнатиб, инсоннинг ташки қиёфасини физиогномика (инсоннинг юз тузилиши, белгиларига қараб, унинг феъл-атвори ва келажагини билиш) усулини кўллаб ўрганиш, моҳиятини аниқлаш мумкин. Гўё бутун олам шунинг учун мавжуддай. Бу тоифадаги одамлар тез орада алданиб қолади, аммо унинг заррача қолган соғлом фикри, бу иши уни янада юкаклика кўтаради, қавмлари янада кўпаяди, деган ишончни мустаҳкамлади. Одамнинг ташки қиёфаси ҳақида кўплаб ажойиб нарсаларни айтиш мумкин. Тўрт девор ичида ўтириб, ўзига ўхшаш одамлар билангина мулоқот қилиб юрган одамнинг инсоният ва олам, ҳақиқий илм-фан ҳақидаги фикр доираси ҳам ўзига яраша. Бунака одамлар тўлиб ётипти. Роҳибнинг бошлаган янги ишида ҳаёлпаратлиги кўл келди, чунки кўп одамлар аниқ фикрдан кўра, мавхум сезгиларга таянади, шу маънода унинг қавмлари бисёр деса ҳам бўлади. Яратганнинг суюкли бандаларидан бўлиш қандоқ яхши, бошқаларни оёқ учида кўрса бўлаверади! Роҳиб одамлар билангина чегараланиб қолмади, ўз билимини ҳайвонот оламига ҳам кўллаб, буюк қашфиёт яратди. Ҳайвонларнинг, масалан, шернинг панжалари, тишлари, тикилишларига, күённинг жуссасига қараб, нима учун шер қуён бўлолмайди, күён эса шер бўлолмайди, деган масалани ҳал қилди. Ўз қашфиётига ўзи ҳам ҳайрон бўлиб, қойил қолди. Ҳайвон табиатидаги ўзгармас, қатъий белгиларини аниқлади. Гарчи жамият инсонни аллақачон никобга ўраб кўйган, уни табиий ҳолатда кўрмаган бўлса-да, ўз қашфиётини инсонларга ҳам татбиқ этмоқчи бўлди. Кейин ҳайвонлар ва жасадларни кавлаб олиб, бош чаноғини тасвирлаб, нега ҳаёт пайтида ундоқ эмас, бундек бўлган, дея назария яратди. Тасаввур қилиш мумкин: қандайдир сафсатабоз ёки ярамас бир абллаҳ, хулосадан норози бўлиб, қиёфасини сунъий тарзда ўзгартириш муммоси пайдо бўлса, ахвол нима кечади?

Барча бу нарсага қизиқиб қолганлигидан Иблиснинг хабари бор эди. Меҳмонхонада ўтирганларида ўтган-кетганлар уларга қизиқиб қарап, бир-бирларига пичирлаб, кузатув натижалари ҳақида фикр алмашишарди. Меҳмонхона хўжайини ҳам бундан истисно эмасди. Мўъжизакорнинг шон-шуҳрати Фаустга ҳам етиб келганди, аммо унчалик эътибор бермади, атрофидаги шивир-шивирларни ҳам эшифтади. Майдонга етиб келгач, одамларни қўриб ҳайрон қолишиди. Бозор эмас, физиогномистларнинг мактаби дейсиз. Ҳар ким ўзини қизиқтирувчи нарсани топиб олиб, кўздан кечириб, хулоса чиқаради. Кимдир эшак, от, эчки, чўчқа, кўй ва итларни ўрганса, кимлардир ўргимчак, кўнғиз, чумоли ва шунга ўхшаш ҳашоротларни ушлаб олиб, яширин феъл-атворларини, инстинктларини топмоқчи бўлиш билан овора эди. Баъзилари эса одамлар ва ҳайвонларнинг

бош чаноғини ўлчаб қўришар, жағ ва тишларига қараб, қайси ҳайвонга тегишли, тириклигига характери қанақа бўлғанлигини мұхокама қилишарди. Фауст билан Иблисни ўраб олган оломон ичидан овозлар келди:

— Аナンининг бурнини қўринг, қўзига қаранг! Синовчан назарига эътибор беринг! Иягининг шакли ажойиб экан! Куч-куввати зўр экан! Сезирлигини қаранг! Қадам ташлашини қўриб қўйинг! Кўзларини пириллатишига эътибор беринг! Гавдасига қаранг! Қадди-қомати хушбичим, бир-бирига мос тушган экан!

— Бу жанобларнинг дастхатидан намуна олиш учун анча-мунча нарсанни аяб ўтирумасдим, — деди бир тўкувчи, — дастхатидан фикри тезлигини билиш мумкин.

Барча томошибинлар чўнтакларидан қаламларини чиқариб, саёҳатчиларимизнинг қиёфаларини қоғозга тушира кетди. Бу бекорчи гапларни эшитган Иблис башарасини бужмайтирганди, шу пайт физиогномистлардан бири гап ташлади:

— Ташки ҳавасни босиш учун шер ички кучларини ишга солди ёки ожиз фикрини тийиб турипти.

Бу бемаъни гапларни Фауст кулимсираганча тинглаб турарди. Шу пайт деразадан қараб турган гўзал чехрага кўзи тушди ва қизнинг ёқимли овозда айтганларини эшитди:

— Оҳ, авлиё Катерина! Ажойиблигини қаранг! Бундай нафис ва ёқимли ҳаёлпастлик бу дунёда йўқ! Юзларидан садоқати шундоққина қўриниб турипти!

Бу ёқимли овоз Фауст қалбини қитиқлаб қўйди. Фауст унга нигоҳ ташлаганди, соҳибжамол ҳам бир киё боқди-да, ўзини четга олди. Фауст Иблисга қаратса:

— Шу аёл билан учрашмагунимча бу шаҳардан кетмайман.

Улар муюлишга етмасларидан, кетидан бир физиогномист келиб, дадиллик билан бир неча сўз ёзиб беришларини сўради. Дастхатларига қараб, ирода кучининг ўзига хос хусусиятларини, яъни иродаси сустми, серғайратми, характерини — тўғрисўзми, қатъийми, муомаласи қўполми, мулойимми — шуларни аниқлашда фойдаланишини тушунтириди. Кейин қўшимча қилиб, ҳали бирорта мусофирик унинг илтимосини рад этмаганигини, улардан ҳам шуни кутаётганлигини билдириди.

Чўнтағидан ён дафтарчаси, сиёҳли қаламини олиб, шайланиб турди.

Фауст: Сабр қилинг, дўстим. Сиздан угина, биздан бугина. Айтинг-чи, хов анави уйнинг ойнасида қўринган соҳибжамол қиз ким бўлади?

Физиогномист: О, у ҳақиқатан ҳам фариштадек. Буюк башоратчимиз айтганидек, покизалик ва иффат рамзи. Лабларидан учган сўzlари у дунёнинг лаззатидан хабар беради. Бу дунёning йўлдан оздирувчи вассасалари, ишқий лаззатлари унинг олдида чилпарчин бўлади. Жаннатнинг муаттар хидларини ҳис қиласди. Агар Яратган Эгам бандаларига ҳақиқий гўзаллик, иффат, поклик ва барча фазилатлар намунасини кўрсатмоқчи бўлганда эди, айнан шу қизни танлаган бўларди.

Фауст: Таърифлашингизга кўра, у қиз бу дунёда тенги йўқ бўлса керак. Унинг турмуш шароитлари ҳақида билганларингизни сўзлаб беринг.

Физиогномист: Турмуши порлоқ деб бўлмаса-да, у дунёning эзгуликлари унда мужассам.

Фауст: Исми нима?

Физиогномист: Ангелика.

Шундан сўнг Фауст билан Иблис бир парча қоғозга бир нечта маъносиз ибораларни ёзиб беришди, бебаҳо хазинани қўлга киритган физиогномист ҳам қайтиб кетди.

Фауст: Нима деб ўйлайсан, бу художўй қизга яқинлашиб кўрсакмикан? Шу ерлик башоратчи таърифлаган, художўйлик намунасини бузиб кетиш, айни ҳозирги кайфиятимга мос.

Иблис: Фауст, инсон дилига йўл топмоқчи бўлсанг, тўппа-тўғри бора-вер, шунда мақсадингга тезроқ эришасан. Одам қанчалик ҳаёлпарамастликка берилмасин, эртами-кечми тўғри йўлни топиб олади.

Фауст: Жонли тасаввурни қовишув манзараси билан бойитиш ажойиб бўлса керак.

Иблис: Роҳиб унинг хиссиётларини ўткирлаб, сенга имконият яратиб кўйипти. Художўйликка манманлик билан мақтанчоқликни қўшиб, дил кулфини очиб кўйипти, тақиллатсанг бас, қалбига кириб оласан-да, орзу-хавасини воқеликка айлантирасан. Ҳаёлпарамастликка берилиш аёл кишини нималарга олиб боришини шу аёлда синаб кўрмоқчиман.

Фауст: Бўлақол, тезроқ!

10

Фаустнинг оғир гуноҳга ботиши, бу йўлда чегара билмаслиги, Иблис учун муҳим эди, шунинг учун у шу лаҳзадаёқ чодирхा�ёл манзараларини намойиш қилувчи чолга айланди-ю, Фаустга ишора бериб, майдонга жўнади. Дўйончасини ўрнатиб, ўткинчиларни ажойиб манзараларни кўриб кетишига чорлади. Бирпасда тумонат одам ўраб олди. Майдонни хизматкорлару хунармандлар, қизлару бевалар, болалару қариялар босиб кетди. Иблис саҳна кўринишларини ўзгартирар, унга илова қилиб, турли панд-насиҳатлар, ўғитлар айтиб турарди. Томошани тарқ этганлар хурсанд бўлиб, бир-бирларига ажойиб кўринишларни мақтаб, бошқаларни ҳам қизиқтириб қўйишарди. Воеаларни ойнадан кузатиб турган соҳибжамол Ангеликада ҳам шуларни кўриб, эшитишга зўр иштиёқ пайдо бўлди. Садақа эвазига чолни ўз олдига чақиритирди. Қизнинг ҳусни-жамоли, шириңсўзлиги, саҳовати Иблисни лол қолдирди ва ўйлаб қўйган ниятини амалга ошириш истаги янада кучайди. Қизнинг хумор кўзлари томоша қутисининг тешигига яқинлашганда, Иблис ўзининг диний панд-насиҳатларини бошлади. Иблис шу даражада моҳирлик билан қизнинг руҳини бошқарарди, қиз илоҳий ишқ билан лаззатни ажратса олмай қолди. Ҳақоратли кўринишлардан кўз узмоқчи бўлиб турганда, бирдан улуғвор саҳналар пайдо бўлар, қизиқтириб қўярди. Қизнинг ёноклари қизарди. Гўё номаълум ва сеҳрли оламни кузатиб тургандай эди. Барча саҳналарда Фауст ўзини унга жалб қиласди. Қизнинг сояси кетидан қувлаётган Фауст хавфли тўсикларни енгиб ўтар, қизни деб мисли кўрилмаган жасорат кўрсатар, мушкул аҳволга тушиб қолганларида, қиз ундан чиқиб кетиши йўлларини излар, бутун диққат-эътиборини шунга қаратарди. Ана шундай пайтда саҳнадаги кўринишни ўзгартириб, қизни йўлдан оздирувчи воеалар намойиш этилди. Ангелика юзини бекитганча ётоғига югурди, аммо ўзини Фаустнинг қучогида кўрди. Қиз бироз ўзига келгач, қай даражада ҳақорат қилинганини билгач, безбет тажовузкорни итариб ташлаб, юзларини бекитиб олди. Фауст қизга бир шода марварид ташлаганди, қиз уни топтаганча бақириб берди:

– Балога дучор бўлгур! Бу қилмишинг учун ҳали жазоингни оласан!

Мақсадига эришган Фауст, ҳеч нарса бўлмагандек, мамнун ҳолда Иблис ёнига қайтди. Иблис уни қаҳқаҳа билан кутиб олди.

11

Фауст ўзини эркин ҳис қиласди. Мағрурлик инсон қалбida жиловланмас эҳтирослар уйғотади. Эҳтирослари аланга олиши учун Фаустга бир туртки кифоя эди. У ҳар бир бошлаган ишида голиб чиқар, гоҳ-гоҳда Иблис хизматидан фойдаланаарди. У кўпинча бойлигидан фойдаланиб иш битираради. Бойлик оркали иш қилишни, ҳатто художўйлар ҳам яхши билади. Ангелика ўзини кўрсатмас, Фаустнинг у билан яна бир марта учрашиш ҳаракатлари зое кетди.

Завқ-шавққа күмилиб юрган Фауст тез орада Ангеликани ҳам унутди. У бўш вақтларида Иблис билан бирга физиогномика ҳакидаги рисолани ўқишиарди. Бу китобни мухлисларнинг биридан катта пулга сотиб олганди. Муаллифнинг қанчалик даражада ўзига бино қўйганлиги, билимсизлиги, такаббурлиги жаҳлини чиқаарди. Иблис китобда ўзининг суратини ва роҳиб томонидан бетамизлик билан ёзилган холосаларини кўриб ғазаби қайнади. Шахсини ерга урган роҳибдан ўч олишини юрагига тушиб, кўйди. Фаустнинг роҳибга нисбатан бўлган фикри ҳам яхши эмасди, шунинг учун улар ўзаро келишиб олиб, уни қалака қилиш мақсадида монастирга йўл олишди. Аслзодалардек ҳашаматли кийимдаги меҳмонларни роҳиб яхши кутиб олди. Иблисга дикқат билан тикиларкан, таърифлаб бўлмас даражада завққа тўлди. Салом-аликни ҳам унутиб, қўлларини қисди, кейин орқага тисарилиб, ёнидан, олдидан разм солди, қойил қолганча хитоб килди:

– Boeh! Кимсан, эй улуғ зот?

– Истаганингта эришишинг мумкин!

– Юзингдан кўриб турибман. Буни тушуниш учун сени билиш шарт эмас. Шу пайтгача илмимдан қониқмагандим, лекин шу дамда ихлос ва ишончим ошди. Бундай чехрага қизиқсингасдан, ҳайрат ва завққа тўлмасдан қараб бўлармикан? Буруннинг шакли табиий улуғворликдан, қатъийликдан дарак беради! Бургутмисол боқишлирида буюк эҳтироси ва кудрати намоён!

Левиафанинг пешонасини ушлаб кўраркан, давом этди:

– Ижозатинг билан пешонанг дўнглигини ўлчаб кўрсам. Ҳа, ҳақиқий мардлигинг, дўстлигинг, садоқатинг, одамларга ва Парвардигорга бўлган меҳринг шундоқкина кўриниб турипти. Олға томон интилиш, ўзаро ишонч, ёрдам, ахилликка бўлган истагингни лабларингдан ҳам билиб олиш мумкин! Борлиғингдан олижаноб эканлигингта шубҳа йўқ! Юз ифодаларинг оддий одамга ўхшамайди: сен ҳамма нарсани кўра-била оласан, одамлар сенга қараб интилишлари ҳам мумкин, ўзларини четга олишлари ҳам мумкин; сен доимо ҳаракатдасан, парвоз қиласан, ижод қиласан, кўпларга ишонасан, аммо яна ҳам кўплар сенга ишонишади, сенга суянишади. Эҳ, қани энди ҳамма сенга ўхшаса, физиогномиканинг кераги ҳам бўлмасди. Сени кўриб интилмаган, айни пайтда ўзини олиб қочмаган инсон дунёда бўлмаса керак. Бегуноҳ болалик ҳам, қаҳрамонликнинг оғир юки ҳам сенда мужассам! Сенга ўхшаш одамлар бу дунёда йўқ. Бургутсан! Шерсан! Барбод қилувчисан! Яратувчисан! Инсониятнинг ислоҳотчиси! Олға! Бандаларнинг кўзини оч, уларга куч-кувват бер! Табиат сени шунга яратган.

Иблис ҳакида бундай мақтovларни эшитган Фауст тишини-тишига қўйиб зўрга чидади. Иблис совуқконлик билан башоратчидан сўради:

– Бу одам ҳакида нима дея оласан?

Роҳиб: У буюк, мард, кудратли, меҳрибон, раҳмдил одам. Лекин буюклиги буюкроқ, жасорати жасоратлироқ, кудрати қудратлироқ, куч-куввати кучлироқ, мулоимлиги мулоимроқ, раҳмдиллиги раҳмдилроқ! Буюк устознинг буюк шогирди ўқиганларини уқиб олса, ундан ҳам ўтиб тушган бўларди! Энди яхшилаб жойлашиб олсанглар, соянгизни чизиб олсан.

Иблисдан ҳам паст баҳоланган Фаустнинг ғазаби тошиб, бакириб берди:

– Союмизни! Ҳа, союмизни кўрдинг, холос! Ким бўпсан союмизга қараб баҳо берадиган? Ҳақиқий инсонни кўрганмисан? Қаерда, қаҷон кўргансан? Ҳаёлингда тасаввур қилган сояни бўяб, безаб инсон демокчимисан? Кимни кўрганлигингни айт! Мазҳабарастварни, ҳаёларастварни, ўтакеттган мутас-сибларни кўрган бўлсанг керак. Мақтанчоқ аёллар-у, ожиз эркаклар, бевалар-у, уйку билмас ўтириб қолган қизларгина сен ва сенга ўхшашларнинг этагига ёпишиб олсалар керак, чунки улар иродаси кучлиларга сужана олмайдилар – хеч кимга кераги йўқ, тасаввурларидағина роҳат оғушида лаззат оладилар, бошқа иложи йўқ. Даҳо эканлигини сендан эшитиб, талтайиб кетган зоти-ю, унвонидан кеккайиб юрган амалдорларни кўргансан, холос. Китобингни ўқиганман!

Иблис: Яшавор, Фауст! Ижозатинг билан бор ҳақиқатни юзига айтсам.

Оғайни! Кулбангга қамалиб олиб, ўзингча комил инсоннинг қиёфасини яратдим, деб одамларнинг бошини қотираяпсан. Одамларни ўзингга жалб қилиб, қўйнини пуч ёнғоқка тўлдириб, шум ниятингни амалга ошириш учун ўйлааб топган янги фиригарликми бу? Инсон қалбининг хусусиятларига етаман, деган одамларнинг қаинати сенгача ўтиб кетишган, ҳеч ким ета олмаган. Улар дунёни кезишган, подшолар саройидан тортиб, қашшоқ кулбаларгача кириб боришган, турли одамлар билан сухбатлашган, иллат ва роҳатпастликнинг у ёғидан кириб, бу ёғидан чиқишиган, неча-неча аёлларни кўлдан ўтказишиган. Ҳақиқий эркакнинг қандай бўлиши кераклигини унинг феъл-авторига қараб аниқлашган. Улар сенга ўхшамасди. Сенинг миянг эса хурофотдан ғовлаб кетган, хатти-ҳаракатлари қатъий одамини кўрсанг ўзингни йўқотиб қўясан. Роҳиблару, хотин-халажнинг сохта эзгуликларидан андоза олиб, ўзингча оро бериб, фариштадек соф, иффат пардасига ўраб кўрсатаяпсан, инсоннинг ҳақиқий қадриятларини эса билмайсан.

Икки ўт орасида колган роҳиб, кўлларини кўксига кўйиб ёлворарди:
— Раҳм қилинг!

Фауст: Эшит! Хаёлий роҳатга ботган аёл кўзида улуғворлик белгиларини кўрасан. Йигитнинг пешонасида буюк жасоратга интилиш борлигини ўқиисан, ақлида фақат шердай кучли. Умрингда хавфли вазиятга тушмагансан, шиддатли кураш нима эканлигини билмайсан-у инсоннинг руҳий кудратини, иродаги кучини ўлчамоқчи бўласан. Одам ўз нафсига берилиб кетишини қандай қилиб аниқлайсан? Ҳом хаёлларинг биланми? Соғлом фикр юритадиган одам барча қилмишларингни чиппакка чиқариб, нодонлигингни фош қиласа нима бўлади? Бемаъниликларингдан бошқа нима қолади?

Иблис: Ўша қалин китобингда тасвирланган сояларга жон кириб хузурингга келса нима бўлади? Шайтонниям суратини чизиб, таърифлаб берибсан, кўрдим ўшани. Ўз кўзинг билан кўриб кўй. Энди менга қара! Агар ички моҳиятимни юзимга чиқарсам, кўрқанингдан хаёлингда яратган орзуингдан ҳам воз кечиб юборасан. Бўри кўрғонингга кириб, бегуноҳ қўзичоқларингни бўғизлаб кетганидан хабаринг йўқ. Бошингни кўтар, менга қара, ҳеч бўлмаганда бир зотнинг ҳақиқий моҳиятини кўрдим, деб ихлосмандларингта айтиб юарсан.

Шу пайт Иблис Фаустга орқасини ўғирди-да, ўзининг асл дўзахий қиёфасига кирди. Роҳиб юзтубан йиқилди. Инсон қиёфасига қайтган Иблис Фаустга ўтирилди кейин яна қалтираб турган роҳибга ўтирилди.

Иблис: Жасоратинг етса, энди Иблисли қандай кўрганингни гапириб бер. Фаришта, деб тасвирлаб юрган одамларинг ҳам ҳақиқий моҳиятларини очгандা эди, ҳали кўп марта юзтубан йиқилган бўлардинг.

Фауст: Аҳмок эдинг, шу ҳолингча қолавер, ўзингга ўхшашларни кўпайтиравер. Ўйлаб топгандаринг онгли одамларда сенга ва фанингга нисбатан нафрат туғдиради, холос. Жаҳаннамдан жой олиш учун бундан-да, муваффақиятлироқ йўл бўлмаса керак. Айримлар сендан нафратланишади, бошқалари эса олдингда қийшанглашади. Хайр!

Роҳиб кўрқанидан ақлдан озса-да, аммо ижодини давом эттираверди. Ўкувчилари ундаги ўзгаришни сезмади, чунки янги ёзганлари эскисининг худди ўзи эди.

Бўлиб ўтган воқеа Фаустнинг вақтини чоғ қилди. Шаҳар кўнглига теккани учун Иблис билан бирга шодон Францияга йўл олди.

Рус тилидан
Маҳкам МАҲМУДОВ,
Абдунаби АБДУЛҚОДИРОВ
таржимаси

(Давоми бор)

ЖАҲОН АДАБИЁТИ

48



ДУНЁНИНГ ИНТЕЛЛЕКТУАЛ МАРКАЗИ

Маълумки, шу йил 14-16 май кунлари Самарқанд шаҳрида Президентимиз Ислом Каримов ташаббуси билан “Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожисидаги роли ва аҳамияти” мавзусида ҳалқаро конференция бўлиб ўтди. Мазкур ҳалқаро анжуманд АҚШ, Буюк Британия, Италия, Хитой, Жанубий Корея, Германия, Япония, Ҳиндистон, Миср, Индонезия, Саудия Арабистони, Кувайт, Россия, Озарбойжон сингари элликка яқин давлатдан олимлар, нуфузли ҳалқаро ташкилотлар, илмий марказлар, институтлардан таниқли эксперт ва мутахассислар иштирок этди.

Ҳалқаро конференция очилиши маросимида нутқ сўзлаган давлатимиз раҳбари Ўрта асрларда Шарқ оламида яшаб ижод этган буюк аллома ва мутафаккирларнинг илмий меросини чуқур муҳокама қилиши ва англиси, унинг замонавий цивилизация тарихида тутган ўрни ва ролига баҳо бериш конференциянинг асосий мақсади эканлигига алоҳида эътибор қаратди. Жумладан, Юртбошишимиз “Тадқиқотчи-олимларнинг фикрича, Шарқ, ҳусусан, Марказий Осиё минтақаси IX-XII ва XIV-XV асрларда бамисоли пуртанаадек отилиб чиққан икки қудратли илмий-маданий юксалишининг манбаи ҳисобланиб, жсаҳоннинг боиқа минтақаларидағи Ренессанс жараёнларига ижобий таъсир кўрсатган Шарқ уйгониши даври – Шарқ Ренессанси сифатида дунё илмий жамоатчилиги томонидан ҳақли равишда тан олинган”, деб алоҳида таъкидлади.

Президентимиз конференциянинг энг нуфузли қатнашчилари ва уларнинг асарларини тилга олар экан: “Бугунги анжуманимизнинг яна бир қатнашчиси – таниқли америкалик тарихчи, археолог, антрополог, Жон Хопкинс университети қошидаги Марказий Осиё ва Кавказ институти раиси, 22 та китоб ва 200 дан ортиқ илмий мақола муаллифи – профессор Фредерик Стэрр жсаноблариодир. Унинг 2009 йилда “Марказий Осиёнинг янгитдан кашиф этишиши” деб ном олган эссеси АҚШда оммавий ахборот воситарадида чоп этилган йилнинг энг яхши материалии сифатида эътироф этилган” лигига муносиб баҳо берди. Ҳақиқатан ҳам, бу эсседа IX-XII асрлар оралигига Марказий Осиё минтақасидан етишиб чиққан буюк алломаларнинг илм-фандаги бекиёс кашифиёт ва жасоратлари илмий жиҳатдан ўзига хос ва адолатли таҳлил қилинганд. Абу Райҳон ал-Беруний ва Абу Али ибн Сино ўртасидаги ёзишима устида тўхтаталар экан, олим жумладан шундай деб ёзади: “Баҳс-мунозарага мойил бўлган мазкур даҳоларни бугун кўпчилик араб миллатига мансуб деб билади. Буни тушунса бўлади, чунки бу икки олим ҳам араб ва форс тилиларида ижод қиласан. Бироқ инглиз тилида ёзган япон миллатига мансуб инсон инглиз бўлолмагани сингари, араб тилида ёзган марказий осиёлик одам ҳам араб бўла олмайди. Аслида улар математика, астрономия, тиббиёт, геология, тилишунослик, сиёсатшунослик, шеърият, архитектура, амалий технология каби соҳаларда ҳозирги кунда биз Марказий Осиё деб ататоған ҳудудда яшаб ижод этган этник жиҳатдан форсий ва туркий даҳолардан ташкил топган “юлдузлар туркуми”данодир. 800-1000 йиллар орасида Марказий Осиёлик бу олим, санъатшинос ва мутафаккирлар плеядаси минтақани дунёнинг интеллектуал марказига айлантирилар. Уларнинг таъсир доираси Шарқий Осиё ва Ҳиндистондан Европа ва Яқин Шарққача тараалган эди”.

Илмий асослари чуқур, муносабати самимий уйбу асарни 2009 йил сентябрь ойида ўзбекчага ўғириб, “Миллий тикланиши” газетасида эълон қиласан эдик. Давлатимиз раҳбари эътироф этган хорижслик олимнинг мазкур эссеси билан яна бир бор мамлакатимиз жамоатчилигини танишитиши мақсадида, уни ҳурмат билан “Жаҳон адабиёти” журналига тақдим этдик.

Жалолиддин САФОЕВ

Фредерик СТАРР

МАРКАЗИЙ ОСИЁНИНГ ЯНГИТДАН КАШФ ЭТИЛИШИ

Убир пайтлар “Минг шаҳарлар ўлкаси”, дунёга донги таралган олимлар, шоурлар ҳамда файласуфлар ватани бўлган. Марказий Осиёнинг келажагини масаввур қилиши учун биз унинг утуғвор ўтмишига саёҳат қилишимиз даркор.

Милоднинг 998 йилида бир-биридан 200 миль [322 км, – таржимон] узоклиқда, хозирги Ўзбекистон ва Туркманистон худудларида истиқомат қилувчи икки йигит ўзаро ёзишмага киришди. XXI аср лабораторияларида қўлланиладиган сўз тортишуви билан улар бугунги кунда ҳам ўз долзарблигини йўқотмаган 18 масала борасида мунозара олиб бордилар.

Юлдузлар орасида қуёш тизимида ўхшащ ўзга тизимлар ҳам мавжудми ёки биз бу коинотда танҳомизми, дея савол кўйишарди улар. Европада мазкур масала кейинги 500 йил ичиди очиқ қолди, бироқ бу икки йигитга биз коинотда ёлғиз эмаслигимиз равшан эди. Улар яна – ер бир бутун (яхлит) ва тугал шаклда яратилганни ёки у вақт мобайнида эволюцион тарзда тараққий этганни, деган саволлар билан машғул бўлдилар.

Ёш олимлар шундай хуносага келишди: вақт давомий, унинг на боши ва на охири бор. Бошқача айтганда, улар яратилганлик назарияси (креационизм)ни рад этиб, эволюцион геологияни ва ҳатто, дарвинизм асосларини Дарвиндан қарийб минг йил олдинроқ илгари суришди. Холбуки, бу каби қарашларнинг барчаси ҳам ислом, ҳам ўрта асрлар насроний динида бидъат санаалган.

Минг йил аввал амалга оширилган мазкур ёзишмалар илм-фан тарихида камдан-кам учрайдиган келажакка дадиллик билан қарайдиган интилишлар эди. Биз бу хақда сақланиб қолган ҳамда минг йиллар оша қайта нашр этилган қўлёзмаларнинг бир неча нусхаси туфайлигина биламиз. 26 ёшли Абу Райхон ал-Беруний ёки қисқача ал-Беруний (973-1048) Орол денгизи яқинида яшаб, география, математика, тригонометрия, қиёсий диншунослик, астрономия, физика, геология, психология, минералогия ва фармакология соҳаларида танилган, Унинг замондоши Абу Али ибн Сино ёки ибн Сино (980-1037) хозирги Ўзбекистон худудида жойлашган буюк илм даргоҳи – улуғвор Бухоро шаҳридан бўлган. У тиббиёт, фалсафа, физика, кимё, астрономия, диншунослик, клиник фармакология, физиология, этика ва ҳатто мусиқашуносликда ном таратган. Ибн Синонинг кейинчалик лотин тилига таржима қилинган “Тиб қонунлари” асари Ғарбда замонавий тиббиётнинг томир отишига туртки бўлган. Биргаликда бу икки нодир ақл соҳиблари антик дунё ва Европадаги Ўйлониш даври ўргасидаги энг буюк илм дарғалари қаторида туради.

Баҳс-мунозарага мойил бўлган мазкур даҳоларни бугун кўпчилик араб миллатига мансуб деб билади (агар, умуман, билса). Буни тушунса бўлади, чунки бу икки олим ҳам араб ва форс тилларида ижод қилган. Бироқ инглиз тилида ёзган япон миллатига мансуб инсон инглиз бўлолмагани сингари, араб тилида ёзган Марказий осиёлик одам ҳам араб бўлолмайди. Аслида, улар математика, астрономия, тиббиёт, геология, тилшунослик, сиёсатшунослик,

Фредерик Стэрр Жонс – Хопкинс университетининг Пол Нитие номли Халқаро муносабатлар олий мактаби ҳузуридаги Марказий Осиё ва Кавказ институти раиси. Ў Вудро Вильсон марказининг Кендан институти таъсисчи раиси, Оберлин коллежи ҳамда Аспен институти президенти лавозимида хизмат қилган. Ф. Стэрр ўз фаолиятини Туркиядаги археологик тадқиқотлар ва Принстон университетида интеллектуал тарих фанидан дарс бершидан бошлаган. 2005 йил апрель ойидаги мутахассислар орасида баҳс ва мунозарага сабаб бўлган “Катта Марказий Осиё” концепциясининг тақдимотини ўтказди.

шеърият архитектура, амалий технология каби соҳаларда ҳозирги кунда биз Марказий Осиё деб атаётган ҳудудда яшаб ижод этган этник жиҳатдан форсий ва туркӣ даҳолардан ташкил топган “юлдузлар туркуми” дандир. 800-1100 ийллар орасида марказий осиёлик бу олим, санъатшунос ва мутафаккирлар плеядаси минтақани дунёнинг интеллектуал марказига айлантирилар. Уларнинг таъсир доираси Шарқий Осиё ва Ҳиндистондан Европа ва Яқин Шарқкача тараған эди.

Бугун буни тасаввур қилиш қийин. Хитой, Покистон, Эрон, Россия ва Каспий денгизи ўртасида жойлашган, сугориладиган чўллар, тоғлар ва даштлардан иборат бу улкан минтақани осонгина дунёнинг чет ҳудуди, у ёки бу буюк давлатнинг “томорқа”си сифатида менсимай орадан суроғ чиқаришга интилиномоқда. Азалдан Марказий Осиёнинг юраги бўлмиш ҳозирги қашшоқ Афғонистонда АҚШ қўшинлари ўтмишга таянган ва илмсиз “Толибон” харакатига қарши уруш олиб бормоқда. Америкада Марказий Осиёнинг қолган мамлакатлари тўғрисидаги хабарлар нари борса, Пентагоннинг у ерда афғон кампаниясини қўллаб-қувватлаш учун ҳарбий базалар оғушида юргани билан кифояланади. Хитойда эса ушбу минтақага нефть, табиий газ, олтин, алюминий, мис ва уран каби хомашё манбаи сифатида қаралади. Айни пайтда, Россиядаги мунозаралар Москванинг у ерда Ғарб билан ва тобора Хитой билан ҳам геосиёсий рақобати атрофида айланади. Умуман олганда, хорижда кўпчилик одамлар ибн Сино ва ал-Берунийлар юртини писанд қилмай, бу ерга бошқа бирор манзилга бориш учун кесиб ўтиш керак бўлган нотинч ҳудуд сифатида қарайдилар.

Мазкур ерларнинг замонавий дунёда жумбоққа айланган ҳолатини ҳисобга олган ҳолда, ким бунга ҳайратланиши мумкин? Бир ярим аср илгари бошланган рус истилоси натижасида минтақанинг асосий қисми Россия мустамлакасига айланган бир пайтда, Британия ўзининг Ҳиндистондаги мустамлакасини Россиядан мудофаа қилиш мақсадида Афғонистонни “буфер зона”га айлантириди. Вакт ўтиши билан ҳозирда Синцзян (“Янги ҳудуд”) деб аталмиш минтақанинг шарқдаги катта бўлагини Хитой “ютиб” юборди. Билим эгаллашнинг қадимий анъаналари аллақачон емирилиб кетган эди; совет ҳукумати саводхонликни қайта тикилашига қарамай, ҳам дунёвий, ҳам диний соҳада ҳур фикрлиликни бостириди. 1991 йил Совет иттифоқи қулаши ва беш мустақил давлат пайдо бўлиши ҳамда 2001 йил 11 сентябрдан кейин Афғонистонда янги ва замонавийроқ ҳукумат ўрнатилиши билан минтақа учун янги кун келди.

Минг йил илгари марказий осиёликлар эришган интеллектуал ютуқларни санаб чиқишини каердан бошлишни билиш мушкул. Математикада марказий осиёликлар биринчи бўлиб, иррационал сонларни қабул қилишган, куб тенгламаларнинг турли шаклларини аниқлашган, тригонометрияни кашф этишган, ўнлик сонлар тизимини ва хинд (Ғарбда “араб рақамлари” сифатида тан олинган) рақамларини янада такомиллаштиришган ҳамда бошқа ўлкаларга тарқатишган. Астрономияда улар яқин асрларгача тенги йўқ аниқлик билан Ернинг диаметрини ўлчаганлар ҳамда ҳайратланарли даражадаги аниқ астрономик жадвалларни тайёрлаш учун Уйғониш давридан анча аввал бир неча йирик расадхоналар қурганлар.

Кимёда эса марказий осиёликлар реакцияларни қайтаришга, кристаллизациядан кимёвий тозалашнинг бир воситаси сифатида фойдаланишган, гўё Дмитрий Менделеевнинг 1871 йилги даврий жадвалига пойdevor яратиш мақсадида муайян тортишкучини ўлчаш ва уни гурух элементларида қўллаш каби ютуқларга эришганлар. Улар христоматик тарзда қадимий тиббий билимларга ўз хиссаларини кўшдишлар, фармакология асосларини кенгайтиридилар ҳамда барча билимларни Ғарб ва Ҳиндистонга узатдилар. Технологик ютуқлардан кейинчалик ғарбий йўналишда Яқин Шарққа ва Европага ҳамда шарқий йўналишда Хитойгача тарқалган шамол тегирмонлари ва сувни кўтариш учун гидравлик машинасозликни таъкидлаш мумкин.

Лекин бу Бағдодда халифаликда мужассамлашган араб дунёси илм-фан

ва таълимининг олтин даври эмасми? Худди шундай! Офтальмологиянинг асосчиси ибн ал-Хайзам (тахм. 965-1040) каби ёрқин араб олимлари ўтган. Бироқ, лейпциглик олим Хайнрих Шутер биринчилардан бўлиб бир аср аввал кўрсатганидек, ўша “араб олимлари”нинг кўпи (аксарияти бўлмаса агар) аслида Марказий Осиёдан келиб чиққан форсий ёки туркийлардан бўлган. Буни ал-Беруний каби ҳозирги Ўзбекистон-Туркманистон сарҳадларида жойлашган Хоразм ўлкасидан келиб чиққан ва шунинг учун “ал-Хоразмий” шарифини қабул қилган математик ва астроном Муҳаммад ибн Мусо ал-Хоразмий мисолида кўриш мумкин. Унинг бир қатор қашфиётларидан бири бўлган алгоритмларда унинг бузилган шаклда бўлса-да – исми акс этган бўлиб, бизнинг “алгебра” атамамиз эса унинг математикадаги кенг эътироф этилган асари сарлавҳасидан олинган. Шунга ўхшаш тарзда, Фарбда Алфара-биус номи билан танилган ва Аристотель этикасини ўзига хос тарзда таҳлил килишда Томас Аквинас (русча – Фома Аквинский)дан ташқари барча Фарб мутафаккирларидан илғорлаб кетган Абу Наср ал-Форобий (тахм. 872-961) араб эмас, балки ҳозирги Қозогистон худудидан келиб чиққан туркий олим эди.

Аббосийлар халифалиги аслида марказий осиёликлар томонидан ташкил этилганлигини ҳисобга олсан, марказий осиёлик даҳоларнинг Бағдода мисли кўрилмаган муҳим роли табиий бўлиб қолади. Ҳа, халифаларнинг ўзлари Шарқда жойлашиб қолган этник араблардан эди, аммо вакт ўтиши билан араблар “маҳаллий тус олдилар” ҳамда ўзлари вояга етган форсий ва туркий дунёга ғарқ бўлдилар. Халифа Ал-Маъмун милодий 818 йилда тайинланганига қарамай, Марказий Осиёни тарк этишдан бош тортди ва мусулмон дунёсини ҳозирги Туркманистон худудида жойлашган бетакрор Марв шаҳридан туриб бошқарди. Кейинчалик Бағдодга кўчар экан, у туркий лашкарлари билан бир қаторда ўзи билан форсий ва туркий маданиятлар таъсирининг “қоришмасидан” ҳосил бўлган Марказий Осиёнинг қадриятларини олиб кетади.

Марказий Осиёдан Яқин Шарққа бу кўчиш юонон билим масканларидан Римга қараб ҳаракатланган қадимий “акллар кўчиши” йўсинада рўй берган. Ғарқ шундаки, бир қатор марказий осиёлик олим ва мутафаккирлар Бағдодга кўчаётган бўлса-да, бир пайтнинг ўзида араб даҳолари Марказий Осиёнинг буюк марказларига интилар эди. Гўёки, “акллар кўчиши” икки томонлама ҳаракатни эслатади. Ал-Беруний яшаган, ҳозирги Туркманистон худудида жойлашган, мислсиз даражада равнақ топган Гурганж шаҳри ҳамда шарқий Афғонис-тондаги Фазна шаҳрининг бойликка тўлган саройи араб олимлари учун оҳанрабо бўлиб хизмат қиласиди. Бунинг устига, Бағдодга кетишга мажбур бўлган марказий осиёлик мутафаккирларнинг ҳаммаси ҳам у ерда қолиб кетишга шошилмас эдилар.

Даҳоликнинг гуллаб-яшнашини вужудга келтирган ушбу “Марказий Осиё”га қандайди худудларни киритишими мумкин? Даставвал, 1991 йилда мустақилликка эришган беш “истон”нинг барчасини, яъни Қозогистон, Қирғизистон, Ўзбекистон, Тоҷикистон ва Туркманистонни. Бу интеллектуал “гулаш”да ҳозирги Афғонистоннинг Балх, Ҳирот ва бошқа буюк шаҳарлари ўрни ва аҳамияти кам эмас. Бунга кўшимча сифатида ўша сермаҳсул йилларда бир қанча қашфиётчиларга ватанлик қилган бугунги Эроннинг шимоли-шарқида жойлашган Хурросон вилоятининг пойтахти Нишопурни ҳам келтириш лозим. Ушбу “даҳолар худуди”нинг сарҳадлари ҳар доим Марказий Осиёнинг маданий орбитаси қамровига кирган қадимий Қошғар шаҳри ва бир қанча бошқа буюк марказлар жойлашган ҳозирги кундаги Хитойнинг ғарбий чегараларига қадар чўзилар эди.

Харитада доира чизиш бир нарса; бутунлай бошқа нарса эса – нима сабабларга кўра ушбу “Катта Марказий Осиё” деб аталиши мумкин бўлган минтақа шундай маданий гуркираш ҳосил қилиши мумкин бўлди, деган саволга жавоб бера олишдир. Гуллаб-яшнаган шаҳарлар маданий ҳаётнинг пойдевори бўлиб хизмат қилган. Уша даврда бир араб саёҳатчиси ҳозирги

Афғонистон, Тожикистон ва Ўзбекистонни қамраб олган ҳудудни кезиб юрар экан, ҳайратда бу ерларни “минг шаҳарлар ўлкаси” деб атайди. Бир пайтлар ушбу минтақанинг пойтахти бўлмиш қудратли Балх шаҳрининг вайронала-ри ҳалигача чақирилмлар оша Афғонистоннинг ҳозирги Мозори-Шарифдан ғарбда жойлашган ерларига қадар ястаниб ётган. Балх ўз гуркираган даврида Париж, Рим, Пекин ёки Дехлидан каттароқ бўлган. Бошқа барча буюк минтақалар марказлари катори унда сув айланма тизими, ҳамомлар ва эртаклардагидек саройлар ҳамда саройдан ташқарида яшовчилар учун қуёшда пиширилган ғиштлардан қурилган ҳашаматли уйлар бўлган.

Шу билан бир қаторда, Балх қитъя бўйлаб амалга оширилган савдо туфайли бойиган. Балх ва Марказий Осиёнинг бошқа тижорий марказлари савдо-гарлари Яқин Шарқ, Европа, Хитой ҳамда Ҳиндистоннинг ички ҳудудларига саёҳат қилишган. Бу юрглар савдогарлари эса “Катта Марказий Осиё”нинг гуркираган карvonсаройларига ўзларининг маҳсулотларини олиб келишган. Мусулмон дунёси ва бошқа ерларда кулдорлик кенг тарқалганлиги туфайли бозорларда иирик кул бозорлари ҳам мавжуд бўлган. Олтин, кумуш ва бронзадан қуйилган пуллар ушбу тижорат томир отган тугунлардан то Швециянинг Готланди ҳамда Корея ва Шри-Ланкагача “саёҳат” қилган.

Марказий Осиё Евросиёнинг барча буюк маданият ўчокларини боғловчи йўлларнинг чорраҳасида жойлашган эди. Ҳозирги кунда “Ипак йўли” деб номланмиш мазкур маршрутлар тармоғи шуҳрат чўққисига чиққан даврда барча йўналишлarda турли-туман молларни ўтказган. Ҳаво ҳайдаш ёрдамида ишлаб чиқарилган ойна Яқин Шарқдан Хитойга Марказий Осиё орқали тарқалди; қофоз ишлаб чиқариш ва ипакчилик маданияти Хитойдан ғарбий йўналишда йўлга қўйилди. Аммо марказий осиёликлар “пассив ўтказгичлар” эмас эдилар. Ярим минг йиллик мобайнида яқин шарқликлар ҳамда европаликлар Самарқанд қофозини дунёда энг сифатли деб ҳисоблаган бўлсалар, Европадаги ўрта асрлар ибодатхоналари зебу зийнатлари Фарғона водийсида ишлаб чиқарилган ипакдан тайёрланган.

Савдогарлар динларни ташишга ҳам хизмат қилишган. Искандар Зулқарнайн (мил. авв. 356-33) босқини билан бу юргларга қадам кўйган юонолар Афғонистондаги ўзларининг янги шаҳарларига Афина, Геркулес, Афродита каби сифиниш тимсолларини олиб келишган. У пайтда буддизм минтақа бўйлаб томир отиш учун қулай шароитга эга бўлиб, бу ердан Хитой, Япония ва Кореяга тарқалган. Уз йўлларида, буддавий санъаткорлар келгинди юонолардан Буддани ҳайкалтарошлиқда тасвиrlаш фикрини олдилар. Тахминан бир пайтда, минтақа ҳудудида яхудийлар бирлашмалари, Сурия насроний епископликлари, маникеяликлар жамиятлари шакллана бошлади. Ушбу барча динлар замирида ўлканинг марказий дини – эзгулик ва ёвузлик ўртасидаги кураш, гуноҳ ва лаънатдан ҳалос бўлиш, жаннат ва дўзах каби тушунчаларга урғу берувчи зардуштийлик ётар эди. Тахминан милоддан аввали VI ёки VII асрларда яшаган Зардушт Балх вилоятидан чиққан, лекин у асос соглан дин ғарбий йўналишда – кейинчалик ушбу динга дуч келган ва унинг таъсирига тушган яхудийлар яшаган Бобилгача тарқалган. Яхудийлик орқали зардуштийлик ғоялари даставвал насронийликка, кейинчалик исломга тарқалди.

Шу боис VII асрда араб қўшинлари билан келган ислом биз ҳозирда “қиёсий диншунослик” ва “фалсафий таҳлил” деб атайдиган соҳаларда етарли даражада “эксперт” бўлган ахолига дуч келди. Кўп марказий осиёликлар исломни қабул қилдилар, бошқалари эса маданий тўлқин мавжи босилмагунга қадар қабул қилишдан бош тортдилар. Кайси динга эътиқод қилишларидан қатъи назар, марказий осиёликлар моҳир тизимга солувчи ва таҳлилчи бўлиб чиқдилар. Улардан бири Муҳаммад ибн Исмоил ал-Бухорий (810-870) пайғамбар Муҳаммад (а.с.)нинг ҳадисларини тўплади, таҳлил қилди ҳамда Куръондан кейин иккинчи энг муқаддас китоб ҳисобланмиш тўпламни яратди. Дунёвий фикрлар ҳам минтақа бўйлаб тўсиқсиз саёҳат қилиб юрди. Астроном ал-Хоразмий хинд рақамлари (ҳамда “0”) ва бошқа рақамлардан

фойдаланишни қиёслаб китоб ёзган бўлса, ўзга олимлар ҳинд геометрияси, астрономияси ва ҳатто тақвим тизимларида фойдали ғояларни излаб чукур тадқик қилдилар. Бундан олдинроқ марказий осиёликлар турли алифболарни (масалан, Сурия ва Ҳиндистон ёзувларини) синовдан ўтказдилар. Бир қатор маҳаллий тиллар пайғамбар Исо (а.с.) гапирган арама (арамей) тили алифбосини қабул қилиб олишиди. Дунёнинг ҳар қандай бошқа бурчагида интэллектуал жиҳатдан бундан-да “бағрикенг” мінтақани тасаввур қилиш мушкул.

Марказий осиёликларнинг араб ва хитойлардан фарқи уларнинг полиглот, яни кўп тилларни билишлариdir. Улар учун кўп сонли тиллар ва алифболар аралашмаси ичида яшаш одатий ҳол ҳисобланган ва қайси пайтда қандай тилга муҳтоҷлик сезилса, ўша тилда сўзлашишган. Шу тарзда, янги дин билан араб қўшинлари келганида Марказий Осиёнинг баъзи давлат арбоблари ва мутафаккирлари арабларнинг тили уларга қандай фойда беришини аниқлаш мақсадида мазкур нотаниш тилни ўргандилар. Савдогарлар тез орада классик юон тилидан эндиғина ўтирилган битиклар билан келишни бошладилар. Кўпинча насроний араблар томонидан таржима қилинган ушбу асарлар марказий осиёликлар учун кутилмагандага фалсафа ва илм соҳасида янги, ўрганилмаган ғоялар оламини очиб берди. Вақт ўтиши билан улар бу жиҳатларни эгаллаб, мазкур соҳаларда ҳатто қадимий юон мутафаккирларидан ҳам чукурроқ изланишлар олиб бордилар.

“Катта Марказий Осиё”нинг гуллаб-яшнаши “макон, макон ва яна макон” омилиниң маҳсулидир. Савдога асосланган фаровонлик ҳамда савдо орқали кириб келган динлар ва ғояларнинг ўзаро қоришимасининг яратилиши ҳам айнан мазкур омил билан изоҳланади. Бироқ савдонинг бир ўзи рўй берган интэллектуал уйғонишга туртки бўла олмас эди, чунки ҳар қандай савдо-сотик даҳоликка олиб келмайди. Балки савдони интэллектуал парвоз учун зарур шарт-шароит сифатида қараш мумкиндир, лекин бунинг ўзи етарли эмас.

Бу каби ижодий “портлаш”да дин омили қанчалик даражада муҳим? Кўпчилик учун ислом дини ҳал қилувчи омил бўлган. Ал-Бухорий ўз умрини баҳшида этган илмга бел боғлаганида бошқа бир қатор буюк алломалардаги сингари унга ҳам, шубҳасиз, чуқур эътиқод туртки бўлган. Ал-Форобий эса ўзининг ахлоқшунослик соҳасидаги тадқиқотлари ҳукмрон динни янада мустаҳкамлашига шубҳаланмаган. Бошқалар ал-Форобий фикрига кўшилган ҳолда таъкидлар эдиларки, ҳур фикрлаш ва тадқиқ қилиш динни чорлаши даркор, акси эмас; ва албатта, эътиқод илм-фанни чеклаб қўйиласлиги жоиз. Яна бошқалар эса ал-Форобий усулларига очикдан-очик кўшилмасликларини билдиради ҳамда динга жамият оммаси учун маъқул, интэллектуаллар учун эса номақбул бўшлиқ сифатида қарашар эди. Бундай қараш ҳозирги кунда асосан ўзининг шеърияти билан машҳур бўлган, 1048-1123 йилларда яшаган Умар Хайёмга тегишли. Фарбда уни XIX асрда нашр этилган “Умар Хайём рубойлари” деб номланган шеърий тўпламлари орқали билишади.

Буларнинг барчаси шундай таҳминларни кучайтирадики, интэллектуал “жасорат” дин яратган шарт-шароитлар эмас, балки у яратмаган шарт-шароитлар туфайли юзага келди. Агар Ғарбдаги баъзан илм-фан ва дин ўртасидаги қурашни эътиборга оладиган бўлсан, бу омил муҳим ўрин касб этади. Шу билан бир қаторда, ўзининг барча қолган асарларидан ташқари мусикя назарияси борасида қисқа вақт ичида йирик асар яратган ал-Форобийдек одам бутун оламни ўзининг “чиганоги” сифатида кўриб, ўрганиш учун на руҳсат ва на далдага муҳтоҷ бўлган.

Марказий Осиёнинг “олтин аср”ига ўз ҳиссасини қўшган буюк алломаларнинг ранг-баранглиги туфайли мінтақанинг мазкур давр ривожига сабаб бўлган омилларни таъкидлаб кўрсатиш янада мушкуроқ бўлиб қолади. Мутафаккирлардан айримларининг келиб чиқиши бадавлат ер мулклари эгаларидан бўлиб, шунинг ҳисобига кун кечирган бўлсалар, ибн Сино ва ал-Беруний каби бошқалари эса даромади юқори лавозимларга тайинланганлар. Бироқ бу каби ҳолатлар қоидадан истиснодир. Мутафаккирларнинг аксарияти

ЖАҲОН АДАБИЁТИ

тўлиқ иш билан таъминланган олимлар, тадқиқотчилар ва интеллектуаллар ёки шунга интилганлар эди. Уларни қўллаб-кувватлайдиган университетлар ва академиялар йўқлигини хисобга олганда, буни бемашақат фаолият деб бўлмайди. Бир қанча ҳақ тўлаб таҳсил оладиган ўқувчилар йиғилган тақдирда ҳам бу уларга етарлича даромад олиб келмасди. Шу боис, тақдир такозоси билан, улар ҳукмдорлар ҳимояси ва ҳомийлиги остида фаолият юритишар эди.

Марказий Осиёнинг энг улкан афзаликларидан бири шудир. Албатта, олимликка бел боғлаган киши Марказий Осиёда туғилган халифа ал-Маъмун асос солган фанлар академияси – “Донишмандлар уйи”га кўшилиш умидида Бағдодга йўл олиши мумкин эди. Бироқ шу билан бир қаторда, минтақа бўйлаб ва ғарбда – Эронда маҳаллий ҳукмдорлар ва саройлар бўлган. Уларнинг барчаси Бағдоднинг хурмат-иззатини жойига қўяр экан, ўзларини амалда мустақил деб билишган. Ҳар бир ҳукмдор маълум маънода (ўзи учун) халифа бўлиб, давлатини мутлак авторитар тарзда бошқарар ҳамда туркийлардан ташкил топган йирик қўшин ёрдамида ўз худудларини ҳимоя қиласди. Бироқ улар савдони қўллаб-кувватлар, солиқ ийғар, серҳашам пойтахт шаҳарлар куради ва энг муҳими, санъат ва илм-фанга беҳисоб маблағ сарфлар эдилар. Ана шундай саройлардан бири ал-Беруний ижод қилган Гурганжда жойлашган. Яна бири ўша вактдаёқ қадимий девор билан ўралган Самарқанд эди. У шаҳарда 850 ва 1000 йиллар оралиғида Сомонийлар сулоласи бой кутубхонага эга бўлган, мазмундор адабий кечаларда олимлар томонидан “Буюк масалалар” муҳокама қилинган, мусиқа ва шеъриятга тўйинган жўшқин ижтимоий муҳит яратилган.

Бу ҳукмдорларнинг баъзилари на сахий, на мулоим-мехрибон бўлган; улар санъат ва илм-фан ҳомийлари сифатида ҳам ажралиб турмаган. Шарқий Афғонистондаги пойтахтдан туриб Маҳмуд Ғазнавий (971-1030) Хиндистондан ҳозирги Эроннинг марказигача чўзилган империяни бошқарган. У шафқатсиз ҳукмдор бўлиб, маданиятни зарурат эмас, мол-мулк деб ҳисоблаган. Шунга қарамай, Хиндистон ва ҳиндуизм бўйича кейинчалик биринчи бўлиб кенг-қамровли тадқиқот муаллифи бўлган ал-Беруний ва буюк шоир Абулқосим Фирдавсийни ўз ҳомийлигига олган. Фирдавсийнинг исломдан олдинги Эроннинг маҳобатли манзараси тасвиrlанган “Шоҳнома” асари (тахм. 1000 й.) Францияда трубадурларга ҳам катта таъсир ўтказиб, жаҳон адабиётининг мумтоз асарларидан бири сифатида тан олинган.

Марказий Осиёда охирги улкан “маданий энергиянинг портлаши” Салжуқий турклар ҳукмронлиги остида рўй берди ва тахминан 1037 йилдан бошлаб бир асрдан кўпроқ вақт давом этди. Ўзларнинг шарқий пойтахтлари бўлмиш ҳозирги Туркманистоннинг Марв ва бугунги Афғонистон-Эрон чегарасидаги Нишопур шаҳарларидан туриб, улар кўп соҳаларда қашфиётчиларни қўллаб-кувватлади. Эришган ютуқлардан бири сифатида кенг жойларни қопловчи қушгумбазни келтириш мумкин. Дастребаки ютуқлар маҳсулини ҳозирда Марвнинг қаровсиз колган вайроналари мисолида кўришимиз мумкин. Флоренция ибодатхонасидағи Филиппо Брунеллески гумбази ва Санкт-Петербургдаги Авалиё Николай соборидан бошланган “дунё бўйлаб саёҳат” натижасида мазкур қашфиёт Вашингтондаги АҚШ Капитолий биносининг гумбазида ҳам ўз аксини топди.

Нима сабабдан Марказий Осиёнинг буюк асли сўнди? “Интеллектуал бўрон”нинг сўнишига энг кенг тарқалган изоҳ сифатида 1218 йилда Чингизхон томонидан Мўғулистаннинг марказий ерларидан уюштирилган мўғуллар босқини келтирилади. Ҳақиқатан ҳам мўғул босқинчилари Марказий Осиёдаги бетакрор шаҳарларнинг аксариятини вайронага айлантириди.

Лекин қуйидаги уч эътиroz бу фаразни шубҳа остига олади. Биринчидан, саноқлиларидан ташқари барча шаҳарлар савдо ва тижорат туфайли тез орада қайта тикланди. Иккинчидан, минтақани яккалаш у ёқда турсин, мўғуллар истилоси “Кагта Марказий Осиё” билан Европа ва Осиёнинг бошқа ерлари алоқаларини кучайтириди. Босқинчи мўғуллар ўзларининг бекиёс империяси ичида чегаралар ва тўловларни бекор қилишлари туфайли шундай шароит

юзага келди. Масалан, XIII асрда Афғонистондан Хитойга саёхатини Марко Поло ягона “патент” ёки “виза” билан амалга ошириди. Маданиятлараро алоқалар интеллектуал гуркирашнинг ажралмас таркибий қисми ҳисобланар экан, мұғуллар даврида бу хусусият томир отди.

Учинчидан, 1221 йилда мұғуллар хур фикрлиликни бостириш ниятида бўлган тақдирда ҳам (улар унда қылмадилар, бунга эҳтиёж ҳам йўқ эди) бундан бир аср олдинроқ юзлаб йиллар давомида бутун Марказий Осиё бўйлаб ҳар жиҳатдан гуллаб-яшнаган маданий юксалишнинг сўниши бошланган эди. Тўғри, XII асрда ҳам Марвда ўндан ортиқ кутубхона (улардан бирида 12 минг жилд бўлган), Бухорода эса 50 нафардан ортиқ аллома фаолият юритган. Бироқ аллақачон, яъни 1100 йилга келиб интеллектуал ҳаётдаги илмий қашфиётлар ўрнини илмий трактатлар тўпламини тайёрлаш эгаллаган эди. Ўша даврдан сақланиб қолган қўлёзмаларнинг аксарияти асарларнинг асл нусхаси эмас, балки олдинги асарларнинг нусха-кўчирмалари ёки уларга берилган шарҳлар эканлиги аввалги ёрқин аланга сўнганининг ишончли алломатидир.

“Кимнинг қўли бор?” деган саволга мұғулларни кўрсатмас эканмиз, унда таназзулнинг асл сабаби нима бўлиши мумкин? Марказий Осиёдаги буюк шаҳарлар бугун саҳро қуёшида жимжитлик билан ёпилиб турган маъюс вайроналар кўринишини беради. Ғамгинликни фақат тасодифий чакалакзорлар бузади. Уларга қараб, киши маданий инқирозда иқлим ўзгариши ёки бошқа экологик жараёнларни айблашта жазм қиласди. Лекин миңтақанинг экологик тарихи борасида аксарият изланишлар шундай хуносага келадики, Марказий Осиёнинг “олтин даври”даги иқлим ҳозирги кундаги иқлим билан деярли бир хил бўлиб, асосий ўзгариш миңтақанинг бир пайтлар ифтихори бўлган суғориш тизимида рўй берган.

Мұғуллар ва экологияни истисно қилганда, ўлканинг таназзулга юз тутишига камида тўрт омил сабаб бўлган. Биринчидан ва балки энг муҳими, ҳеч нарса абадий эмас. Мумтоз Афинанинг олтин даври базур бир асрга чўзилди, ундан кейин шаҳар пастроқ, кумуш даврга чўқди. Европадаги Ўйғониш даври шаҳарларининг саноқлисида гуркираган давр бир ярим асрга етди. Чўққига етгач, инқироз томон юз тутиш табиий ва муқаррардир.

Марказий Осиё мисолида эса, ғарброқда жойлашган арабларга қараганда ҳам кўпроқ қадимги Юнонистон, Яқин Шарқ ва Ҳиндистондан келган чексиз ва нотаниш foялар йиғималарини эгаллаб, ўзларига мослаш даъвати оригинал тафаккур шаклланишига қучли туртки бўлган. 1100 йилга келиб бундай натижага эришиб бўлинган эди; ундан кейин ҳеч қандай нисбатан чукурроқ янги изланиши қирралари топилмади. Европадаги Ўйғониш даври, албатта, шундай туртки бўлиши мумкин эди, бироқ бу вақтга келиб цивилизацияларни бир пайтлар боғлаган буюк савдо йўллари узилган, Марказий Осиёнинг тушкунлиги ва изоляцияси “мустаҳкамланаётган” эди.

Иккинчидан, маданиятлар ва уларнинг бир қисми бўлмиш динлар динамизм, ўз-ўзига ишонч, тажриба ўтказиш ва ниҳоят, ортодоксал қотиб колищдан иборат жараённи бошдан кечиради. Марказий Осиёда бу жараён аввалроқ зардуштийлик ва буддавийлик мисолида ўтган эди. Ислом динида эса ижодий тафаккурнинг юксак равнақ топиши эрта бошланди, яъни 800-1100 йилларга тўғри келди. Ортодоксал қотиши ҳам нисбатан эрта вужудга келди, лекин 1100 йилгача ўз чўққисига етмади. Ҳатто ўшанда ҳам яна тахминан бир аср мобайнида интеллектуал жўшқинлик сақланган бир неча якка тартибда “аванпост”лар қолган эди. Бироқ форсий ва туркий Марказий Осиёда араб дунёси маркази ва Эрондагидек маълум суръатлар билан мустаҳкамланаётган мусулмон ортодоксал қотищдан келиб чиқсан талаблар эркин фикрлилик ва гуманизм ривож топиши мумкин бўлган соҳани тобора торайтириб борди.

“Катта Марказий Осиё”да эркин интеллектуал ҳаётнинг сўнишига ўз хиссасини қўшган ушбу “морфологик” воқеликлардан ташқари, учинчи, ўзига хос омил ётарди: ислом дини ичидағи сунний-шиа ажралиши. Мазкур фундаментал бўлиниш Мұхаммад (а.с.)нинг 632 йилдаги вафотидан ке-

йинги биринчи авлодга бориб тақалади. Дамашқда илк халифалик вужудга келиш вақтида суннийлар бутун мусулмон дунёсида мустаҳкам хукмронлик килишарди. Бунга истисно тарзда Мисрда шия сулоласи ҳисобланган Фотимийлар 968-1171 йилларда ҳокимиятда бўлдилар. Аммо, ҳатто Фотимиийлар ҳокимияти қулашидан олдинроқ шия тарафдорлари шарққа томон кувгин қилинди ҳамда эътиқодлароро низо маркази Эрон ва Марказий Осиёга кўчди. Шу тариқа минтақа бўйлаб хукмдор сунний подшолар эътиқод бўлинишига мойил бўлган шубҳа остидагиларга нисбатан сиқувни кучайтирилар.

Аёнки, ўзгаришлар хур фикр тарафдорларига нисбатан қаттиқ зарба бўлди, аммо суннийларга ҳам таъсири кам бўлмади. Марказий Осиё гарбий сарҳадлари (ҳозирги шарқий Эрон)нинг Тус шаҳрида ижод қилган икки шахс бунга ёрқин мисол бўла олади. Биринчиси Низом ул-Мулк (1018-92) юксак иқтидорли бошқарувчи ва қолаверса, даврнинг энг олди сиёсатшуносларидан бири эди. Низом ул-Мулкнинг устозлари уни Марказий Осиё Уйғониш даврининг энг ёрқин мутафаккирлари асарлари билан таништирган эди. Лекин унинг салжуқийлар империяси вазири этиб тайнинланиши пайтига келиб, шия муҳолифатига қарши кураш авжга чиқади. Ҳар тарафдан келган хавфнинг олдини олиш мақсадида Низом ул-Мулк ортодоксал сунний исломни “мияга қўйиш” ва ёш авлодни чукур билимили, лекин мазкур эътиқодга содик қилиб тарбиялаш учун мадрасалар тармоғини яратиш таклифи билан чиқди. Битирувчилар нафақат шиаларнинг ажралишини, балки ортодоксал оқимдан оғиши шубҳаланган ҳар қандай ғояларни рад этишлари зарур эди.

Иккинчи “ислоҳотчи” шахс файласуф ва дин арбоби Абу Ҳамид Муҳаммад ибн Муҳаммад ал-Ғаззолий (1058-1111) бўлиб, у идрокнинг чекланмаган рашидда кўлланилишига қарши бевосита ҳужум бошлади. Унинг энг машхур асари сарлавҳасидан хулоса чиқариш мумкин: “Файласуфларнинг (яъни олимларнинг) мантиқсизлиги”. Ф.Достоевскийнинг “Ақа-ука Карамазовлар” асари қаҳрамони буюк инквизитор сингари ал-Ғаззолий ўзининг фанимлари (ўлканинг энг олди олимларини ўзига жалб қилган Аристотель эмпиризми) ни пухта билар эди. Аристотелни танқид остига олар экан, ал-Ғаззолий вайрон қилувчи таъсир билан ўз замонасининг барча рационалистларини сиқувга олди.

Низом ул-Мулк ва ал-Ғаззолий биргаликда Марказий Осиёда уч аср давомида барпо этилган эркин тафаккурга парда тортилар. Бироқ буни марказий осиёликлар ўзларига хос топқирлик билан қарши олдилар. Эътиқоднинг сиртқи шакллари мустаҳкамланган ва қотирилган бир пайтда улар индивидуал маънавийликка янги қизиқиши ўйғотдилар. Тасаввуфга асосланган ҳолда, худога сифинишига эришишнинг юксак даражадаги бу шахсий тизими на китоблар, на иерархия ва на масжидлар талаоб қиласр эди. Бу оқим суфизм деб ном олди. Марказий осиёликлар тасарруфида тайёр ишланган бундай тасаввуф ва шахсий сифиниши шакллари мавжуд эди. Бунга ўхшаш қўнимкалар хиндуист Хиндистон билан алоқада бўлганликлари ҳамда ўлканинг савдо марказларида кенг тарқалган ва ўзларининг динига айланган буддапарастлик, Сурия насронийлиги ва ҳатто яхудийликнинг бой маҳаллий анъанаалари туфайли хосил қилинган эди. Суфизмга бу каби эътиқод турларининг тасаввуф борасидаги ҳиссаси хусусида баҳслар давом этишига қарамай, бир нарса аён: дастлабки сўфийлар араблар бўлса-да, Марказий Осиё суфизмнинг юрагига айланган. Дастлабки ва энг олди сўфий ҳаракатлар бу ерда вужудга келди ва шу ердан бутун мусулмон дунёсига тарқалди. Бугунги кунда Румий, Аттор ва бошқаларнинг суфизмни мадҳ этувчи шеърлари Янги Даврга эргашишга бўлди, лекин ўз даврида улар ташқи омма дунёсидан қочиб, ички дунёга қарашга ундангарлар.

Марказий Осиё 1100 йилдан ҳам кейин жаҳон нигоҳидан асло четда қолмади. XIV асрда Фарбда Темурланг (Тамерлан) номи билан танилган Амир Темур Деҳлидан Урта Ер денгизининг шарқий соҳилларигача бўлган дунёни босиб олиб, ўзининг қайта тикланган пойтахти Самарканнда олим ва ижодкорларни тўплади. Бир асрдан сўнг Бобур Фарғона водийисидан чиқиб,

Ҳинди斯顿да Мўғуллар сулоласига асос солди. Иқтидорли ёзувчи бўлган Бобур Марказий Осиёнинг қадимги анъанасини тарк этмаган ҳолда ўз саройига иқтидорли ижодкорларни жам этди.

Бироқ Марказий Осиё 800-1100 йиллар орасида эришган интеллектуал шукухини қайтара олмади. Юқори бўлган маҳаллий (божхона) тўловлар фаронвонлик ва маданиятларо мулоқотни туғдирган “олтин ғоз”ни чўқтириди. Диний ортодоксаллик ўлканинг энг ўзига хос мутафаккирларини “бўғди”. Таназзулга юз тутар экан, Марказий Осиё вақт ўтиши билан бутун Евроосиёнинг юксак маданияти маркази бўлиш имкониятини бой бериб, одам оёғи етмайдиган ва чанг босган хилватгоҳ мақомига тушиб қолди.

Дэн Разер 2001 йил 11 сентябрь воқеаларидан кейин худди ана шундай зулматга ботган жойдан – Афғонистон ва минтақадан репортажлар олиб борди. Камуфляжли жакет кийиб олиб, репортажларини фақат кун чиқар ва кун ботарда тасвирга тушириб, у минтақани бориб бўлмайдиган, қолоқ, экзотик, чет ва хатарли, бир сўз билан айтганда, дунёнинг охири деган маънода кўрсатарди. Гўёки, ибн Сино, ал-Беруний ва бошқа бир қатор жаҳон тан олган даҳолар бу ерларда яшамагандек.

Дэн Разернинг тасвиридаги Марказий Осиё эсга олса арзигулик минтақа сиймосида бўлса-да, бундай ҳолат бир қатор аянчли хулосалар келтириб чиқаради. Бир томондан, АҚШ ва жаҳон ҳамжамиятининг ечимини топишга умид қиласа бўладиган энг асосий ташвиши – бу минтақадан келиб чиқаётган хавф-хатарни чеклаши. Бу ўз навбатида, бизга хавф колаётган ҳар қандай нарсани бузуб ташлаб, бу ерни тарк этишини назарда тутади. Бундай ёндашув билан боғлиқ муаммо шундан иборатки, бу нарса кейинчалик ўзимизга хизмат қиладиган қуролга айланиши мумкин, чунки назаримиздаги умид-сизликка, тушкунликка тушган ўлка ҳақиқатан ҳам шундай бўлиб қолади ва бундан ҳам кўпроқ хавф туғдирувчи минтақага айланади. Марказий Осиё ва Афғонистоннинг тўрт – яқин келажакда, эҳтимол, беш – ядро қуролига эга бўлган давлатлар орасида жойлашганлиги масалани ечишга ёрдам бермайди.

Шўролар ва толиблар хукмидан халос бўлганидан бери бу минтақада қитъа бўйлаб қадимий савдо йўллари қайта жонлана бошлади. Европага участган хинди斯顿лик ва кореяликлар бу ерда тўхтаб ўтишади. Олти давлат ва шунча ҳалқаро молиявий ташкилотлар мазкур минтақада яқин келажакда Европа, Хитой, Ҳинди斯顿 ва Яқин Шарқни боғловчи автомагистраллар барпо этиш билан банд. Бу ишларнинг марказий бошқаришсиз амалга оширилаётгани шундан далолати, буларнинг даражаси ва кўлами шу пайтгача эътибор жало қилмади. Бироқ йўллар курилиши ҳозир тўхтатиб бўлмайдиган даражадаги кучга айланди. Европа ва Хитойни боғловчи маршрутлар очилиши, Афғонистон орқали Араб денгизи, Ҳинди斯顿, Жануби-шарқий Осиёни Яқин Шарқ, Хитой ва Ҳинди斯顿 билан туаштирувчи йўллар келгуси ўн йилликда бутун Евроосиё қитъасини ўзгартириб юборади. Вужудга келаётган шарт-шароитларнинг камдан-ками мутлақ янги кашфиётдир. Ҳақиқатан, янти барпо этилаётган транспорт тизими қандай кўринишда бўлар экан, деган савол билан қизиқаётган ҳар қандай киши аввал “олтин давр”даги савдо йўлларини ўрганиб чикиши лозим.

Шу тарзда, 1991 ва 2001 йиллар оралиғида Марказий Осиёнинг “очилиши” минтақанинг интеллектуал жиҳатдан ҳам ўзгаришига олиб келмоқда. Худуднинг ўн минглаб талабалари хориждаги энг олд университетларга ўқишига юборилди. Минг йил аввал аждодлари бел боғлаган маърифатпарварлик руҳида Қозоғистон ва Ўзбекистон хукуматлари бу ёшларга энг замонавий билим олишлари ва уларни Ватанга олиб қайтишлари учун ҳомийлик кўрсатдилар. Бу ёшлар ўзларининг минтақасини глобал ғоялар дунёси билан қайтадан боғлаш ниятида қайтишмоқда. Кейинги ўн йиллик мобайнида мазкур ёш йигит-қизлар жамиятларида ва бутун минтақада етакчи ўринларни эгаллайдилар. Ҳатто Афғонистонда Миллий университет, Америка университети ҳамда минглаб мактаблар ўсиб келаётган авлоддага янги имкониятлар яратмоқда.

Ўсиб келаётган авлоднинг имконият уфқларини торайтириш ва уларнинг

ЖАҲОН АДАБИЁТИ

орзуларини чеклаш хавфи мавжуд. Баъзи ёшларнинг диний ташкилотларга ёки тор миллатчилик гурухларига жалб этилиши ҳам ташвишли ҳолат. Лекин марказий осиёликлар шахсни улуғлайдиган, ҳар бир шахсни идрок ва донолик мазмунида белгилайдиган ва ўша шахсни глобал тараққиётнинг асосий оқимларига жойлаштирадиган юксак маънавиятли ўтмиш эгаларидир. Бу – 300 йил мобайнида ўзларининг минтақаларини интеллектуал дунё марказига айлантирган буюк анъянадир.

Агар бу нарса ҳозирги кунда минтақада истиқомат қилаётганлар учун чакириқ бўлса, уларнинг ҳалқаро шерикларига минтақа мамлакатларини шахмат таҳтасида туртқиланадиган, маданий жиҳатдан инерт обьектлар сифатида эмас, балки суверен давлатлар сифатида қабул қилишдир. Уларга шунчаки, Владимир Путин ҳукумати таъбири билан айтганда, “бизнинг маҳсус манфаатларимиз доираси” сифатида; хитойликлар назаридаги хомашё манбаи сифатида; ёки АҚШ назаридаги Кобулга сафар чоғида ёнилғи учун тўхташ жойи сифатида қараш етарли эмас. Бундан мақбулроқ муқобил шундан иборатки, буюк империяларни ва янада каттароқ савдо зоналарини бошқариш, дунёнинг бошқа маданий марказлари билан тенглар орасида мулоқотда бўлиш ҳамда ўзларининг ноёб географик жойлашувларидан фойдаланган ҳолда цивилизациялар ўртасида алоқа ва кўприкка айланиш салоҳияти қаердадир бу ҳалқларнинг ДНКсида мавжудлигини тан олиш керак. Бу каби огоҳлик ҳамма томонларда ишонч даражасини кўтарида ва минтақанинг ҳалқаро шерикларини Марказий Осиёга геосиёсий ўйин обектидан муҳимроқ макон сифатида қарашга ундейди.

Бу эса, ўз навбатида, осон кечмайди, лекин буни бошлаш учун муҳим шарт Марказий Осиёнинг ўтмиши ҳақида чуқурроқ билим ҳосил қилишдан иборатдир.

Уибу мақола АҚШда чоп этилган: Rediscovering Central Asia /Summer 2009. Wilson Quarterly. 33-43 p

АСРЛАР ОША ТАРАЛАЁТГАН ЗИЁ

Маълумки, дунё ҳалқларининг ижтимоий-иқтисодий тараққиёти мислсиз даражада ривожланиб, глобаллашув жараёнининг қамрови фоят кенг кўламда кенгайиб бораётган ҳозирги даврда инсониятнинг келгуси ҳаёти, айниқса, жаҳон цивилизациясининг тақдирни ва барқарорлиги улуғ аждодларимиз томонидан яратилган бебаҳо илмий, адабий, маънавий-маданий қадриятларни кенг кўламда ўрганиш ва тарғиб этиш билан бевосита боғлиқ бўлиб турибди. Бу эса, ўз навбатида, ўрта асрларда яшаган зукко алломаларнинг мислсиз дахосининг маҳсули ўлароқ юзага келган беқиёс илмий меросни янгича таъмийиллар асосида тадқиқ этиш, улар томонидан яратилган илмий кашфиётларнинг дунё тамаддуни ривожидаги ўрнини белгилаш ва Шарқ ҳалқлари илмий тафаккурининг жаҳоншумул аҳамиятини кўрсатиб беришни тақозо этади.

Зеро, остонаси ойдин юрт – она Ўзбекистонимиз бениҳоя нодир илмий салоҳияти билан дунё тараққиётининг тамал тошини кўйган не-не улуғ мутаффакир ва алломаларга бешик бўлган заминдир. Ўлкамизда IX-XII ва XIV-XV асрларда тафаккур осмонида күёшдек чараклаб, ўзининг зиёси билан оламни ёритган икки қудратли илмий-маданий юксалиш даври адабиёт ва санъат асарлари, ҳайратомуз меъморчилик обидалари, математика, астрономия, тиббиёт, физика, кимё, геодезия, фармакология, тарих, адабиётшунослик, фалсафа, диншунослик фанлари соҳаларидаги йирик тадқиқотлар яратилган. “Шарқ ренессанси” дея эътироф этилган ана шу даврларда яшаб ижод қилган юргдошларимизнинг юксак салоҳияти натижасида юзага келган қадриятлар нафакат Марказий Осиё, балки жаҳоннинг бошқа худудларидағи илм-фан, маданият ва маърифатнинг ривожига ижобий таъсир кўрсатганлигидан қалбимизда битмас-туганмас гурур, ифтихор ҳиссини тумиз.

Тараққиёт юксак даражада ривожланган бугунги кунда компьютер

технологияларидағи ҳар бир янгиланишга назаримиз тушганда беихтиёр “алгоритм” ва “алгебра” атамаларида номи мухрланган улут юртдошимиз – ўнлик ҳисоблаш тизими, ноль миқдорий ифодаси ва кутблар манзиллари – координаталарини илк бор амалиётга жорий этиш орқали математика, тригонометрия ва география фани ривожига улкан хисса қўшган Муҳаммад ибн Мусо ал-Хоразмий сиймоси кўз олдимизга келади. Дунёдаги кўпгина географик кашфиётларга асос бўлган нодир илмий адабиётлардан бири – “Астрономия асослари” асарининг муаллифи ўрта асрларда кўлланилган асосий астрономик асбоб – устурлоб назарияси асосчиси ва асрлар мобайнида Нил дарёси суви сатхини ўлчаш воситаси – “нилометр” ихтирочиси Аҳмад Фарғоний эканлигидан кўнглимиз тоғдек ўсади. Фалсафа фанида онтологик билим асосларини яратиб, мантиқ муаммолари бўйича чўкур тадқиқотлар яратганлиги туфайли “Шарқ Аристотели” номини олган Абу Наср Форобийнинг жамият тўғрисидаги қарашлари ва илмий концепциялари бугунги кунда ҳам ўз аҳамиятини йўқотган эмас. Узининг 150 дан ортиқроқ асарлари билан география, геодезия, минералогия, астрономия каби табиий фанларда кўплаб янги назарияларга асос солган Абу Райхон Беруний даҳосига тан берган муаррихлар XI асрни ҳақли равишда “Беруний асри” деб атаганликлари ҳам бежиз эмас. “Тиб қонунлари” номли муҳташам асари билан нафакат анъанавий, балки замонавий тиббиёт илмининг ҳам тамал тошини қўйган қомусий илм соҳиби Абу Али ибн Синонинг илмий тафаккурни тараққий эттириш борасидаги эзгу ишлари халқимиз тарихининг шонли зарваракларига зарҳал ҳарфлар билан мухрланган. Ҳар гал Самарқанд шаҳридаги нобёб тарихий обида – расадхонага борганимизда минглаб осмон ёритқичлари ҳолати ва юлдузларнинг манзилларини аниқ белгилаб чиқсан фалакшунос олим Мирзо Улуғбек астрономия мактабининг Козизода Румий, Али Кушчи, Ғиёсиддин Коший каби буюк сиймоларининг бекиёс илмий тафаккури нечоғлиқ кенг қамровли эканлигини ҳис этамиз.

Серкүёш юртимизнинг ўзига хос табиий-иклимий шароитлари ва дарёларимиз сувининг мўл-кўллиги бу худудда жаҳондаги энг қадимий дехқончилик маданиятларидан бири ҳамда ривожланган шаҳарсозлик анъаналарининг юзага келишига асос бўлган. Шунинг учун ҳам минтақамизда қадимдан илм-фан, маданият, санъат ва меъморчилик изчил тараққий этиб келган. Бугунги кунга кадар жаҳон ахлини ҳайратга солиб келаётган улкан илмий кашфиётлар, “Авесто”, “Алпомиш”, “Хамса” сингари барҳаёт бадиий қадриятлар, Сармишой ва Зарауткамар қоятошларига чизилган қадимий суратлар, Самарқанд, Бухоро, Хива ва бошқа кўхна шаҳарларимиздаги беназир архитектура обидалари аждодларимиз даҳосининг такрорланмас мўъжизалариданdir.

Буларнинг барчаси ўзининг беназир ижодий даҳоси ва юксак илмий салоҳияти билан жаҳон цивилизацияси тараққиётiga улкан хисса қўшган Ўзбекистонда қадимдан илм-фаннынг турли соҳалари ва ўйналишлари изчил ривожланиб келганлигидан далолат беради. Жаҳоншумул аҳамиятга эга бўлган маънавий-маданий қадриятлари, ижтимоий-тарихий анъаналари ва бетакрор илмий даҳоси ютуқлари билан дунё цивилизациясига муносиб хисса қўшган халқимизнинг бугунги тараққиёти ҳам ўрта асрларда яратилган илмий ва бадиий мерос билан чамбарчас боғланиб кетган. Айниқса, мамлакатимиз истиклолга эришганидан кейин таълим тизимининг барча турларини тақомиллаштириш ва юксак салоҳиятли илмий ва илмий-педагог кадрлар тайёрлаш тизимини тубдан ислоҳ қилиш билан бир қаторда ўрта аср Шарқ алломаларининг абадиятга дахлдор илмий меросини кенг кўламда ўрганиш, турли кўлёзма фонdlари ва кутубхоналарда сақланиб келаётган минглаб кўлёзмаларни тадқиқ ва табдил этиш, аждодларимиз илмий ва бадиий меросининг жаҳон тамаддунидаги ўрнини кўрсатиб беришга алоҳида эътибор қаратилди. Мамлакатимиз Президенти Ислом Каримов ташаббуси билан Имом Бухорий, Мирзо Улуғбек, Аҳмад Фарғоний, Абу Мансур Мотурудий, Ҳаким Термизий, Бурҳониддин Марғиноний, Алишер Навоий каби буюк аждодларимизнинг фоятда серқирра ва бой илмий меросини ўрганиш, тарғиб

ЖАҲОН АДАБИЁТИ

этиш, уларнинг мўътабар номи билан боғлиқ масканларни обод қилиш борасида хайрли ишлар амалга оширилди.

Яқинда Шарқ гавҳари хисобланган қадимий ва ҳамиша навқирон Самарқанд шаҳрида Шарқ алломаларининг илмий ва маданий мерослари ни ўрганиш ҳамда тарғиб этиш мақсадида Президентимиз Ислом Каримов ташабуси билан ташкил этилган “Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожидаги роли ва аҳамияти” мавзусидаги халқаро илмий конференциянинг ўтказилиши ҳам зукко аждодларимиз томонидан яратилган улкан илмий ва бадиий қадриятларни улуғлаш борасидаги энг улуғ ишлардан бири бўлди.

Самарқанд шаҳрининг марказида қад кўтарган ҳашаматли Қабуллар саройининг мажлислар залида шу йилнинг 15 май куни халқаро конференциянинг очилиш маросими ва ялпи мажлиси бўлиб ўтди. Узбекистон Республикаси Президенти Ислом Каримов халқаро конференциянинг очилиш маросимида сўзга чиқиб, ўрта асрларда яшаб, илм-фаннинг турли соҳаларида игна билан кудуқ қазишдек машаққатли илмий-ижодий фаолият билан машғул бўлган буюк аллома ва мутафаккирлар меросининг ҳозирги замон жаҳон цивилизацияси ривожидаги аҳамияти ҳамда Узбекистонда фан ва таълимни кенг кўламда ривожлантириш борасида амалга оширилган улуғвор ислоҳотларнинг моҳияти ва истиқболини ёритиб берди. ЮНЕСКО Бош директорининг ўринбосари, Осиё ва Тинч океани минтақавий бюроси директори Хуберт Гизен сўзга чиқиб, ўрта аср Шарқ алломалари томонидан яратилган бой мероснинг жаҳон цивилизациясида тутган ўрнини муносиб баҳолади ҳамда мамлакатимизда миллий қадриятларни тиклаш ва ўрганиш, фан ва таълимни юксак даражада ривожлантиришга алоҳида эътибор қаратилаётганлиги таъкидлаб, бу борада фидойилик кўрсатиб келаётган юртбошимизга миннагдорлик изҳор этди. Шундан кейин ўрта асрлар Шарқ алломаларининг ҳаёти ва ижоди, уларнинг илмий мактаблари ҳамда яратган асарлари ҳақидаги видеофильм намойиш этилди.

Мазкур конференция ишида АҚШ, Буюк Британия, Германия, Франция, Италия, Хитой, Жанубий Корея, Япония, Хиндистон, Сингапур, Малайзия, Кувайт, Миср, Саудия Арабистони, Россия, Озарбайжон каби жаҳоннинг 50 га яқин давлатларидағи энг нуфузли илмий марказлари ва илм даргоҳларидан ташриф буюрган йирик олимлар иштирок этилди. Анжуманнинг ялпи мажлисида АҚШдаги Жонс Хопкінс университети қошидаги Марказий Осиё ва Кавказ мамлакатлари институти раҳбари, машҳур антрополог ва археолог профессор Фредерик Стэрр, япониялик таниқли бобуршунос олим, Рюкоку университети профессори Эйжи Мано, Захириддин Муҳаммад Бобурнинг “Бобурнома” асарини илмий шарҳ ва изоҳлар билан араб тилига ўтирган Кохира университети профессори Магида Маҳлуф, улуғ юртдошимиз Ибн Сино таълимоти ва асарларининг толмас тарғиботчиси, Европадаги замонавий тиббиёт ташкилотчиларидан бири, “Авиценна-Франция” ассоциацияси президенти Марк Боннел, Бельгиядаги Лувен католик университети профессори, Ибн Сино илмий меросини Европа мамлакатларида тарғиб ва тадқиқ этиш борасида самарали иш олиб борган проф. Юльянссенс, Нидерландиядаги Уtrecht университети доценти Вильфрид де Грааф, Япониядаги Токай университети профессори, шарқшунос олим Масатака Такешита, узоқ йиллар мобайнида ўрта асрлар Марказий Осий астрономияси тараққиётини ўрганиб келаётган таниқли хитойлик олим, Хефей университети тарих ва археология факультети раҳбари проф. Ши Юнли, Узбекистон ФА академиги Эдвард Ртвеладзе сўзга чиқиб, ўрта асрлар Шарқ алломалари томонидан яратилган илмий мероснинг жаҳоншумул аҳамияти хусусида маъruzалар қилишди.

Шунингдек, конференция ишида Марказий Осиё тарихи, археологияси ва этнографияси бўйича таниқли мутахассис, кўхна Дарварзинтепа ва Қоратепа археологик ёдгорликларида олиб борган тадқиқотлари натижасида қадимий Ипак Йўли ва Бақтрия давлати тарихига доир янги концепцияларни илгари сурган япониялик профессор, “Дўстлик” ордени соҳиби, Термиз шаҳрининг

“Фахрий фуқароси” Кюдзо Като, Индира Ганди номидаги миллий маданият марказининг илмий раҳбари, ўрта аср кўлғизмаларини ўрганиш асосида Шарқ уйғониш даври жаҳон илм-фани тараққиётида муҳим ўрин тутганлигини асослаган проф. Мансура Ҳайдар, аэронавтика ва коинот соҳасидаги йирик асарлар муаллифи, Жанубий Кореядаги Инҳа университети президенти Пак Чун-Бэ, Словакия шарқшунослик жамияти раиси Габриель Пирики ва бошқа машхур олимларнинг иштироки ушбу конференциянинг нуфузи нақадар баландлигини кўрсатди.

16 май куни конференция иштирокчилари шўйбаларга бўлиниб, “Ўрта аср Шарқ алломаларининг аниқ фанлар соҳасидаги илмий ютуқлари, замонавий илм-фан шаклланиши ва ривожланишида (астрономия, математика, география, геодезия) кўшган ҳиссалари”, “Алломаларнинг табиий фанлар (медицина, фармакология, кимё, минералогия) ривожланишига кўшган алоҳида ҳиссалари ва илмий-тарихий мерослари”, “Алломалар ва мутафаккирларнинг тарихий ва фалсафий мерослари”, “Тилшунослик ва адабиёт соҳасида аллома ва мутафаккирларнинг илмий мерослари” мавзуларида бўладиган ийғилишларда иштирок этишди.

Халқаро илмий анжуманинг тўртинчи шўйбада қилинган маъruzalarda Маҳмуд Кошғарий, Маҳмуд Замахшарий, Алишер Навоий, Заҳириддин Мухаммад Бобур илмий ва бадиий меросининг долзарб масалалари таҳлилига доир маъruzalар тингланди. Ҳусусан, Озарбайжон Миллий академияси Адабиёт институтининг профессори Алмаз Улви Биннетованинг ўтган асрнинг 20-йилларида Алишер Навоий ижодининг, айниқса, шоир асарлари бадиий тилининг озарбайжонлик олимлар томонидан тадқиқ этилишига доир маъruzаси, Ўзбекистон Миллий университети проректори Ш.Сирожиддиновнинг Алишер Навоий бадиий маҳоратининг жаҳоншумул моҳияти ва аҳамиятига бағишлиланган илмий-таҳлилий тақдимоти, Тошкент давлат Шарқшунослик институти профессори Қ.Содиковнинг “Девону луготит турк”нинг лингвистик таҳлилига доир чиқиши анжуман иштирокчиларида катта қизиқиши ўйғотди.

Куннинг иккинчи ярмида эса шўйба йиғилишлари якунлари бўйича шўйбалар раисларининг маъruzalari тингланди. Анжуман якунлари бўйича хужжатлар расмийлаштирилиб, “Ўрта аср Шарқ алломалари ва мутафаккирлари тарихий меросининг хозирги замон цивилизациясидаги роли ва аҳамияти” мавзусидаги халқаро илмий конференциянинг расмий ёпилиш маросими ўтказилди.

Ушбу нуфузли халқаро конференция доирасида Самарқанддаги тарихий обидалар, зиёратгоҳлар, музейлар ва истиқлол йилларида бунёд этилган замонавий иншоотларга саёҳатлар уюштирилди. Анжуман иштирокчилари шаҳардаги олий ўқув юртлари ва касб-хунар коллежларида бўлиб, мамлакатимизда ҳар томонлама етук, билимли ва иқтидорли мутахассис кадрларни тайёрлаш борасида амалга оширилаётган эзгу ишлар, ёш авлоднинг истеъодидин намойиш қилиш учун яратилган кенг имкониятлар билан танишдилар. Мамлакатимизда истиқлол йилларида олиб борилган кенг кўламли бунёдкорлик ишлари, равон ва кенг ўйлар, янги бунёд этилган боғ-роғлар, замонавий андозалар асосида курилган шинам уй-жойлар, шаҳарларимизнинг дунёдаги энг йирик мегаполислардан сирамя қолишмайдиган ўзига хос архитектура ечимлари хорижлик меҳмонларда катта таассурот қолдирди.

Самарқанд шаҳрида бўлиб ўтган мазкур халқаро анжуман ўзининг беназир ижодий даҳоси билан жаҳон илмий ва бадиий тафаккури ривожига муносиб ҳисса кўшган улуғ мутафаккир ва алломалар ижодининг инсоният тараққиётига бешик бўлиб хизмат қилганлиги ҳамда бу каби улуғ зотларнинг маърифат, илму фан ва маданият ютуқларини ўзида мужассамлаштирган улкан меросида халқимиз заковатининг чексиз қудрати ўз ифодасини топганлигининг жаҳон миқёсидағи эътирофи бўлди.

*Низомиддин МАҲМУДОВ,
Маматқул ЖУРАЕВ*

ЖАҲОН АДАБИЁТИ

62



Жейн ОСТИН

Инглиз адабаси Жейн Остин 1775-1801 йилларда яшаган. Жүйн сюжетларни, инглизча юмор ва сатирани чукур рухий кузатышлар билан ифодалаш орқали Англия реализм адабиётини янги боскичга олиб чиқди. “Уч опа-сингил”, “Мұхаббат өз дўстлик”, “Англия тарихи”, “Эмма”, “Хис ва ҳиссийлик”, “Париваш Кассандра” каби асарлар муаллифи.

Ж. Остин асарлари Буюк Британиянинг барча коллеж ва университетларидаги ўқитилади.

АНДИША ВА ҒУРУР

Роман¹

І БОБ

Балоғатга етган пули бор ҳар бир йигит ўзига қаллиқ топиши кераклиги хаммага маълум. Агар шундай одам янги жойга кўчиб келадиган бўлса, бу хол унинг яқин-атрофида яшайдиган қўшниларнинг эс-хушини шунчалик банд этадики, унга ўша заҳотиёқ бирорта қўшни қиз учун қонуний ўлжа деб қарай бошлашади.

— Азизим мистер Беннет, — деди бир куни миссис Беннет эрига. — Незерфилд ахирини бўш турмаслигини эшитдингизми?

Мистер Беннет хеч нарсадан хабари йўқлигини айтди.

— Бу янгиликни хозиргина миссис Лонг кириб айтди. Янги қўшнимиз ким эканлигини билишни хоҳлайсизми?

— Шуни менга жуда айтгингиз келаётган бўлса, унда эшитишга тайёрман.

— Миссис Лонгнинг айтишича, Незерфилдни Шимолий Англиялик жуда ҳам бой бир йигит ижарага олганмиш. Уша йигит байрам қунигача кўчиб келмоқчи эмиш.

— Уша йигитнинг исми нима экан?

— Мистер Бингли.

— Уйланган эканми ё бўйдоқми?

— Бўйдоқ, азизим, ҳамма гап шунда-да — бўйдоқ! Йилига тўрт ёки беш минг даромадли ёш бўйдоқ! Бизнинг қизларимиз учун бу жуда қулай имконият-а?

— Қанақасига? Бунинг бизга нима алоқаси бор?

— Азизим, — деди миссис Беннет, — Мен у йигитнинг қизларимиздан бирига уйланиши мумкинлигини кўзда туваётганимни тушунаётган бўлсангиз керак?

— Ҳм-м, унинг режалари шундай эканми?

— Режалари?! Баъзан жуда гапириб кўясиз-да! Лекин у қизларимиздан бирини ёқтириб қолиши мумкин-ку! Шунинг учун, у бу ерга кўчиб келиши биланоқ сиз, албатта, уникуга ташриф буюришингиз керак.

— Очигини айтсам, бунинг учун етарли асос кўрмаяпман. Сиз ўзингиз қизлар билан бора қолинг, яхшиси — уларнинг ўзини юбора қолинг. Тағин ўзингизни ёқтириб қолиб ўтирасин. Чиройда улардан қолишмайсиз-ку!

1 Журнал варианти.

— Азизим, мени мақтаб юбордингиз. Чиндан ҳам қачонлардир келишгангина эдим. Афсуски, бешта бўйи етган қизи бор аёл ўзининг келишганлиги тўғрисида ўйлашга ҳам вакт топмайди. Хуллас, азизим, барибир, мистер Бингли бу ерда пайдо бўлиши билан сиз уникуга ташриф буоришингиз керак.

— Бундай қилмасам керак.

— Ахир қизларимиз ҳақида ўйласангиз-чи! Тасаввур қилинг-а – уларнинг биридан қутулган бўламиш! Мана кўрасиз, сэр Уильям билан леди Лукас Незерфилдга югуриб келишади. Нима учун деб ўйлайсиз?

— Жуда нозиктабиатсиз-да. Менимча мистер Бингли сизлар билан кўришганидан хурсанд бўлади. Хоҳдайсизми, у ёқтирган қизимизни унга турмушга беришимизни ваъда қилиб хат ёзиб, сиздан бериб юбораман? Албатта, эркамиз Лиззи ҳақида икки оғиз яхши гап қўшиб қўйишим ҳам керак бўлади.

— Лиззининг бошқа қизларингиздан ортиқ жойи йўқ-ку?

— Менинг қизларимдан бирортаси ҳам бирор нарсада ажралиб турмайди, – жавоб берди мистер Беннет. – Шунчаки Лиззи ўзининг опа-сингилларидан кўра маънилироқ.

— Мистер Беннет, қандай қилиб ўз қизларингизни шундайин ҳақорат қиласиз? Жаҳлимни чиқаришни хуш кўрасиз-а? Менинг асабларим билан сира ишингиз йўқ.

— Азизам, янгилашяпсиз. Мен улар билан ҳисоблашишга ўрганиб қолганман. Ахир, йигирма йилдан бери менга улар ҳақида гапириб келасиз!

— Оҳ, менинг азобларимни сиз тасаввур ҳам қила олмайсиз.

— Умид қиласанки, сиз бу атрофда йилига тўрт минг даромад оладиган йигитчадар пайдо бўлгунча яшаб берасиз.

— Йигирмата бўлсин, сиз уларнига боришдан бош тортар экансиз, бундан не наф?

— Агар уларнинг сони йигирматага етса, азизам, мен, албатта битта юришдаёқ уларнинг ҳаммасини кўриб келаман.

Мистер Беннетнинг табиатида аклиниг ўткирлиги ва истехзога мояиллик, писмиқлик ва бироз довдирлик хислатлари шунчалик қоришиб кетганники, миссис Беннет бирга яшаган йигирма уч йиллик ҳаёти давомида унга мослашомаганди. Аёлининг табиатини тушуниш эса анча осон эди: унинг ҳаётдаги энг асосий мақсади қизларини турмушга чиқариш бўлиб, ягона қизикиши эса меҳмондорчиларга бориш ва янгиликлар эди.

II БОБ

Очигини айтганда, хотинига ҳеч ҳам бормайман деган бўлса-да, мистер Беннет у ерга боришни аллақачон режалаштириб қўйган, хотини эса охирги дақиқагача унинг режасидан бехабар қолганди. Воқеа мана бундай бўлган эди: мистер Беннет иккинчи қизи шляпасини ленталар билан тузатганини кузата туриб тўсатдан деди:

— Лиззи, умид қиласанки, бу мистер Бинглига ёқади.

— Незерфилдга бормас эканмиз, мистер Бинглига нима ёқиш, нима ёқмаслигини ҳеч қачон билолмаймиз, – деди алам билан миссис Беннет.

— Онажон, биз уни балда учратишимиизни ёдингиздан чиқарманг, – деди Элизабет. – Миссис Лонг бизни таништириб қўйишига ваъда берган.

— Йўқ, миссис Лонг ўлиб колса ҳам бундай қилмайди. Ўзининг иккита жияни бор-ку. Ўша иккюзлама ва фақат ўзини ўйлайдиган аёлни қўргани кўзим йўқ.

— Шундай муҳим нарсада сиз унга боғлиқ эмаслигингиздан хурсандман.

Миссис Беннет эрига жавоб қайтаришни лозим топмади, лекин жаҳлини ҳам боса олмай, қизларидан бирига ёпиша кетди:

— Худо ҳаққи, Китти, бунақа йўталмагин! Менинг асабларим ҳақида бироз ўйласанг-чи!

— Маза қилганимдан йўталмаяпман-ку, — хафа бўлди Китти.
 — Лиззи, кейинги бал қачон бўлади?
 — Икки ҳафтадан сўнг.
 — Шунақами, — хайрон қолди миссис Беннет, — демак миссис Лонг бал бўлишидан сал олдинроқ қайтар экан-да!? Унинг ўзи мистер Бингли билан кўриша олмас экан, бизларни у билан қандай таништириб қўяркан?

— Унда, азизам, дугонангизга сиз ёрдам берасиз, яъни уни мистер Бингли билан сиз таништириб қўясиз.

— Мистер Беннет, устимдан куляпсиз! Ахир ўзим у билан таниш эмасман-ку!

— Лекин уни мистер Бингли билан биз таништирмасак, бу ишни бошка бирор қилади. Менга қолса, миссис Лонг ва унинг жиянлари ҳам омадини синааб кўришаверсин. Агар бу иш сизга ёқмаётган бўлса, бу вазифани мен зиммамга олишим мумкин.

Кизлар ҳаммаси отасига тикилиб қолишиди. Миссис Беннет минғирлаб қўйди:

— Бўлмағур гап!

— Нима, танишишнинг бундай йўли сизга ёқмайдими? Бу борада бизнинг фикрларимиз ҳар хил, шекилли. Мэри, сен-чи, сен нима дейсан? Ахир сен жуда ақлли кизсан-ку, ақлли китоблар ўқийсан, улардан ёққан жойларини кўчириб ҳам юрасан.

Мэри жўяли бир нарса айтмоқчи бўлдию хаёлига хеч нарса келмади.

— Мэри бирор нарса ўйлаб топгунча биз мистер Бинглига қайтамиз, — давом этди мистер Беннет.

— Мистер Бингли ҳақида ортиқ хеч нарса эшитишни хоҳламайман, — гапни қиска қилди хотини.

— Бу гапингизни эрталаб билганимда, ўла қолсам ҳам уникига бормаган бўлардим. Уникига бориб бўлганимдан кейин эса у билан яқиндан танишишдан қочиб бўлмайди.

Мистер Биннет мўлжалга урган эди: аёллар ҳайратда эдилар. Ҳайратлари бироз босилгач, миссис Беннет эрига деди:

— Азизим, сиз худди шундай қиласиз, деб ишонгандим. Қандай баҳтлиман! Хўй ҳазил қилдингиз-да: Незерфилдга вақтлигина бориб келибсиз-ку, буни ҳеч ким билмайди ҳам!

— Китти, энди хоҳлаганингча йўталавер, — хотинининг сўзларини ортиқ эшитмаслик учун хонадан чиқар экан, деди мистер Беннет.

— Қизларим, оталарингиз қандай ажойиб-а! — эшик ёпилгач фахр билан деди миссис Беннет. — Билмадим, шундай қалби учун сиз уни қандай миннатдор қила оларкинсиз. Яна мени ҳам. Гапимга ишонсанглар, бизнинг ёшимиизда ҳар куни янги одамлар билан танишиш осон эмас. Лекин фарзандларимиз учун ҳаммасига тайёрмиз.

III БОБ

Миссис Беннет ва қизлари қанча уринмасин, мистер Бингли борасидаги ўзларини қизиқтирган яна бирор нарса айтишга оталарини мажбур қилиша олмади ва мистер Бингли ҳақида қўшнилари леди Лукасдан олган маълумотлари билангина чекланишга мажбур бўлишиди. Леди Лукас берган ахборотлар эса турли-туман эди: Сэр Уильям мистер Бинглидан ҳайратда эмиш; у ҳали ёш, келишган бўлиб, яқин кунлар ичida дўстлари билан келиб, тез орада Меритонда бўладиган балда қатнашмоқчи экан.

Бундан ортиқ нарсани хоҳлаш айб бўларди. Рақс тушишни яхши кўрадиган одамнинг бирорни севиб колиши оппа-осон. Ҳамма қизлар яқин кунлар ичida мистер Бингли улар юрагини забт эта олишига умид қилишарди.

— Эҳ, қизларимиздан бирортасининг Незерфилд бекаси бўлганини кўриш

ЖАҲОН АДАБИЁТИ

насиб қилса эди, – дерди миссис Беннет эрига, – қолганларини ҳам яхши жойларга узатсан, менга бошқа нарсанинг кераги йўқ.

Бир неча кундан сўнг мистер Бингли уларникига келиб, ўн дакиқача мистер Беннетнинг кутубхонасида ўтириди. Унинг бу ерга келишдан мақсади – одамлардан эшитгани ушбу оиланинг гўзал қизларини кўришга умид қилганди.

Бу воқеадан бироз вақт ўтгач Беннетлар оиласи мистер Бинглини тушликка таклиф қилиб, таклифнома юбориши. Миссис Беннет бека сифатида ўзининг бутун санъатини ишга солиб, овқатлар рўйхатини тузар экан, Незерфилддан унинг ҳамма режаларини чиппакка чиқарадиган хабар келди: мистер Бингли эртаси куни Лондонга жўнаб кетиши керак эмиш, унга кўрсатилган эътибордан фойдалана олмасмиш. Миссис Беннетнинг феъли айниди. Йигит бу ерга келишга улгурмай, Лондонда қандай иши чиқиб қолиши мумкин, йигит доим бир ердан бошқа ерга кўчиб юрадиган бўлса, Незерфилд ҳеч қачон унинг муқим тураржойи бўла олмайди, деб хавфсирай бошлаганди. Унинг хавотирини леди Лукаснинг фикри тарқатиб юборди: мистер Бингли Лондонга балга бирга бормоқчи бўлган дўстларини олиб келиш учун кетган бўлиши мумкин. Чиндан ҳам, незерфилдликлар бал уюштириладиган залга кирганларида улар бешта одам: мистер Бинглининг опа-синглиси, опасининг эри ва яна бир ёш йигит эди.

Мистер Бинглининг келишган ва яхши тарбия кўрган йигитлигига дарров амин бўлиши. Унинг дўсти мистер Дарси эса ўзининг келишган қаддиқомати, чиройли юзи ва оқсуяклардек кўриниши билан ҳамманинг эътиборини ўзига тортди. Уларнинг келишига беш дақиқа бўлмасданоқ ҳамма мистер Дарсининг йилига ўн минг фунт даромад келтирадиган ер-мулки борлигидан хабардор бўлди. Бу ерлик эркаклар уни ҳақиқий эркак деб, аёллар эса уни мистер Бинглидан кўра ёқимтойроқ деб топишди ва зиёфатнинг бутун биринчи ярмида ундан ҳайратга тушдилар. Лекин кейинроқ ҳамма мистер Дарсининг ўзини тутишини кўргач, унинг обрўси тушиб кетди: кеккайланлиги, ҳаддан ортиқ мағрурлиги ва унга бас келиш кийинлигини гапира кетиши. Бироз ўтиб, бор ер-мулки ҳам у ҳақдаги салбий фикрларни ўзgartира олмай қолди.

Кўп ўтмай, мистер Бингли балдаги ҳамма меҳмонлар билан танишиб олди. У нихоятда очиқкўнгил бўлиб, зиёфатнинг бунчалик тез тугаганидан афсусда эканлигини билдириб қўйди ва ҳатто Незерфилдда ҳам бал ўtkазилса кўнгилдагидек иш бўлишини гап орасида қистириб ўтди. Мистер Дарси эса бутун кеча давомида факат миссис Хёрст ва мисс Бингли билан бир мартағина раксга тушди. Ўзини бошқа аёллар билан таништиришларини истамади ва кечанинг колган қисмини ўз яқинлари билан гаплашиб ўтириб ўтказди. Уни бир овоздан дунёдаги энг ёқимсиз эркак деб топишди.

Кавалерлар етишмаётганлиги сабабли Элизабет Беннет икки рақс давомида стол олдида ёлғиз ўтиришига тўғри келди. Бу вақт ичida шу яқин орада турган мистер Дарси билан мистер Бинглиларнинг сухбатини эшитиб қолди:

– Сизни рақс тушишга мажбур қилмоқчиман, – дерди мистер Бингли. – Ахир бирортасини таклиф қилсангиз-чи.

– Йўқ. Узингиз биласизку, рақс тушаётган шеригим билан таниш бўлмасам, рақсдан баҳра олмайман. Бу ердагилар тўғрисида-ку гап бўлиши мумкин эмас. Сизнинг сингилларингиз эса рақсга таклиф қилиб бўлинган.

– Вой-бў, мен эса сизчалик талабчан эмасман! – эътиroz билдириди мистер Бингли. – Очигини айтсан, шу пайтгача бир кечанинг ўзида шунчалик кўп гўзал аёлларни кўрмаганман, баъзиларига эса гап йўқ.

– Бу залдаги ёлғизгина келишган, чиройли қиз билан сиз ўзингиз рақсга тушаяпсиз, – мисс Беннетларнинг энг каттасига қараб деди мистер Дарси.

– Ҳа, у мен шу пайтгача учратган қизларнинг ичida энг чиройлиси. Лекин ана у ерда, шундай орқангизда, унинг сингилларидан бири ўтириби. Менимча, у ҳам ёмон эмас.

ЖАҲОН АДАБИЁТИ

— Кимни айтаяпсиз? — Дарси ўтирилиб Элизабетга қаради, унинг ўзига қараётганини сезиб, кўзини олди ва совуққина деди — Ҳа, ёмон эмас, шекилли. Лекин менинг юрагимга йўл топа оладиган даражада эмас. Ва мен ҳозир бошқа йигитлар қайрилиб қарашни хоҳламаган қизларни овутиб ўтирадиган кайфиятда эмасман.

Элизабетнинг кўнглида Дарсига нисбатан ғашлик пайдо бўлди. Бутун оила аъзолари кунни хурсандчилик билан ўтказиши. Миссис Беннет Незерфилд эгаларининг Жейнга кўрсатган эътиборларидан жуда хурсанд эди: Мистер Бингли у билан икки марта рақс тушди ва унинг опа-сингиллари ҳам қизни жуда яхши қабул қилиши. Жейннинг ўзи ҳам хурсандлигини кўз-кўзламаган бўлса-да, жуда мамнун эди. Мэри эса кимдир мисс Бингли билан гаплашаётганда уни ён-атрофдаги энг ўқимишли қиз деб айтаетганини эшитиб қолибди; Кэтрин ва Лидия ҳам ракс давомида шериксиз қолишмади — уларга бошқа нарса керак ҳам эмас эди. Улар уйларига қайтиб келишганда, мистер Беннет ҳали ухламаганди: оила аъзолари умид қилаётганлари — ушбу кечанинг қандай ўтганига у ҳам қизиқиб қолган эди. Хотинининг янги қўшнилар борасида тузәётган режалари амалга ошмаслигига ишончи комил бўлса-да, қизларининг ҳаяжонланиб туришларидан, янги гаплар эшитиши мумкинлигини англади.

— Азизим мистер Беннет, — хонага кира солиб, ҳаяжон билан гапира кетди миссис Беннет, — маза қилдик! Зиёфат зўр бўлди. Жейн у ерда катта муваффақият қозонди: ҳамма унинг гўзаллигини гапирди. Мистер Бингли эса уни мафтункор деб атади ва қизимиз билан икки марта рақс тушди. У аввал мисс Лукас билан ракс тушди. Уларнинг иккаласи рақс тушаётганини кўрганимда, тўғрисини айтсан, кўркиб кетдим. Лекин мисс Лукас йигитга ҳеч ҳам ёкмади. Жейн билан ракс тушаётганда эса кўзлари ёниб кетди. Унинг кимлиги билан қизиқди, ўша заҳотиёқ иккинчи рақсга таклиф қилди. Қизимиздан кейин у мисс Кинг билан, кейин яна Жейн билан, кейин Лиззи.... Азизим, мен унга қойил қоляпман! Сингиллари-чи — бирам гўзал! Умримда бундай ясан-тусани кўрмаганман...

Шу ерга келганда, мистер Беннет хотинининг гапини бўлди, чунки аёлларнинг ясан-тусани тўғрисидаги гапларни эшитишга тоби йўқ. Миссис Беннет мавзуни ўзгартирас экан, мистер Дарсининг ўзини тутишини алам билан гапириб берди:

— У Лиззини ёқтирамагани билан қизимиз кўп нарса йўқотмади! Бундай одамга ёқишига ҳаракат қилишнинг ҳам ҳожати йўқ. Бурни осмонда: у билан ракс тушиш учун етарлар даражада чиройли эмасмиш! Ўзингиз бир таъзирини бериб кўйсангиз бўларкан!

IV БОБ

Жейн ва Элизабет ёлғиз қолишгач, мистер Бингли ҳакида ўз фикрини очиқ айтмаётган Жейн, йигит унга жуда ёққанини тан олиб, деди:

— У йигит киши қандай бўлиши керак бўлса, худди шундай: ақлли, кўнгилчан, хушчақчақ. Яхши тарбия кўргани шундок кўриниб турибди.

— Бунинг устига кўриниши ҳам ёмон эмас, — кўшиб кўйди Элизабет. — Ҳамма томондан мукаммал, деб айтса ҳам бўлади.

— У мени иккинчи марта рақсга таклиф қилганида шундай қувониб кетдим! Рости, буни ҳеч кутмагандим.

— Икки марта рақсга таклиф қилганининг нимасига ҳайрон қоласан? Қизлар орасида энг чиройлиги сен эканлигингни сезгандир, ахир. Ишқилиб, сенга ёқсин-да. Илгари бундан баттарроқлари ҳам ёқкан-ку-а?

— Лиззи!

— Ўзинг жуда яхши биласан: ҳеч кимни ёмон дегинг келмайди, ким дуч келса ўщани мақтаганинг мақтаган. Сен учун ҳамма чиройли ва юмшоқ кўнгил. Ўзинг эслаб кўргин-а, бирор марта бирорни ёмон деганмисан?

— Бирорни билмай, у ҳақида ёмон гапиришни хоҳламайман. Лекин доим нима ўйласам, шуни гапираман.

— Биламан. Мени доим шу нарса ҳайрон қолдиради: сен, шундай ақлли қиз, қандай қилиб атрофдагиларнинг бирор камчилигини сезмайсан? Ҳар бир одамда фақат яхши сифатларни кўриш ёлғиз сенинг қўлингдан келади. Демак, унинг опа-сингиллари сенга ёқиши. Уларнинг ўзларини тутишлари акасидан фарқ қиласди-а?

— Бошида шундай туюлади. Лекин бироз гаплашганингдан кейин уларнинг қандай ажойиб эканликларига ўзинг ишонч ҳосил қиласан. Мисс Бингли акаси билан бирга яшаб, унга хўжалик ишларида ёрдам бермоқчи экан.

Элизабет опасига индамай қулоқ солаётган бўлса-да, ичдан унга қўшилмади.

Чунки балда ўз қўзи билан кўрганларини ҳисобга оладиган бўлса, мистер Бинглининг опа-сингилларининг ўзларини тутишлари таҳсинга сазовор эмасди. Мисс Бингли ва унинг опаси миссис Хёрстлар чиндан ҳам жуда нозиктаъб эдилар. Кайфиятлари яхши бўлганда, ҳатто ҳазилкаш ҳам, ўзларига керак бўлса бирорвга ёқиши ўрнига кўйишар, лекин айни пайтда инжиқ ва кеккайган эдилар. Иккаласи ҳам чиройли, энг яхши пансионларда билим олишган, йигирма минг фунтга эга бўлиб, оқсуяклар орасида юриб бор пулларидан ҳам кўпроқ сарф-харажат қилишга одатланишган эди.

Мистер Бинглининг отаси ўғлига юз минг фунтга яқин мерос қолдиран эди. У қўзи очиқлигида ер-мулк сотиб олмоқчи бўлган, лекин орзусини амалга ошира олмаганди. Бинглида ҳам шундай орзу бўлиб, у ҳатто, шу мақсадда туғилган жойларига ҳам бориб келган эди. Лекин у ёнида ов қилиш майдони бўлган яхшигина уйни ижарага олганда, унинг енгилтак табиатини яхши билган ён атрофдагилар мистер Бингли авлоддан авлодга ўтадиган поместье қуришни кейинги авлодларга қолдириб, ўз ҳаётини Незерфилдда ўтказишига ишонч ҳосил қиласди.

Мистер Бингли Незерфилд – парк ҳақида ўзи балоғат ёшига етгач, икки йил ўтиб тасодифан билиб қолган эди. Бутун уйни ярим соат ичida айланиб чиқсан, уйнинг жойлашиши, қурилиши ва уй эгасининг баъзи бир имтиёзлар берадигани унга ёқсан ва ўша заҳотиёқ уйни ижарага олишга қарор қиласди.

Табиатлари бир-бирига зидлигига қарамай, мистер Бингли Дарси билан жуда қалин дўст эди. Дарси ўз табиатига терс бўлса-да, очиқ кўнгил, бироз енгил табиат ва ўзгаларнинг таъсирига тез берилувчи Бинглини хурмат қиласди. Ўз ёнида Бингли ҳам Дарсининг чуқур мулоҳазали йигит эканлигига тан берар ва унга ишонарди. Бингли ҳам жуда узокни кўра олмайдиганлар тоифасидан бўлмаса-да, мистер Дарси чиндан жуда ақлли, айни пайтда мағрур, ичимдагини топлардан бўлиб, унинг кўнглини билиш қийин эди. Юриш-туриши яхши тарбия кўрганлигидан дарак берсада, атрофдагиларга қўп ҳам ёқавермас, бу ўринда дўсти омадлироқ эди.

Меритонда бўлиб ўтган балга одамларнинг муносабати ҳар хил бўлди. Мистер Бингли шу пайтгача бунчалик ажойиб жамоа ва бунчалик ёқимтой аёлларни кўрмаганди: барча унга ғамхўр ва эътиборли бўлиб, тез орада ҳамма билан тил топишиб кетди. Жейн эса ундан-да яхшироқ йигитни тасаввур ҳам қилолмаётган эди. Дарси бўлса, тескариси, атрофида уни ҳеч ҳам қизиқтирмаётган, назаридা жуда беўхшов, дидсиз, унинг ўзига ҳам ҳеч эътибор бермаётган бир тўда одамларнингина кўраётган эди. Лекин йигит Элизабетнинг ўзига яраша келишганлигини ичida тан олган эди.

Миссис Хёрст ва унинг синглисига эса Жейн ёқиб қолди. Улар қизни келишган деб топишиди ва у билан дўстликни давом эттиришга қарши эмасликларини айтишиди.

V БОБ

Лонгборн яқинида Беннетлар билан жуда яқин оила яшарди. Сэр Уильям Лукас бирмунча вақт Меритонда савдо-сотиқ билан шуғулланган ва анчагина бойлиқ орттириб, баронет титулига эга бўлганди. Бу нарса унга салбий таъсир кўрсатди: у бу шаҳарчадаги олдинги ҳаётини ва савдо-сотифини ҳам хушламай қўйди. Ҳаммасини ташлаб, оиласи билан Меритондан бир миля нарига кўчиб ўтиб, ўша ерда яшай бошлишди ва уйини ўша кундан бошлаб “Лукас Лож” деб агади. Сэр Уильям энди бу ерда жамики ишлардан озод бўлиб, ўзининг буюклиги ва ҳаммадан эҳтиёт бўлиш кераклиги ҳақидаги хаёлларга берилди. Аслида, олган унвони уни кўз олдидга кўкларга кўтарган бўлса-да, бошқаларга нисбатан кибрга бормасди. Сэр Уильям ҳар бир учраган одамга нисбатан ўта зийрак ва хушмуомала эди, Сент-Жеймсдаги сарой аҳлига таниширишгани бу юмшоқ одамни яна ҳам мулойим килиб қўйганди. Леди Лукас эса жуда ҳам узоқни кўра биладиганлар тоифасидан бўлмагани учун Беннетларга яхши қўшни бўлолмасди. Уларнинг бир нечта фарзанди бўлиб, катта қизлари Шарлотта Элизабетнинг яқин дугонаси эди.

Мистер Лукас ва мистер Беннет оиласининг аёллари бўлиб ўтган бал ҳақида ғийбатлашиш учун эртаси куни эрталаб Лонгборнда тўпланишиди.

— Шарлотта, зиёфат сиз учун менимча ёмон бошланмади, — мисс Лукаста қарата деди миссис Беннет. — Мистер Бингли рақсга биринчи бўлиб сизни таклиф қилди.

— Тўғрику-я, лекин унга иккинчи рақсга бирга тушган қиз кўпроқ ёқди.

— Сиз у Жейнни иккинчи марта яна рақсга таклиф қилгани учун шундай деяпсизми? Лекин чиндан ҳам у ўзини Жейнни ёқтириб қолгандек тутди. Мен ҳатто уларнинг бу ҳақда, нималиги аниқ эсимда йўқ, мистер Робинсон билан гаплашганларини ҳам эшигдидим.

— Бўлиши мумкин. Буни ўзим сизга айтиб бермовдимми? Мистер Робинсон ўртоғидан бизнинг у ерда бўлишимиз унга ёқяптими, залда чиройли аёллар кўплигига ү қандай қарайди ва улар ичиди энг чиройлиси ким, деб сўраганда у ўша заҳотиёқ: “Албатта, мисс Беннетларнинг энг каттаси! Гап ҳам бўлиши мумкин эмас!” — деб жавоб берди.

— Ўлай агар, жуда қатъий жавоб. Ўлаш мумкинки... Лекин биласизми, хеч нарса бўлмаслиги ҳам мумкин, — деди миссис Беннет.

— Элиза, мистер Дарси ёқимли гапларни ўртоғичалик кўп айтмас экан-а? Бечора Элиза! Сен атиги “ёқимтой, шекилли” экансан!

— Сиз Лиззининг миясига мистер Дарсининг айтганлари унга наша килиши керак, деган нарсани кўймассиз? Бундай ёқимсиз одамга ёкиш ҳақиқий баҳтсизлик бўларди. Миссис Лонг кечা мистер Дарси унинг ёнида роппа-расо ярим соат ўтирганини ва шу пайт давомида ҳатто оғзини ҳам очмаганини айтди. Миссис Лонг зиёфат охирида ундан Незерфилд унга ёқкан-ёқмаганини сўрабди ва у жавоб беришга мажбур бўлибди. Мистер Дарси зўрға жавоб берганмиш.

— Мисс Бингли менга унинг бегоналар билан гаплашишни кўпам ёқтираслигини айтди. Лекин яқин танишлар билан жуда хушмуомала экан.

— Ҳеч ҳам ишонмайман. Агар у хушмуомалалик нималигини билса, миссис Лонг билан гаплашган бўларди. Бу ерда гап нимадалигини яхши биламан: ўзи кеккаймажон, яна бунинг устига миссис Лонгнинг экипажи йўқлиги ва балга ижарага олинган каретада келганини эшигтиб қолган.

— Менга унинг Элиза билан рақс тушишдан бош тортгани алам қиляпти.

Шу ерда миссис Беннет гапга қўшилди:

— Лиззи, сенинг ўрнингда бўлсам, келаси сафар ўзим у билан рақсга тушишдан бош тортардим.

— У билан ҳечам рақсга тушмайман, деб сизга вайда бераман.

— Очигини айтсам, мистер Дарсининг мағрурлигининг мен учун борди-келдиси йўқ. Мағрур бўлиш учун унда ҳамма асос бор. Ахир, шундай таниқли

ва бой, келишган йигит ўзини осмонда кўрса, бунинг нимаси ажабланарли?

— Рост, агар менинг шаънимга тегмаганида, унинг бу кеккайишини кечирган бўлардим.

Хар доим чукур мулоҳазали бўлган Мэри шу ерда гапга қўшилди:

— Менимча, мағрурлик инсоннинг камчилиги хисобланади. Мен ўқиган китобларнинг барчасида ёзилишича, инсон табиати бу нарсага жуда берилувчан. Жуда озвилик одамларгина ўзларини бундан тийиб турла оладилар. Мағрурлик ва шуҳратпастлик — ҳар хил нарсалардир, гарчи одатда бу сўзларни бир-бировининг ўрнида ишлатсаларда. Инсон шуҳратпаст бўлмай туриб мағрур бўлиши мумкин. Мағрурлик — бу бизнинг ўзимиз хақимиздаги фикримиз, шуҳратпастлик эса бошқаларнинг биз хақимизда шундай ўйлашларини хоҳлашимиздир.

VI БОБ

Орадан кўп вақт ўтмай лонгборнлик аёллар незерфилдлик аёлларни кўргани боришиди. Катта мисс Беннеттнинг чироили хатти-ҳаракатлари миссис Хёрст ва мисс Бинглиларга жуда ёқди. Қизнинг онаси уларга ҳеч ҳам ёқмаган, кичкина қизлар тўғрисида эса гап ҳам бўлиши мумкин эмас, деб хисобласалар-да, иккита катта қиз билан яқин бўлмоқчи эканликларини гап орасида қистириб ўтишиди. Уларнинг бу эътибори Жейнни хушнуд қилди. Элизабет эса бу аёлларнинг Жейнга муносабатлари акаларининг Жейнга бўлган интилишидан, деб тушунаётган эди. Чиндан ҳам, мистер Бингли-нинг Жейнга бўлган илиқлиги кўзга яққол ташланаётганди. Элизабетга яна шу нарса аниқ эдики, опасининг мистер Бинглига бўлган муносабати яқин орада мухаббатга айланиши турган гап. У яна бир нарсага амин эди: опасининг севгисидан одамлар ҳали-бери хабар топишмайди, чунки у доим ҳам хиссиётларини кўрсатавермайди. Қиз ўз фикрлари ҳакида мисс Лукас билан ўртоқлашди.

— Балки бу ёмон эмасдир, — деди Шарлотта, — ҳар қандай шароитда ҳам ўз хиссиётларингни яшира билиш... Лекин бунинг хавфли томони ҳам бор: қиз бола ўз хисларини йигитидан яшираверса, уни йўқотиб қўйиши ҳам мумкин. Шубҳасиз, опанг мистер Бинглига ёқади. Аммо йигитга қатъиятлироқ бўлишга ёрдам бермас экан, бундан ҳеч нарса чиқмайди.

— Опам табиатидан келиб чиқиб, қўлидан келганча ёрдам беряпти. Наҳот у кўриниб турган нарсани сезмаса!?

— Балки. Агар кўп вақтини қиз билан ўтказса, сезган бўларди. Лекин Бингли ва Жейн тез-тез кўришиб туришса ҳам, кўпчиликнинг ичидаги ҳадеб факат бир-бирлари билан гаплашиб ўтира олишмайди. Шунинг учун Жейн у билан ўтказадиган ҳар бир дақиқадан фойдаланиб қолиши керак.

— Ёмон фикр эмас. Факат, бу шошаётган қизлар учун. Агар ўзим бой одамга ва умуман эрга тегишини ўйлаётганимда эди, албатта бундан фойдаланган бўлардим. Лекин Жейннинг хиссиётлари бутунлай бошқача. У ҳали ўзининг Бинглига қай даражада боғланиб қолганини ҳам, бу нарса қай даражада ақлдан эканлигини ҳам билмайди. Танишганларидан бери атиги икки ҳафтагина ўтди. Йигит билан Меритонда икки марта раг' тушди, кейин эса бир марта Незерфилдда кўрди. Шундан сўнг тўрт марта бирга бошқа меҳмонлар билан бирга тушлик қилишиди. Бу эса йигитнинг табиатини ўрганиб олиш учун жуда оз вақт.

— Албатта, ҳамма нарсага сендек қарайдиган бўлсак, жуда кам. Лекин уларнинг кечқурун тўрт марта учрашганларини эсдан чиқараюпсан. Бу тўрт учрашув кўп нарсани англатиши мумкин.

— Ҳа, бу учрашув “йигирма бир” ўйинидан ҳам кўра покер ўйнашни афзал кўришларини билишгагина олиб келди. Лекин ҳарактерларидаги бошқа муҳим томонларни очишга эса имконият бўлмади.

— Жейнга дилдан муваффақият тилайман. Мистер Бинглига эртагаёқ

турмушга чиққан тақдирда ҳам, ўзининг бўлажак турмуш ўртоғини бир йил давомида ўргангандалик баҳтли бўлиш имконияти бор деб ўйлайман. Бир умр бирга яшамоқчи бўлган одамингнинг камчиликларини иложи борича камроқ билган яхшимасми?

— Шарлотта, ўзинг ҳам ҳаётингда бу нарсаларга амал қилмаган бўлардинг.

Элизабет мистер Бингли билан Жейн ўртасидаги алоқаларни кузатиб борар экан, Бинглининг дўсти уни диққат билан кузатаетганидан бехабар эди. Бошида мистер Дарси Элизабет ҳақида, у келишган қиз, деган фикрдан йироқ эди. Келаси сафар учрашганларида қизда фақат камчиликларни кўрди. Лекин, дўстларига қизнинг бирор ўзига тортадиган жихати йўқлигини исботграб бўлиши билан, бирдан ўзи билмаган ҳолда қизнинг юзи чиройли кўзларининг ифодаси билан мисли кўрилмаган даражада самимий ва ёқимтой қўринишини сеза бошлади, ўзига тортадиган бир сехри борлигини тан олди. Ўзини эркин тута билиши ҳам уни ром қилаётган эди. Дарсида қиз билан яқиндан танишиш хоҳиши пайдо бўлди ва сухбатлашишга баҳона қидира бошлади. Унинг бу қилифи қизнинг диққатини тортди. Баҳона эса сэр Уильям Лукаснидаги меҳмондорчиллик куни топилди.

— Мистер Дарсига полковник Форстер билан курган сухбатимни пойлаш нега керак бўлиб қолибди? — Шарлоттадан сўради Элизабет.

— Бу саволга фақат мистер Дарсинг ўзи жавоб бера олади.

— Агар яна бир марта шунака қиладиган бўлса, қилмишини сезаётганимни шартта ўзига айтаман.

Худди шу дақиқада мистер Дарси уларнинг сухбатига қўшилиш истагини сира сездирмаган ҳолда яқинлашар экан, мисс Лукас дугонасини ҳозиргина айтган гапини амалга оширишга унданай бошлади. Бу Элизабетга таъсир қилиб, йигитдан сўради:

— Сиз нима деб ўйлайсиз, мистер Дарси, мен полковник Форстерни Меритонда бал ўтказишга унданб тўғри қилдимми?

— Жуда қизишиб гапирдингиз. Лекин бу мавзуда гапирганда ҳар қандай аёл ҳам қизишган бўларди.

— О, сиз биз аёлларга нисбатан жуда талабчан экансиз.

— Энди, Элиза, биз сени кўндиришга ҳаракат қиласмиш, — деди мисс Лукас.

— Мен фортепъянони очяпман, сўнг нима қилиш кераклигини ўзинг яхши биласан.

— Жуда ажойиб дугонасан, Шарлотта! Лекин яхшиси, мендан яхширок ашула айтадиганларнинг хуш овозига ўргангандарни кийнамай қўя колай.

Лекин мисс Лукас ҳадеб кистайвергач, Элизабет рози бўлди. Жуда ҳам усталик билан айтмаса-да қизнинг ашуласи ёқимли эди. Ў шотландча ва ирландча қўшиқлар айтиб берди, сингиллари ва мисс Лукас зобитлар билан унинг қўшиқларига ракс тушиши.

Мистер Дарси нарироқда турарди. У ёшларнинг ақлли сухбатлар қуриш ўрнига вактларини бундай совуришларига сира тушунмасди. Уз фикрлари билан шунчалик банд эдики, олдига сэр Уильям Лукас келиб гап қотмагунча, унинг келганини сезмай ҳам қолди.

— Ёшлар учун энг кўнгилоchar нарса ракс тушиш-а, мистер Дарси? Ҳақиқатдан, бундан яхширок нарса бормикин? Менимча, ракс ривожланган жамиятнинг энг катта ютуқларидан биридир.

— Тўппа-тўғри, сэр. Лекин бу нарса цивилизация ҳали етиб бормаган жойларда ҳам кенг тарқалган. Ҳар бир ёввойи ҳам ўйин тушишни эплайди.

Сэр Уильям кулиб қўйди ва бироз ўтгач, мистер Бингли ҳам ўйнаётгандарга қўшилганини кўриб, давом этди:

— Дўстингиз раксга жуда яхши тушар экан. Сиз ҳам, менимча, жуда устасиз.

— Сиз Меритонда менинг ўйнаганимни кўргансиз, шекилли.

— Топдингиз, маза қилгандим. Сиз Сент-Жеймсда тез-тез ракс тушиб турасизми?

— Ҳеч қачон, сэр.

— Сизнингча бу кирол оиласига хурмат ифодаси белгиси эмасми?

— Агар имкон топсам, бирорта оилага ҳурматимни бундай изхор этмайман.

— Пойтахтда уйингиз бўлса керак-а?

Мистер Дарси бош силкиб кўйди.

— Мен ҳам яхши инсонлар орасида бўлишни яхши кўраман. Шу сабабдан бир пайтлар Лондонга кўчиб ўтишни ўйлаб юргандим. Лекин Лондоннинг об-хавоси хотинимнинг соғлиғига тўғри келмайди, деб қўрқдим...

Мистер Лукас жавоб кутиб бироз жим турди. Шу пайт уларнинг олдига Элизабет яқинлашар экан, сэр Уильям ўзича бир ақлли иш қилмоқчи бўлди:

— Азизам мисс Элиза, сиз рақсга тушмаяпсизми? Мистер Дарси, менинг маслаҳатим билан мана бу гўзал қизни рақсга таклиф қилсангиз, сиздан жуда миннатдор бўлардим, — сэр Лукас ушбу сўзларни айта туриб Элизабетнинг қўлини ушлаб мистер Дарсининг қўлига тутказмоқчи бўлганда, Элизабет сэр Уильямга норозилик билан қаради:

— Сэр Уильям! Мени олдингизга рақсга тушиш учун шерик топгани келган, деб ўйлаётган бўлсангиз сиздан қаттиқ хафа бўламан.

Мистер Дарси жиддийлик ва хурмат билан Элизабетни бирга рақс тушишга таклиф қилди. Лекин Элизабет ўз гапида қаттиқ туриб олди ва кулимсираганча нари кетди. Унинг чиройли рад жавоби мистер Дарсини хафа қилмади, аксинча, қиз ҳақида ширин хаёл сурар экан, унинг олдига мисс Бингли яқинлашди:

— Нима ҳақида ўйланиб қолганингизни топайми?

— Тополмайсиз, — деб умид қиламан.

— Сиз бундай одамлар орасида ҳар куни бир-бирига ўхшаш кунларни энди қандай қилиб ўтказаман, — деб ўйлаётгиз. Ҳеч қачон бунчалик зерикмаган эдим. Ҳаммаси ўзини кўрсатиш учун бирам ҳаракат қилиб ётишибдики! Кейинчалик сиз улар ҳақида нималар дейишингизни билгим келаяпти.

— Биласизми, мен яхши нарсалар тўғрисида ўйлаётгандим, масалан, келишган аёлнинг чиройли кўзлари қанчалик мафтункор бўлиши мумкинлиги ҳақида.

Мисс Бингли шундай ўйлашга мажбур қилаётган кимлигини тахмин қилганча, унга тикилиб қолди. Мистер Дарси ҳеч ҳам хаяжонланмай жавоб берди:

— Мисс Элизабет Беннет.

— Мисс Элизабет Беннет? У ҳақда шундай ўйлаётганингизга анча бўлдими? Сизга бахт тилайдиган кунимизга оз қолдими?

— Сиздан худди шу саволни кутаётгандим! Аёлларнинг тасаввuri қанчалик тезкор!

— Демак, жиддий айтаётган бўлсангиз, иш ҳал бўлган, деб ҳисоблаймиз. Пемберлига сизлар билан бирга кўчиб ўтадиган ажойиб қайнанага эга бўласиз!

VII БОБ

Мистер Беннетнинг бутун бойлиги йилига унга икки минг фунт даромад келтирадиган ер-мулки эди. Қизларнинг баҳтига қарши, бу ер-мулки эркаклар томонга мерос қолдирилиб, оиласада ўғил фарзанд бўлмагани учун мистер Беннетнинг вафотидан сўнг унинг узоқ қариндошига ўтар эди. Миссис Беннетнинг мол-мулки унинг ҳозирги шароитида етарли бўлса-да, ер-мулки бирорвга ўтиб кетган тақдирда, унинг ўрнини босолмасди.

Лонгборн қишлоғи Меритондан факат бир милягина нарида жойлашган бўлиб, бу ҳафтасига уч-тўрт марта холаларини кўришга бориб, йўл-йўлакай ўша ердаги дўкончага кириб чиқадиган Беннетларнинг қизлари учун жуда қулай масофа эди. Айниқса, уларнинг кичкиналари, Кэтрин ва Лидия бунга уста эдилар. Опа-сингиллар ичida енгилтакроқ бўлган бу икки қиз бошқа

қизиқарли нарса бўлмагани учун нонуштадан кейин ўзларини хурсанд килиш ва кечкурун уйқу олдидан фийбатлашиб ётиш учун янгиликлардан хабардор бўлгани, албатта, Меритонга бориб келишлари керак эди. Қизлар холалариникига ҳар боришганда зобитлар ва уларнинг ўртасидаги муносабатлар ҳақида янгиликлар эшитишарди. Гапирғанлари фақат шу ҳақда эди.

Бир куни қизларининг фийбатларига қулоқ солиб ўтирган мистер Беннет гап қотди:

— Гапларингиздан шундай хулоса қилдимки, сизларни қиролликдаги энг тентак қизлар деб аташ мумкин. Бу гап олдин ҳам хаёлимга келарди, лекин ҳозир тўла амин бўлдим.

Кэтрин жим бўлиб қолди, Лидия эса эътибор ҳам бермай, капитан Картер унга ёқиши, у эртага Лондонга жўнаши олдидан уни яна бир марта кўрмоқчилигини айтди.

— Азизим, — эрига мурожаат қилди миссис Беннет, — ўз фарзандларингиз ҳақида бунчалик киноя билан гапиришингиз мени ҳайрон қолдиряпти.

— Улар шунчалик ҳафтафаҳам экан, мен уларга жуда ҳам умид бойламоқчи эмасман.

— Бахтимизга улар ўта ақлли!

— Умид қиласманки, фикрларимиз фақат шу масаладагина бир хил эмас. Агар иккаламизнинг фикрларимиз бир жойдан чиққанда эди, нур устига нур бўларди.

— Азизим мистер Беннет, ёш қизчалардан ота-оналаридек ақлли бўлишларини талаб қилиб бўлмайди-ку. Бир пайтлар ўзимга ҳам қизил мундирлilar жуда ёққани шундок ёдимда. Очифини айтсан, ҳозир ҳам ёқади.

— Оҳ, ойижон! — ҳаяжонланиб деди Лидия. — Холам айтаяпти, полковник Форстер ва капитан Картерларни энди кўпроқ Кларкнинг кутубхонасида кўришайтганмиши.

Миссис Беннетнинг жавоб қайтаришига катта қизига мактуб келтирган почтачи халақит берди. Жейн хатга кўз югуртирап экан, миссис Беннет қизини саволларга кўмид ташлади:

— Жейн, хат кимдан экан? Нима ёзишибди? Жейн, тезроқ! Қизим, гапира қолсанг-чи!

— Хат мисс Бинглидан экан, — деб Жейн хатни овоз чиқариб ўқий бошлади:

“Азиз дугонажсон,

Агар Сиз бизга шафқат юзасидан бугун мен ва Луиза билан бирга овқатланишига розилик бермас экансиз, биз бир-биримизни ёмон кўриб қолишимиз мумкин. Чунки икки аёлнинг кун бўйи бир-бири билан юзма-юз бўлиши жанжаслиз ўтмайди. Иложи борича тезроқ келинг. Акам ва унинг дўстлари зобитлар билан овқатланишиади.

Хурмат билан Кэролайн Бингли”.

— Бошқа ерда овқатланишиади? Эсизгина! — деди миссис Беннет.

— Аравадан фойдалансам бўладими? — сўради Жейн.

— Йўқ, жонгинам. Яххиси отда кетақол. Ёмғир ёғай деяпти, у ерда тунаб қолишингга тўғри келар!

— Лекин аравада кетгим келяпти.

— Қизгинам, аниқ биламанки, отанг ҳозир аравадаги отларни бериб тура олмайди. Фермага керақ, тўғрими, мистер Беннет?

— Ҳа, отлар фермага кўпроқ керақ.

— Агар сиз улардан бугун фойдаланссангиз, онам жуда хурсанд бўларди, — деди Элизабет.

Ахири Жейн от миниб кетадиган бўлди, онаси уни дарвоза олдигача кузатиб борар экан, об-ҳавонинг ёмонлашаётганидан нолиб қўйди. Унинг умиди рўёбга чиқди: Жейн уйдан узоклашмасдан турибоқ чеълаклаб ёмғир

қуя бошлади. Ёмғир кун бўйи ёғди, Жейннинг қайтиши тўғрисида эса гап ҳам бўлиши мумкин эмас эди.

— Яхши ўйладим-а! — бундай об-ҳавони худди ўзи чакиргандек, қайта-қайта дерди миссис Беннет. Фақат эртаси куни эрталабгина у ўйлаган нарсасининг даҳшатини ҳис қилди. Нонушта тугай деганда Элизабет номига ёзилган хат келди:

“Азизам Лиззи!

Бугун эрталабдан ўзимни жуда ёмон сезаяпман — кеча ёмгирида ивиб кетганимдан бўлса керак. Бу ердаги қадрдан дўстларимиз ўзимга келмагунимча кетишими ҳақида эшишини ҳам хоҳлашмаяпти. Улар мистер Жонс мени кўриб қўйшишини талаб қилишмаяпти, у мени кўргани келганини эшишиб қолсангиз, ҳавотир олиб ўтируманг. Бошим бироз оғрияпти ва томогимда ҳам бироз шамоллаш бор.

Сизларнинг Жейн”.

— Нима ҳам дердим, азизам, — Элизабет хатни ўқиб тугатгач, хотинига муружаат қилди мистер Беннет, — агар қизингиз жиддий касал бўлиб қолса ёки ўлиб қолса, бу иш кўрсатмаларингиз билан мистер Бинглининг орқасидан қувиш натижасида бўлганини билиш сиз учун таскин бўлади.

— Ҳавотирланаётганим йўқ. Шамоллашдан ўлишмайди! Яхши қарашади ва Жейн ўша ерда экан, унга ҳеч нарса бўлмайди.

Ростакамига ҳавотир олаётган Элизабет опасини кўргани боришга қарор қилди. Экипаж топишнинг иложи йўқлиги, унинг отда юра олмаслиги сабаб Незерфилдга яёв кетишга тўғри келарди. Қиз уйидагиларга ўз режасини айтди.

— Эсингни ебсан, — деди онаси, — шунака лойда яёв кетиш! Ахир у ерга етиб борганингда қараб бўлмайдиган аҳволга тушасан.

— Мен эса Жейнга қараб туришим мумкин бўлади, кераги ҳам шу.

— Яқин одамингга ёрдам беришга тайёрлигингдан ҳайратдаман, — деди Мэри. — Лекин кўнгилнинг ҳар бир истагини аввал ақл тарозисига солиб кўриш керак.

— Меритонгача сен билан бирга борайликми? — сўрашди Кэтрин ва Лидия. Элизабет рози бўлди ва уччала қиз уйдан бирга чиқиб кетишиди.

— Агар шошилсақ, капитан Картер кетгунча улгуармиз, — деди Лидия.

Улар Меритонда ҳайрлашишиди. Сингиллари зобитлардан бирининг хотини олдига кетишиди, Элизабет эса бир даладан бошқасига ўтиб тез юриб кетди. Незерфилдга етиб келганда, чарчаган, кийимлари лой бўлиб, юзи тез юрганидан қип-қизариб кетган эди.

Уни Жейндан бошқа ҳамма йигилган нонушта хонасига олиб киришди. Элизабетнинг келишидан ҳайратга тушишганди: мистер Бинглининг сингиллари учун унинг шундай вақтли, шундай ҳавода ва яна уч миляни ёлғиз босиб келиши ишониб бўлмайдиган воқеа эди. Хурсанддек кутиб олишган бўлсада, қиз ўзининг келиши уларга жуда ҳам ёқиб тушмаганини сезиб турарди. Мистер Бинглининг ўзини тутишида эса оддий илтифотдан кўра юксакроқ нимадир бор эди: миннатдорчилик ва ҳурмат сезилиб турарди.

Жейннинг аҳволи кечаси жуда ёмон бўлган ва ҳозир ўрнидан турган эса-да, ўзини нохуш ҳис қилаётгани учун хонасидан чиқа олмаётган эди. Элизабетнинг илтимосига кўра, уни беморнинг хонасига олиб киришди. Синглисинг келиши Жейнни хурсанд килиб юборди. Мисс Бингли қизларни хонада қолдирад экан, Жейн зўрга унга ғамхўрликлари учун миннатдорчилик билдириди. Элизабет индамай опасига қарай бошлади.

Нонуштадан сўнг олдиларига яна Бинглининг опа-сингиллари киришди ва Элизабет уларнинг Жейнга кўрсатаётган эътиборларидан қувонди. Доктор беморни текшириб кўриб, қаттиқ шамоллаганини билдириди, бир неча кун ўринда қимирламай ётишни буюрди ва дори бериб юборишини айтиб, жўнаб кетди.

Элизабет соат учларда энди кетиши кераклигини ҳис қилиб, бу ҳақда

маълум қилди. У кетишига ҳозирланар экан, Жейн унинг кетаётганидан хафа бўлиб қолганини кўрган мисс Бингли Элизабетни яна бироз қолишига таклиф қилишга мажбур бўлди. Таклиф қабул қилиниб, уйга хабар бериш учун Лонгборнга одам юборилди.

VIII БОБ

Соат бешда Элизабетни овқатга чақиришди. Жейннинг соғлиғи тўғрисидаги саволларга жавоб берар экан, қиз мистер Бинглининг чин юрақдан безовта бўлаётганидан севинди. Лекин Жейннинг ахволи ҳали ҳам оғир эди. Буни эштиб Бинглининг сингиллари бир неча марта ўз ҳамдардликларини билдиришди, ўзаро шамоллаш қандай ёмон нарса эканлиги, улар касал бўлишни ҳеч ҳам хоҳламасликларини гапириб кетишиди ва дугоналарини бошқа эслашмади ҳам. Буни кўрган Элизабет уларнинг Жейн йўғида у ҳақда ўйламасликларини тушуниб, нафрат туйди. Мистер Бинглидан бошқа ҳеч ким унинг борлигини ҳам сезмайтгандек эди. Мисс Бингли мистер Дарси билан банд, миссис Хёрст эса синглисидан қолмаслиқка ҳаракат қиласиди.

Тушлик тугаши билан Элизабет Жейннинг ёнига қайтди. Қиз хонадан чиқиши билан мисс Бингли унинг ғийбатини бошлади. Унинг ўзини тутишлари кўпол ва гердайган эмиш, ҳеч қандай диди, чиройи ва суҳбат олиб боришга қобилияти ҳам йўқмиш:

— Қисқаси, бу қизнинг ягона фазилати эрталаблари узоқ масофаларни яёв босиб ўтиш қобилияти. Бугун эрталаб бизнига кириб келган ҳолати-чи, худди ёввойилардек, ҳеч эсимдан чиқармайман.

— Луиза, у ростдан ҳам ёввойилардек эди. Келишининг ўзи кулгили. Опаси шамоллаган бўлса унинг шундай узоққа юргилаб келиши нега керак?

— Ҳа, унинг юбкаси-чи!? Юбкасининг лойини кўрдингларми?

— Айтганларингиз росттир, лекин мен ҳеч нарса сезмадим, — деди мистер Бингли. — Этагидаги доғни эса кўрмадим ҳам.

— Сиз-чи, мистер Дарси, сиз кўргандирсиз? — сўради мисс Бингли. — Менимча, сиз ҳам ўз синглингизни бу аҳволда кўришни истамаган бўлардингиз.

— Сиз бутунлай ҳақсиз.

— Уч, тўрт, йўқ, бешми ёки қанчадир миляни тиззагача лойга ботиб, яна ёлғиз яёв босиб ўтиш! Мен бу нарсани қишлоқиларга хос жинниликтининг бир тури деб ҳисоблайман.

— Бу опасига бўлган меҳрибонликнинг мақтовга лойик кўриниши бўлиши ҳам мумкин, — деди мистер Бингли.

— Мистер Дарси, бугунги воқеа унинг кўзлари ҳақидаги фикрингизни бузиб кўймаса, деб кўрқаман, — деди охиста мисс Бингли.

— Ҳеч ҳам. Унинг кўзлари олдингидан ҳам ёрқинроқ чараклаётган эди.

Бироз жим қолишигач, миссис Хёрст яна гап бошлади:

— Жейн Беннет менга жуда ёқади. Чиндан ҳам ажойиб қиз. У баҳтли бўлишини хоҳлайман. Лекин бу ота-она ва қариндошлар билан бундай бўлмас, деб жуда кўрқаман.

— Уларнинг амакиси Меритонда яшайди, деганмидинг?

— Ҳа. Яна битгаси Чипсайдда.

— Зўр! — хитоб қилди мисс Бингли ва иккаласи кулавериб қотиб қолишиди.

— Бутун Чипсайд унинг амакилари билан тўлиб-тошганда ҳам у бундан ўз чиройини йўқотмасди, — шаҳд билан деди Бингли.

— Ҳа, лекин бу унинг обрўли инсонга турмушга чиқишига халақит берган бўларди, — жавоб қилди Дарси.

Бингли ҳеч нарса демади, лекин сингиллари Дарсини кўллаб-кувватлашиди ва яна анчагача қадрли дугоналарининг кўпол қариндошлари ғийбатини қилиб ўтиришди.

Элизабет бирордан сўнг меҳмонхонага қайтиб кирганда, ҳамма қарта

атрофида ўтиради. Ўша захотиёқ уни ўйинга таклиф қилишди. Лекин Элизабет синглисингининг касалини баҳона қилди-да, шу ердалигидан фойдаланиб китоб ўқимоқчилигини айтиб, таклифни рад этди. Мистер Хёрст унга ҳайрон қаради:

— Сиз картадан китобни афзал кўрасизми? Қизиқ?

— Мисс Элиза Беннет ўйинни ёмон кўради, — деди мисс Бингли. — У кўп китоб ўқийди ва бошқа кўнгилочар ўйинларни тан олмайди.

— Мен бу турдаги мақтov ёки танқидларга лойиқ эмасман, — жавоб берди Элизабет. — Менга кўп нарсалар ёқади ва мен унчалик ҳам кўп ўқимайман.

— Мен эса аминманки, сизга опангизга қараб ўтириш кўпроқ ёқади, — деди Бингли. — Ишонаманки, унинг тузалиши баробарида бу хоҳишингиз янада кучаяди.

Элизабет унга юракдан ташаккур айтиб, устида бир нечта китоб турган стол тарафга қараб кетди. Шу орада Бингли унга кутубхонадаги бошқа китобларни ҳам кўриб чиқишини таклиф қилди.

— Отамиз камгина китобга қаноат қилгани мени ҳайрон қолдираяпти, — деди мисс Бингли. — Лекин, мистер Дарси, сизнинг Пемберлидаги кутубхонангиз!..

— У ерда бошқача бўлиши мумкин эмас, — деди Дарси. — У кутубхонага жуда кўп авлоднинг ҳиссаси қўшилган.

— Ўзингиз ҳам! Қачон қараса, китоб сотиб оласиз.

— Авлоддан-авлодга мерос кутубхонамизга эътиборсизлик қилсан, жуда хунук иш бўлган бўларди.

— Эътиборсиз бўлишмиш! Ахир, бу чиройли гўшани янада безатиш учун нималар қилмаяпсиз! Чарльз, агар ўз ўйинг бўладиган бўлса, унинг Пемберлига ҳеч бўлмагандага ярмичалик ўхшаш бўлишини хоҳлардим.

— Ўзим ҳам хоҳлардим. Агар Дарси сотмоқчи бўлса, мен Пемберлинин олардим, чунки бундай мулкка куриб эмас, факат сотиб олиб эга чиқиш мумкин.

Уларнинг сухбати Элизабётни шунчалик қизиктириб қўйдики, ўқишини тўхтатди ва китобини қўйиб, қарта ўйналаётган стол олдига яқинлашди, мистер Бингли ва миссис Хёрстлар ўртасига туриб олиб, ўйинни кузата бошлади.

— Мисс Дарси менинг кўзимга ўтган баҳордагидан анча ўсиб қолгандек ўхшаб кўриниаяпти, — деди мисс Бингли. — У мен каби баланд бўйли бўлса керак.

— Бўлиши мумкин. Ҳозир унинг бўйи, менимча, мисс Элизабет Беннет-никидек ёки сал-пал баландроқ.

— Уни яна бир марта кўришни хоҳлардим! Шунчалар ёқимтой қизни ҳеч учратмаганман. Кўриниши ва ўзини тутишлари бирарн чиройли. Яна шу ёшида шунчалик ўқимишли; фортельянони ҳам худди ҳақиқий мусикачилардек чалади.

— Мени ёшларнинг билим олишга шунча сабр-тоқатни қаердан олиши қизиктиради, — деди Бингли. — Уларнинг ҳаммаси расм чизади, сумкачалар тўқишиади, бўяшади. Бу ишларни қилолмайдиган бирорта қизни билмайман.

— Қизларнинг сиз санаб ўтган фазилатлари, афсуски, тўғри, — деди Дарси.

— Бундай қизларнинг ҳаммасини ўқимишли дейишади. Лекин аёлларнинг ўқимишлилиги тўғрисидаги фикрингизга қўшилмайман. Масалан, мен танинган қизларим орасида беш-олтига ўқимишли қиз бор, деб мақтана олмайман.

— Сизга қўшиламан, — деди мисс Бингли.

— Унда сиз “ўқимишли аёл” тушунчасини аниқ изоҳлаб бера оласизми?

— Ҳа, бу шундоқ ҳам тушунарли-ку.

— Ростдан! — ҳаяжон билан деди миссис Хёрст. — Атрофдагилардан бир бош юқори турадиганларни ҳақиқий ўқимишли деб айтиш мумкин. Бу номга сазовор қиз мусиқани ўрганган бўлиши, ашула айтиши, расм чизиши, ўйнай олиши ва чет тилларни билиши керак. Бунинг устига яна, кўриниши, ўзини тутиши, юришлари, оҳанглари ва гапириши ҳам бир бошқача бўлиши зарур.

— Албатта, булар ҳаммаси бўлиши керак, лекин мен бунга яна бир муҳим

нарсани – кўп китоб ўқиши билан эришилган ақлни ҳам қўшган бўлардим, – деди Дарси.

– Унда сизнинг ростдан ҳам беш-олтитагина ўқимишли қизни билишингиз мени ҳайрон қолдирмайди. Тўғрироғи, уларни топа олганингиз менга қизиқ туюлаяпти.

– Наҳотки ўз жинсингизга нисбатан шунчалар талафчансизки, бундай қизлар борлигига шубҳа қиласиз?

– Мен сиз санаб ўтган ҳамма сифатлар мужассамлашган қизни учратмаганман.

Миссис Хёрст ва мисс Бингли аёл жинсига нисбатан бундай адолатсизликдан жаҳллари чиқиб кетди ва улар бараварига бу турдаги аёлларни жуда кўп учратганларини айтишар экан, Элизабет хонадан чиқиб кетди.

– Элизабет Беннет, – эшик ёпилиши билан деди мисс Бингли, – ўз жинсими камситиб бошқа жинс вакилларига ёқишга ҳаракат қиласидиган қизлар тоифасидан. Кўп эркакларга бу ёқади. Лекин бу – пасткашлик.

– Сўзсиз, – деди бу гап ўзига тегишилигини сезган мистер Дарси. – Аёлларнинг эркакларни ўзига қаратиш учун атайлаб қилган ҳамма ҳаракатлари пасткашлик. Айёрлик билан қилинадиган ҳар бир ҳаракат эса – худбинлик.

IX БОБ

Элизабет бутун тунни опасининг ёнида ўтказди. Эрталаб эса унинг ахволи анча яхшиланганидан хурсанд бўлиб, хизматкор аёл орқали мистер Бинглига хабар берди. Шунга қарамай, ҳар эҳтимолга қарши онасининг ўзи келиб кўришини сўраб ёзган хатини Лонгборнга етказишларини ҳам илтимос қилди ва улар нонушта қилишаётганда миссис Беннет икки қизи ҳамроҳлигига Незерфилдга етиб келди.

Жейннинг ахволи чиндан оғир бўлганда, миссис Беннет хавотирланган бўларди. Лекин қизининг кўринишидан анча яхшилигини қўриб, унинг бунчалик тез соғайишини истамади, акс ҳолда қизи бу ердан тезда жўнаб кетишига тўғри келарди. У Жейннинг уйга кетиш ҳақидаги илтимосини эшитишни ҳам хоҳламади. Бу пайтга келиб чақиртирилган доктор ҳам ўриндан туришни маслаҳат бермади. Шу пайт мисс Бингли кириб уни қизлари билан нонуштага таклиф қилди. Мистер Бингли уларни кутиб олар экан, Жейннинг ахволи унчалик ёмон эмаслигига умид қилаётганини айтди.

– Лекин, сэр, айнан шундай. Ахволи жуда ёмон, уни Лонгборнга олиб кетиб бўлмайди. – деди миссис Беннет. – Мистер Жоннинг айтишича, буни хаёлга ҳам келтириш мумкин эмасмиш. Яна бироз сизнинг меҳмондўстлигингиздан фойдаланишимизга тўғри келади.

– Лонгборнга кетиш! Бу ҳақда гап ҳам бўлиши мумкин эмас. Ишонаманки, синглим бундан кўп ранжиди.

– Хоним, хавотир олманг, – совуққина деди мисс Бингли. – Агар мисс Беннет бизникида қолса, лозим бўлган ҳамма чора кўрилади.

Миссис Беннет миннатдорчилик билдириди.

– Унинг атрофида шундай яқинлари бўлмаса худо билади, нималар кечарди, – кўшиб қўйди у. – Аслида қизим сабрли, лекин қийналаяпти-да. Бундай фариштадек қизни кўрмаган бўлсанглар керак. Доим қизларимга сизлар Жейндеқ бўлишингизга анча бор, дейман. Мистер Бингли, хоналарингиз менга жуда ёқди! Боғ шундай кўриниб турибди. Бу ерда ижарада турсанглар ҳам тез орада кетмасанглар керак-а?

– Мен доим шошаман, – деди йигит. – Агар кетишга карор қилсан, беш дақиқадан кейин мени бу ерда кўрмайсиз. Ҳозир эса, менимча, яхшилаб ўрнашиб олганман.

– Мен ҳам сиздан шуни кутаётгандим, – деди Элизабет.

– Сиз менинг табиатимни тушуна бошладингиз-а? – ундан сўради Бингли.

– Ҳа, ҳа, сизни жуда яхши тушуниб турибман.

– Бу гапингизни мақтov ўрнида қабул қиламан. Лекин ичидаги билиниб шундок кўриниб турган одам лапашантга ўхшаб кўринса керак.

– Ичимдагини топ, дейдиганларни сиздан юқорироқ ёки пастроқ хисоблашмайди.

– Лиззи, – миссис Беннет гапга аралашди. – Уйда гапирадиганларингни бу ерда гапираверма. Каердалигингни унутмагин.

– Инсон табиатини ўрганиш билан шуғулланасиз, деб ўйламагандим ҳам, – деди Бингли. – Жуда қизиқ бўлса керак-а?

– Айниқса, мураккаб характерлар қизиқ. Буни эгаларидан тортиб олиб бўлмайди.

– Қишлоқ ҳаёти буни ўрганиш учун кўп нарса бермайди, – деди мистер Дарси. – Бу ерда боғланиш мумкин бўлган одамларнинг сони жуда кам ва чегараланган.

– Лекин одамлар шунчалик тез ўзгарайтики, ҳар бирида бир янгилик кузатиш мумкин.

– Ростдан ҳам, – хитоб қилди мистер Дарсининг қишлоқ одамлари ҳақидаги гапи тегиб кетган миссис Беннет. – Бу ерларда ҳам ундайлар шаҳардагидан кам эмас.

Ҳамма жим бўлиб қолди. Дарси эса унга бир қараб кўйиб, индамай тескари ўгирилди. Ўзини зўр гапирдим, деб ўйлаган меҳмон эса яна ҳаммани ҳайратга солмоқчи бўлди:

– Мен ўзим, масалан, Лондоннинг дўкон ва кўнгилочар жойларини айтмаса, бу ердан ҳеч қандай ортиклиги йўқ, деб хисоблайман. Мистер Бингли, қишлоқда яшаш яхширок-а?

– Мен қишлоққа келганимда, кетгим келмайди, – жавоб берди йигит. – Лекин шаҳарга борганимда ҳам шундай. Унисининг ҳам, бунисининг ҳам ўз гашти бор.

– Тўғри, бу сизнинг соғлом фикр юритишиңгиздан. Манави йигит эса, – Дарсига қараб деди миссис Беннет, – қишлоқ ҳаётига осмондан келиб қарар экан.

– Онажон, сиз хотуғри ўйлајпиз, – онасининг гапларидан уялган Элизабет гапга аралашди. – Сиз мистер Дарсина тушунмадингиз. У қишлоқда одамлар шаҳардагидан кўра бир хил демоқчи эди. Албатта, сиз ўзингиз ҳам шундай ўйлайсиз.

– Албатта, ҳеч ким катта фарқ ҳақида гапирмаяпти. Таниш-билишларга келсак, ишонаманки, бу ерда ҳам бошқа ердагилардан кам эмас. Бизнинг ўзимиз, масалан, йигирма тўртта оила билан борди-келди қиласиз.

Элизабетнинг хиссийётларини хурмат қилган мистер Бинглига бу гапларни эшита туриб ўзини кулиб юборишидан тийиб туриш жуда кийин бўлди. Унинг синглиси эса акасичалик андишли бўлмагани учун Дарсига маъноли жилмайиб кўйди. Элизабет онасини чалғитиши мақсадида ундан уйда ўзи ўйқлигига мабодо Шарлотта Лукас кирган-кирмаганлигини сўради.

– Ҳа, у кеча отаси билан келганди. Мистер Бингли, сиз нима дейсиз, бу сэр Уильям жуда ажойиб инсон-а? Ҳақиқий оқсуяқ: ақлли, хушмуомала. Уни ҳақиқий инсоннинг тимсоли деса бўлади. Бировга тишининг оқини кўрсатмайдиган ва ўзини осмонда тутадиган баъзи бировлар бекорга ўзларини яхши тарбия кўрган хисоблайдилар.

– Шарлотта сизлар билан тушлик қилдими? – яна сўради Элизабет.

– Йўқ, у кетишга шошаётганди. Уйида пирог пиширишга ёрдам бермоқчи эди.

– Шарлотта жуда ёқимли қиз, шекилли, – деди мистер Бингли.

– Бўлмасам-чи! Лекин унинг бироз қўпол эканлигини тан олсангиз керак? Албатта, қизинг билан мақтаниш яхши эмас-ку, лекин Жейндеқ чиройли қизлар кам бўлади. У эндиғина ўн беш ёшга тўлганида бизлар менинг Лондондаги акам Гардинернида яшардик. Уша ерда бир ёш йигит Жейнни юракдан севиб қолди. Биз Лондондан жўнаб кетишимиздан олдин

қизимизнинг қўлини сўраса керак, деб ўйлагандик. Лекин... У Жейнни ҳали жуда ёш деб ўйлаган бўлса керак. Лекин у Жейнга атаб ажойиб шеърлар ёзганди...

— Ва бу саргузашт шу билан тугади, — шошилиб гапга қўшилди Элизабет.
— Менимча, бу худди шундай тугаган ягона қизикиш эмас. Қизик, шеърият мухаббатни ўлдиради деб биринчи бўлиб ким айтганикин?

— Мен эса муҳаббат шеъриятдан баҳра олади, деб ҳисоблайман, — деди мистер Дарси.

— Ҳа, агар севги соғлом, мустаҳкам ва ҳақиқий бўлса. Аллақачон мустаҳкамланган севги ҳамма нарсадан баҳра олиши мумкин. Агар у шунчаки ёқтириш бўлса, бир-икки қатор шеърдан кейин изсиз йўқолади.

Дарси жилмайди. Бироз давом этган жимликдан сўнг аёл яна мистер Бинглига Жейнга кўрсатган ғамхўрликлари учун миннатдорчилик билдириб, уйга қайтиш учун экипаж тайёрлашларини илтимос қилди. Бутун ташриф давомида Китти ва Лидия ўзаро пичирлашиб ўтиришган эди: улар кетар чоғда мистер Бинглига Незерфилдда ҳам бал ўтказишга берган ваъдасини эслатиб қўйишга келишишганди.

Онасининг эркатои бўлган ўн беш ёшли Лидия истараси иссиққина, баланд бўйли қиз эди. Ў шунчалик ёш бўлишига қарамай, аллақачон меҳмондорчиликларга юра бошлаган ва амакисиникига унинг ширин овқатларини бирга баҳам кўришга келиб турадиган зобитларнинг эътибори натижасида, ўзига бино кўйган бир енгилтак қизга айланишга улгурган эди. Шунинг учун у уялмасдан мистер Бинглига бемалол ўз ваъдасини эслатиб, агар ваъдасига вафо қилмаса унингдек йигит учун бу жуда уят бўлишини айттаётган эди. Мистер Бинглининг берган жавоби миссис Беннетга ёқиб тушди:

— Гапимга ишонинг, мен ўз ваъдамни бажонидил бажараман. Мисс Беннет тузалиши билан зиёфат кунини белгилашингизни сиздан илтимос қиласман. Лекин опангиз ҳали касал экан, рақсга тушиш, менимча, ўзингизнинг ҳам юрагингизга сифмаса керак.

— Ҳа, албатта, Жейн тузалгунча кутиб турсак яхши бўлади. Бунинг устига у пайтгача капитан Картер ҳам Меритонга қайтиб келса керак. Мен сиздан кейин уни зиёфат беришга мажбур қиласман. Полковник Форстерга эса, бундан қочадиган бўлса уят бўлишини айтаман.

Шундан кейин миссис Беннет ва қизлари жўнаб кетишиди. Элизабет эса Жейннинг ёнига қайтди.

Х БОБ

Ўша куни миссис Хёрст ва мисс Бингли куннинг биринчи ярмини тузала бошлаган Жейннинг ёнида ўтказишиди. Кечқурун Элизабет хонага кириб келганда мистер Дарси хат ёзар, мисс Бингли эса хадеб синглисига салом айтиб қўйишни сўраб, уни чалгитар эди.

Элизабет тикишга ўтирар экан, мистер Дарси ва мисс Бингли ўртасидаги сухбат қулоғига кириб кўнгли кўтарилиди. Дарси хуснихатиниг чиройлилиги, фикрларини хатда гўзал ифода қилишига қойил қолиб айттаётган қизнинг мақтовларига йигитнинг бепарволиги Элизабетнинг бу икки инсон тўғрисидаги қилган хулосаларига мос келар эди.

— Мисс Дарси хатни олиб жуда хурсанд бўлади! Мистер Дарси, ҳаддан ташқари тез ёзар экансиз. Бир йилда қанча хат ёзишингизга тўғри келади! Бунинг устига иш юзасидан яна қанча хат! Қанақа чарчатадиган иш эканлигини тасаввур қиляпман.

— Шундай оғир иш менга теккани сизнинг омадингиз.

— Илтимос, синглингизга уни жуда кўргим келаётганини ёзинг.

— Буни ёзиб бўлдим.

— Қандай қилиб бунақа текис ёзасиз?

Мистер Дарси жавоб бермади.

— Синглингизга унинг арфа чалишдаги муваффақиятларидан жуда хурсандлигимни ёзид юборинг. Ва яна айтингки, унинг дастурхонга тиккан каштларидан ҳайратдаман ва унинг иши мисс Грантлинницидан анча яхши. Мистер Дарси, сиз доим шунака ажойиб узун-узун хатлар ёзасизми?

— Ха, ростдан ҳам узун, лекин уларнинг қанақалигини мен ўзим айтолмайман.

— Менга эса бундай узун хатлар ёзадиган одам ўз-ўзидан зўр хат ёзадигандек туюлади.

— Кэролайн, мистер Дарси учун бу мақтov эмас, — гапга аралашди мистер Бингли. — Бу хатларни ёзиш унга осон эмас. У нуқул тўрт бўғинли сўзлар ишлатишга харакат қилади.

— Менинг хат ёзиш услубим, албатта, сизницидан фарқ қилади.

— Ҳа, ҳеч ким хатни Чарльзчалик ҳафсаласизлик билан ёзмаса керак. Сўзларининг ярмини ташлаб кетади, ярмини ўчириб ташлайди, — деди мисс Бингли.

— Хаёлимга фикрлар шунака тез келадики, уларни қофозга туширишга улгурмайман. Шунинг учун хатларим гоҳида нима демокчилигимни эгасига етказмайди.

— Сизнинг камтарлигингиз ҳар қандай танқидчини куролсизлантириб кўяди, — деди Элизабет.

— Бирорларга кўрсатиб қилинган камтарлиқдан ёмон нарса йўқ. Баъзан камтарлик ниқоби остида бошқаларнинг фикрига бепарволик ва манманлик яширинган бўлади.

— Унда менинг гапларимни қандай баҳолайсиз?

— Албатта, ниқобланган мақтанчоқлик. Ахир сиз ич-ичингиздан хатларини гиздаги камчиликлар билан фаҳрланаяпсиз-ку! Чунки сиз бу камчиликларни фикрларингизнинг кўплигидан ва уларни ифодалашга улгура олмаётганимдан деб хисоблайсиз. Лекин бу нарсалар мақтовга лойиқ бўлмаса-да, ўзига тортадиган жиҳатлари бор. Бирор нарсани тез бажариш сифат жиҳатидан мақташга арзимаса-да, одатда, бажарувчи томонидан юқори баҳоланади. Бугун эрталаб сиз миссис Беннетта кетишини хоҳлаб қолсангиз сизни бу ерда беш дақиқа ҳам ушлаб туриб бўлмаслигини айтиб, мақтандингиз. Мухим ишларни тутгатмасдан ва бу шошилишдан ҳеч кимга бирор наф бўлмаса, бунинг нимаси мақтовга сазовор?

— Энди бу ҳаддан ташқари! Эрталабки ёмон иш учун кечқурун гап эшиши! Лекин қасам ичиб айтаманки, менинг ўша айтган гапларим рост ва мен бу гапидан қайтмайман. Ҳар ҳолда, ўзимнинг шошилишим ҳакида аёллар олдида мақтаниш учун гапирмаганман.

— Бунга асло шубҳа қилмайман. Лекин сизнинг бунчалик тез жўнаб кетишингизга ишонмайман. Чунки бундай пайтда ҳар бир инсоннинг хатти-харакати, шу жумладан сизнинг ҳам, шароит тақозосидан келиб чиқиб бўлади. Сиз эндинга отга ўтирганингизда энг яқин дўстингиз “Бингли, яна бир хафтагина шу ерда бўлмаймизми?” деб қолса, балки унга қулоқ солиб яна бир ҳафта эмас, яна бир ой ушланиб қолган бўлардингиз.

— Бу гапларингиз билан мистер Бинглининг ўзига нисбатан адолатсизлигини исботладингиз, — деди Элизабет.

— Дўстимнинг танқидини табиатимнинг юмшоқлигини кўрсатувчи мақтовга айлантириб юборганингиздан хурсандман, мисс Элизабет, — деди Бингли. — Лекин қўрқаманки, айни тескариси. У аслида бундай ҳолларда қатъий рад қилиб, ҳеч нарсага қарамай тезроқ жўнаб қолиш керак, деб хисоблайди.

— Наҳотки мистер Дарси сизнинг биринчи шошқалоқлигингизни кейинги ўжарлигингиз ювиб кетади, деб хисоблаётган бўлса?

— Худо ҳаққи, мен тушунириб беролмайман. Дарсининг ўзи айтсан.

— Сизлар мен айтмаган, лекин сизлар менга тақаётган гапларни қайтаришимни сўраяпсизларми? Ёдингиздами, ўша мен тахминан айтган

дўсти яна бироз қолишини илтимос қилиб фақат ўз истагини билдириди, ҳатто нима учунлигини тушунтириб ҳам ўтирамди.

— Дўстингизнинг илтимосларни дарров қондиришини фазилатларидан бири деб ҳисобламайсизми?

— Ўйламасдан ён бериш иккала дўстнинг ҳам ақл даражасига путур етказган бўларди.

— Мистер Дарси, сиз дўстлик деган сўзнинг қадрига етарли баҳо бермаяпсиз. Баъзан илтимос қилаётган одамга хурмат юзасидан илтимоснинг мазмунига қарамасдан ҳам бажаришга ҳаракат қилинади. Мен сиз мистер Бингли тўғрисида айтган шароитни кўзда тутмаяпман. Мистер Бингли билан шундай ҳодиса бўлишини кутиб турамиз ва ўшанда унга керакли баҳони берамиз. Наҳотки сиз, бирор дўстидан маълум бир ишни қилмаслини сўраса-да, шериги нимагалигини сўрамай унга қулоқ солса, уни бу иши учун гуноҳкор қилсангиз?

— Менимча, олдин уларнинг дўстлиги қай даражада мустаҳкам эканлиги ва сўралаётган илтимоснинг қай даражада муҳимлигини аниқлаб олсак бўларди.

— Тўппа-тўғри! — қизишиб деди мистер Бингли. — Келинглар, ҳамма майда-чўйда нарсаларгача келишиб оламиз, ҳатто дўстларнинг бўйини ва кучини ҳам ҳисобга оламиз. Мисс Беннет, бу нарсалар жуда катта аҳамиятга эга бўлиши мумкин. Ишонасизми, агар Дарси менга қараганда бунчалик польвон қўринмагандан, мен у билан ҳатто ҳисоблашмасдим ҳам.

Дарси жилмайиб кўйди. Лекин Элизабет бўлган гаплар мистер Дарси-нинг ҳамиятига текканини сезиб, жилмайишдан ўзини тиради.

— Нима демоқчилигингизни тушундим, Бингли, — деди Дарси. — Сизга бизнинг баҳсимиз ёқмаяпти ва шу йўл билан унга нуқта қўймоқчи бўлдингиз.

— Балки. Одатда, баҳслар мунозарарага ўхшаб кетади.

Мистер Дарси хатини охиригача тугатиб қўйди-да, қизлардан бирорта куй чалиб беришларини сўради. Кэролайн Элизабетнинг хурмати учун биринчи бўлиб чалишга таклиф қилди, у ҳам ўз навбатида унга хурмат кўрсатгач, фортельяно ёнига ўтириди.

Элизабет олдида турган ноталарни вараклар экан, Дарсининг ўзига тез-тез қараб қўёғтанини сезди. У бу ўзига бино қўйган йигит ўзини ёқтириб қолаётганини тасаввурига ҳам сиғдира олмаётганди. Шу билан бирга, унинг Элизабетга масхаралаб қараётгани ҳам тўғридек эмасди. Ахири, унинг бу эътиборини ўзининг фикрларига мос тушмаётгандикка йўйди.

Бир нечта италянча арияларни ижро этгач, мисс Бингли шотландча кувноқ қуйни чала бошлади. Мистер Дарси ўрнидан турди-да, Элизабетга яқинлашиб деди:

— Мисс Беннет, вактдан фойдаланиб шу қуйга бир рақсга тушмаймизми?

Элизабет жилмайиб кўйди. Унинг сукутидан ҳайрон бўлган Дарси саволини қайтарди.

— Мен сизни жуда яхши эшитдим, фақат қандай жавоб қайтаришга ҳайронман, — деди Элизабет. — Сиз, албатта, таклифингизни қабул қилиб, ўзимнинг дидим пастлигини исботлашим учун сизга йўл очиб беришимни хоҳлаётгандингиз. Лекин шундай тузокларни четлаб ўтиб, уларнинг эгаларини улар олдиндан маза қилиб кутаётганди хурсандчиликдан бебахра қилишини яхши кўраман. Шунинг учун ҳам бу қуйга рақс тушишни ўлгудек ёмон кўраман, дейиш хаёлимга келганди. Мана энди, агар қўлингиздан келса, хоҳлаганингизча устимдан кулаверинг.

— Сўзларимга ишонинг, мен сизни ҳеч нарсада айбламоқчи эмасман!

Ўзининг гаплари йигитнинг ҳамиятига тегади, деб ўйлаган Элизабет, унинг мулойимлигидан ҳайратга тушди. Қиздан уфуриб турган ширингина айёрлик бирорта йигитнинг ҳамиятига тегиши амри-маҳол эди. Дарси илгари бирорта аёл уни шунчалик мафтун қилмаганини сезиб турарди.

Мисс Бингли рашкка ўхшаш ниманидир ҳис қилди. Унда қадрдон дугонасининг соғайишини хоҳлаш билан бирга тезроқ унинг синглисидан кутулиш истаги пайдо бўлди. У яқин орада бўлиши мумкин бўлган тўйлари ва бундай хотин билан унинг қандай баҳтли бўлиши мумкинлиги тўғрисида гапириб, Дарсини Элизабетга қарши қайраб кўйишга ҳаракат қиласди:

— Умид қиласманки, бу баҳтли воқеа бўлиб ўтгач, сиз қайнанангизга баъзан тилини тийиб юриши фойдали эканлигини шипшитиб кўясиз, — деди у эртаси куни Дарси билан уй олдидаги боғда сайр қилиб юришар экан. — Буни қилиб бўлганингиздан сўнг эса қайнисингилларингизни зобитлар кетидан югромайдиган киласиз.

— Сиз менинг баҳтли бўлишим учун балки яна бирор маслаҳат берарсиз?

— Албатта! Филипс амакининг портретини Пемберлидаги галереянигизга осиб кўйинг. Отангизнинг амакисининг расми ёнига. Элизабетингизнинг расмини ҳатто чиздиришга ҳам ҳаракат қиласманг. Бирорта рассом унинг чиройли кўзларини ифода эта олармиди?

— Ростдан ҳам бу кўзларнинг ифодасини чизиш осон бўлмаса керак. Лекин бу кўзларнинг шаклини, рангини, узун киприкларни яхши рассом чиза олар.

Шу пайт шу яқин орада сайр қилиб юрган миссис Хёраст билан Элизабетнинг ўзини кўриб қолишиди.

— Сизлар ҳам сайрга чиқмоқчи эканликларингизни билмабман! — деди мисс Бингли, улар айтилган гапларини эшитиб қолган бўлишиларидан хавфсираб.

— Уят эмасми? Секингина чиқиб кетибсизлар, — жавоб берди миссис Хёраст ва мистер Дарсининг бўш томонидан қўлтиқлаганча Элизабетни ёлғиз кетишига ундаи — йўлкага фақат учта одам сифар эди. Унинг фаросатсизлигини сезган Дарси ўша заҳоти деди:

— Бу йўл уч киши учун торлик қиласди. Келинглар, анави катта йўлга чиқамиз.

Лекин ўзи ёлғиз кетишини хоҳлаётган Элизабет қаршилик кўрсатди:

— Йўқ, йўқ, шу ерда қолинглар. Уччалангиз бир ажойиб кетяпсизлар. Агар сизларга яна бир одам қўшилса, мутаносиблик бузилади. Кўришгунча!

XI БОБ

Тушлиқдан сўнг ҳамма қўзғалгач, Элизабет Жейнни яхшилаб кийинтириб, бирга меҳмонхонага тушди. Кизни ҳамма хурсандчилик билан кутиб олди. Лекин эрқаклар пайдо бўлиши билан Жейн иккинчи ўринга ўтиб қолди. Мисс Бингли эътиборини дарров мистер Дарсига қаратди. Мистер Дарси индамай Жейннинг олдига келиб, уни согайғанлиги билан табриклиди. Мистер Хёраст ҳам унга енгилгина таъзим қилиб “Хурсандман” деди. Лекин мистер Бингли ҳаммадан ўтиб тушди: у ҳаддан ташқари хурсанд ва ҳаяжонда эди. У Жейн совқотиб қолмаслиги учун каминга ўт ёқаман деб, ярим соат овора бўлди. Кейин ўзи ҳам қизнинг ёнига чўқиб, бутун кечада давомида фақат у билан сухбатлашиб ўтирди.

Чойдан сўнг мистер Хёраст қарта ўйнашни таклиф қиласди. Унинг баланд овозда ҳаммага мурожаат қилиши бекор кетди. Мисс Бингли унга ҳеч кимнинг қарта ўйнагиси келмаётганини айтди. Дарси кўлига китоб олди, мисс Бингли ҳам шундай қиласди, миссис Хёраст эса ёлғиз ўзи, вақти-вақти билан Бингли ва Жейнларнинг гапларига қўшилиб турди.

Мисс Бингли ўз китобини ўқиши билан бирга дам ўтмай йигитдан бирор нарса сўрар ва унинг олдида очиқ турган китобга қараб кўяр эди. Лекин Дарсини сухбатга торта олмади: йигит унинг саволларига кисқагина жавоб бериб, ўқишида давом этарди. Ахири, килган ҳаракатидан ҳеч натижа чиқаза олмаган мисс Бингли оғзини катта очиб эснаб, деди:

— Кечани бундай ўтказиш қандай яхши-а! Очиғини айтсан, китоб ўқишидан бўлақ яхшироқ машғулотни билмайман. Бошқа ишдан одам бирпастда чарчайди. Ўз уйим бўлса-ю, ўз кутубхонам бўлмаса, ўзимни энг баҳтсиз санарадим.

Қизга ҳеч ким жавоб қайтармади. У яна бир марта қаттиқ эснаб, китобни отиб юборди ва бирор бир қизиқ нарса қидириб хонани кўздан кечирди. Акасининг мисс Беннет билан бал ҳақида гаплашаётганини эшитиб, унга ўғирилди-да, сўради:

— Айтганча, Чарльз, ростдан ҳам Незерфилдда бал ўтказмоқчимисан? Менимча, бу ерда ўтирган баъзи бировларга бу ёқмаслиги мумкин.

— Сен Дарсини кўзда тутаяпсан, шекилли, — жавоб берди Бингли. — Агар унга ёқмаса, бориб ухлаши мумкин. Бални эса албатта ўтказамиз, бошқа гап бўлиши мумкин эмас.

— Баллар бошқачароқ бўлгандан яхшироқ бўларди. Ҳозиргилари бирам зерикарлики. Рақсларнинг ўрнига жиддий сухбатлар уоштирилганда эди.... — деди мисс Бингли.

— Албатта, азизам, — деди Бингли. — Лекин бу бал бўлмай қоларди-да.

Мисс Бингли жавоб қайтаришни ўзига лозим кўрмай, ўрнидан туриб, хонада у ёқдан бу ёққа юра бошлади. Унинг қомати келишган ва юришлари чиройли эди. Бу ҳаракат Дарсига қаратилган бўлса-да, у ўқишидан бош кўтармади. Ниятига етмаган қиз бир шумликни ўйлаб, Элизабетга деди:

— Мисс Элиза Беннет, мендан ўрнак олиб бироз туриб юрсангиз-чи. Ҳадеб бир жойда қадалиб ўтиришдан сўнг бу жуда фойдали.

Элизабет ҳайрон бўлса-да, барибир ўрнидан турди. Мисс Бингли ниятига етди: мистер Дарси китобдан бошини кўтарди. Мисс Бинглининг қизга меҳрибонлиги ундан ҳам кўра Дарси учун кутилмаган ҳодиса эди ва шунинг учун ҳам ўзи кутмаган ҳолда китобини ёпди. Унга ҳам сафларига кўшилишни таклиф қилишди, лекин у рад қилди. Иигитнинг айтишича, хона бўйлаб бу сайдринг иккита сабаби бўлиши мумкин ва иккала ҳолда ҳам у қизларга халакит беради. Мисс Бингли Элизабетдан Дарсининг гапидан бирор нарса тушунган-тушунмаганини сўради

— Албатта, йўқ, — деди Элизабет.— Лекин ишонаманки, у бизнинг нафсониятимизга тегмоқчи эди. Бу қилифига жавобимиз — ундан ҳеч нарса сўрамаслиқ.

Лекин мисс Бингли мистер Дарсими ҳеч ҳам хафа қилмоқчи эмасди. Шунинг учун мистер Дарсидан нима демоқчи бўлганини сўраб қистайверди.

— Хўп, яхши. Сизнинг вактни бундай ўтказишингиздан мақсад — сизлар бир-бирингизга ишонасизлар ва нимадир тўғрисида сирлашмоқчисизлар ёки шундай юрганда жуда чиройли кўрининаяпман, деб ўйляяпсиз. Биринчи масалада мен сизларга халакит бераман, иккинчисида эса шу ерда ўтириб сизлардан завқланишим мумкин.

— Қандай даҳшат! — ҳаяжон билан деди мисс Бингли. — Умримда бундай ҳақорат эшиитмаганман. Бу гаплар учун сизни қандай жазолаш керак?

— Бундан осон нарса йўқ, фақат жуда хоҳлаш керак. Ҳаммамиз бир-биримизга бироз қалтис ҳазил қилишимиз мумкин. Сиз ҳам унинг жаҳлини чиқазинг, унинг нозик томонларини билсангиз керак, — деди Элизабет.

— Чин сўзим, билмайман. Сизни ишонтириб айтаманки, бизнинг танишуви мени бу нарсага ўргатмади. Ҳеч нарса чиқмайди, деб кўрқаман.

— Мистер Дарсиинг устидан кулиб бўлмайдими? — ҳайрон бўлди Элизабет. — Қандай ортиқ жойи бор? Агар танишларим орасида бундайлар кўп бўлса, менга қийин бўларди, чўнки кулгини жуда яхши кўраман.

— Мисс Бингли менда йўқ сифатларни ёпишитираяпти. Инсонларнинг энг ақлли ва самимийлари йўқ, аксинча, одамларнинг ақлли ва самимий хатти-ҳаракатлари бировнинг устидан кулиш мақсади бўлганлар томонидан кулгига олинади.

— Албатта, бундай инсонлар йўқ эмас, — деди Элизабет. — Лекин мени ундейлар қаторига кўшмассиз? Мен ҳеч қачон инсонийлик хислатлари устидан кулмаганман. Тентаклик ва ғалати-ғалати қилиқлар, инжиқлик ва бетартиблиқ кулгили туюлади ва доим уларнинг устидан куламан. Лекин, менимча, сизнинг бундай камчиликларингиз йўқ.

– Менимча, ҳеч ким ҳақида бундай деб бўлмайди. Мени кулгили кўрсатиши мумкин бўлган сифатлардан кутулиш учун кўп ҳаракат қилганман.

– Масалан, мағрурлик ва манманликданми?

– Ҳа, манманлик чиндан инсоний камчилик. Лекин мағрурлик... Аммо, чинакам ақлли одам, одатда, меъёрида мағрур бўлади.

– Элизабет, сиз мистер Дарсининг табиатини бироз билиб олдингиз, шекилли. Сиз ўзингиз бу ҳақда нима дейсиз? – сўради мисс Бингли.

– Нима ҳам дердим. Мен мистер Дарсининг ҳар қандай камчиликлардан холи эканлигига ишонч ҳосил қилдим. Унинг ўзи ҳам буни яширмайди.

– Мен бундай деганим йўқ. Камчиликларим тиқилиб ётиби. Мен факат менинг ақлим булардан холи, деб умид қиласман. Лекин характерим учун жавоб бера олмайман. Атрофдагиларнинг гапича, юмшоқкўнгил эмасман. Тўғри, атрофимдагиларнинг аҳмоқликларини, мени хафа қилгандарини тез эсдан чиқара олмайман ва раҳмимини келтиришмоқчи бўлса дарров юмшай қолмайман. Мени аразчи дейиш тўғри бўлса керак.

– Мана бу ҳақиқий камчилик! – деди Элизабет. – Ҳаддан ортиқ аразгўйлик, албатта, инсон табиатининг энг ёмон хусусияти. Лекин сиз ўз камчилигинизни очиқ-ойдин айтдингиз. Мен сизнинг устингиздан кула олмайман. Мендан кўрқмасангиз ҳам бўлади.

– Менимча, бирор-бир камчиликка эга бўлиш ҳар бир инсонга хос. Табиат берган камчиликни, ҳатто энг яхши тарбия ҳам тузата олмайди.

– Сизнинг камчилигиниз – одамлардан нафрatlанишга таёргингиз.

– Сизники эса, – кулиб деди Дарси, – уларни атайдан тушунмаслик.

– Бироз мусиқа эшитгим келаяти, – деди ўзи иштирок этмаётган сухбатдан чарчаган мисс Бингли гапга аралашиб ва ҳеч ким қаршилик қилмагач фортепъянонинг қопқоғини очди. Дарси ҳам қарши бўлмади, чунки Элизабетга ҳаддан ортиқ эътибор бериб юборганини сезиб қолган эди.

XII БОБ

Опа-сингил аввалдан келишганларидек, эртаси куни эрталаб Элизабет экипаж юборишиларини сўраб онасига хат ёзди. Онасининг жавобини сабрсизлик билан кутаётган Элизабет учун кутилмаган иш бўлди: у хатида се-шанбагача экипаж юбора олмаслигини, агар Бинглиларнинг оиласи уларни кўпроқ қолишига таклиф қилишса, катта қизларисиз ҳам бемалол яшаб тура олишларини айтганди. Элиза яна қолиш тўғрисида ўйлашни ҳам хоҳламай, мистер Бинглидан экипаж илтимос қилиб кўришга Жейнни кўндиришга уринди. Нихоят, қизлар биргаликда бугун эрталабдан жўнамоқчи эканликларини айтиб, экипаж беришларини илтимос қилишга келдилар.

Қизларнинг кетиши хабаридан ҳамма афсусланди. Шу билан бирга улар Жейннинг биратўла тузалиши учун яна бир кун қолишса яхши бўлишини айтишди. Ахири, қизлар эртаси куни эрталабгача қолишга рози бўлишди. Лекин ҳаял ўтмай мисс Бингли яна бир кун учун афсуслана бошлади, чунки қизларнинг бирига бўлган рашк туйгуси иккинчи қизга бўлган дўстона хис-туйғулардан кучлироқ эди.

Ўйнинг эгаси эса яқинлашаётган айрилиқдан жуда хафа эди. Шунинг учун ҳадеб мисс Беннетга ҳали етарлича соғайиб кетмаганини, йўлга чиқиши мумкин эмаслигини таъкидларди. Лекин Жейнни кўндиришнинг иложи йўқ, у бир иш қилишига аҳд қилдими, гапидан қайтмасди.

Мистер Дарси эса бу қарордан хурсанд эди: мисс Бингли Элизабетга қўполроқ гапира бошлаган, Дарсининг ҳам ғашига тега бошлаган эди. Энди у бирор нарсадан гумонсирамаслиги учун Элизабетга жуда эҳтиёткор муомала қилиши кераклигига Дарсининг ақли етганди. Шу билан бирга, мисс Бинглида ўзи билан Элизабет ўргасида бирор нарса бор деган фикр туғилган бўлса, унинг бу гумони хайралашув чоғида ўзини қандай тутишига

боғлиқлигини ҳам сезиб туради. Шу сабаб, шанбада Элизабетга кун бўйи икки-уч оғизгина гап қотди, холос.

Якшанба куни, эрталабки тоат-ибодатдан сўнг хайрлашиш онлари етиб келди. Мисс Бингли Элизабетга ҳаддан ортиқ мулозаматли эди. Хайрлашишар экан, кизлар Жейнга яна учрашишдан жуда хурсанд бўлишларини айтишди. Мисс Бингли Жейнни охирги марта қаттиқ кучоклаб ва Элизабетга кўёл чўзиб хайрлашгач, кизлар ҳамма билан самимий хайрлашиб, йўлга тушишди.

Миссис Беннет қизларининг қайтиб келганларидан афсусда бўлиб, Жейннинг яна касал бўлиб қолишидан умидвор эди. Оталари эса келганларидан хурсанд бўлганини билдириб кўйди – охирги кунлари катта қизларининг ўрни унга жуда билинаётганди: улар йўқлигига уйдаги оилавий йигинлар жуда зерикарли ўтаётган эди. Улар келишганда Мэри одатдагидек мусиқа сирларини ва инсон табииати асосларини ўрганаётганди. Кэтрин ва Лидиянинг янгиликлари эса бутунлай бошқа борада эди: ўтган чоршанбадан бери полқда кўп ўзгаришлар бўлганмиш. Амакилариникида бир нечта зобитлар меҳмон бўлишибди, бир зобитни жазолашибди, яна полковник Форстер уйланмоқчи эмиш, деган гаплар тарқалиби.

XIII БОБ

– Азизам, бугун тушликка бирорта мазалироқ таом пиширасиз, – деди хотинига эртаси куни эрталаб мистер Беннет. – Менимча, бугун уйимизга меҳмон келади.

– Дўстим, ким хақида гапирайпиз? Билишимча, бугун бизникига ҳеч ким келмоқчи эмас. Мабодо Шарлотта Лукас келиб қолмаса... Лекин у ҳеч қачон дастурхонимиздан нолиган эмас. Уларни ҳар ҳолда бизнидан яхшироқ бўлмаса керак.

– Мен жентельмен тўғрисида гапирайман.

– Қандай жентльмен! Ааа, топдим! Мистер Бингли тўғрисида гапирайпизми? Жейн, нега илгарироқ айтмадинг? Уйда балиқ йўқ-ку! Ошпазга айтиш керак, балиқ олиб келсин.

– Гап мистер Бингли ҳақида кетаётгани йўқ, мен ўзим ҳам ҳали шу пайтгача кўрмаганим бир одамни кутаяпман. Бир ойча олдин мана бу хатни олгандим. Бу хат амакиваччам мистер Коллинздан. Уни жуда яхши танийсизлар, мендан кейин, агар хоҳласа, у сизларни кўчага хайдаб чикаради.

– Худо ҳаққи, унинг тўғрисида эшитишни ҳам истамайман! – ҳаяжон билан деди миссис Беннет. – Ахир сизга тегиши бўлган уйдан сизнинг болала-рингизни хайдаб чиқаришдан ҳам адолатсизроқ юмуш бўлиши мумкинми?

Жейн билан Элизабет оналарига уй-жой васиятлари тўғрисидаги қонунни тушунтиришга тиришди. Улар бунга илгари ҳам ҳаракат қилишганди.

– Албатта, бу зўр адолатсизлик, – деди мистер Беннет. – Лекин хатини эшитсангиз унинг мазмуни сизларни бироз тинчлантирас.

– Мен тинчлана олмайман! Сизга хат ёзишга қандай ҳадди сиғди? Қалбаки нусхаларни кўргани кўзим йўқ. Яххиси, отасига ўхшаб биз билан душманлик қилиб юрса яхши эди!

– Хатни яхшилаб эшитсангиз, у баъзи бир нарсаларга ростмана мажбур эканлигини тушунасиз.

“Хансфорд, Устархэм яқинида,
Кент
15 октябрь

Хурматли сэр!

Сиз билан менинг марҳум отам ўртасидаги тушунмовчиликлардан доим эзилиб келганман. Отам вафотидан сўнг менда ўртамиздаги жарликни йўқотиш истаги пайдо бўлди. Лекин бир қанча вақт отам ури-

шиб юрган одам билан яхши муомалада бўлсам, отамнинг хотирасини хақоратламасмиканман, деган иккиланишилар билан юргандим. Энди аниқ бир қарорга келдим. Ўтган пасхада мен пасторлик даражасини олиб, сэр Льюис де Бёрнинг беваси Кэтрин де Бёр зоти олияларига қарашли ерларда диний назорат шиларини олиб бориш шарафига мушарраф бўлдим. Бу аёлнинг сахилиги ва илиқ муносабати туфайли шу ердаги черковнинг рухонийси бўлдим ва менинг эндиги фаолиятим инглиз черковининг ходимига мунособ бўлган барча тадбир ва тантаналарни ўтказши ҳамда бу зоти олияларига нисбатан етарлича ҳурматда бўлишидир. Черков хизматчиси сифатида менинг мажбуриятларимдан яна бири – барча оиласарда кучим етганича тинчлик ва итоаткорлик уруғини сепишидир. Шу сабаблардан келиб чиқиб, менинг кўнгилли бўлиб қўйған қадамимни ва сизга узатган қўлимни қайтармассиз, деб умид қиласман. Ўзим ҳоҳламаган ҳолда сизнинг тинчлигингизга раҳна солувчи қуролга айланаб қолганимдан хижсолатдаман ва бу йўқотишнинг ўрнини тўлдириш учун қўлимдан келган хизматни қиласман деб сўз беришга тайёрман... Лекин бу ҳақда кейинроқ.... Агар Сиз менинг ташири-фимга қаршилик билдириласангиз, 18 ноябрь, душанба куни соат 4да келиб, балки келаси ҳафтанинг шанба кунигача сизнинг меҳмондўстилигиниздан фойдаланмоқчиман.

Мисс Беннет ва қизларингизга чуқур ҳурмат ва эҳтиром билан, дўстингиз
Уильям Коллинз”.

– Демак, соат тўртда биз бу тинчликсевар инсонни кутиб оламиз, – хатни бувлар экан, деди мистер Беннет. – Менимча, у ниҳоятда тарбияли ва кўнгли тоза инсон. Бошимизга тушадиган йўқотишнинг ўрнини қандай тўлдирмоқчи экан, тасаввур ҳам қилолмаяпман, албатта. Лекин шундай хоҳиши борлигининг ўзи ҳурматга сазовор.

Элизабетта хатнинг энг таъсир қилган жойи Коллинзнинг леди Кэтринга бўлган ўта ҳурмати ва ўз муридларини чўқинтириши, никоҳлаши ва керак бўлганда кўмиши эди.

– Бу амакиваччамиз жуда ажойиб, шекилли, – деди у. – Гапларини тушуниш бирам қийин-э. Нимага меросхўр сифатидаги ҳукуклари учун кечирим сўрайти? Нима деб ўйлайсиз, сэр, у ақлли инсонмикин?

– Йўқ, азизам, ундан деб ўйламайман. Хатидан унинг ўзига бино қўйган ва хушомадгўйлиги кўриниб турибди. Шунинг учун ҳам уни жуда кўргим келаяти.

– Хат ёзиш услубидан унинг саводлилиги аён, – деди Мэри.

Кэтрин ва Лидияни эса на хат ва на унинг ёзувчиси қизиқтираётганди. Унинг кип-кизил мундирда келишига ишониб бўлмасди, охиригина пайтларда эса уларни бошқа рангдаги кийим кийган эркаклар деярли қизиқтирмаётганди. Ўқишиган хатлари миссис Беннетнинг юрагига ғашлик солиб қўйган бўлса-да, мистер Коллинзнинг келишига у эри ва қизларини ҳайратга солиб, берилиб тайёргарлик кўра бошлади.

Мистер Коллинз айтган пайтига етиб келди ва бутун оила уни хурсандчилик билан кутиб олди. Тўғри, уй эгаси қисқагина саломлашиб қўя қолди. Лекин аёллар жуда сергап бўлиб кетишиди, меҳмон ҳам жуда камгап бўлмай, ортиқча такалуффга муҳтож эмас эди. У йигирма беш ёшлардаги баланд бўйли, тўладан келган йигит бўлиб, танишганларига хеч қанча вакт ўтмасдан миссис Беннетга унинг қизларининг гўзаллиги тўғрисида эшитган гаплари қизларнинг ҳақиқий сифатларини етарлича ифодалай олмаганини айтди ва бу қизлар яқин орада ўз тенгларини топишига ишончини билдириди. Мақтov гапларни яхши кўрадиган миссис Беннет бу гапларни миннатдорчилик билан қабуқ қилди:

– Сэр, мақтovларингиздан бағоят миннатдорман. Умид қиласманки, айтганларингиз рўёбга чиқади, акс ҳолда уларнинг тақдири жуда аянчли бўлади. Ҳозирги шароит бирарах аҳмоқонаки!..

ЖАҲОН АДАБИЁТИ

— Сиз менинг мерос ҳақидаги ҳукуқларимни кўзда тутаяпсизми?

— Ҳа-да! Менинг қизларим учун бу нақадар ёмонлигини ўзингиз яхши биласиз. Сизни ҳеч ҳам айбламоқчи эмасман, ҳаммаси тасодифнинг натижаси. Уй-жой эркак томонидан мерос бериладиган бўлганда хоҳлаган одамга тегиши мумкин.

— Хоним, мен бу ишлар учун амакиваччаларимга ҳамдардлигимни билдираман ва бу борадаги ўз фикрларимни айтмоқчи эдим. Лекин тўйдан олдин ноғора чалмаслик учун шошилмайман, яқинроқ танишганимиздан сўнг...

Шу ерга келганда мистер Коллинз гапини бўлишга мажбур бўлди: уларни тушликка таклиф қилишаётган эди. Мистер Коллинзни ҳайратга солаётган нарса фақатгина қизларнинг гўзаллиги эмасди. Мехмонхона, емакхона, бутун уйнинг жихозлари — ҳеч нарса унинг назаридан четда қолмади ва юқори баҳо олди. Мақтovлари миссис Беннетга ёқаётган бўлса-да, бу нарсаларга худди энди ўзиникидек қараётгани аёлнинг юрагини пўкиллатиб юбораётганди. Тушлик давомида у жуда ширин қилиб тайёрланган бу таомларнинг ижрочиси қизлардан қайси бири эканлиги билан қизиқди. Лекин миссис Беннет ҳали уйда яхши ошпаз тутишга курби етишини, қизларнинг ошхонада қиласидиган иши йўқлигини айтиб, уни жойига ўтқазиб кўйди.

XIV БОБ

Бутун тушлик давомида мистер Беннет ҳеч ким билан гаплашмади ҳисоб. Лекин тушлик тугаб, ёлғиз қолишгач, у меҳмон билан гаплашадиган вақт етганини ҳис қилди. У усталик билан Коллинзни қизиқтириши мумкин бўлган мавзулардан гап очиб, унинг ўз бекасидан жуда ҳам мамнунлигини сезди. Леди Кэтрин де Бёрнинг Коллинзнинг ҳамма орзу-истакларини маъқулаши бир қарашда эриш кўринарди. Бу мистер Беннетга сухбат олиб бориш учун жуда қулав мавзу эди. Меҳмон леди де Бёр ҳақида жўшиб, ҳаяжон билан гапирди. Үмрида ҳеч ким унга леди Кэтринчалик самимий муносабатда бўлмаганини, олий тоифадаги инсонлар ўртасида ҳали у бирорта ҳам бундай ажойиб инсонни учратмаганини ишонч билан айтиб ўтди. Леди Кэтрин унга нисбатан жуда ҳам самимий эмиш. Зоти олиялари у билан ҳамма жентльменлар билан сўзлашгандек сўзлашар экан. У мистер Коллинзга иложи борича тезроқ уйланишни маслаҳат берибди.

— Хоним томонидан қилинган бу ишлар мақтовга сазовор, — гап кўшди миссис Беннет. — Жуда ажойиб аёл бўлса керак. У сизга яқин жойда яшайдими?

— Менинг уйим жойлашган боғ зоти олиялари яшайдиган Розингс-парқдан ўргадан ўтган аллея билан ажralиб туради.

— Уни бева деб айтдингиз-а? Фарзандлари борми?

— Ёлғизгина қизи бор — Розингснинг меросхўри.

— Э-хе, — бошини чайқаб кўйди миссис Беннет. — Демак, у бошқа қизлардан анча баҳтироқ. Ўзи қанақа? Чиройлимми?

— Ҳақиқатда жуда чиройли қиз! Онаси леди Кэтриннинг айтишича, гўзаллик борасида мисс де Бёр бошқалардан юқорироқ туради, қизда унинг катта даргоҳдан эканлигини кўрсатиб турадиган нимадир бор. Лекин, баҳтга қарши, унинг соғлигининг мазаси йўқроқ, бу эса унинг кўп соҳаларда муваффақиятга эришишига халақит беряпти.

— Ў сарой аҳли билан таниширилганми? Мен саройдаги аёллар рўйхатида унинг исмини учратмаганман.

— Баҳтга қарши унинг соғлиги шаҳарга кўчиб ўтишга йўл қўймайди. Бу ҳол, бир куни мен леди Кэтриннинг ўзига айтганимдек, Британия саройини энг яхши дурлардан бебахра қолдиряпти. Зоти олияларига менинг гапларим жуда ёқиб кетди. Очигини айтсан, мен аёлларга ёқадиган бу тарздаги мақтov сўзларни тез-тез ишлатиб турман. Масалан, леди Кэтринга унинг қизи малика бўлиш учун туғилган ва у ўзи борган ҳамма жойни яшнатиб туради, деган гапни бир неча марта айтганман.

— Жуда тӯғри фикр юритаркансиз, — деди мистер Беннет. — Шундай гаплар билан эритиш қобилиятига эгалингизги сизнинг бахтингиз. Хўш... бу турдағи чиройли гаплар хаёлингизга бирдан келадими ёки сиз уларни олдиндан тайёрлаб қўясизми?

— Одатда, сухбат жараёнида келади. Баъзан бўш пайтларимда ҳазил учун ҳар хил шароитларга тӯғри келадиган гапларни ўйлаб қўйман, факат гапираётганимда ҳозиргина хаёлимга келгандек қилиб айтаман.

Амакивачасининг тентакнамо гаплари мистер Беннетнинг у ҳақдаги фикрларини тасдиқлади. У меҳмоннинг гапларига жиддийлик билан қулоқ солар экан, ич-ичидан кулиб маза қилди.

Кечкурунги чойхўрликкача қабул қилган “доза”си шунчалик етарли эдики, мистер Беннет Коллинзни бажонидил меҳмонхонагача кузатиб қўйиб, ундан аёллардаги бирор нарса ўқиб беришни сўради. Унинг розилигини олгач, кутубхонадан китоб келтириб беришди. У китобга қараши билан сакраб тушди ва ҳеч романлар ўқимаслигини айтиб, узр сўради. Китти унга ҳайрон бўлиб қараб қолди, Лидия ҳам ҳайратдан оғзини очганча қолди. Бошқа китоблар келтиришди, ахири у Фордайснинг нутқларида тўхтади. Китоб очилиши билан Лидияни эснок тутди. Мистер Коллинз бир хил зерикарли товуш билан эндигина уч бетни ўқир экан, қиз унинг ўқишини бўлиб, онасига деди:

— Ойи, Филипс амаким Ричардни ҳайдаб юбормоқчи экан. Эшитдингизми? Агар у шундай қиладиган бўлса, полковник Форстер Ричардни ўз олдига олмоқчи эмиш. Эргагаёқ Меритонга бориб анифини билиб келиш керак.

Катта қизлар Лидиядан тилини тийиб туришини сўрашди, лекин ўзини ҳақоратлангандек ҳис қилган мистер Коллинз китобни четта суребди:

— Мен ёш қизларнинг фойдалари учун ёзилган жиддий мазмундаги китоблар уларни қизиқтираслигига кўпда дуч келаман. Ахир улар учун яхши одобномадан кўра фойдалироқ нарса бормикин? Энди мен қизларимизнинг қулоқларини қийнамоқчи эмасман... — Шу ерга келганда у мистер Беннетга ўгирилиб, ундан бир партия триктрак ўйнашни сўради. Мистер Беннет унинг қизларни ўз ҳолига қўйиб тӯғри қилганидан мамнун бўлди.

XV БОБ

Мистер Коллинз ўта иқтидорли эмасди. Табиатнинг бу хатоси тарбия билан ёки инсонлар билан мулоқотда ҳам тузалмаган эди. Умрининг кўп қисмини у саводсиз ва майдагап отаси назорати остида ўтказган эди. Университетда ўқир экан, бир қанча фанларни ўрганди, лекин бирорта ҳам фойдали таниш орттирмади. Табиатига итоатгайликини сингдирган отасининг тарбиясидан доим эзилган Коллинз вақт ўтиши билан узоқни кўра олмайдиган, ўз ҳолича яшайдиган одам бўлиб етишди ва кутилмаганда муваффакиятга эришди: Хансфорддаги черков бўшаган пайтда баҳтли тасодиф туфайли сэр Льюис де Бёрнинг бевасига дуч келиб қолди. Унинг юқори табақасига, шахсига чуқур ҳурмат, шу билан бирга, черков бошлиғи сифатида ўзининг шахсига нисбатан юқори фикрдалиги ундан ҳарактерида манманлик, ўзбилармонлик ва яна бир қанча салбий сифатлар уйғунлашиб кетган одамни бунёд қилди. Туаржой ва етарли даромадга эга бўлгач уйланиш тӯғрисида ўйлай бошлади. Беннетлар оиласи билан ярашишни режа қилар экан, қизлар чиндан ҳам унга айтишганидек чиройли ва тарбияли бўлса, уларнинг бирига уйланишга қарор қилди. У меросхўр сифатида Беннетлар оиласига келтирадиган зарарни қоплаш деганда ана шу нарсани кўзда тутган эди.

Қариндошининг оиласи билан танишгач, унинг режалари ўзгармади. Аксинча, катта мисс Беннетнинг чиройли кўриниши мистер Коллинзнинг режаларини янада мустаҳкамлади. Шундай қилиб, биринчи куни унинг танлагани Жейн эди. Нонуштадан олдин у чорак соатча миссис Беннет билан юзма-юз гаплашди.

Сухбат Хансфорддаги пасторнинг уйи ҳақида бўлиб, ўз-ўзидан мистер

Коллинзнинг бу уйнинг бекасини Лонгбордан топиш умидига ўтиб кетди. Миссис Беннет чин дилдан жилмайганича унинг режаларини кўллаб-куватлашини айтди-ю шунинг орасида йигитни энг катта қизи борасида огохлантириб қўймоқчилигини ҳам қистириб ўтди. Бошқа қизларининг бирортасига кўнгли борлиги тўғрисида ҳеч ҳам хабари йўқлиги, лекин энг катта қизи тўғрисида огохлантириб қўйиш унинг вазифаси эканлигини – у унаштирилиш арафасида эканлигини айтди.

Мистер Коллинз қилиши керак бўлган иш қизларнинг бирини иккинчисига алмаштириш эди. Миссис Беннет каминдаги оловни ўт олдирап экан, бу вазифа бажарилди. Ёши ҳам, кўриниши ҳам Жейндан фарқ қилмайдиган Элизабет Жейннинг ўрнига танланди.

Миссис Беннет яқин кунларда бир эмас икки қизи турмушга чиқиши мумкинлигидан хурсанд бўлиб, мистер Коллинз ишора қилаётган режаларини маъқуллади. Яқингинада номини эшитишни ҳам хоҳламаётган инсон энди унга ёқиб кетаётган эди.

Лидия Меритонга бориш фикридан қайтмаганди, Мэридан ташқари бошқа опалари ҳам у билан бирга бормоқчи бўлишди. Уйнинг хўжайини бир амаллаб ундан кутулиб вақтини жонажон кутубхонасида ўтказмоқчи эди. Шунинг учун у мистер Коллинздан қизлари билан бирга айланиб келишини ёлвориб сўради. Коллинз бажонидил рози бўлди.

Йўл бўйи фақат мистер Коллинз гапирди. Қизлар эса гоҳ-гоҳ бирор гап қистириш учунгина унинг осмондан келиб гапираётган гапларини бўлишарди. Лекин шаҳарга етиб келишлари билан, қизлар уни бутқул унтищди ва зобитлар кўриниб қолармикин деб, атрофга аланглай бошлашди.

Қизларнинг диккатини кўчанинг қарама-қарши томонида бир зобит билан сайд қилиб юрган келишгангина йигит тортиди. Улар рўпара келганларида зобит бош эгиб улар билан саломлашди. Бу йигит мистер Денни бўлиб, Лидия Меритонда шу йигитнинг келадиган пайтини билмоқчи эди. Унинг шериги қизларда катта таассурот қолдириди ва улар бу йигит кимлигидан фол оча бошлашди. Мистер Денни дарров уларни дўсти мистер Уикхем билан таништирилди. У яқинда Меритонга келган ва уларнинг полкига бириклирилган экан. Мистер Уикхем жуда келишган йигит эди: бақувват гавдали, юзларининг бичими тўғри, ўзини тутишни ҳам ўрнига қўярди. Қизларга таништирилгач, у сухбатга бемалол қўшилиб кетди. Узоқдан тўёқларнинг товуши эшитилиб, кўча бўйлаб отда келаётган мистер Дарси ва Бингли кўринишганда ийғилгандарнинг гапи ҳали тугамаган эди. Йигитлар сўрашиш учун яқинроқ келишди. Кўпроқ мистер Бингли гапирди, унинг ҳам гаплари асосан Жейнга қаратилган эди. Айтишича, улар Жейннинг соғлигини билиш учун Лонгборнга кетишаётган экан. Дарси маъқуллаб бошини силкитиб қўйди ва Элизабетга кўп қарамасликка қарор қилгани эсига тушиб, бошини бураб экан нотаниш йигитни кўриб қолди. Элизабет йигитларнинг юзида пайдо бўлган ўзгаришдан ҳайратга тушди: иккаласининг юзи ўзгариб кетди – бири оқарди, иккincinnиси қизарди. Бир неча сониядан сўнг мистер Уикхем шляпасига қўлини теккизди, Дарси эса бу саломга зўрга жавоб қайтарди. Нима бўлиши мумкин?

Йигитлар қизларни мистер Филипснинг уйигача кузатиб бориб, Лидиянинг таклифига ҳам қарамай, ҳайрлашиб кетишидди. Шу орада деразадан кўчага қараган миссис Филипс ҳам йигитларни ичкарига таклиф қилди. Бу аёл жиянларини, айниқса, катта мисс Беннетларнинг бир неча кун уйда бўлишмагани учун, жуда соғинган эди. У қизларнинг уйга бунчалик тез қайтишганидан ҳайрон бўлганини гапира кетди. Бироздан сўнг гапидан тўхтаб, Жейн унга таништираётган мистер Коллинзга эътиборини қаратди. Аёл йигитга жуда тавозе билан мурожаат қилди, мистер Коллинз ҳам ундан қолишимади. Шу пайтда қизлар уни бошқа йигит ҳакида саволга тута бошлашди. У қизларнинг ўзларига аллақачон маълум бўлган нарсани, яъни у мистер Денни билан бирга Лондондан келгани ва ... шир полкига лейтенант

бўлиб бораётганини айта олди, холос. Айтишича, бир соатлардан бери йигит кўчада сайр қилиб юрганини томоша қилган экан ва агар мистер Уикхем яна пайдо бўлиб қолса, қизлар ҳам шундай қилишлари мумкинлигини айтди. Бахтга қарши, кўчада бир-икки зобитдан бошқа ҳеч ким кўринмади. Эртаси куни уларнига полқдан кимлардир келмоқчи экан ва миссис Филлипс эридан, агар қариндошлари яна келадиган бўлса, мистер Уикхемни ҳам таклиф қилишни илтимос қилди. Мистер Филлипс рози бўлди ва улар иссиқ овқатдан олдин берилиб лото ўйнай бошладилар. Эртага бўладиган кунни ўйлаб ҳамма хурсандчилик билан хайрлашди, қизлар ва мистер Коллинз ўйга жўнашди.

Лонгборнга қайтаётганиларида Элизабет Жейнга икки йигит ўртасида бўлиб ўтган ҳолатни айтиб берди. Лекин Жейн иккаласини ҳам оқлашга тайёр тургани учун ҳодисани тушуниш қийин эди.

XVI БОБ

Эртаси куни яна ҳаммалари каретага ўтириб Меритонга жўнашди. У ерга келгач мистер Уикхем уй эгасининг таклифини қабул қилганини эшишиб, жуда кувониб кетишиди.

Мистер Коллинз эркаклар хонага киргунча миссис Филипсга леди Кэтрин ҳакида, ерларининг катталиги, ўз уйи ва ўзининг у ерда қилаётган ўзгаришлари ҳакида гапириб ўтириди. Унинг гаплари жонига теккан қизлар эса мусиқа бошланишини сабрсизлик билан кутиб, каминнинг устида турган ўзлари чизган расмларни томоша қила бошлашди. Ахири, йигитлар ҳам келишди. Уикхем хонага кириб келганда, Элизабет йигитни биринчи бор кўрганида ўзининг унга бошқача қарагани ва кейинчалик ҳам у ҳақда ҳаяжон билан ўйлаганини эслади. ...шир полки зобитларининг кўпчилиги ажойиб йигитлар бўлиб, бу ерга уларнинг энг танланганлари келишганди. Мистер Уикхем бўлса улар орасида кўриниши, ўзини тутиши ва юриши билан ажралиб турарди. У хонадаги ҳамма қизларнинг кўзи унда бўлган эркакларнинг энг омадли вакили эди.

Мистер Уикхем ва унинг бошқа зобит ўртоқлари қизларнинг эътиборини қозонишда мистер Коллинзни сояда қолдиришди. Қизлар учун у йўқдек бўлиб қолди. Шундай бўлса-да миссис Филипс вақти-вақти билан унинг гапларига берилиб қулоқ солар ва йигитни қахва-ю булкалар билан сийлар эди. Қарта ўйини бошланганда миссис Филипс уни ҳам таклиф қилди.

— Мен ҳали яхши билмайман, — деди у. — Лекин малакамни оширишим керак.

Мистер Уикхем қартада вист ўйнамас эди, шунинг учун уни бошқа столга таклиф қилишганда у бажонидил бориб Лидия ва Элизабетнинг ўртасига ўтириди. Бундай пайларда тўхтамасдан гапириш қобилиятига эга бўлган Лидия уни ўзига оғдириб олади, деган ҳавф бор эди. Лекин қиз тез орада ўйинга шунчалик берилиб кетдики, ён атрофидагиларга эътибор ҳам бермай қўйди ва мистер Уикхем уни дикқат билан тинглаётган Элизабет билан бемалол гаплашиш имкониятига эга бўлди. Қиз гаплашаётуб, ундан Дарси ҳақида эшишиб қолармикман, деб кутди. У ҳатто бу исмни айтишдан ҳам чўчиб турарди, алхол Уикхемнинг ўзи гап бошлади: Элизабетдан мистер Дарси бу ерларда қаҷондан пайдо бўлганлигини сўради.

— Бир ойча олдин. Эшитишимча, Дербиширда унинг катта ер-мулки бор эканми?

— Ҳа, зўр жой, — деди Уикхем. — Йилига ўн минг даромад келтиради. Бу ҳақда мендан ҳам аникроқ маълумот берадиган бирорласини учратишингиз даргумон. Мен болалиқдан бу оила билан боғлиқман.

Элизабет ўз ҳайратини яшира олмади.

— Ҳайрон бўлмай ҳам кўринг-чи! Кеча биз совуққина кўришганимизни сезмадингизми? Мисс Беннет, сиз у билан яқиндан танишмисиз?

— У билан ортиқ кўришишни хоҳламайдиган даражада! – ҳаяжон билан жавоб берди Элизабет. – Мен у билан бир марта тўрт кун бир том остида бўлишимга тўғри келганди, ўшанда менда жуда ёқимсиз таассурот қолдирган.

– Ёқимли ёки ёқимсиз, деб баҳо беришга ҳаққим йўқ, – деди Уикхем. – Лекин унга ҳақиқий баҳони бериш учун анчадан бери ва яхшигина биламан. Шундай бўлса-да, сизнинг мистер Дарси тўғрисидаги фикрингиз кўпларни хайрон қолдирган бўларди. Балки бошқа ерда ўз фикрингизни айтмаган ҳам бўлармидингиз.

– Худо ҳаққи, мен бошқа ерда гапириб бўлмайдиган ҳеч нарса деганим йўқ. Незерфилд бундан мустасно. У Хартфордширда ҳеч кимга ёқмайди. Бу инсоннинг кеккайиши ҳаммани ўзидан қочиради. У ҳақда мендан яхшироқ гапирадиган бироргасини топишингиз мушкул.

– Мистер Дарсими ёки бошқа бироннинг қилмишларига баҳо беришлари менга ёқмайди, деб ёлғон гапирмоқчи эмасман, – бироз сукутдан сўнг гап бошлади мистер Уикхем. – Лекин мистер Дарси ҳақида камдан-кам ёмон гапиришади. Одатда, унинг бойлиги ва қўли узунлиги одамларнинг кўзини қамаштириб кўяди ёки ўзини баланд тутишидан ўзларини йўқотиб кўядилар.

– Юзаки танишув ҳам унинг табиити оғирлигини сездириб қўяр экан.

Уикхем бошини чайқаб қўйди. Бироздан сўнг Элизабетдан сўради:

– Мистер Дарси бу ерларда анчадан бери яшаяптими?

– Хабарим йўқ. Мен Незерфилддалигимда унинг жўнаб кетиши тўғрисида гапиришмаётганди. Унинг бу ердалиги сизнингшир полкига жойлашишингизга халақит қилмайдими?

– Асло! Ундан кўрқадиган жойим йўқ. Биз ҳеч қачон дўст бўлмаганмиз ва уни ёқтирмаслигимнинг сабабларини хоҳлаган одамга айтишим мумкин. Биринчи сабаб – менга ўтказилган аччиқ алам. Унинг отаси марҳум мистер Дарси жуда яхши одам эди. Доим бу Дарси билан тўқнаш келганимда хотиралар эзади. У менга жуда кўп ёмонлик қилган. Лекин отасининг умидларини оқлаганда ва унинг хотирасини хор қилмаганда, мен ҳамма айбларини кечирган бўлар эдим.

Мистер Уикхем мистер Дарси ҳақидаги гапларини тўхтатиб, умумий гапларга ўтиб кетди: Меритон ҳақида, унинг чет қишлоқлари ва бу ернинг одамлари ҳақида гапирди:

– ...шир полкига кирав эканман, аввали бу ерда яхши дўстлар ортиришни режалаштиргандим. Бу полк донғи кетган ва ҳаммага ўрнак ҳарбий кисмлигини билардим. Лекин мени ҳарбий бўлишга тайёрлашмаганди. Унинг жойим черковда эди. Мени руҳоний бўлиш руҳида тарбиялашганди. Унинг тўғрисида гапираётганимиз жентельмен хоҳлаганди. Ҳозир энг зўр черков менинг ихтиёrimda бўларди. Марҳум мистер Дарси ўз ихтиёридаги ерлардаги энг яхши черковни менга атаганди. У ерда бўш ўрин бўлиши билан мен ўша ерга ўтиришим керак эди...

– Вой худо! – ҳайрат билан деди Элизабет. – Наҳотки? Мистер Дарси қандай қилиб отасининг васиятига қарши чиқди?! Сиз қонунга мурожаат қилмадингизми?

– Қоғозлардаги расмий ноаниқликлар бунга йўл кўймади. Номуси бор эркак марҳумнинг истагига қарши чиқмасди, лекин мистер Дарси бу қоғозларни ўзича талқин қилди. Васиятномадаги менга тегишли гапларни у шартли эди деб эълон қилди ва мен ўзимнинг енгилтаклигим, ҳаммасини елга совуришим, хуллас, ҳамма ёмон сифатларимдан келиб чиқиб бу хукуклардан маҳрум эканлигим айтилди. Шу нарса аниқки, бундан икки йил олдин черков бўш эди, мен эса бошқариш хукуқига эга ёшда эдим, лекин бермадилар.

– Лекин бу абраҳимлик-ку! Унинг шармандасини чиқариш керак эмасми?

– Эргами, кечми, охир шундай бўлади. Лекин буни мен қилмайман. Катта мистер Дарсининг хотираси тирик экан, мен кичик Дарсини ёмонотлиқ ёки шарманда қила олмайман.

Элизабет йигитнинг гапираётганда қандай чиройли бўлиб кетиши тўғрисида ўйлар экан, унинг инсонийлик ҳисларидан мамнун бўлди. Бироз сукутдан сўнг сўради:

– Бундай қилиш учун үнда қандайдир сабаблар бўлганни? Бунчаликка бориш учун нима сабаб бўлган экан?

– Менга нисбатан нафрат ҳисси. Агар мархум мистер Дарси мени шунчалик яхши кўрмаганда эди, ўғли менга яхшироқ муносабатда бўлармиди. Лекин отасининг менга қаттиқ боғланиб қолгани, менимча, ўғлининг ғашини келтирган.

– Мистер Дарси шундай одам бўлиши мумкинлигини хаёлимга ҳам келтиргмагандим. Очиги, у менга илгари ҳам ёқмасди. Лекин шунчалигини билмагандим.

Бироз жимлиқдан сўнг, Элизабет гапида давом этди:

– Уз отасининг яхши кўрган инсонига, яқин дўстига шундай қилиш! – Киз “кўринишининг ўзиёқ бир қараоща одамни маҳлиё қилиб кўядиган йигитга-я” демоқчи бўлди, лекин – Болалигидан ўзининг энг яқин дўсти бўлган инсонга нисбатан-а!? Яна билишимча, ўзи билан маълум бир жиҳатдан боғлиқ одамга-я! – деб қўя қолди.

– Биз битта поместье ва битта черковда туғилганмиз. Болалигимиз ҳам бирга ўтган – бир том остида яшаганмиз, бирга ўйнаганмиз, бизни бирга эркалатишган. Отам мархум мистер Дарси фойдасига ўзининг бутун ҳаётини Пемберлига бағишлиган. Кекса Дарси бунинг қадрига етарди. Оталаримиз дўст эди! Мистер Дарси доим ўз дўсти олдида қарздор эканлигини тан оларди. Отамнинг ўлимидан сал олдин ўз ихтиёри билан менинг келажакдаги ҳаётимни таъминлашга вайда берди.

– Ишониб бўлмайди! – ҳайратланди Элизабет. – Ҳатто мағрурлигидан келиб чиқиб ҳам мистер Дарси сизга нисбатан бурчини бажариши керак эди!

– Унинг ҳамма ҳаракатлари мағрурлиқдан. Кўп ҳолларда шундай бўлган. Лекин истисносиз қоидалар бўлмайди: менга келганда эса унинг хаёлини бошқа нарса банд этган, эҳтимол.

– Ҳаддан ортиқ мағрурлигидан наҳот унга бирор наф бўлса?

– Бўлмасам-чи! Унинг мағрурлиги қўпинча сахийлик билан пул улашибашга, меҳмон кутишга, камбағалларга ёрдам беришга ундайди. Бунинг ортида оиласиб мағрурлик ва ўғиллик ифтихори ётади – у отаси билан жуда фаҳранади. Ўз авлодининг довруғини йўқотиб қўйишдан, Пемберлининг бошқаларга таъсири ва машхурлигини бўшаштириб қўйишдан кўркиш унинг ҳаётида жуда муҳим.

– Мисс Дарси тўғрисида нима дея оласиз.

– У киз тўғрисида бажонидил яхши гап айтган бўлардим! Дарслиар хонадони тўғрисида ёмон гап гапириш мен учун жуда оғир. Афсуски, у киз худди акасининг ўзи – ҳаддан ортиқ мағрур. Лекин кичкиналигига ёқимтой, эркатой қизалоқ эди ва мени жуда яхши кўрарди.

Элизабет сухбат учун бошқа мавзу топишга қанча уринмасин, гап айланиб яна мистер Дарсига келди:

– Мени унинг мистер Бингли билан яқинлиги ҳайрон қолдирияпти. Нега ахир шундай самимий инсон мистер Дарсидек одам билан дўст тутиниб юриди? Сиз уни танийсизми?

– Йўқ, танимайман.

– Вой, жуда ажойиб инсон. У дўсти шунақалигини ҳатто тасаввур ҳам қила олмайди.

– Бўлиши мумкин. Агар мистер Дарси истаса хоҳлаган одамига ёқа олади. У нафақат жамият поғонасининг ўзидан куйирокда турадиганлар, ўзининг тенглари орасидагиларга ҳам ўхшамайди. Мағрурлик унинг йўлдоши. Бойларга нисбатан эса адолатли ва келишувчан. У бойларнинг жамиятдаги ўрни ва бойлигига тан берган ҳолда улар билан очик, самимий ва ҳатто одамшаванда.

Бироздан сўнг қарта ўйнаётганлар ўйинни тугатиб, стол атрофига тўпланишди. Маълум бўлишича, мистер Коллинз бирор марта ҳам ютмабди:

— Хоним, менга яхши маълумки, одам қарта столига ўтирап экан, бундай омадсизликларга тайёр бўлиши керак. Бахтимга, менинг шароитим шундайки, мен бу беш шиллинг учун қайғуришим шарт эмас. Леди Кэтрин де Бёр орқасидан шунчалар таъминланганманки, бундай майда-чуйдаларга эътибор бермайман.

Уикхемнинг қулоғига мистер Коллинз айтиётган гаплар кирди. У ярим овозда Элизабетдан унинг таниши де Бёрлар оиласи билан қай даражада иноқлигини сўради.

— Леди Кэтрин де Бёр яқиндагина унга черков приходини берган экан. У бу йигитга нега яхшилик қилганини билмайман, лекин уларнинг яқинлиги узокқа чўзилмаса керак.

— Леди Кэтрин де Бёр ва леди Энн Дарси опа-сингил бўлишганидан хабарингиз бўлса керак? Леди Кэтрин мистер Дарсининг холаси бўлади.

— Йўқ, буни билмасдим. Леди Кэтрин тўғрисида умуман ҳеч нарса билмайман. Ўтган кунигача мен бундай аёл борлигини хатто билмасдим ҳам.

— Унинг қизи де Бёр катта мерос олади. Одамларнинг айтишича, мисс Бёр ва унинг холавачаси иккала меросни қўшишмоқчи.

Бу сўзларни эшитган Элизабет бечора мисс Бингли эсига тушиб, жилмайди. Демак, унинг мистер Дарсини ўзига қаратиш учун қилаётган ҳамма харакатлари бекор экан-да!

— Мистер Коллинз леди Кэтрин ва унинг қизини кўкларга кўтаради. Лекин унинг ҳикояларида баъзи бир ғалати нарсалар борки, миннатдорчилик туйғуси унинг кўзини қамаштириб кўйгандек. Амакиваччамни қанчалик хурмат қилмайин, менга бу аёл енгилтак ва осмонда юрадиган бўлиб кўриняпти.

— Менимча, униси ҳам, буниси ҳам тўғри. Уни анча йиллардан бери кўрганим йўқ, лекин ҳукмфармо, кўпол қилиқлари менга ҳеч ёқмагани эсимда. У ўта ақлли ва маънили аёл сифатида донг таратган.

Леди Кэтринга берилган бу баҳо Элизабетга жуда ишонарли бўлиб туюлди. Бу икки ёш уларни овқатга чақиришгунча гаплашиб ўтиришди. Мистер Уикхемнинг ўзини тутиши ҳаммага ёқди: у нима қилмасин, чиройли бажарар, нима гапирмасин, чиройли гапирарди. Элизабет уйларига қайтаётиб факат Уикхем ҳақида ўйлаб кетди.

XVII БОБ

Эртаси куни Элизабет Уикхем билан бўлган гапларнинг ҳаммасини Жейнга айтиб берди. Жейн ҳайрон бўлиб қолди: наҳотки, мистер Дарси мистер Бинглига дўст бўлишга нолойиқ бўлса? Айни пайтда эса бу келишган ва жуда ақлли кўринган йигитнинг гапларига ишонмасликка ҳам ўрин йўқ. Ўз табиатидан келиб чиқиб Жейн иккала йигитга соя солиши мумкин бўлган ҳамма нарсани тушунмовчиликка йўйиб, уларни баравар оқлай бошлади:

— Менимча, улар иккиси ҳам бизга номаълум сабабларга кўра хато қилишган. Балки, душманлик қилмоқчи бўлган баъзи кимсалар уларга бир-бирлари ҳақида нотўғри маълумот беришгандир. Лекин орадаги низо нимадан чиққани биз учун қоронғу ва бу биз учун сир бўлиб қўя қолсин.

— Унда, азизам Жейн, бу ишга аралашганлар — ёмон мақсадли одамлар ҳимояси учун нима дейсан? Ахир, барибири кимдир тўғрисида ёмон ўйлашимизга тўғри келади-ку?

— Хоҳлаганингча кулишинг мумкин, лекин фикримни ўзгартира олмайсан. Лиззи, азизам, ўйлаб кўр, ахир бу мистер Дарсини атрофдагиларга қанчалик ёмон кўрсатиб кўяди. Отаси яхши кўрган, бир умр таъминлаб кўйишга сўз берган йигитчага нисбатан шундай муносабатда бўлиш! Ишониш қийин!

— Мен учун мистер Уикхем айтиб берган гаплар ёлғонлигидан кўра, мистер

Бингли дўст танлашда янгишганлигига, ишониш осонроқ.

- Нима дейишни ҳам билмайсан – ҳаммаси бираро чалкаш ва ёқимсизки.
- Кечирасан-ку, лекин бу хақда нима деб ўйлаш менга аниқ.

Жейн учун эса битта нарса – агар мистер Бингли ростдан ҳам янгишганини билиб қолса қандай афсусланиши аниқ эди.

Беннетлар оиласидаги ҳамма аёлларнинг фикри-зикри Незерфилдда ўтказиладиган балда бўлиб қолди. Миссис Беннет бу бал унинг Жейни шарафига ўтказилаяпти, деб ўйлар ва таклифнома юбориб кўя қолмай мистер Бинглининг шахсан ўзи уларни таклиф қилиш учун Лонгборнга келганидан жуда қувониб кетган эди. Жейн эса зиёфат чоғи икки дугонаси билан биргалиқда, мистер Бингли томонидан ўзига қилинажак дикқат-эътиборни тасаввур қилиб қувонарди. Кэтрин ва Лидия интизорлик билан кутаётган хушҳоллик эса бирор-бир аниқ кимса ёки воқеа билан боғлиқ эмасди.

Элизабетнинг ҳам кайфияти зўр эди. У охирги пайтларда мистер Коллинз билан иложи борича камроқ гаплашишга уринаётган бўлса-да, бу гал ўзини тўхтата олмай ундан мистер Бинглининг таклифиға қандай қарашини, унинг даражасидаги одамга бундай жойларда қатнашиш мумкинми ёки йўқлигини сўради. Жавобни эшитиб ҳайратта тушди: амакиваччасининг бу борада ҳеч қандай гумони йўқ, архиепископ ва леди Кэтрин де Бёрларнинг ҳам ман қилмасликларига имони комил.

– Ҳамма учун хурматли бўлган инсон томонидан хурматли инсонлар учун ўтказилажак бундай зиёфат, менимча, ҳеч қандай ёмон ниятни қўзда тутмаса керак. Мен рақсга тушишни ёқтирамайман эмас, аксинча, зиёфат давомида амакиваччаларимнинг ҳар биттаси билан рақсга тушиш имкони бўлади, деб умид қиласман. Вақтдан фойдаланиб, азизам мисс Элизабет, сизни биринчи рақсга таклиф қилиб қўйишга рухсат берсангиз.

Элизабет қувун тушириб қўйганини англади. Ўзини рақсга биринчи бўлиб мистер Уикхем таклиф қилишига ишончи комил эди. Энди эса мистер Коллинз билан тушишига тўғри келади. Лекин мистер Коллинзнинг таклифида оддий хушмуомалалиқдан ташқари яна нимадир борлиги Элизабетга ёқмади. Шунда унинг хаёлига биринчи марта, ахир айнан ўзи Коллинзнинг Хансфорддаги хонадонига бека бўлиши мумкин-ку, деган фикр келди. Шундан сўнг Элизабет ўз чиройидан мамнунлик эмас, шундай бўлса онасининг қувонишини ўйлаб, саросимага тушиб қолди.

Агар Незерфилддаги бал, унга тайёрланиш муаммолари бўлмаганда, кичик мисс Беннетлар балки ўзларини энг баҳтсиз ҳис қилишарди: балга таклиф кунидан то бал кунигача тўхтамай ёмғир ёғди ва улар Меритонга боришдан маҳрум бўлишди.

*Рус тилидан
Мұхаббат ИСМОИЛОВА
таржимаси*

(Давоми бор)



Лаша ТАБУКАШВИЛИ

ХАЁЛОТ ДАРДИДА

(Икки қисмдан иборат пьеса)

ИККИНЧИ ҚИСМ¹

7

Резо билан Еленэ нонушта қилиб ўтиришибди. Резо ўйчан бир ҳолатда. Оғзидаги луқумни на ютади ва на чайнайди.

Еленэ. Резико, нима бўляпти ўзи?

Резо унинг нима демокчи бўлганини англамай, қараб қолади.

Нега оғзингни тўлдириб олдинг-у, чайнамаяпсан?

Резо тезлик билан чайнай бошлайди.

Шошилма. Овқатни яхшилаб, обдан чайнаш лозим.

Резо тамаки тутатади.

Ҳеч нима емадинг-ку!

Резо. Раҳмат. Бошқа егим йўқ.

Еленэ. Сўнгги пайтларда негадир асабий бўлиб қолдинг.

Резо. Сизга шунака туюлаётгандир.

Еленэ. Арзимаган нарсага жаҳлинг чиқади. Паришонхотир бўлиб қолдинг. Нинико қаёққа ғойиб бўлди? Нега жимсан, билмайсанми?

Резо. Билмайман.

Еленэ. Нега билмайсан?

Резо. Нима учун билишним керак?

Еленэ. Билишинг шарт, деб ўйлайман.

Резо. Буви, мен сизни танимай қоляпман, илгари ҳеч қачон бунақа тергамас эдингиз. Бу нима, сўроқ қиляпсизми?

Еленэ. Нима, билишга ҳаққим йўқми? Ёки бир-биримизга бегонамизми?

Резо. Бегона эмасмиз, лекин сизга бунинг нима аҳамияти бор?

Тушунмаяпман.

Еленэ. (ўта жисоддий). Мен ҳадемай ўламан.

Резо. Бўлмаган гап. Бемаъни гап!

Еленэ. Сезиб юрибман. Ўзим яхши биламан.

Резо. Буви, қўйинг бунақа гапларни!..

Еленэ. Майли, буни қўйиб турайлик. Сен Ниникони севасан, у-чи?..

Резо. Бемаънилик бу.

Еленэ. Мухаббат – бу бемаънилик эмас, болагинам.

Резо. Буви, илтимос, бу тўғрида гаплашмайлик, кераги йўқ.

¹ Давоми. Боши ўтган сонда.

Е л е н э. Ким билади, сен орзу қилган, сен ахтараётган ўша туман ортидаги сирли фантом балки шудир, фақат ўзинг шундайлигига ишонмаётган бўлишинг мумкин?

Р е з о. Бугун қанақа кун ўзи! Каллаи саҳардан ҳали ўлим ҳақида, ҳали севги-муҳаббат ҳақида гапириб қолдингиз! Келинг, яхшиси, бошқа нарсалар тўғрисида гаплашайлик.

Е л е н э. Мен яқинда ўламан, болагинам.

Р е з о. Яна шу гап!

Е л е н э. Мен ўладиган бўлсам, ёнингда яхши бир одам бўлсин, дейман.

Р е з о. Ўлим ҳақида гапирманг. Бу ҳақда ҳатто ўйлашингизни ҳам истамайман.

Е л е н э (*замгин*). Кўрс бўлиб кетяпсан.

Р е з о. (*жасал билан*). Кўрс бўлиб кетяпманми?! (*Шаштидан тушиб*) Узр.

Сукут.

Мени кечиринг. Ўзим ҳам тушунмай қолдим. Гапимга ишонинг, мутлақо тушунмай қолдим.

Е л е н э ўрнидан туриб, идииларни ийгишитира бошлиайди.

(*Унга ёрдамлашиди.*) Бу, муҳаббат, дегани касофат бир нарса бўлса керак.

Е л е н э. Юзимга бурқситма. (*Иўталади.*)

Р е з о. Узр. (*Нари кетади.*) Касофат.

Е л е н э. Муҳабатни қоралама. Уни авайлаб-асраш керак. (*Чиқиб кетади.*)

Р е з о у ёқдан бу ёққа юради. Столдаги қаламлардан бирини олиб, уни арчий бошлиайди, бир нафас ўйланиб туриб, илдам телефон ёнига бораоди. Рақам тераоди.

Р е з о (*гўшакка*). Кечирасиз, Ниникони телефонга чақириб беролмайсизми? (*Холати ўзгаради.*) Қаёққа кетди дедингиз? Таллинга? Қачон?.. Мен... мен ўрготгиман... Кечирасиз... (*Эсанкираб гўшакни жойига қўйди. Яна телефон гўшагини қўлига олади.*) Бадри? Бу мен. Оғайни, мен Таллинга кетяпман. Бугуноқ. Тезда пул керак. Гелага кўнғироқ қил. У ҳам қанча пули бўлса, барини олиб келсин. Топганингдан кейин менга кўнғироқ киларсан. Кутаман.

Е л е н э киради. Қиёфаси батамом ўзгарган, эгнида узун оқ қўйлак..

Ажабо, нақадар чиройли!

Е л е н э. Сенга маъқул бўлдими?

Р е з о. Маъқул бўлганда қандоқ!

Е л е н э (*мамнун жислмаяди*). Қиз пайтимда кийган қўйлагим. Негадир хозир бирдан кийгим келиб қолди... Бу қўйлакда буванг билан биргаликда самбиттол якшанбалитини ўтказганман.

Р е з о. Қачон бўлган бу?

Е л е н э. Жуда кўп вақт бўлди бунга.

Р е з о. Буви, бувамнинг сизга қандай хушомад қилганлари тўғрисида менга ҳеч гапирмагансиз.

Е л е н э. Ёш бўлгансан, шунинг учун ҳам гапирмаганман.

Р е з о. Сизнинг дардингизда ақл-хушини йўқотган бўлса керак, а?

Е л е н э. Аксинча. Барча қизлар унинг шайдоси эди. Жумладан мен ҳам.

Р е з о. У-чи?

Е л е н э. Уми? Келишган, хушқомат, ўта мағрур йигит эди. Умуман сенинг авлодингдаги эркакларнинг бари чиройли ва мағрур кишилар бўлган. Шунингдек, жанжалкаш ҳам эди. Сенинг бобонгда...

Р е з о. У сизни қандай қилиб севиб қолган?

Е л е н э. Қандай қилиб севиб қолганини билмайман. Қандай севги изҳор қилганини хозир айтиб бераман... Кунлардан бирида, худди кечагидек ёдим-

да, уйимизга келиб, мени самбиттол байрамига таклиф қилиб қолди. Мен розилик бермадим, албатта.

Р е з о. Нега?

Е л е н э. Ичимда рози бўлиб турсам-да, рози бўлмагандек тутдим ўзимни.

Р е з о. Тушунарли, ноз қилгансиз-да.

Е л е н э. Албатта. Отам эса шундай деди: “Элизбар Мхеидзе чинакам олийжаноб йигит, шаънига доғ тушмаган ҳақиқий инсон. Унинг илтифот билан қилинган таклифини рад этиш – уни қаттиқ ҳақорат қилиш, дегани.

Р е з о. Тўғри!

Е л е н э. Нима қилишим керак эди? Соябон аравасига чиқиб ўтиридим-у, Сионск ибодатхонаси томон елиб кетдик. Бир биримизга қарамаймиз, гаплашмаймиз, аразлашиб қолган болалардек ўтирибмиз... Унинг ранги-рўйига, мен сенга айтсам, қараёлмаганман.

Р е з о. Нима бўлган?

Е л е н э. Мурдадек оқариб кетган эди. Бир пайт аравани тўхтатиб, ерга тушди-да, ёнидан пистолетини олиб, чаккасига қадади... Бўзрайиб туриби. Лекин шу ҳолатда ҳам ўта хушсурат эди. “Хурматли Еленэ, – деди. – Гапим қисқа. Менинг хаётим сизнинг кўлингизда. Ё иккимиз ҳозир ибодатхонага кириб, никоҳдан ўтамиз, ё – ҳозир ўзимни отаман!”

Р е з о. Унинг ўлишига имкон бермаган бўлсангиз керак?

Е л е н э (*маъюс жислмаяди*). Хуллас, ибодатхонага кириб бордик. Каттакатта иккита шаъм ёкиб, бир-биримизга муҳаббат изҳор қилдик... Кейин, уйга қайтаётганимизда у менинг кўлимни ўпди...

Р е з о. Энди юзингиздан ўпса ҳам бўларди-ку.

Е л е н э. Қаердандир “Риорита” эшитилиб турарди...

Р е з о. “Риорита” дегани нима?

Е л е н э. Шунақа кўшиқ бор эди. (*Секин куйлайди.*) Биз, ёшлар ўша куйга рақсга тушардик. “Риорита” билан мана бу кўйлак менга ўша самбиттол якшанбалигини эслатади.

Р е з о. Буви, менга пул керак.

Е л е н э (*хеч нарса англамаган ҳолда Резога қарайди*). Нима дединг?

Р е з о. Менга зудлик билан пул зарур.

Е л е н э. Кўп керакми?

Р е з о. Ҳалиги, костюмга деб олиб кўйилган пул...

Е л е н э. Костюм нима бўлади?

Р е з о. Ишонинг, бу пул менга ўта зарур. Зудлик билан Ниниконинг ёнига боришим керак. Самолётда.

Е л е н э, (*хавотирда*). Нима учун? Бирон нарса бўлибдими?

Р е з о. Йўқ. Ҳеч нарса бўлмаган. Фақат мен тезда учиб боришим керак. Зудлик билан Таллинга учишим зарурлигини ҳозирenglадим, тушуняпсизми?

Е л е н э. О, Худо. Шунақа демайсанми, ўтакамни ёрдинг-ку. (*Чиқиб кетади.*)

Эшикнинг кўнгироги жисиринглайди. Р е з о эшикни очади. Шитоб билан Л е н а кириб келади.

Л е на. Жўмракни очик қолдирма, деб миллион марта огоҳлантирганман!.. Энди бор, ўзинг бартараф қил сувни!

Р е з о. Секинроқ... Бувим эшитиб қолмасин...

Л е на. Аслзодалик одатларингни бошқа жойда кўрсатасан! Тезда тушиб, сув тозала. Бўлмаса милицияга шикоят қиласман!

Р е з о. Азизим, ўзингга бир қара.

Л е на. Менга нима бўпти?

Р е з о. Сенга асабийлашиш ярашмас экан, ўлиб қолишинг мумкин.

Л е на. Ҳақорат қилмоқчимисан? Пастга тушасанми-йўқми?

Р е з о. Лена, азизим, тинчлан, пастга тушаманми-тушмай-манми, таъмирлаб бераманми-йўқми, фақат, илтимос, овозингни ўчир.

ЖАҲОН АДАБИЁТИ

Л е н а. Нима-а?! (*Фазабдан тили гапга келмай қолади.*)

Р е з о. Мана бу яхши. Бувимлар оқ кўйлагини кийиб олган. Сенинг шовқинингни улар эшитмасин, дейман. Бувимлар ёшлигини хотирляяпти, тушунасанг-чи!

Л е н а. Ёнида ким бор? Хой, ярамас, ҳеч бўлмаса жўмракни бураб қўйсанг-чи! Оқиб ётиби!

Р е з о. Кетдим!.. (*Чопиб чиқиб кетади ва зумда қайтиб киради.*) Ўчирдим.

Елиб К и р и л э киради.

К и р и л э (*Ленага*). Азизим, шифтнинг бир парчаси кўчиб тушди.

Р е з о. Кетдик. Менинг ортимдан! (*Чопиб чиқиб кетади.*)

Л е н а. Хой, Мхеидзе, аслзода оқсусяклик қиликларингни йиғиштириб кўй, ҳозирги замонда ҳамма тенг... (*Ўнинг ортидан чиқиб кетишиади.*)

Кўлида пул ушлаб Е л е н э киради. Телефон жиринглайди.

Е л е н э (*ѓўшакқа*). Лаббай?...Луиза? ... Йигитча, бошқа жойга тушиб қолдингиз. Нима? Йўқ, йигитча, мен энди, афсуски, Луиза бўлолмайман. Хайр. (*Ѓўшакни жойига қўйиб, ўйланиб қолади.*)

Яна телефон жиринглайди.

Эшитаман... Бадри? Саломатмисан, болагинам... Раҳмат, раҳмат, ҳечқиси йўқ. Билмайман ҳозиргина шу ерда эди. Пальтосини киймасдан чиқибди, балки қўшниларникидадир... Хўп, хайр, Бадри. (*Ѓўшакни қўйиб, турмоқчи бўлади, чайқалиб кетиб, ўтириб қолади.*)

Р е з о шитоб билан кириб келади. *Муштлари тугилган.*

Р е з о. Таъмирлаш ҳаққини тўлашим керак эмиш!.. (*Бувисининг аҳволини сезиб*) Бувисизга нима бўлди?

Е л е н э. Юрагим бекорга сезмаган экан..

Р е з о. Бу нима деганингиз?

Е л е н э. Секин...секин...

Р е з о. Бувижон!..

Е л е н э. Қичқириш керакмас... Менга тегма, болам, оғрияпти, тўхтаб тур, мен ҳозир...

Р е з о. Тез ёрдамни чақираман!.. Доктор чақираман... (*Телефонга қараб интилади.*)

Е л е н э. Керак эмас...болам..

Р е з о. Керакмас! Керакмас! Ўтиб кетади, бу шунчаки... Кўрқадиган ҳеч нарса бўлганий йўқ, шунчаки...

Е л е н э. Кўрқаётганим йўқ... Кўрқаётганим йўқ... (*Унга тикилиб қарайди.*) Фақат сени ўйлайпман, болагинам...

Р е з о (*яраланган кимсадек қичқириб*). Бувижон, кетманг!!!

Аллақаёқлардандири Риорита” мусиқаси янграйди.

Ўша хона. *Кўрпа-тўшагу боиқа буюмлар сочилиб ётибди, стол-стуллар бетартиб равишда сурилган.* Р е з о киради, пальтосининг ёқаси кўтариб қўйилган, соқол-мўйлови қирилмаган, қўлида бир банка консерва, булка нон. Пальтосини ечиб, кўрпа-тўшаклар устига ташлайди-да, ваннахонага ўтиб кетади. Сувнинг шилдираши эшишилади. Сочиқ билан қўлларини артиб,

қайта киради. Фикрини жамламоқчи бўлади шекилли, бир нафас ўйланиб туриб қолади, сўнг сочиқни гижимлаб бир чеккага отади. Консервани очади ва ноннинг бир парчасини узуб олиб, ея бошлиайди.

Телефон жиринглайди.

Р е з о (*гўшакни кўтариб*). Ҳа... Мен... Нима?.. Йўқ... Қабристонда... Билмайман... Қачон тамомласам – ўшанда... Ёрдам керак эмас, бусиз ҳам кўп кўмак бердиларинг... Балки икки ҳафтада ўлгуреб қоларман... Бўлмаса уч ҳафта... Керак эмас... Истамайман... Гела, мен сенга, йўқ, деяпман... Нима керак – ҳеч нарса керак эмас... Уйқим келяпти. Ҳа, ётиб ухлайман. Хўп, эртагача. (*Гўшакни жойига қўяди.*)

Телефон жиринглайди.

(*Гўшакка*) Эшитаман... Салом... Ҳа, бу яна мен... Танимаяпсанми?.. Овозим бошқачами?.. Ҳа, сени танимасин деб, атайлаб овозимни ўзгартириб гапиряпман... Ҳали ҳам Луизани қидиряпсанми? Қидравер, қидравер... Жонсарак, безовта одам... Мен ҳозир шунаقا осойиштаманки, бирон кимса безовта қилса дейман! Хайр. (*Гўшакни жойига қўяди.*)

Эшикнинг қўнгироги жиринглайди. Р е з о эшикни очади. Бир шиша конъяк кўтариб К и р и л э киради.

К и р и л э. Резо, нега эшигинг тагида ўлган мушук ётибди?

Р е з о. Қанака мушук? (*Шошиб ташқарига чиқиб киради.*) Қаерда?

К и р и л э. Ҳазиллашдим... (*Хурсанд бўлиб, шарақлаб кулади.*) Ҳазил!.. (*Хоҳолаб кулади.*) Азизим, мени кечиргайсан. Бир ҳазиллашгим келди... (*Кўз ёшиларини артади.*) Биласанми, уйда ёлғиз ўзим ўтирган эдим. (*Шишини столга қўяди.*) Тўсатдан каллам: Ҳой, Кирилэ, ёнгинангда қўшнинг бор, нега у билан уриштириб ичмайсан, деб қолди. Мен, ҳа, у билан уриштириб ичишини хоҳлайман, дедим. Астойдил истайман!

Р е з о (*ажабланниб*). Марҳамат, ўтиринг.

К и р и л э. Ҳўп бўлади. (*Ўтиради.*) Сен мендан хафа эмасмисан? Мен сендан хафа эмасман.

Р е з о. Хафа эмасман... Балки мендан кимдир хафадир.

К и р и л э. Сен хафа бўлмасанг, мен хафа эмасман. Сен Ленадан хафамисан?

Р е з о. Йўқ, хафа эмасман.

К и р и л э. У ҳам сендан хафа эмас. Ленани бирон кимса хафа килгудек бўлса – мен уни харакири қиласман!

Р е з о. Кимни?

К и р и л э. Ўшани.

Р е з о. У ким экан?

К и р и л э. Ҳозирча билмайман. Билсам – айтганимни қиласман.

Р е з о. Буни нега менга айтяпсиз?

К и р и л э. Шунчаки, ҳар эҳтимолга айтдим-қўйдим-да. (*Конъякни очади.*) Азизим, кечирасан, қутлуқ уйга ўз ичимлигинг билан келиш одатданмас, биламан, илло мен...

Р е з о иккита стакан келтириб қўяди. К и р и л э конъякни қўяди.

Менинг тўртта ака-укам бор. Биттаси – амакивачча. Жуда яхши одам! Бакувват, семиз, чиройли. Турмуши зўр. Сарёғдаги бир бўлак пишлоқдай. Мен унга сени яхши одам, деб мақтадим. У: “Майли” деди.

Р е з о. Нима – “майли”?

К и р и л э. У сени оддий ишчи қилиб расмийлаштириб қўяди. Ҳафтада бир марта башарангни кўрсатиб қўйсанг, бас. Бошқалар, қалбаки, деб

ўйламаслик учун. Бир ойда икки марта моёна олгани бориб турасан. Икки юз сўм қорнингни оғритмас!

Р е з о. Раҳмат сизга, лекин мен...

К и р и л э. Бас, ҳеч қандай “лекини” йўқ.

Р е з о. Менинг мутахассислигим бошка.

К и р и л э. Менга қара, мутахассисликнинг сенга нима кераги бор? Оддий ишчи бўласан. Фаҳрли! Одамлар хурмат қиладиган бўлишади! Ҳеч қандай иш қилмайсан, бармоғингни бармоғингга теккизмайсан.

Р е з о. Гап бунда эмас. Метродда ишлайпман, кечалари.

К и р и л э (*ваҳимали оҳангда*). Нима бало тешик кавляяпсанми?!

Р е з о. Қанақа тешик?

К и р и л э. Ҳалиги, нима дейиларди? Поезд у ёқдан бу ёққа юрадиган...

Р е з о. Туннелми?

К и р и л э. Топдинг!

Р е з о (*кулади*). Йў-ўқ, бу ишни малакали ишчилар бажаришади, мен эса вагонларни ювадиган оддий ишчиман.

К и р и л э. Арзимаган пул учун жонингни жабборга бериб юрибсанми?!

Р е з о. Ёмон ҳақ тўлашмайди.

К и р и л э. Менга қара, мени кечирасан-у, мен яхши одам сифатида сендек яхши бир одамга яхшилик тилаяпман.

Р е з о. Раҳмат.

К и р и л э. Менга қара, мен сенга ёрдам бермасам, кейинчалик сен менга ёрдам бермасанг – қанақа ҳаёт бу! Бу қадаҳни, Резо, раҳматли бувинг учун ичаман. (*Ўрнидан туради.*)

P e z o ҳам туради.

Жойи жаннатда бўлсин! Сени бу дунёда эришган ютуқларингдан бувинг у дунёда қувониб юрсин!

Ичишади. Қайта ўтиришишади.

К и р и л э. Қанақа зўр коняк-а! Ҳой. менга қара, энди ёлғиз яшаяпсанми?

Р е з о. Баъзида дўстларим келиб туришади.

К и р и л э. Ҳа,ҳа... (*Имо қилиб*) Дўстлар, ҳалигиндақа киз ўртоқлар!

Р е з о (*беозор жисмаяди*). Сизни қисқа муддатга холи қолдирман. Картошка пишириб келаман.

К и р и л э. Менга қара. Кераги йўқ. Бас. Гапимни эшишт!

Р е з о. Эшитяпман.

К и р и л э. Менга қара, Резо, Тбилисимида қизлар жуда кўп экан! Ах-ах... Эшитяпсанми, ғоят кўпайиб кетибди, эшишиб ҳайрон қолдим.... Таниш қизларинг борми?

Р е з о. Нима эди?

К и р и л э. Мен сендан дўстим сифатида сўраяпман. Танишларинг бўлса: “Кирилэ, танишларим бор!” де. Йўқ бўлса, менга айт-чи, нега йўқ?

Р е з о. Кечирасиз, мен сизни тушунмаяпман.

К и р и л э. Менга қара, қўшни, қаллам баъзида ҳаёт тўғрисида ўйлаб қолади. Биласанми, нима деб ўйлайди? “Аёллардан лаззатлироқ роҳат йўқ бу дунёда!” дейди. А?

P e z o қовогини уйиб тинглайди.

Мен олдинлари кўпроқ пул топиш тўғрисида ўйлардим, энди жононлар ҳақида ўйлайдиган бўлиб қолдим. Мен сенга айтсам, бир ҳафта олдин битта аёл билан танишиб қолдим. Тўладан келган, бақувват, яхши аёл. Ресторанг олиб кирдим, анчагина пул сарфладим, лекин бари беҳуда кетди!..

P e z o тишиунмайди.

Боққа олиб кирай десам, бу менга ярашмайди.

Р е з о. Нега?

К и р и л э. Ёшлик пайтимда-ку – бўлаверарди. Энди эса... Ресторанга олиб бордим. Яхшилаб ичирдим, едирдим, танса-манса дегандек... Хуллас, яхши квартира керак бўлди...

Р е з о. Бирон бошпанангиз йўқми?

К и р и л э. Ҳамма гап шунда-да. Йўқ, вассалом! Кел, ичайлик. (*Стаканларга конъяк қуяди.*) Сенга муваффакият тилайман, азизим. Ҳар иккимиздан пул ва аёллар аримасин!

Р е з о. Раҳмат.

Ичишиади.

К и р и л э. Менга қара, Резико, сенинг уйинг бор, менда йўқ. Сенинг таниш аёлларинг бор, менда эса машина бор – марҳамат! – Озгина пул бўлса, бас, бари жойида булади.

Р е з о. Нима, гурух-гурух бўлиб, ҳалиги иш билан шуғулланамизми?

К и р и л э (*жонланиб*). Ҳа-да!... Бу нима дегани ўзи?

Р е з о. Кейин айтиб бераман. Асосий гапга ўтайлик.

К и р и л э. Яхши.

Р е з о. Асосий гап шуки, бунақа бемаъниликлардан кейин хурматли рафиқангизнинг кўзига қандай қарайман?

К и р и л э. Қанақа ҳурматли?..

Р е з о. Сизнинг хурматли хотинингизни айтаяпман.

К и р и л э. Бас қил, Резико, бас қил! Нега сен унинг кўзларига қаравшинг керак?

Р е з о. Зинада кўриб қолгудай бўлсам...

К и р и л э. Қарама унинг кўзларига.

Р е з о. Ҳеч ҳам қарамайми?

К и р и л э. Албатта! Ҳеч ҳам қарама!

Р е з о. Эрингиз ман қилган, дейман.

К и р и л э. Истасанг, айтавер. Эрингиз рухсат бермайди, де.

Р е з о. Ҳўп, яхши. Кўз муаммосини ҳал қилдик. Демак, дастурхонга кўйиладиган емак билан ичкиликни сиз зиммангизга оласиз.

К и р и л э. Борди-келдилар ҳам...

Р е з о. Машинада бўлса, яхши. Аъло нав сигаретни ҳам ўзингиз олиб келасиз. Лекин айтиб кўй, нархи ниҳоят баланд.

К и р и л э. Ҳали, оёқларининг тагига қоракузан мўйнали пўстин ташлаб кўйиш керак, дерсан! Аъло навли сигарет чекмаса ҳам бўлаверади, ўлиб колишмайди!

Р е з о. Майли, эркалатмаганимиз маъқул.

К и р и л э. Менинг айтганимни қиласверсанг, ҳаммаси жойида бўлади. (*Хонага назар ташлаб олиб*) Молхонага ўхшаб қолибди. Тартибга келтириши керак.

Р е з о. Ҳўп бўлади.

К и р и л э. Дўйстларингни уйингга яқинлаштирамайсан. Ўралашиб юрмасин.

Р е з о. Яқинлашмайди.

К и р и л э. Ичайлик. (*Стаканни кўтаради.*) Бутун дунёда тинчлик учун! (*Ичади.*)

Р е з о. Сэр, бугунок, кечга иккита жонон муҳайё бўлади!

К и р и л э (*юзини бурушитириб*). Оқ-сариқ сочли, дейсанми Тузуккинами?

Р е з о. Сифат кафолати билан.

К и р и л э (*бир зум ўланиб туриб*). Бугун кечга... бугун кечга. Ҳўп, майли. (*Ёнидан ҳамёнини олиб, пул санаб Резога беради.*) Фақат ҳаммаси аъло даражада бўлсин: шампан-мампан... дегандай, нарёғини ўзинг биласан.

Р е з о (*пулни олиб, шошимасдан санайди*). Ҳурматли Кирилэ, ёшингиз нечида?

К и р и л э. Ҳозирча қирқ бешдаман, яшаб келаяпман, шикоят қилишга асосим йўқ. Яна яшагим бор.

Р е з о. Ундоқ бўлса... (*Кирилэнинг энгагидан ушлаб, тул билан унинг бурнига ура бошлиди.*) Бир, икки, уч, тўрт... Фингшимай тур! Беш, олти, етти... Жин урсин, қирқ бешга етказа олмайман шекилли, қўлим толиб қолди. (*Уни қўйиб юборади.*)

К и р и л э (қичқириб, бўғилиб). Мен сени милицияга ўтқазиб қўяман!

Р е з о. Бирон ерингни майиб қилиб қўймасимдан йўқол! (*Коњъак ва пулларни қўлига туттириб, эшик томон итариб юборади.*)

*К и р и л э чотиб чиқиб кетади. Р е з о тунд ҳолатда
стулга ўтиради. К и р и л э қайтиб киради.*

К и р и л э. Эшикни оча олмадим...

Р е з о (*Кирилэнинг ортидан чиқиб*). Даб бўл! (*Қайтиб киради, сигарет тутматади. Ўтиради, сўнг ўрнидан туриб, хона бўйлаб у ёқдан бу ёққа юради.*)

Телефон жиринглайди.

Лаббай... (*Туси ўзгаради.*) Наҳот сен бўлсанг?.. Салом. Қачон келдинг?.. Хабаринг борми?.. Қачон келасан? Тезда, дейсанми? Тезроқ кел! Орзиқиб кутаман!! (*Уй жиҳозларини у ёқдан бу ёққа сурис, хонани тартибга келтира бошлиди. Электрустарани қўлига олади, юра туриб кийинади, Ваннахонанага шошилади, орқага қайтади.*)

Тўсатдан чироқ ўчади.

Бу нимаси тағин!.. (*У ер-бу ерга шам ўрнатиб, уларни ёқиб қўяди.*)

Эшик тақиллайди.

Кетяпман!..

*Н и н и к о киради. У билан бирга хонага
шариплаб ёгаётган ёмеирнинг товуши кириб келади.*

Сени менга яна ёмғир олиб келдими? Салом!

*Ҳар иккаласи бир бирини қучишига ҳозир, аммо журъат
қилишимайди. Нинико қўлини узатади, Резо ҳам қўл беради.*

Яна ёмғир ва сен... Шамлардан ажабланма, чирогимиз ўчиб қолди. (*Унинг ёмғирпўшини ечиб олади.*)

Н и н и к о. Бувимларнинг вафот қилганларини бехабар қолибман. Билганимда келган бўлардим...

Р е з о. Бувим сени астойдил яхши кўрарди. Ўлишдан олдин эслади.

Н и н и к о. Мен ҳам яхши кўрардим.

Р е з о. Менда шампан виноси бор. Қаердадир ётибди. (*Шишани олиб келади.*) Ўтир. Омон-эсон келганинг учун ичамиз. (*Стаканларга қуяди.*)

Н и н и к о. Раҳмат.

Р е з о. Амалиёт яхши ўтдими?

Н и н и к о. Яхши.

Р е з о. Ўзинг мамнунмисан?

Н и н и к о. Мамнунман.

Р е з о. Таллин ёқдими? Яхши шаҳар эканми?

Н и н и к о. Ажойиб шаҳар экан. Кичкина, ўта шинам, одамлари яхши.

Р е з о. Таллинга бормоқчи эдим, лекин...

Сукум.

Н и н и к о. Сигаретингдан бер.

Р е з о. Чекадиган бўлдингми?
 Н и н и к о. Йўқ, шунчаки, баъзи-баъзида.
 Р е з о. Даданг қалай?
 Н и н и к о. Раҳмат. Яхши.
 Р е з о. Сени соғинган бўлса керак?
 Н и н и к о. Ҳа, роса соғинибди. Ахир менинг уйдан бирон ёққа кетишимга
 кўйикмаган-да. Умуман...
 Р е з о. Билсанг агар, мен ҳам жуда соғиндим сени!

Сукут.

А?.. Сен-чи?
 Н и н и к о. Резо, сен ҳақингда кўп ўйладим.
 Р е з о. Нималарни ўйладинг?
 Н и н и к о. Билмайман. Кўп нарсаларни...
 Р е з о. Ҳамма ерда кўзимга кўрингандек бўлаверасан. Кеча қабристонда
 тўсатдан айни сеникига ўхшаган оч бинафшаранг плашли бирони кўриб
 қолдим-у, орқасидан чопиб, етиб олдим, аммо... Хуллас, сенми деб, ўша
 кизни кўркитиб юбордим.

Н и н и к о. Қабристонда тез-тез бориб турасанми?
 Р е з о. Ҳар куни бориб турибман. Кеча қоронги тушгунча бўлдим у
 ерда. Охирги автобусда қайтиб келдим. Автобус тўла қора кийинган аёллар.
 Ҳайдовчи, негадир, чирокни ёқмади. Фантасмагория... Аёлларнинг бари мен-
 га қараб ўтиришганини тўсатдан сезиб қолдим. Бир ғалати бўлиб кетдим.
 Улар менга нариги дунёдан қараб туришгандек туюлди... Онамнинг ўлимига
 сабабчи бўлган менман-ку, ахир!..

Н и н и к о. Резо, бу гапларни қўй, сенинг ҳеч қандай айбинг йўқ.
 Р е з о. Ана шунда яна сен ҳақингда ўйлай бошладим-у, енгил тортдим.
 Коронгида сувратингни кўз олдимга келтириб, ором олдим. Кейин сени хафа
 килганимни эслаб, алам қилиб кетди. Нинико, Нинико, жоним... Жонгинам
 менинг. Сени севаман!

Н и н и к о. Мен ҳам сени севаман!

Ўтишиади.

(Шошиб Р е з о нинг қучогидан чиқиб, атрофга аланглайди.) Ҳонани
 йиғиштирай. Мен ҳозир...

Р е з о. Узим йиғиштирганман.
 Н и н и к о. Барибир йиғиштираман...
 Р е з о. Кейин... (Қўчоқлаб, ўпади-ю, орқага чекиниб, унга синовчан назар
 ташлайди.) Сенга нима бўлган?

Н и н и к о. Нима бўлиди?
 Р е з о. Ҳайкалга ўхшайсан. Совуқсан... Бунақа эмасдинг- ку, Нинико.
 Н и н и к о. Супурмоқчиман. Супурги қаерда?
 Р е з о. Жин урсин супургини.
 Н и н и к о. Яхши, бўлмаса сенга егани бирон нарса тайёрлаб бераман,
 хойнаҳой очдирсан.
 Р е з о. Оч эмасман. Ҳеч нарса егим келмаяпти. Овқат-повқатингга хушим
 йўқ. (Уни қўчоқлаб ўпади ва яна орқага чекинади.) Сенга нима бўлди?

Н и н и к о жисм.

Чумчуқдек титраяпсан, умуман, ғалати, бошқачасан!.. Сенга нима бўлган?
 Н и н и к о. Билмайман. Сенга шундай туюлаётгандир...
 Р е з о. Соғиндим, ахир кўришмаганимизга қанча бўлди... (Энди Нинико
 эҳтирос билан қўчоқлайди ва шу заҳоти уни ўзидан нари итариб, таҳтага
 мукка тушиб, ийглайди.) Йўқ, йўқ.
 Р е з о (эсанкираб). Нинико...

Н и н и к о. Вой, Худойим... Йўқ, журъат қилолмайман... Йўқ... йўқ...
(Йиглайди.)

Р е з о. Нима ўзи? Тушунтириб айтсанг-чи.

Н и н и к о. Бир ўзинг қолдинг, сенга керакман, деб ўйлаган эдим.

Р е з о. Хўш?

Н и н и к о. Ўзимнинг хўрланганимни, ахволимнинг нақадар ғариб бўлганлигини, ана у хонаки иш қиласидан врач ўғлининг менга: “Кўлга тушибсан-да, тентак!” деётгандек қараб турганини унуга оларман, деб ўйлаган эдим... У менга тегажоқлик ҳам қилиб кўрди...

Р е з о. Мен уни ўлдирман!

Н и н и к о. Гап унда эмас, бизда. Биз ниманидир асраб қололмадик, энди ўзимизга қийин бўлади, Резо, жуда қийин бўлади.

Р е з о. Нега қийин бўлиши керак? Масалан, мен сени кўрдим-у, дарров енгил тортдим.

Н и н и к о. Резо, севгилим, сен билан бўлолмайман. Мен...

Р е з о. Нега? Кечира олмайсанми? Унуга олмайсанми?

Н и н и к о. Билмайман... Йўқ, бу батамом бошқа нарса... Ўшанда қайси гуноҳим учун мени ҳайдадинг? Нега мени олиб қолмадинг?

Р е з о. Мен қаёқдан билай!

Н и н и к о. Сени бирдан севиб қолганим, мени тезда ўзингники қилиб олганинг, сени жондан ортиқ севиб, мутлоқ қарам бўлиб қолганим ёқмади сенга. Сен – менинг суянган тоғимсан, бирон хавф-хатар бўлса, ҳимоя қиласан, деб ўйлардим.

Р е з о. Нинико, ишон менга. Сени севардим... ҳамиша, тушунасанми? Фақат буни мен ўзим... Ҳаммаси аҳмоқона бир иш бўлди! Сени севишимни аниқ билардим, шу билан бирга ўз-ўзимга ишонмасдим!

Н и н и к о. Нега ишонмаслик керак, ахир ҳаммаси аниқ намоён бўлиб турарди-ку.

Р е з о. Мен аҳмоқман, Нинико. Чин сўзим, фирт аҳмоқман, нари-бериси йўқ аҳмоқман!

Н и н и к о. Эсингдами, худди шу ерда сени сўйиб қўйишимга оз қолган эди?

Р е з о. Сўйиб қўя қолганингда яхши бўларди.

Н и н и к о. Бундай кулфатга ўзим дош беролмаган бўлардим.

Р е з о. Ким билади... (Унга тикилиб қарайди.) Айт-чи...

Н и н и к о. Нимани?

Р е з о. Йўқ, ҳеч нарса. (Яна унга тикилади.) Сен менга айт-чи, Таллинда бирон ҳодиса бўлмадими?

Н и н и к о. Таллинда нима бўлиши керак эди?

Р е з о. Халиги, биронтасини учратиб қолган бўлишинг мумкин. Балки уни...

Н и н и к о. Тентак.

Р е з о. Нега энди, бўлиши мумкин-ку...

Н и н и к о. Ҳеч қандай мумкини йўқ. Сен аҳмоқ экансан. Шунаقا деб ўйлар экансан, демак аҳмоқсан. Аҳмоқ, аҳмоқ...

К и р и л э киради.

К и р и л э. Қадрдон қўшним, кечирасан, эшигинг очиқ экан.

Р е з о (дағаллик билан). Нима гап?

К и р и л э (Ниникога). Саломатмисиз?

Н и н и к о. Салом.

К и р и л э. Сиз ажойиб қизсиз! (Ўз бармозини ўтиб қўяди.)

Р е з о. Нима гап, деб сўраяпман?

К и р и л э. Резико, азизим, бир дақиқа... (Резони бир чеккага тортади.) Менга қара, сен мендан хафа эмасмисан? Мен сендан хафа эмасман.

Р е з о. Хафа эмасман.

К и р и л э. Қасам ич.

Р е з о. Чин сўзим.

К и р и л э. Ишонмайман. “Хурматли бувим ҳаққи қасам ичаман!” де.

Р е з о (дўйқ билан). Номаъқулнинг нонини ебсан!

К и р и л э. Яхши, ишондим. Сен хафа эмас экансан – мен ҳам хафа эмасман. Мен яхши одамлардан ҳеч қачон хафа бўлмайман. Сен хафа эмасмисан?

Р е з о (уҳ тортоб). Хафа эмасман, дедим-ку!

К и р и л э. Хафа эмас экансан, демак, хотинимга ҳам ҳеч нарса айтмайсан, шундайми?

Р е з о. Хой, нималар деб валдираяпсиз! (*Кирилэ сари юриб, уни эшик томон суради.*) Сиз мени ким деб ўйляяпсиз?!

К и р и л э. Бари яхши, азизим. (*Орқага чекинади.*) Мен хафа эмасман, сен ҳам хафа эмассан, демак, ҳаммаси жойида... Қизинг зўр... Каердан топдинг уни, а?

Р е з о. Эҳ, Кирилэ, Кирилэ, калтафаҳм одам экансиз. (*Нихоят уни чиқариб юборади.*) Бошимга битган бало бўлди бу бетайнин... (*Ниникога*) Хўш, нима қиласиз?

Н и н и к о. Агар йўқ демасанг, хонангни тартибга келтирай.

Р е з о. Уйни йиғишитириш тўғрисидаги аҳмоқона гапларингни бас қил. Бу ердаги нарсаларнинг бари жонимга тегди. Кел, яхшиси, барини қайта бошидан бошлайлик.

Н и н и к о. Қандай қилиб?

Р е з о. Бир-биримизни обдон қийнадик, қийналиб бўлдик – энди бас.

Н и н и к о. Резо...

Р е з о. Нинико, жонгинам, азизим, севгилим. Етар, бас, бас, ахир мени севассан-ку!

Н и н и к о. Резо, тушунсанг-чи, гап бунда ҳам эмас...

Р е з о. Бўлмаса нимада? Яна нимада, жин урсин?!

Н и н и к о. Ушанда рухиятимда қандайдир кескин узилиш бўлди. Энди ўзимга келишин учун вақт керак шекилли. Тушунсанг-чи...

Р е з о. Хўш, айт-чи, қандай узилиш экан? Масалан, менда ҳеч қандай узилиш бўлгани йўқ. Аксинча ҳаммаси мустаҳкамланди. Мен ё севаман, ё севмайман. Севаман, дер эканман, демак, севаман. Сен севасанми?

Н и н и к о. Мен ҳам севаман. Лекин бирдан ўзгара олмайман. Ахир, айтдим-ку, қандайдир узилиш...

Р е з о. Ечин.

Н и н и к о. Нима?

Р е з о (энди ўз газабини жисловлай олмай). Тезда! Зудлик билан! (*Унинг кофтасини зўрлик билан еча бошлиайди.*)

Н и н и к о. Резо!..

*Резо иккала қўли билан бошини
чангаллаб, нари кетади. Сигарет тутатади.
Сукум.*

Н и н и к о. Резо, нина бер менга...

Резо жисим, унга қарамайди.

Бунақа ҳолатда кўчага чиқа олмайман-ку...

Р е з о. Нега?

Н и н и к о. Одобдан эмас.

Р е з о. Мени қийнаш одобданми?

Н и н и к о. Резо... илтимос, ип ҳам бергин.

Р е з о. Хўп, энди тинчлан, ип топиб бераман. (*Жавон ёнига боради.*) Қанақа рангдаги ип керак сенга?

Н и н и к о. Кўк.

Р е з о. Бу ерда фақат қора ип бор экан.

Н и н и к о. Майли, қора бўлса ҳам беравер.

Р е з о (*нина билан ип келтириб беради*). Нинико, сен... жасоратли бўлиб қолибсан.

Н и н и к о. Йигитлар, Бадри, Гела қалай, яхши юришибдими?

Р е з о. Аъло.

Н и н и к о. Ажойиб дўстларинг бор.

Р е з о. Дўстларим-ку яхши, мен ёмонман.

Н и н и к о. Йўқ, сен ҳам яххисан. Сени ҳамма яхши кўради, хурмат қилишади, демак... Чирокқа нима бўлган? Балки пробкаси куйиб қолгандир?

Р е з о. Пулинин тўламаганимиз учун ўчириб қуийшганми...

Н и н и к о. Вақтида тўлаб кўйсанг бўлмайдими? Пулинг йўқми?

Р е з о. Нега бўлмасин, бор. Арзимаган пул. Эсимдан чиқиб қоляпти.

Н и н и к о. Эртагаёқ мен тўлаб кўяман.

Р е з о. Нима, бошқа қиласиган ишинг йўқми?

Н и н и к о (*унга жисодий назар ташлаб*), Йўқ.

Р е з о. Керак эмас. Узим. Пулим бор, фақат бу ҳақда ўйлашга ҳафсала қилмаганман.

Н и н и к о. Дипломинг қай ахволда? Тамомладингми?

Р е з о. Деярли.

Н и н и к о. Режадагидек бўляптими?

Р е з о (*паришионхотир*). Нима? А... ха, бинойидек... Менга университетда қолишни таклиф қилишяпти, кафедрада...

Н и н и к о. Жуда соз, розилик беравер!

Р е з о. Йўқ, қолмайман. Тоғли Тушетияга кетаман, икки йилга.

Н и н и к о. Чўпон бўлмоқчимисан?

Р е з о. Шундай деса ҳам бўлаверади. Қўзичоқдай болаларни адабиёт кўкатларидан баҳраманд қилмоқчиман. Тўғри, бундан бирон натижа чиқадими, йўқми – билмайман.

Н и н и к о. Ҳар қалай, бир қарорга келишга шошма. Обдон ўйлаб кўриш керак.

Р е з о. Ўйлаб ўтирадими? Сен севмасанг, Тбилисида мени ушлаб турдиган бошқа илинжим бўлмаса, сўққабош бўлсан... Кетаман.

Н и н и к о. У ерда тоғлик санамлардан бирига ўйланиб оласан...

Р е з о. Шубҳасиз!

Н и н и к о. Хуллас, умрингнинг охиригача ўша ерда қолиб кетасан. Мен эса сени бошқа кўрмайман. Ҳеч қачон.

Р е з о. Ҳа. (*Ўйчан*) Бир воқеа эсимга тушиб қолди. Қизик... Нана деган қизим бўларди. Қизим, дейиш нотўғри, шунчаки...Хуллас, у менга ҳеч бўй бермади. Ундоқ қилиб кўрдим, бундок қилиб кўрдим – натижа бўлмади... Орадан бир йил ўтгач дугонасини кўриб қолдим. У менга, сен Нанага жуда жуда ёқасан, деб қолди. Мен, табиий, қувониб кетдим. Шошмай тур ҳали, Нана, дедим ўзимча. Хуллас, у билан учрашиб, уйига қузатиб қўйгани кетар эканман, йўл бўйи олифтачилик қилиб боряпман. Гурурим баланд, гўё картга ўйинида қўлимда учта туз тургандек. Ўзимни Кларк Гейбл хис этиб, ғолибона жилмаяман!.. Бир пайт унга қўлимни узатдим-у, тўсатдан сирғаниб кетиб қорга юзтубан йикилдим. Биласанми, назокат билан чиройли йиқилиш ҳам мумкин эди, мен эса хода каби ағнадим. Шунаقا қорга чўкиб, бурнимни музлатиб ётганимдан орланиб, ўз-ўзимдан нафратланиб кетдим. Ўзимга сункасд қилишни ўйлай бошладим: қачон, қандай қилиб...

Н и н и к о (*кулади*). Кулгили ва бемаъни ҳодиса экан.

Р е з о. Үн етти ёшда эдим-да!

Н и н и к о. Барибир кулгили. У қиз-чи, у нима қилди?

Р е з о. Мулоимгина бўлиб, бирон еринг лат емадими, деб сўради, холос.

Н и н и к о. Шуми?

Р е з о. Энг кулгилиси шундаки, уни уйига қадар қузатиб қўйгинимча яна ўн беш марта ағнадим! Тасаввур қилиб кўргин, юзимда бир нечта кўкимтир шиш, оёқларимдан бошимга қадар қор ва лойга беланганман, терга ботганман - даҳшат! Уч йил ундан яшириниб юрдим. Бирон жойда

кўргудай бўлсам қочиб қоламан. Қеча эса уни тўсатдан учратиб қолдим. Боласи билан бирга кетаётган экан. Уша воқеани эслаб кулишдик. Айниқса Нана кулди. Боласи ҳам. Кофтангни тикиб бўлдингми?

Н и н и к о . Ҳа, бўлди.

Р е з о . Ёмғир тўхтасин.

Н и н и к о . Зонтигим бор. (*Ёмғирпўшини кияди.*)

Р е з о унга кўмаклашади.

Рахмат.

Р е з о . Кетмасангчи.

Н и н и к о . Мен... Йўқ, кетишим керак.

Р е з о . Эсингдами, ёмғир ёғаётганда келган эдинг?

Н и н и к о . Бунгаям кўп вақт бўлди...

Р е з о . Мана, яна ёмғир ёғаётганда кетяпсан. Кузатиб қўяман.

Н и н и к о . Йўқ, керак эмас. Илтимос. Сенга нима бўлди? Сен...

Р е з о . Ҳеч нарса. Борақол. Алвидо. Тамом.

Н и н и к о . Хайр.

Р е з о жисм. Н и н и к о секин юриб чиқиб кетади. Р е з о бир нафас серрайиб туради, сўнг ўзини диванга ташлайди. Унинг дилидан нималар кечәётганини ким билсин. Унга қийин. Шамларнинг нури аста-секин сўниб боради. Сокин тун қаъридан чиқиб келган, буткул оқ либосдаги қиз пайдо бўлади.

Р е з о . Ойи?..

О н а . Резо, ўғлим, сени уйғотиб юбордимми?

Р е з о . Ойижон!..

О н а . Кўзларинг ғамгин.

Р е з о . Ҳа,балки. Мен сизни ҳеч қачон тушимда кўрмаган эдим. Қўришни жуда-жуда истардим. Ажаб... Сизни дарров танидим!

О н а . Бу ерда ҳамма нарса эскича. Фақат диван жойидан нарига сурилибди. Илгари нариги бурчакда турарди, бошқа ҳеч нарса ўзгармаган...

Р е з о . Ойи, сизсиз менга қанчалик оғир эканлигини билсангиз эди! Сизни қўришни ҳамиша орзу қилардим, ойижон!

О н а . Жажжи болагинам...

Р е з о . Ӯн икки ёшимга қадар врачлардан сиз билан дадамни тирилтиришни илтижо қилганман.

О н а . Даданг эсингда қолганми?

Р е з о . Элас-элас эсимда.

О н а . Сен отангга ўҳшайсан.

Р е з о . Дадамнинг ҳиди эсимда қолган: тамаки ва вино ҳиди... Яна дадам ва бошқа бир неча киши ов милтифи билан уйда юриб, ов ҳақида гаплашганлари эсимда. Мен каравотда ётардим, улар менга аллақандай девсифат одамлар бўлиб кўринарди. Кейин ўрнимдан сапчиб туриб, мени ҳам ўзлари билан бирга урушга олиб кетишларини сўраб ялина бошладим. Улар кулишди.

О н а . Даданг билан иккимиз сенинг туғилишингга орзуманд эдик.

Р е з о . Мен ҳам сизларни орзу қилардим.

О н а . Лекин сени қўришга бир мартагина муваффақ бўлганман, холос. Ингалаб ётган муштдеккина чакалоқ эдинг. Кимдир: “Вой, оппоқ гўдак экан”, деди. Бошқаси эса: “Оппоқ эмас, кўмкўк...”, деб луқма ташлади. Бошқа ҳеч нарсани эслай олмайман... Тубсиз зулмат, одамнинг кўзини оладиган нур, бошқа ҳеч нарса...

Р е з о . Ҳеч нарса?

О н а . Зулмат, нур, зулмат... Бошқа ҳеч нарсани... (*Кета бошлайди.*)

Р е з о . Ойи, кетманг! Кетманг, мени ташлаб кетманг, ялинаман! Ё бўлмаса мени ўзингиз билан бирга олиб кетинг, сизсиз яшай олмайман!

О н а (олисдан). Яшаш – қандай яхши, Резо... Узоқ яша, ўғлим!

Р е з о. Йўқ-йўқ, истамайман!..

О н а. Мен ҳеч қаёққа кетмайман, Резо, наҳот сезмаётган бўлсанг? Мен сени жуда-жуда яхши кўраман. Даданг билан иккимиз сени ниҳоятда яхши кўрганмиз. Сенинг туғилишингни орзу қиласардик. Мухаббат эса, ўғилгинам – бу ҳеч қачон йўқолмайдиган бир ажойибот. Мухаббатни асра... Мухаббатни асра...

Тўсатдан уй эшиги қўпорилгудай тақиллаб, тапири-тупур хонага ҳовлиқиб Бадри билан Гела кириб келишиади.

Г е л а (чироқни ёқмоқчи бўлади). Чироқ йўқ!

Б а д р и (диванда чўзилиб ётган Резони кўриб, у томонга ташланади, кифтидан ушлаб силкитади).

Г е л а . Хой, қария! Резо!! (у ҳам силкитиб) Резо, А-а-а-а... Бу нимаси?.. Бадри (ўзига келиб). Эҳ, ҳозир боплаб башарангга туширган бўлардим-у!..

Г е л а (Резони туртиб). Кўрқитиб юбординг-ку бизни!.. Ўлдираман сени!

Ле на билан Кир ил э ҳовлиқиб киришиади. Кирилэнинг қўлида ов мильтиги. Отишига шай. Еленанинг қўлида эса - темир човли.

Ле на (бакириб). Ўраб ол уларни! Ёрдам беринглар!
Кир ил э. Кўлларингни кўтаринглар!

Бадри билан Гела кўлларини кўтарганларича ҳанг-манг бўлиб туриб қолишиади.

Б а д р и . Узр, хоним...

К и р и л э . Овозингни ўчир!..

Ле на (диванда ётган Резога қўзи тушиб). Бола бечорани ўлдиришибди! Сурайиб қолиби!

Г е л а . Милтифингизни нари олинг, сизларга нима бўлган?

К и р и л э . Бир – икки, отаман!

Б а д р и . Э-э-э!..

Г е л а . Резо! Кўзингни очсанг-чи!

Ле на. Бола бечорани ўлдиришибди! Қимирамай қолиби!

Г е л а . Резо, мана буларга бир нима десанг-чи, бўлмаса...

Р е з о . Кирилэ...

К и р и л э . Нима, дейсан азизим?

Ле на. Тирик экан.

Г е л а (Резога). Ўзимизнинг одамлар, десанг-чи...

К и р и л э . Тўхта, отаман!..

Р е з о . Кирилэ, ота кўрма.

К и р и л э . Отмайман майли, азизим. Сен мендан хафа эмасмисан? Мен хафа эмасман.

Ле на. Бу гапларингни қўйиб тургин. (*Гела билан Бадрига*). Эшикни нега буздиларинг?

Р е з о . Кирилэ, милтифингни торт, булар менинг дўстларим.

Ле на. Сен гапга аралашмай тур. Қани, айтларинг-чи, нима учун эшикни қўпориб олдиларинг? Ўзингники бўлмаса, бузавериш мумкин экан-да? Етим-ку бу бечора!

Р е з о . Лена, илтимос, қичкирма, булар менинг дўстларим.

Ле на. Дўст бўлса, бузаверсин экан-да? Дўст деган бузиш эмас, куриши керак!

Б а д р и . Телефони уч кундан бери жавоб бермади...

Г е л а . Үнга бир нима бўлган, деб жон-понимиз чиқиб кетди. Сизлар эса...

К и р и л э . Мана буниси яхши одам экан.

Р е з о . Раҳмат, меҳрибон кўшниларим, шунчалик...

К и р и л э . Резо, нима учун раҳмат деяпсан? Сен менга оғайнимисан,

йўқми?. Ака-укаларга раҳмат дейиш керакми? Йўқ, “Яхши қилибсан, Кирилэ!” дейиш керак.

Р е з о. Ҳа, яхши қилибсан, Кирилэ. Лена, раҳмат.

Л е н а. Соғ бўл.

К и р и л э (*Бадрига*). Менга қара, сен мендан хафа эмасмисан? Мен сендан хафа эмасман.

Б а д р и. Нега хафа бўлишим керак...

К и р и л э (*унинг қўлини силкитиб*). Менинг исмим Кирилэ, танишганимдан фоят хўрсандман!. (*Гелага*) Сендан ҳам хафа бўлмайман. (*Ўзини танишитиради*) Кирилэ... (*Унинг қўлини олиб силкӣди*.) Лена, сен ҳам хафа бўлма, энди юр, уйга чикайлик.

Л е н а. Мен сендан хафаман, билдингми?

К и р и л э (*ҳайратда*). Нима учун, Лена?

Л е н а. Уйда гаплашамиз. Милтиғингни торт, баққол!.. (*Эшик томон юради*.)

К и р и л э (*унинг орқасидан эриб*). Лена, нега бунака деяпсан!

Чиқиб кетишиади.

Б а д р и (*сигарет тутатади*). Шунақангি қўрқиб кетдимки... (*Кулади*.) Рўпарасида гўё душман тургандек, милтиғини ўқталиб турса, қўрқмай бўладими... (*Кулади*.)

Г е л а. Менга қара, қария, нима бўлди? Нима, ўзингни тириклай кўммоқчи бўлдингми?

Б а д р и. Нинико, кўзлари тўла ёш, бизникига кириб келиб, сени ёлғиз қолдирмасликни илтимос қилди... Мен ҳеч нарса тушунмадим-у, биз, сен айтмасанг ҳам, уни ёлғиз қолдирмаймиз, дедим.

Р е з о. Қачон борган эди?

Б а д р и. Ўтган куни. Кеча ҳам келиб кетди. Мен ўша заҳоти сенга қўнғироқ қилдим – ҳеч ким жавоб бермади. Кейин кечқи пайт, сўнг эртасига аzonлаб, кундуз куни қайта-қайта қўнғироқ қилдим. Йигитча майшат қилиб юрган бўлса керак, деган хаёлга бордим.

Г е л а. Мен икки кун давомида бир неча марта келиб кетдим: ҳар доим эшик кулф, деразаларнинг пардаси туширилган.

Р е з о. Бугун нечанчи?

Б а д р и. Йигирма учинчи.

Р е з о (*ўзича*). Демак, уч кун...

Г е л а. Уч кун қамалда ётдингми?

Р е з о ўрнидан туради-ю, гандираклаб кетади.

Дўстлари уни суяб қолишиади.

Р е з о, Резо, қария...

Р е з о. Фу, кўзларим тиниб, бошим айланиб кетди. (*Бошини ликиллатади*.) Жиндак очикканга ўхшайман.

Г е л а (*сув қуийлган графинни қўлига олади*). Балки парҳез қилмоқчи бўлгандирсан?

Б а д р и (*оишхонадан аллақандай овқат олиб кириб, Резони столга ўтқазади*). Қани, мана буни егин!

Р е з о. Томоғимдан овқат ўтмайди...

Б а д р и. Озгина... (*Қошиқ билан едира бошлайди*.) Қани, оғзингни оч... Балли, яхши. Бу қошиқни амакинг учун, бунисини холанг учун. Мана буни эса устундек ғўдайиб турган, деразаларнинг пардаларини қўтариб қўйишни хаёлига ҳам келтирмаётган ана у чала туғилган амакинг учун. Балли, ақллигина бола!

Г е л а пардаларни қўтариб қўйиб, деразаларни очади. Хонага эрталабки нур кириб келади.

Г е л а. Йигитлар, баҳор! (*Мириқиб тоза ҳаво шимади.*) Уч кун тинмай ёмғир ёғди. Энди эса офтоб чараклаб турибди. Баҳор, йигитлар, баҳор!..

Р е з о (*бўғиқ овозда*). Уша баҳоринг билан иблиц ёнига жўна!

Г е л а. Сен ўзинг борақол унинг ёнига. (*Қулади.*)

Р е з о. Мен аллақачон...

Б а д р и. Ўзингдан-ўзинг хафа бўлиб, ўладиган ҳолатга етдингми? Шунчалик ёқмаяпсанми ўзингга?

Р е з о. Нафратланяпман. Мен разил одамман.

Г е л а. Ана холо-ос!

Р е з о. Онам мен туфайли вафот этди. Мени деб севгилим туғилажак фарзандимизни нобуд қилди. Мен ўзи нима учун яшайпман? Мен кимман? Мен бошқаларга азоб беряпман, холос... Ҳайвонман. Қандай қилиб шу даражага етдим? Качон?

Б а д р и. Ўз-ўзидан нафратланишнинг энг аламли чўққиси! (*Гелага.*) Мен уни ҳеч қачон бунақа ҳолатда кўрмаганман. Сен-чи, Гела?

Г е л а. Уни ювинтириб, соқол-мўйловини қириб, овқатлантириб, кўчага ҳайдаш керак. Ана ўшанда бари тутундек тарқалиб кетади.

Р е з о. Аллақандай фантомни ахтараман... Нима йўқотдим? Нимани қидирдим-у топа олмадим? Ўзимни ким деб фараз қиласман? Нега? Менинг ҳакиқий башарам қандай ўзи?..

Г е л а.Хой, валдираивермай, деразанинг олдига борсанг-чи!

Р е з о. Дераза олдига боргим йўқ. Улгим келяпти!

Б а д р и. Жуда соз, мен йифлаяпман!

Г е л а. Мен ҳам! (*Дераза олдига боради.*) Йигитлар, қаранглар, духовой оркестр келяпти!.. (*Деразадан бошини чиқариб*) Маэстро, туш! Табрик мусиқаси чалинсин!

Тўсатдан оркестр мусиқаси янграйди.

Г е л а. Буни, орзунинг бир дамда ушалиши, деб тушунмоқ керак.

Р е з о (*бошини кўтариб*) “Риорита”!

Телефон жиринглайди.

(*Гўшакни кўтариб*) Ҳа...Нима дедингиз? Тушунмадим, тақрорланг... (*Тўсатдан кула бошлигайди.*) Луизани топдим, деяпсанми?.. (*Қулади.*) Ростданми? Ҳазиллашаётганинг йўқми? Табриклайман, оғайни! Энди уни йўқотма! Ҳеч қачон, эшитяпсанми! Ҳеч қачон йўқотма!

Р е з о телефонга яна нималардир дейди. Лекин оркестр садолари остида бизга эшиштилмайди.

*Рус тилидан
Муҳаммад ХАЙРУЛЛАЕВ
таржимаси*

Адиб, драматург, таржимон Муҳаммад Хайруллаев шу ойда 82 ёшига тўлди. Унинг “Алла”, “Ҳижрон”, “Адашган қиз”, “Кўёв”, “Қалбдаги нур”, “Қарз”, “Тилга маржон” каби насрой, “Тинмасин соз”, “Жар”, “Энага”, “Тўкилган тасбех” каби драматик асарлари чоп этилган.

“Бонапартнинг уйланиши” (Д.Ислабеков), “Хаёлот дардида” (Л.Табукашвили) драмалари М.Хайруллаев таржимасида нашр бўлди. Яна Бернард Шоу, А.Вампилов пъесалари ўзбек тилига ўғирилиб, нашр навбатини кутиб турибди.

Муҳаммад Хайруллаев шундай табарруж ёида ҳам дунё адабиётидаги энг сара асарларни ўз таржимасида тақдим этиб, гайрат-шиижоат билан кўпларга ибрат бўлмоқда. Адибга соглиқ ва юрак завқининг сўнмаслигини тилаб қоламиз.



МИРЗИЁД МИРЗОИДОВ (1930 – 1980)

ЖАҲОН АДАБИЁТИ
111

ЎЗБЕК ТАРЖИМАЧИЛИГИНинг МУНОСИБ ВОРИСИ

Аслият асарларида бўлгани сингари таржимачилик ҳам ўзининг олис ва яқин тарихида ёрқин намояндадарига эга. Бу, аввало, таржима қилинаётган асарнинг қиймати ва аҳамиятилиги билан шартланган бўлса, иккинчидан, таржимон малакаси ва истеъоди айрича роль ўйнаиди. Гоҳо шундай ҳам бўладики, таржима сифати аслиятницидан ўтиб тушади. Бу, шубҳасиз, таржимоннинг маҳорати ва тажрибасига бевосита боғлиқ. Ана шундай “аслиятдан ўтказиб” таржима қилган ижодкорлардан бири, ҳеч шубҳасиз, Мирзиёд Мирзоидов эди. Олдиндан айтиб қўя қолайлик: узоқ йиллардан бери телевидение экранидан тушибмай келаётган “Иван Васильевич касбини ўзгартиради”, “Кушдай енгил бўлинг...”, “Ишдаги ишқ”, “Қароқчи чоллар” сингари эл қалбига ўчмас из соглан фильмларни эслашнинг ўзи кифоя. Аммо Мирзиёд Мирзоидовнинг бадиий асарлар таржимаси борасида қилган меҳнати, чеккан заҳматига ўлчов йўқ дейши мумкин.

Мирзиёд Мирзоидов нисбатан қисқа – бор-йўғи 50 йилгина умр кўрди. У 1930 йилда Тошкент вилоятининг Юнусобод қишлоғида таваллуд топди. Отаси Мирзоид Мирҳамидов 1941 йилда вафот этгач, ёши Мирзиёд жамоа хўжалиги ташкилотчиларидан бири, соҳибкор боғбон Мирҳамид бобо қўлида тарбияланди. Ўрта мактабни 1947 йилда кумуш медаль билан битирган Мирзиёд Ўрта Осиё Давлат университети – САГУ (ҳозирги Миллий университет)нинг филология факультетига ўқишига кирди. Ўқишини битиргач, Faafur Fулом номидаги Адабиёт ва санъат нашириётига ишга кирди, бу масканда бўлајсак таржимон муҳаррир ва катта муҳаррир лавозимида фаолият олиб борди.

1965 йилда Мирзиёд Мирзоидов Ёзувчилар уюшмасига аъзоликка қабул қилинди.

Мирзиёд Мирзоидов ўша вақтларда А.Қодирийнинг “Ўткан кунлар” ва “Мехробдан чаён” романларини қайта-қайта мутолаа қилар эди. Ижодий қалами чархланишига асосан мана шу икки китоб катта таъсир кўрсатганини Мирзиёд ака фахрланиб гапирад эди. А.Қаҳҳор, Ойбек, Ҳ.Олимжон сингари ўзбек адабиётининг улкан намояндадари билан шахсан танишишига ва улар асарларини қунт билан ўрганиши унинг таржимачилик салоҳияти тинмай ортиб боришида муҳим аҳамият касб этди. Ҳусусан, А.Қаҳҳор, М.Исмоилий, А.Охундийларнинг таржима соҳасидаги маҳоратлари ўрта авлодга мансуб Мирзиёд аканинг ижоди гуркираб ўсишига омил бўлди ва кўп ўтмай унинг ўзи ҳам республика-миздаги таржимачилик мактабининг етакчи намояндадаридан бирига айланди. Агар “Эллада қаҳрамонлари”, Л.Пантелеев, Г.Белихнинг “Шкид республикаси” каби асарлари таржималарини М.Мирзоидов фаолиятининг бошлангич паллалари деб оладиган бўлсак, Г.Севунцнинг “Техрон” (2-китоб), В.Варманинг “Жҳансий маликаси”, Оноре де Бальзакнинг “Гобсек”, А.С.Шишковнинг “Саркаш дарё” (1-китоб) асарлари таржималари унинг ижодий муваффақиятлари чўққисини ташкил этади.

Айтиб ўтганимиздек, М.Мирзоидовнинг бадиий фильм таржималари унинг ижодида алоҳида ўрин тутади. Фильм қаҳрамонларини ўз тилида гапиритира олиши маҳорати у таржима қилган фильмларда яқъол намоён бўлди. Таржимон жами үн икки фильм, тўрт пьеса, тўрт телеспектаклини рус тилидан она тилимизга ўғирди. Тўлиқ бўлмаган рўйхатда М.Мирзоидов қаламига мансуб ўттизга яқин роман ва қисса номларини ўқиши мумкин. Тургенев, Горький, Шолохов, Фадеев, Артур Конан Доіль, Мустай Карим асарлари Мирзиёд Мирзоидов таржимасида ўзбек маданиятининг меросига айлангани асло муболага эмас.

М.Мирзоидов 1980 йил 6 апрелда оламдан ўтди. Заҳматкаш ижодкорнинг жонли, тўлақонли, шу билан бирга ўта мувофиқ таржималари ўзига

ЖАҲОН АДАБИЁТИ

112

хос маҳорат мактаби бўлиб қолди. Санжар Сиддик, Мирзакалон Исмоилий, Абдулла Қаҳҳор каби иирик устозлар бошлаб берган таржимачиликнинг шонли йўлини муваффақиятли давом эттирган ва ривожлантирган энг ёрқин ижодкорлардан бири, шубҳасиз Мирзиёд Мирзоидов бўлди.

Аслида, чинакам таржимон танланган асарнинг сўзларинигина она тилига ўғириб қўймайди, балки унинг руҳи ҳам китобхон қалбига етиб бораdigан даражада ифода этишишига ҳаракат қиласди. Шу маънода ўзбекча тафаккурга хос сўзлар нафақат миллӣ бадиий асарларда, айни чоғда таржима асарларда ҳам узукка кўз қўйгандай ярашиб туради. Айни чоғда бу ҳол таржимоннинг маҳорати, кузатувчаниги ва синчковлигини кўрсатади. Таржима санъати сир-синоатини ўрганмоқ истагидаги ёшлилар учун устозлар маҳорати, кузатувчаниги ва синчковлигини ўринда сўз юритилаётган мутаржим Мирзиёд Мирзоидов қаламидан чиқкан асарлар шу жиҳатига кўра ҳам қўмматлидир.

Устоз таржимоннинг сўзни танлаб-танлаб, саралаб-саралаб ишлатишши, кам қўлланиладиган, аммо маъно нозиклигига эга иборалардан ўринли фойдаланишига қўйида эътиборингизга жузъий қисқартиришлар билан ҳавола этилаётган И.С.Тургеневнинг “Голиб севги қўшиги” асари таржимасида ҳам шионч ҳосил қилини мумкин.

“Вскоре он вступил в брак с Валерией” жумласидаги “вступил в брак” иборасини бугун кўпчилик, эҳтимол, “никоҳдан ўтди” ёки “никоҳланди” тарзида она тилимизга ўғириши мумкин. Ҳолбуки, сўзлашуви мунис иккни ёшининг умр йўлларини боғлаши машҳий турмушидан келиб чиққан ҳолда гўзал ибора билан ифодаланадики, таржимон ҳам бу ўринда айни иборани қўллайди: “Кўп ўтмай у Валерия билан бир ёстиқча боши қўйди”.

“Почтенная вдова пролила несколько слёз при мысли о разлуке с любимым детищем” жумласидаги онанинг изтироб ва қувончларини таржимон “маржон-маржон ёш тўқди” тарзида ўғиради. Бу бир жиҳатдан мунис она учун танлов нақадар оғир бўлганини, у муттасил шу ҳақда ўйлаб, ала-мини тинмай кўз ёшдан олганини кўрсатса, бошика жиҳатдан образлилиги боис китобхон тасаввурнида ҳолатни ёрқинроқ намоён қиласди.

Асар қаҳрамони Муций она шахрига қайтиб келганида “кўзлари илгаригидан кўра киртайгандек кўринарди”. Бу жумла рус тилида “...глаза казались углублённее прежнего” шаклида ифодаланган. Ҳолбуки, узоқ сафар мاشақватларини бошидан кечирган киши ҳар қанча тетик кўринишга уринмасин, йўл азоби – уйқусизлик, ҳоргинглик, чарчоқ кўзларида акс этади. Бинобарин, ўзбек таржимони айни маъноларни тўқис ифода эта оладиган инжас сўзларимиздан “киртаймоқ” ни топа билган.

Бадиий асар тилнинг ифода имкониятлари бор бўйича акс этадиган ноёб воситадир. Турли сабаблар билан гоҳида унтутилгандай туюладиган, хира тортган сўзлар ҳам агар муваффақиятли кўлланилса, бадиий асарда ярақлаб кетади. Она тилимизда биттагина сўзниг ўнлаб маънодошлари бортиги эса ижодкорга катта имконият беради. Масалан, “Голиб севги қўшиги”да шундай жумла бор: “Фабию почудилось, что на тёмном лице Муция мелькнуло два белых пятнышка...” Болалигидан қорача бўлган, устига-устак, саҳро ва денгиз оша саёҳат қилган Муцийнинг юзи, малайялик малайнинг илму амали туфайли, янада ажабтовор кўринишга киради. Буни М. Мирзоидов “Фабийнинг назарида, Муцийнинг қоратўри юзида иккита оппоқ доз милт этиб кўрингандек бўлди...” тарзида она тилимизга ўғиради. Ҳуллас, таржима ҳам она тили бойлигини муносаб акс эттирувчи восита экани М.Мирзоидовдек таржимонлар меҳнати билан янада яққолпроқ намоён бўлади.

Амир ФАЙЗУЛЛА,
Отабек САФАРОВ

ЖАҲОН АДАБИЁТИ

И.С. ТУРГЕНЕВ

ГОЛИБ СЕВГИ ҚЎШИҒИ

*Гюстав Флобер хотирасига бағишиланади.
"Wage Du zu irren und zu traumen!"
Schiller¹*

I

XVI асрнинг ўрталарида Феррарада (Феррара бу вақтда санъат ва шеърият ҳомийлари, олижаноб герцоглар салтанати даврида гуллаб-яшнаган эди) Фабий ва Муций исмли икки навқирон йигит яшаган эди. Яқин қариндош тенгкур бу йигитлар бир-бирларидан қарийб сира ажralишмасди, ёш болалик чоғлариданоқ астойдил дўст тутишишган эдилар. Тақдирларининг бир хиллиги бу дўстлик риштасини мустаҳкамлаган эди. Уларнинг ҳар иккови ҳам тагли-тахтли оиласдан чиккан, бой, ўз эрки ўзида, бўйдоқ эди. Дидалари ва орзу-ҳаваслари ҳам бир эди. Муций мусика, Фабий рассомлик билан шуғулланарди. Бутун Феррара уларни сарой, жамият ва шаҳарнинг мислсиз кўрки ҳисоблаб, улар билан фахрланараб эди. Гарчи уларнинг иккови қаддикомати келишишган йигитлар бўлса ҳам, қиёфаси бир-бириникига ўхшамасди, Фабий баланд бўйли, буғдор ранг, сочи малла, кўзлари мовий эди. Муций, аксинча, қорамағиздан келган, соchlари қора, чарос кўзлари Фабийнидек чақнаб турмас, лабларида ёқимли табассум жилва қилмасди: унинг қалин қошлари юпқа қовоғи устига осилиб тушган, Фабийнинг тилла ранг қоши эса ёйдек эгилиб, чиройли манглайи томон кўтарилиган эди. Муций гапгаям унча чечан эмасди; шунга қарамай, бу икки дўст шинавандалиги, мардлиги ҳам сахийлиги сабабли аёлларга баб-баравар манзур бўлишишган эди.

Шулар билан айни вақтда Феррарада Валерия исмли бир қиз яшарди. У камдан-кам кўринса-да, уни шаҳарнинг энг сулув қизи деб ҳисоблашарди. Қиз хилватда кун кечиравар, уйидан ахён-ахёнда факат черковга-ю катта байрам кунларида сайрга чиқар эди. У унча бой бўлмаган бева ойиси билан турарди. Ҳушфеъл онасининг ундан бошқа фарзанди йўқ эди. Валерияни учратган ҳар бир одамнинг кўнглида ихтиёrsиз равищда таажжуб, шунингдек, беихтиёр меҳр ва эҳтиром туйғуси уйғонар эди: у ўзини камтарона тутар, гўё хусну латофатидан бехабардек кўринар эди. Очиги, айрим кишилар уни рангпар дейишаради, қарийб ҳамиша ерга бокувчи кўзларида андак ҳаёв ва ҳатто ҳадик ифодалари балқирди, лаблари табассумдан ора-сира, шунда ҳам билинар-билинмас очилар, овозини эшитган одамнинг топилиши даргумон эди. Бироқ мишишларга қараганда, овози ёқимли экан, ҳали шаҳар ширин уйкудалигида у хонасига кириб олиб, уд чалиб, эски қўшикларни хиргойи қилишни яхши кўраркан. Чехрасининг рангпарлигига қарамай Валерия соғлом эди; ҳатто кекса одамлар ҳам унга қараб туриб беихтиёр: “О, бир кун келиб ҳали барг ёзмаган, пок ва тоза бу ғунча очилиб, кайси йигитга насиб қилса, у жуда ҳам баҳтли бўлади-да!” – деб ўйлашарди.

II

Фабий билан Муций илк бор Валерияни Феррара герцоги машхур Лукреция Боржанинг ўғли Эркол амрига биноан Франция қироли Людовик XIIнинг қизи, герцогинянинг таклифига кўра, Париждан ташриф буюрган казо-казолар шарафига берилган дабдабали ҳалқ байрамида кўришади. Валерия ойиси билан Палладийнинг сурати бўйича Ферраранинг асосий майдонида тикланган кўркам трибуна ўртасида, шаҳарнинг мўътабар аёл-

¹ “Хаёлга ошно бўл, қўрқма хатодан!” Шиллер (нем.).

ларига ажратилган жойда ўтирарди. Фабий билан Муций шу куниёқ уни жон-дилларидан севиб қолишиди. Улар бир-бирларидан сир яширмаганла-ри учун тез орада кўнгилларида бор гапни билиб олишиди. Шундан кейин гапни бир жойга қўйиб, қандай бўлмасин Валерия билан учрашишга ва кўнгилларида дардларини унга айтишга қарор килишиди. Қиз кимни танласа, бошқаси сўзсиз унинг қарорига бўйсуниши керак эди. Орадан бир неча ҳафта ўтгач, улар эл орасида ҳақли равищда яхши ном чиқарганлари боисидан беванинг кириш амримаҳол бўлган уйига қадам ранжида қилишга муваффақ бўлишди. Бева уларга келиб-кетишлирага ижозат этди. Шу-шу улар деярли ҳар куни қелиб, Валерияни кўрадиган ва у билан сухбатлашиб ўтирадиган бўлишди. Йигитларнинг қалбida ёнган ишқ ўти кундан-кунга кучая борар, бироқ Валерия уларнинг келиб туришини ёқтиrsa ҳамки, кўнгли кимдалигини билдирилас эди. У Муцийдан мусиқа ўрганарди, бироқ кўпинча Фабий билан сухбатлашарди: ундан уччалик ийманмасди. Ниҳоят, улар ўз қисматларини узил-кесил аниқлашга жазм этишиди – Валерияга мактуб йўллаб, кимни ўзига лойик топишини билдириб, хабар қилишини сўрашди. Валерия бу мактубни ойисига кўрсатиб, унга, ҳали эрга тегадиган ниятим йўқ, мабодо, турмуш қурадиган вақтинг келди десангиз, сиз танланган одамга тегаман, деди. Кекса бева севимли фарзандидан жудо бўлишини ўйлаб, маржон-маржон ёш тўқди, бироқ куёвларнинг раъйини қайтаришга ҳеч қандай асос йўқ эди: у ҳар иккала йигитни қизига муносиб деб биларди. Бироқ ўзига Фабийни маъқул топиб, Валериянинг ҳам кўнгли ўшандадир, деб гумон қилиб, ўшани танлади. Эртасига Фабий баҳт қуши ўзининг бошига кўнганини билди, Муций эса ваъдасига биноан тақдирга тан берди.

У сўзининг устидан чиқди, бироқ ўз дўсти, рақибининг тўй-томошаси кўнглига сифмади. Мол-мулкининг аксари қисмини дарҳол сотди-ю, Шарқ томонга, олис сафарга жўнаб кетди. Фабий билан хайрлашаётib, қалб жароҳати битиб, кўнглимда эҳтирос туйғуси сўнгандагина қайтиб келаман, деди. Болалик ва ўсмирилик чоғларидағи дўстидан ажralиш Фабийга жуда оғир бўлди... Бироқ яқин қолган роҳат-фароғатни интизорлик билан кутиш нашъяси бошқа ҳар қандай хис-туйғуларини босиб кетди-ю, у бутунлай зафар кучган ишқ завқ-шавқига берилди.

Кўп ўтмай у Валерия билан бир ёстиққа бош қўйди. Шундагина у қандай бебаҳо хазинани кўлга киритганини узил-кесил тушунди. Унинг Феррапардан сал нарида чор атрофи серсоя дараҳтлар билан ўралган ажойиб боғи бор эди, Фабий хотини ва қайнонасини олиб шу боққа кўчиб келди. Шунда улар худди жаннатда яшагандек фароғатда яшашди. Турмуш қурғанларидан кейин Валериянинг бутун фазилатлари яққол намоён бўлди, ҳаваскор рас-сом Фабий моҳир рассом бўлиб етишиди.

Валериянинг онаси баҳти эр-хотинга қараб қувонар, Худога шуқурлар қилар эди. Тўрт йил худди ширин туш каби ғир этиб, ўтиб кетди. Ёш эр-хотин бир нарсадан қисилишган эди, уларнинг ёлғиз ташвишлари фарзанд кўришмаганларида... Лекин бундан умидларини узишмаган эди. Тўртинчи йилнинг охирида уларнинг бошига ҳақиқий мусибат тушди: Валериянинг онаси бир неча кун касал бўлиб ётиб, қазо қилди.

Валерия озмунча кўз ёши тўқмади, у узоқ вақт бу жудоликка кўника олмади. Бироқ, орадан бир йил ўтгач, ҳаёт янга ўз изига тушиб кетди. Мана, ёз кунларидан бирида ҳеч кимга билдиримай Феррапага Муций кириб келди.

III

Муций сурункасига беш йил йўқ бўлиб кетди, гўё ҳаётдан кўз юмгандек у тўғрида дом-дарак бўлмади. Фабий ўз дўстини Феррапа кўчаларидан бирида учратиб қолганида ҳам кўрқанидан, ҳам шодланганидан қичқириб юборишига оз қолди. Шу заҳоти уни боғига чорлади. Унинг боғда алоҳида кенг айвони бор эди, у дўстига шу айвонда туришни таклиф қилди. Муций

унинг таклифини бажону дил қабул қилди ва шу куни ёқ малайялик гунг, лекин қулоги эшитадиган, кўзидан фаҳм-фаросатли эканлиги кўриниб турган малайи билан бирга кўчиб келди. Малайнинг тили қирқилган эди. Муций узоқ сафар вақтида турли мамлакатлардан йиққан қимматли буюмлари солинган ўнтача сандик келтирди. Муцийнинг қайтиб келганига Валерия курсанд бўлди: у Валерия билан хотиржам, дўстона саломлашди: унинг бутун туриш-турмушидан Фабийга берган ваъдасини унугтмагандек эди. У кун бўйи овора бўлиб, айвонга жой қилди, малайялик хизматкори ёрдамида олиб келган асили молларини, гиламларини, шойиларини, атлас-кимхоблари-ю қурол-яроғларини, идиш-товоркларини, марварид ва феруза қадалган олтин-кумуш буюмларини, ажойиб-гаройиб қушларнинг патларини, яна турли-туман нарсаларни жой-жойига кўйиб чиқди. Мана шу қимматбаҳо нарсалар орасида серҳашам дур терилган маржон ҳам бор эдик, буни Эрон шоҳи улуғ ва сирли хизмати учун Муцийга тақдим этган эди, у ўз қўли билан бўйнига осиб кўйиш учун Валериядан изн сўради: Валерияга оғир ва қандайдир ҳарорат тарагадиган хосияти бордек туюладиган маржон унинг бўйнига ёпишиди-колди. Муций овқатдан кейин кечга томон боғдаги айвончада толгуллар ва дафналарнинг соясида ўтириб, бошидан кечиргандарини ҳикоя қила бошлади. У олис мамлакатларда, осмонўпар тоғларда, сувсиз сахроларда, катта дарёларда кўрган-кечиргандаридан сўзлади, улкан бинолар ва эхромлар, минг ийлилк дараҳтлар, ранго-ранг гуллару қушлардан гапириди, ўзи бўлган шахарлар ва ҳалқларнинг номларини тилга олди, уларнинг ёлғиз номларининг ўзи ёқ, қандайдир афсонавий нарсаларни эслатарди. Муций бутун Шарқни беш қўлидек билиб олган эди: у барча жонзот ичида отлари энг асили ва чиройли Эрон ва Арабистондан ўтди, одамлари вахимали ўсимликларни эслатувчи Ҳиндистоннинг ич-ичига кириб борди. Далайлама номли тирик Худо – қийиқ кўз, гунг ва соқов одам қиёфасида яшайдиган Хитой ва Тибет чегарасигача борди. Унинг ҳикоялари ажойиб-гаройиб эди. Фабий билан Валерия унинг гапларига маҳлиё бўлиб қулоқ осишиди. Умуман, Муцийнинг чехраси унчалик ўзгармаган эди: болалигидан қорача юзи ўткир қуёш нурида янада қорайган, кўзлари илгаригидан кўра киртайгандек кўринарди – бутун ўзгариш шу, холос, бироқ бу чехранинг кўриниши бошқача: тунд, жиддий эди, ҳатто кечаси шеърлар ўқиб, ер-кўкни ларзага солган ўрмонзорда дуч келган хавф-хатарлар ёки кундуз кунлари бўм-бўш кўчаларда сайёҳларни пойлайдиган ва уларни тутиб одамхўр темир маъбудага қурбон қиласидиган жоҳил мутаассиблар тўғрисида гапирганида ҳам юз ифодаси ўзгармади. Муцийнинг овози босиқ ва силлиқ эди. У уддабурон содиқ хизматкорининг ёрдами билан ҳинд баражманларидан ўрганган фокусларини кўрсатди. Мисол учун у, даставвал, ўзини парда билан тўсди-да, бирдан бармоқларининг уни билан тик турган бамбук таёғига таяниб, осмонда чордана куриб ўтирган ҳолда намоён бўлди. Бундан Фабий ҳанг-манг бўлиб қолди, Валериянинг эса вахми келди... “Афсунгарми, нима бало”, деб ўйлаб қолди у. Муций кичкина най чалиб, саватдан ўргатилган илонларни чақирганида, ола-була мато тагидан уларнинг қорамтири, япаски боши кўриниб, тилларини қимирлатганда Валериянинг юраги ёрилаётди, у Муцийдан тезроқ бу манфур газандаларни йўқотишини илтимос қилди. Кечки овқат маҳалида Муций дўстларини бўйни узун, думалоқ шишадаги Шероз шароби билан меҳмон қилди, кичкина пиёлаларга қуилган ўткир хидли, яшил тусда товланадиган тилла ранг қуюқ шароб сирли жимириларди. Унинг таъми Европа виноларига ўхшамасди, у жуда ширин ва хушбўй эди, шошилмай оз-оздан хўпланса, одамнинг танаси яйради. Муций кўярда-кўймай Фабий билан Валерияга бир пиёлладан ичирди, ўзи ҳам ичди. Валериянинг пиёласи устига энгашиб, алланаrasa деб шивирлаб, бармоқларини силкитди. Валерия буни кўрди, лекин Муцийнинг ҳатти-ҳаракати ва юриш-туришида қандайдир бегона, мисли қўрилмаган хислатлар пайдо бўлганидан: “Ҳиндистонда янги динни қабул

қилдими ёки уларда одат шунақамикин?” деб ўйлаб кўя қолди. Кейин бир оз жим турди-да, сафарда юрганингизда мусиқа билан шуғулландингизми, деб сўради. Муций унга жавобан малайяликка ҳинд скрипкасини келтиришни буюрди. У ҳозирги скрипкаларга ўхшар, лекин унда тор тўртта эмас, учта эди, кулоғига илоннинг кўкишироқ териси ўралган, ингичка қамиш камони яrim доира шаклида бўлиб, учида олмос ялтираб турар эди.

Муций аввалига ваҳимали эшитиладиган ҳазин халқ қуйларидан чалганида ҳалиги оҳанг ногаҳон кучайди, жарангдор, қудратли янгради. Узун-узун тортилган камондан эҳтиросли куй куйилиб чиқа бошлади, гўё у ўз териси билан скрипканинг кулоғини ўраб ётган илондек чиройли тўлғанарди, тантанавор шод-хуррамликка йўғрилган бу куй шу қадар оташин, шу қадар фусункор қанот қоқар эдики, Фабий билан Валериянинг дили хун бўлиб, кўзларига жикка ёш келди. Муций бўлса кути ўчиб, қошларини чимириб, бошини қийшайтирганча скрипкага кўйди, у яна ҳам жиддий ва пурвиқор эди, камоннинг учидаги олмос эса, мазкур ажойиб куйдан ўт олгандек ялт-юлт килар эди. Муций чалишдан тўхтаб, скрипкани даҳани ва елкаси билан қисиб турган кўйи, камон тутган қўлини туширганда, Фабий: “Нима бу? Қандай куйни чалдинг?” – деб сўради. Валерия чурк этиб оғиз очмади, лекин бутун туриш-турмуши эрининг саволини қайтараётганини очик-оидин кўрсатиб турарди. Муций скрипкани стол устига кўйди-да, сочини бир силкитиб, назокат ила табассум қилди ва: “Буми? Бу куйни... ушбу қўшиқни мен бир марта Цейлон оролида эшитган эдим. Бу қўшиқ у ерда, халқ орасида баҳтли, қониқтирилган севги қўшиғи сифатида машҳур!” – деди. Фабий: “Яна бир марта чал”, – деб шивирлаган эди, Муций: “Йўқ, буни қайтариш мумкин эмас, вақт кеч бўлиб қолди. Синьора Валерия ором олмоқлари керақ, мен ҳам бора қолай энди... Чарчадим”, – деб жавоб берди. Кун бўйи Муций Валерия билан эски қадрдонлардек оддийгина, ҳурматини жойига кўйиб муомала қилди, бироқ кетаётib, бармоқларини кафтига ботириб, унинг қўлини маҳкам қисди ва қўзларига қаттиқ тикилди, Валерия ерга қараб турган бўлса ҳамки, унинг кўққисдан лоладек қизарип кетган бетларида тикандек нигоҳини сезди. Муцийга ҳеч нима демай қўлини тортиб олди, Муций кетгач эса, у чиқиб кетган эшикка кўз ташлади. Валерия илгарилари ҳам ундан ҳайиқанини эслади... Ҳозир эса унинг қалбидан ҳайронлик жой олди. Муций айвонига жўнагач, эр-хотин ётоқхонасига йўл олишди.

IV

Валерия хадеганда ухлолмади: томирларидағи қон оҳиста, хузур баҳш этиб жунбушга келар, боши ўз тахминича ғалати шаробдан, балки Муцийнинг ҳикояси ёхуд скрипкада чалган куйидан аста гувилларди... Тонготарга яқин у алоҳа ухлаб қолди ва гаройиб бир туш кўрди.

Тушида паст шифтли кенг бир хонага кириб бораётганмиш... Бундай хонани умри бино бўлиб кўрмаганмиш. Бутун деворлари зарҳал, “тарамтарам” йўлли, кичкина-кичкина ҳаво ранг кошинлар билан қопланганмиш, алебастранд қилинган ўймакор устунлар мармар шифтни ушлаб турганмиш, ана шу шифт ва устунларнинг ярми шаффофиши... Ҳар томондан хона ичига таралаётган ёруғ нур барча нарсаларни сирли равишда бир хил ёритармиш, духоба ёстиклар ойнадек силлик ёрнинг ярмисигача солинган энсиз гилам устида ётганмиш. Ажойиб-гаройиб ҳайвонларни эслатувчи бурчаклардаги тутатқи тутатиладиган узун идишлардан билинар-билинмас тутун кўтарилармиш, ҳеч қаерда дераза йўқмиш, девордаги дераза ўрнига тутилган духоба парда қорайиб турганмиш. Бир маҳал ана ўша парда сеқин-аста сурилибди-ю, орқасидан Муций чиқиби. У таъзим қиласмиш; кучогини очиб, нуқул кулармиш. У темирдек кўллари билан Валерияни белидан қучиби, қуруқ лаблари аъзойи баданини ўт бўлиб қуидириби... У ёстиқ устига чалқанча йиқилиби.

Валерия даҳшатдан ох-воҳ қилиб, зўр бериб урина-урина охири уйғонди. У қаердалигини, нима бўлганини тузукроқ тушунмай, каравотидан кўзгалди-да, атрофига аланглаб қаради. Аъзойи-баданини титрок ларзага солди. Фабий ёнида ётарди. У ухларди, бироқ башараси деразадан муралаётган тўлин ой ёғдусида мурданики сингари оппок... Валерия эрини уйғотди, эри унга қаради-да: “Сенга нима бўлди?” – деб ҳовликиб сўради. Валерия ҳамон аъзойи бадани қалтираб: “Мен... мен кўрқинчли туш кўрдим”, – деб шивирлади.

Худди шу аснода айвон томондан кучли мусиқа овози эшитилди, шунда Фабий билан Валериянинг ҳар иккиси бу Муций чалиб берган, у қонган ва тантана қилган севги қўшифи деб атаган ўша куй эканлигини билишди. Фабий ҳанг-манг бўлиб Валерияга қаради... У кўзини юмиб, тескари ўгирилди, шу кўйи уларнинг иккови нафасларини ичларига ютиб, қўшиқни охиригача тинглашди. Сўнгги садо тинглач, ой булутлар ортига яширинди-ю, хона ичига бирдан коронғилик чўқди... Эр-хотин лом-мим демай бошларини ёстиққа қўйишидди, қайси бири қаҷон ухлаганини ҳеч қайсиси билмади.

V

Эртасига эрталаб Муций нонуштага келди, унинг кайфи чоғ бўлса керак. Валерия билан хушчакчақ саломлашди. Валерия тараддулданиб унинг саломига алик олди, унга ялт этиб қаради-ю, Муцийнинг қувноқ, мамнун чехрасини, ўтқир, синчков кўзларини кўриб, Фабий дарҳол унинг сўзини бўлди:

– Сен, чамаси, янги жойда ухломадингми дейман? Хотиним икковимиз кечаги куйингни яна чалганингни эшитдик.

– Ростдан-а! Эшитдингизми? – деди Муций. – Ҳа, рост, мен у куйни чалдим, бироқ ундан олдин ухлаб олдим, ҳатто ажойиб туш хам кўрдим.

Валерия хушёр тортди.

– Қандай туш? – деб сўради Фабий.

– Туш кўрсам, тушимда шарқона безатилган кенг бир хонага кираётганмишман, – деди Муций Валериядан кўзини узмай. – Ўймакор устунлар шифтни кўтариб турганмиш, деворлари кошинлар билан қопланганмиш, на деразаси, на шамлар бўлмаса-да, бутун хона гўё шаффоф тошдан тиклангандек пушти рангда эмиш. Бурчакларда хитой идишларида тутатки тутаб турганмиш, ерда энсиз гилам, ёнида духоба ёстиқлар ётганмиш. Мен парда тутилган эшикдан кирибман, бошқа эшикдан эса мен бир вақтлар севган аёл кириб келибди. У кўзимга шу қадар латофатли кўриниб кетибдики, қалбимда илгариги ишқ ўти дарҳол аланга олибди...

Муций маънодор жим бўлди. Валерия қимир этмай ўтирас, аста-секин ранги оқариб борар эди... У энтишиб нафас ола бошлади.

– Шундан кейин, – деди Муций гапида давом этиб, – ўрнимдан туриб, ўша куйни чалдим.

– Ўша хотин ким ўзи? – деди Фабий.

– Уми? Бир хинднинг хотини. Мен у билан Дехли шахрида учрашган эдим... У хозир тирик эмас. Оламдан ўтган.

– Эри-чи? – деб сўради Фабий, нега суриштираётганини ўзи ҳам билмай.

– Эри ҳам ўлган дейишади. Кўп ўтмай улардан бехабар қолдим.

– Қизик! – деди Фабий... – Менинг хотиним ҳам шу кечага ғалати туш кўрибди. – Муций Валерияга дикқат билан тикилди. – Лекин менга айтгани йўқ, – деб илова қилди Фабий.

Бироқ шу пайт Валерия ўрнидан турди-да, хонадан чиқиб кетди. Муций ҳам нонуштадан кейин, Феррарада ишим бор, кечга яқин қайтиб келаман, деб дарҳол жўнаб қолди.

VI

Муций келмасидан бир неча ҳафта бурун Фабий бокира Цецилия¹ қиёфасида хотинининг суратини солишга киришган эди. У ўз санъати борасида анча камолотга эришган эди, Леонардо да Винчининг шогирди машхур Луини Феррарага, унинг ҳузурига келиб, маслаҳатлари билан унга ёрдамлашар, буюк устозининг ўгитларини гапириб берар ёди. Сурат қарийб битәзган, бир-икки қалам уриш билан чехрага сайқал бериш қолган эди. Фабий ҳақли равишда ўз асари билан фаҳрланса арзирди. У Муцийни Феррарага жўнатиб юборгач, ишхонаси томон йўл олди, одатда, Валерия уни шу ерда кутиб турарди, бироқ бугун у йўқ ёди, чакирган ёди, жавоб бермади. Фабийнинг кўнглига ғулғула тушди, уни қидириб кетди. Уйда йўқ ёди, Фабий югурганича боққа чиқди ва овлоқдаги хиёбонлардан бирида Валерияни кўриб қолди. У бошини кўкрагига энгаштириб, чалмаштирилган қўлларини тиззасига кўйганча скамейкада ўтирад ёди, унинг орқасидан ям-яшил сарв дарахти орасидан заҳарли хандадан башараси бужмайган, чўччайган лабларини найига кўяётган мармар сатир² қаққайиб турарди. Валерия эрини кўриб, хурсанд бўлди, унинг ташвишланиб берган саволларига, бир оз бошим оғрияпти, бироқ хечқиси йўқ, ишни бошласак бўлади, деб жавоб берди. Фабий уни ишхонасига олиб келди-да, ўтқазиб мўйқаламни кўлига олди, бироқ чехрани кўнгилдагидек тугаллаётмади, роса жиғибийрон бўлди. Бунинг боиси чехранинг андак рангпарлиги-ю хоргинлиги эмасди. Йўқ, чехрада Фабийнинг кўнглига ёқадиган, унда Валерияни биби Цецилия қиёфасида тасвирлаш фикрини уйғотган иффат ва бокиравлик бугун кўринмасди. Охири у мўйқаламни ташлади, хотинига, илҳом келмаяпти, ўзингният тобинг йўқроқка ўхшайди, ётиб дам олсанг тузук бўларди, деди-да, суратли мольбертни ўтириб, деворга суваб кўйди. Валерия унинг фикрига қўшилиб, ҳа, дам олишим керак, деди-да, боши оғриётганидан яна зорланиб, ётоқхонасига йўл олди.

Фабий ишхонасида қолди. У хижолат чекарди. Бироқ нима учунлигини ўзи ҳам тушунмасди. Муцийни ўзи қўярда-қўймай олиб келиб, уйидан жой берган бўлса ҳамки негадир қўнгли хижил эди. Рашқ қилганидан эмасди. Бу... ахир Валерияга рашқ қилиб бўладими! – У дўстининг илгаригидек самимий эмаслигини пайқарди. Муций олис мамлакатларда орттирган бегона, номаълум, чамаси, қон-қонига сингиб кетган янги хусусиятлар – сехр-жодулар, қўшиқлар, ғалати ичимликлар, анави соқов малайялик, Муцийнинг кийим-бошидан, соchlаридан, нафасидан тараладиган муаттар бўй – буларнинг ҳаммаси Фабийнинг кўнглида ишончсизлик, аникроғи, ҳатто ҳадиксираш туйғусини уйғотарди. Нима сабабдан ўша малайялик дастурхон устида хизмат қилаётib унга, яъни Фабийга бунчалик диққат билан хунук қарашиб қиласди? Муций у ҳакда, бу малайялик тилини бериб, катта қурбонлик келтирган, энди бунинг эвазига буюк кучга эга бўлган, деган эди. Хўш, бу куч қанақа? Тили эвазига бу кучга қандай эришган? Буларнинг ҳаммаси жуда ғалати! Ҳечам тушуниб бўлмайди! Фабий хотинининг ёнига, ётоқхонага борди, у ўрнида кийими билан ётар, уйғоқ эди. Унинг кадам товушини эшитиб, чўчиб тушди, кейин худди боғдаги сингари хурсанд бўлди. Фабий каравот четига ўтириб, Валерияни кўлидан ушлади-да, бир оз сукут қилиб туриб, кеча кечаси уни қандай ғаройиб туш қўркитганини, тушнинг Муций гапириб берган тушга ўхшаш-ўхшамаслигини сўради. Валерия анордек қизариб кетди-ю, шоша-пиша жавоб қилди: “Э, йўқ! Йўқ! Мен аллақандай маҳлукни кўрдим. У мени тилка-пора қилиб ташламоқчи бўлди”. – “Маҳлуқ дейсанми? Одам қиёфасидами?” – деб сўради Фабий. Валерия: “Йўқ, ҳайвон... ҳайвон қиёфасида!” – деди-да, ўтирилиб ётиб, қизиб кетган юзини ёстиққа буркаб

¹ Цецилия – қиз ўтишга сўз берган католик черковининг момоси. Итальян рассомлар уни кўйлақда бошига тилла тож кийиб, кўлига нилуфар ушлаган ҳолда тасвирлашган.

² Сатир – юнон мифологиясида май ва айш-ишрат маъбути.

олди. Фабий хотинининг қўлини яна хийла вақт ушлаб турди-да, индамай уни лабига босиб, чиқиб кетди.

Бу кун эр-хотин учун жуда кўнгилсиз ўтди. Гўё уларнинг бошлари устида қандайдир қора нарса тургандек бўлди, бунинг нималигини улар билишмасди. Гўё бирор хавф таҳдид қилаётгандек, улар бирга бўлишни хоҳлашар, лекин бир-бирларига нима дейишни билишмас эди. Фабий суратни тамомлашга тутинди-ю, бироқ бундан ҳеч нарса чиқмади... Кечки овқат олдида Муций қайтиб келди.

VII

У хотиржам ва мамнун қўринса ҳам, ҳикоя қилишга рағбати бўлмади, ҳадеб Фабийдан илгариги таниш-билишларини сўраб-сuriштириди. У Валерияга янги Шероз шаробидан таклиф қилди. Валерия бош тортгач, ўзига гапиргандек: “Энди ҳожати ҳам йўқ”, – деб минғирлаб кўйди. Фабий ётоқхонасига хотини билан қайтиб келгач, дарҳол ухлаб қолди... Бир соатлардан кейин уйғониб, ёнида хотини ётмаганини фаҳмлади, Валерия ўрнида йўқ эди. У дик этиб ўрнидан турди, худди шу онда хотининг тунги кўйлақда боғдан хонага кириб келаётганини кўриб қолди. Яқиндагина ёмғир шивалаб ўтган бўлса ҳамки, ой равшан ёғду сочар эди. Валерия кўзларини чирт юмиб, башарасида пинҳоний кўркув зоҳир бўлган ҳолда ўрин ёнига келди ва қўлларини чўзиб, ўрнини пайпаслаб кўрди-да, шоша-пиша индамай ётиб олди. Фабий унга савол берган эди, бироқ қулогига гап кирмади, чамаси, у ухлар эди. Унга қўлини теккизган эди, кийимида, соchlариде ёмғир томчиларини, очиқ оёқларида кум зарраларини кўрди. Шунда у сапчиб ўрнидан турди-ю, кия очиқ эшиқдан бокка югурди. Ҳамма нарса сутдек ойдинда аниқ-таниқ қўринди. Фабий аланглаб қараб, қумлоқ йўлкада икки жуфт оёқ изига кўзи тушди, бир жуфти яланг оёқ эди ва унинг изи айвон билан уй орасида ясминлардан қилинган чеккароқдаги шийпончага олиб борар эди. У ҳанг-манг бўлиб тўхтаб қолди, мана, ногаҳон ўтган кечаси эшитган ўша қўшиқнинг оҳангти тарала бошлади! Фабий чўчиб тушди-ю, айвонга югуриб кирди... Муций хонанинг ўргасида скрипка чалиб турарди. Фабий унга ташланди:

– Сен боғдамидинг, бокка чиққанмидинг, кўйлагинг ёмғирдан хўл-ку?

Муций Фабийнинг келганидан ва унинг ҳаяжонланаётганидан ажаблангандек узук-юлуқ жавоб берди...

– Йўқ... билмайман... Назаримда... чиққаним йўқ...

Фабий уни қўлидан чанглаб ушлади.

– Нега бўлмаса яна бу куйни чаляпсан? Наҳотки яна туш кўрган бўлсанг?

Муций Фабийга ҳамон ҳайрат билан тикиларди-ю, лекин ҳеч нарса демасди.

– Жавоб бер!

*Баркаш бўлиб чиқди ой,
Тўлганар илондай сой.
Дўст уйғонди, ёв ухлар,
Товуққа чангаль урди.
Темир тирноқ қарчиғай,
Ёрдам бер, ёрдам! –*

деб Муций гўё бехушдек чўзиб ғўлдиради. Фабий икки қадам орқасига тисланди-да, Муцийга тикилди, ўйлаб туриб... уйига, ётоқхонага қайтди.

Валерия бошини қийшайтириб, қўлларини икки ёнига беҳол ташлаганча донг қотиб ухлаб ётарди, Фабий уни зўрга уйғотди... Бироқ у кўзини очиб, Фабийни кўргани ҳамоноқ ўзини унинг бўйнига ташлади ва титраб-қақшаб қучоқлади, аъзойи-бадани ларзага келган эди.

Фабий уни тинчтишга уриниб:

– Сенга нима бўлди, жоним, нима бўлди! – деб тақрорлар, бироқ Валерия унинг пинжига суқилиб, қимир этмай жимгина турар эди.

Охири унинг кўксига юзини яшириб:

– Оҳ, қандай даҳшатли тушлар кўраман-а, – деди, Фабий ундан сурishiришга оғиз жуфтлаган эди... у қалтираб кетди...

Нихоят, у пинакка кетганида дераза ойналарида қуёш нурлари жилва қилаётган эди.

VIII

Эртаси куни эрталаб Муций эрталабданоқ ғойиб бўлди. Валерия эрига қўшни монастирга бориб келмоқчи эканлигини айтди. Бу ерда унинг пири муршиди яшар, унга фоятда ихлоси баланд эди. Фабийнинг саволларига у, тавба-тазарру қиласай, шояд сўнгги кунлардаги ғайритабиий ҳодисаларнинг таъсиридан фориғ бўлсан, юрагим таскин топса, деб жавоб берди. Фабий Валериянинг ориқлаб кетган юзига қараб, шикаста овозини эшитиб, унинг истагини маъкуллади. Лоренцо ҳазрат унга жўяли маслаҳатлар бериб, гумон ва шубҳаларини кўнглидан тарқатиб юбориши мумкин... Валерия тўрт киши кузатувида монастирга жўнади, Фабий эса уйда қолди ва хотини қайтгунча, унга нима бўлганини билишгага уриниб, хавотирга тушди. Ғазаби қайнаб, ноаниқ шубҳалардан юраги ўртаниб, боғда айланниб юрди... У бир неча бор айвонга кирди, бироқ Муций қайтмаган, малайялик эса унга итоатгўйлик билан бошини эгиб, хайкалдек қотиб қаради. Фабийнинг назарида, унинг қорамтири башарасида яширин истехзо бордек туюларди. Бу орада Валерия пирига тавба-тазарру қилиб, ҳамма гапни уялиб эмас, даҳшатга тушиб, гапириб берди. Пир унинг гапларини диққат билан эшитди, уни дуо қилди ва беихтиёр қилган гуноҳини кечирди. Кўнглидан эса: “Сехру жоду, шайтоний май... бу ишни бундайлигича қолдириб бўлмайди”, деган гапни ўтказди-ю, Валерияга узил-кесил тасалли бериш учун у билан бирга унинг боғига келди. Фабий руҳонийни кўриб, безовталанди, бироқ кўпни кўрган чол нима қилишини олдиндан ўйлаб кўйган эди. У Фабий билан холи қолгач, турган гапки, Валериянинг икрор бўлиб айтган гапларини яшириди, лекин Фабийга ўзинг чакириб келган меҳмонингни имкони борича тезроқ уйингдан даф кил, у ўз хикоялари, кўшиклари ва хатти-ҳаракати билан Валериянинг онгини заҳарлаган, деди. Боз устига, чолнинг фикрича, Муций илгари ҳам динга унчалик содиқ бўлмаган экан, христиан динидан бебахра мамлакатларда узок юргани важидан эса у ерлардан сохта таълимотларнинг маразини олиб келиши, ҳатто сехру жоду сирлари билан танишган бўлиши эҳтимолдан холи эмас экан, шу боисдан эски дўстлик ҳурмати бунга монелик қилса ҳамки, оқилона эҳтиёткорлик бундай дўстликнинг баҳридан ўтишни тақозо қиласаркан! Фабий табаррук пирнинг фикрларига тўла кўшилди, Валерияга пири муршидининг гапларини етказганида унинг чиройи очилиб кетди. Лоренцо ҳазрат эр-хотиннинг шукроналик билан билдирган миннатдорчилигини ва улар монастирга, ғарibu мискинларга атаб берган қимматли совғаларини олиб, уйига жўнади.

Фабий кечки овқатдан кейиноқ дўсти билан орани очди қилишга бел боғлаган эди, бироқ унинг ғалати меҳмони овқат маҳалида қайтиб келмади. Шунда Фабий Муций билан бўладиган сухбатни эртага қолдирди-ю, эр-хотин ётоқхоналарига йўл олишиди.

IX

Валерия дарров ухлаб қолди, бироқ Фабий ухломади. Тунги сукуннада кўрган-билгандари ва кўнглидан ўтказгандари унинг кўзи олдида равшанроқ намоён бўлди, у янада зўр бериб ўзига-ўзи савол берса ҳамки,

барибир илгариgidек уларга жавоб тополмади. Муций чиндан ҳам афсунгар бўлғанмикин, Валерияни сехрлаб кўйган бўлса-я? Валерия хаста... қандай дард билан оғриганикин? У бошини кўлига кўйиб, ўтли нафасини ичига ютиб, кўнгилсиз ўйларга берилиб ётганида мусаффо осмонга ой чиқди, ой ёғдуси билан бирга деразаларнинг ярим шаффоф ойналарини тешиб, айвон томондан енгил хушбўй эпкин келгандек бўлди. Шундаймикин ёки Фабийнинг назарида шундай бўлдимикин? Мана, зўр бериб чорловчи, эхтиросли шивирлаш эшитилди... ва худди шу пайт Фабий Валериянинг билинар-билинмас қимирлаганини кўрди. У сагтиб тущди, караса, Валерия ўрнидан туряпти, мана, у аввал бир оёғини, кейин бошқасини каравотдан туширди ва худди телба-кезиклар сингари хира кўзларини олдинга тикиб, кўлларини чўзганча боғ эшиги томон қадам кўйди! Фабий шу заҳоти иргиб ўрнидан туриб, ётоқхонанинг бошқа эшигидан чиқди-да, уйнинг муюлишидан чопганча ўтиб, боққа қараган эшикни тўсди... У эндиғина қулфни ушлаган ҳам эдики, ичкаридан аллаким эшикни итарганини сезди, бутун гавдаси билан итарди... яна ва яна итарди... кейин оҳу фифон эшитилди...

Фабийнинг кўнглидан: “Ахир Муций шаҳардан қайтгани йўқ-ку?” – деган гап ўтди-ю, айвон томонга югорди...

Хўш, у нимани кўрди?

Караса, рўпарасидан тўлин ой ёғдусидан чароғон бўлган йўлкада худди телба-кезик одамлардек кўлларини чўзиб, кўзларини бақрайтирганча Муций келяпти... Фабий югуриб унинг олдига борди, бироқ у бир маромда қадам ташлаб, унга парво қилмай ёнидан ўтиб кетди. Унинг чехраси ой шуъласида худди малайяликнинг башараси каби жилмайгандек бўлди. Фабий уни чақирмоқчи бўлган эди... Лекин шу пайт орқасидан – уй томондан деразанинг тақиллагани эшитилди... У шартта ўгирилди...

Рост, ётоқхонанинг деразаси ланг очиқ эди: деразада эса бир оёғини кўтарганча Валерия турарди... Кўллари гўё Муцийни излагандек пайпасланарди... у бутун борлиғи билан унга талпинарди.

Беҳад қаҳру ғазабдан Фабийнинг қони қайнади. Фигони фалакка чиқиб: “Аблаҳ, жодугар!” – деб қичқирди-ю, бир кўли билан Муцийнинг кекирдагидан ғиппа бўғди, бошқа кўли билан эса унинг белидаги ханжарни тимирскилаб топди-да, уни дастасигача ғанимнинг бикинига санчди.

Муций қаттиқ чинқирди, жароҳатини чангллаганича, йиқила-сурила айвон томон қочди. Бироқ Фабий ханжарни сукканда Валерия ҳам қаттиқ чинқирди-ю, гуп этиб ерга қулади.

Фабий ёрдам бергани Валериянинг ёнига югорди, уни кўтариб каравотга олиб бориб ётқизди ва ундан гап сўради...

Валерия анча вақтгача қимир этмай ётди, бироқ охири кўзини очиб, чукур нафас олди-да, хозиргина ўлим чангалидан халос бўлган кишидек пайдар-пай хурсанд бўлиб, эрини кўрди, кўрди-ю, уни бўйнидан кучоқлаб, ўзини бағрига ташлади. “Сенмисан, сен ўзингмисан, ўзингмисан”, – деб ғўлдиради. Кейин аста-секин қўлини бўшатди, бошини орқага ташлади ва роҳатбахш табассум ила: “Худога шукур, ҳаммаси барҳам топди. Оҳ, қанчалар толикдим!” – деб шивирлади-ю, тинч уйкуга кетди.

X

Фабий хотинининг ёнига ўтириди-да, унинг рангпар, ориқлаган, лекин хотиржам чехрасига тикилиб нималар юз берганини... ва энди нима қилиши лозимлигини мулоҳаза қила бошлади... Нима қилса экан-а? Агар Муцийни ўлдирган бўлса – у ханжарнинг қанчалик чукур суқилганини эслаб, унинг ўлганига шубҳа қилмади – буни яшириш қийин! Бориб герцогга, судьяларга хабар қилиши даркор... бироқ бу мавхум ишни қандай тушунтиради? У, яъни Фабий ўз қариндошими, энг қалин дўстини уйида ўлдирса-я! Турган гапки, нима учун, қандай сабабга кўра ўлдирдинг, деб суриштиришади... Борди-ю,

Муций ўлмаган бўлса-чи! Фабий ҳамма нарсадан бехабар ўтиришга тоқат қиломади, Валериянинг ухлаб ётганига ишонч ҳосил қилгач, курсидан охиста турди-да, айвон томон юрди. Айвон осойишта, ёлғиз бир деразада чироқ қўринар эди. У юраги пўкиллаб ташки эшикни очди (эшикда қонга белангандарниң изи қолган, йўлкадаги қумда ҳам қон қўринар эди) ва биринчи қоп-қоронғи хонага кирди... кирди-ю, ҳанг-манг бўлиб, бўсағада тўхтаб қолди.

Хонанинг ўртасида эрон гилами устида Муций чўзилиб ётарди, унинг бошига духоба ёстиқ қўйилган, устига гулли кенг қизил шол рўмол ёпиб қўйилган эди. Юзи шам сингари сап-сариқ, қовоқлари кўкариб кетган, кўзи юмук эди, нафас олгани билинмасди: худди мурдага ўхшарди. Қизил шол рўмолга ўралиб олган малайялик эса унинг оёғида чўкка тушиб ўтиради. У чап кўлида отқулоққа ўхшаш аллақандай ўтни ушлаганча, олдинга сал-пал интилиб, хўжасига қаттиқ тикилиб турарди. Полга санчиб қўйилган чоғроқ машъала хонани ёритиб, яшил шуъла сочмоқда. Машъаланинг алангаси тебранмас, буруқсимас эди. Фабий кирганда малайялик қимир этмади, унга бир қараб қўйди-ю, яна Муцийга тикилди. Ўқтин-ўқтин қўлидаги ўтни кўтариб-туширади, осмонда силкитар, лаблари гўё унсиз сўзларни сўзлаётгандек аста-секин очилиб қимирлар эди. Малайялик билан Муцийнинг ораларида ханжар ётарди: Фабий дўстига шу ханжарни урган эди, малайялик ўт билан ханжарнинг қонли тифига бир урди. Орадан бир-икки дақика ўтди. Фабий малайяликнинг олдига келди-да, эгилиб: “Ўлдими?” – деб паст овозда сўради. Малайялик бош ирғитиб қўйди ва шол рўмол тагидан уни қўлини чиқариб, қатъий равишда эшик томонга ишора қилди. Фабий саволини такрорламоқчи бўлди, лекин малайялик яна зўр қатъият билан чиқиб кетишни талаб қилиб, қўлини бигиз қилганини кўргач ҳам ғазаби қўзиб, ҳам ҳайратга тушиб, индамай чиқиб кетди.

Ётоқхонага қайтганда Валериянинг илгаригидек тинч, баҳузур ухлаб ётганини кўрди. У ечинмади, дераза тагига ўтириди-да, қўлига тиралиб яна ўйга ботди. Оппоқ тонг отганда ҳам у шу зайлда ўтиради. Валерия ҳамон уйкуда эди.

XI

Фабий унинг уйғонишини кутиб туриб, кейин Феррарага боришни ўйлаб турганида бирдан бирор аста эшикни қоқди. Фабий ташқарига чиқиб, рўпарасида ўзининг кекса эшик оғаси Антониони кўрди.

– Синьор, – деб гап бошлиди чол, – малайялик ҳозир бизга шуни баён қилдики, Муцийнинг тоби қочиб қолганмиш, эндиликда кўч-кўронини олиб, шаҳарга кетишга истак билдирганмиш, шу боисдан нарсаларини йиғиштиришга қараашадиган одам юборишингизни, пешинга яқин эса юк ортиладиган ва миниб кетиладиган отлар билан бир неча кузатувчи беришингизни сўраётганмиш. Ижозат этасизми?

– Буни сенга малайялик айтдими? – деб сўради Фабий. – Қандай тушунтириди? Ахир у соқов-ку.

– Мана, синьор, бу гапларнинг ҳаммасини манави қофозда ўзимизнинг тилда баён қилган, жуда тўғри ёзган.

– Муцийнинг тоби қочганмиш, дедингми?

– Ҳа, қаттиқ бетобмиш – уни кўришнинг иложи йўқмиш.

– Врачга одам юбормадингларми?

– Йўқ. Малайялик изн бермади.

– Шу сўзларни малайялик ёзиб бердими сенга?

– Ҳа, ўша.

Фабий жим қолди.

– Начора, айтганларини бажо қил, — деди у ниҳоят.

Антонио кетди.

Фабий хизматкорининг орқасидан ҳайрон бўлиб қараб қолди. “Бундан

чиқди, ўлмаган шекилли? – деб ўйлади у... ва хурсанд бўлишиниям, афсусланишиниям билмади. – Бетоб? Ахир бундан бир неча соат бурун ўлиб ётганини ўз кўзи билан кўрган эди-ку!”

Фабий Валериянинг ёнига кирди. Валерия уйғониб, бошини кўтарди. Эрхотин бир-бирига узоқ, маъноли тикилиб қолишиди. “Энди у йўкми?” – деб сўраб қолди тўсатдан Валерия. Фабий чўчиб тушди. “Нима... йўкми? Сен ахир... У қетдими?” – деб давом этди Валерия. Фабийнинг кўнгли жойига тушди. “Йўқ ҳали, лекин бугун кетади”. – “Шундан кейин уни ҳеч вақт, ҳеч қачон кўрмайманми?” – “Ҳеч қачон!” – “Анави тушлар ҳам барҳам топадими?” – “Ҳа”. Валерия шодланиб енгил нафас олди, лабларида яна табассум жилва қилди. Иккала қўлини эрига чўзди. “Унинг номини сира ҳам тилга олмаймиз, хўтми, жоним? У жўнаб кетмагунча мен уйдан чиқмайман. Энди сен канизакларимни ҳузуримга чақириб юбор... айтмоқчи, шошма: анави матоҳин олгин-да – у Муций совға қилган, ҳозир стол устида ётган маржонни кўрсатди – энг чуқур қудугимизга ташла. Мени бағринга бос, мен сенинг Валериянгман – у кетгунга довур ёнимга келма”. Фабий маржонни олди, назарида, дурлари нурсизланиб хира тортгандек бўлди. У хотинининг амрини бажо келтириди. Сўнг узоқдан айвон томонга назар ташлаб боғда айланиб юрди. Бу вақтда одамлар айвон олдида ғимирсиб, лаш-лушларни йиғиштиришаётган эди, мана, ниҳоят, сандиқларни олиб чиқиб, отларга орта бошлишиди. Фабийнинг кўнглида айвонда бўлаётган ишларни яна бир марта кўриб келишга кучли истак уйғониб, уни васвасага сола бошлади. У айвоннинг орқа томонида яширин эшик борлигини эслади. Шу эшиқдан эрталаб Муций ётган хонага кириш мумкин эди. У пусиб, эшик олдига келди, эшик очик эди, у оғир дарпардани суриб, қўрқа-писа ичкарига кўз кирини ташлади.

XII

Муций энди гиламда ётмас эди. У сафар кийимида курсида ўтирас, бироқ ҳамон Фабий биринчи марта кўрганидаги каби мурдага ўхшар эди. Зилдек боши курсининг суюнчиғига шилқ этиб тушган, чалмаштириб қўйилган қўллари тиззалири устида сарғайиб қўринар, кўкраги кўтарилмасди. Курси ёнида қорамтири суюқлик солинган бир нечта ясси пиёла туради. Улардан кишининг нафасини бўғадиган ўтқир ҳид анқирди. Ҳар бир пиёла ёнида ўқтин-ўқтин мунҷоқдек кўзларини чақнатганча, кичкина-кичкина сариқ илонлар кулча бўлиб ётарди, шундокқина Муцийнинг олдида, икки қадам нарида ола-була духоба чопон кийиб, белини йўлбарснинг думи билан боғлаб, кулоҳни эслатувчи баланд қалпоқ кийган малайяликнинг новча гавдаси қақайиб туради. Бироқ у энди жим турмасди, гоҳ астойдил эгилар, гоҳ қаддини яна ростлар, ҳатто оёғининг учиди туради, гоҳ бир маромда қулочини ёзар, гоҳ зўр бериб Муций томонга қўлларини силкитар, гўё таҳдид ёки амр қилаётгандек бўлар эди, қовоғини уйиб, депсинарди. Чамаси, бу харакатлар ундан катта куч талаб қиласиди, ҳатто азоб ҳам берарди, ҳарсиллаб нафас олар, баширасидан ғарақ-ғарақ тер қуйиларди. Бирданига у тақقا тўхтади, кўксини тўлдириб ҳаво ютди-да, пешанасини тириштириб кучанди ва гўё тизгин ушлагандек маҳкам сиқилган қўлларини йиға бошлади... шунда Фабийни мислсиз даҳшатга соглан бир ходиса рўй берди, Муцийнинг боши аста-секин курсининг суюнчиғидан кўтарилиб, малайяликнинг кўлига эргашиб ҳаракатга келди... Малайялик қўлини туширган эди, Муцийнинг боши яна суюнчиқча шилқ этиб тушди, малайялик ҳаракатини такрорлади, боши ҳам итоатгўйлик билан қўлга эргашиб қимирлай бошлади. Пиёлалардаги қорамтири суюқлик қайнади, пиёлалар нозик садо бериб жаранглади, уларнинг ёнидаги илонлар тўлғанди. Шунда малайялик бир қадам олдинга юрди-да, қошини чимириб, қўзларини олайтириди ва Муцийга қараб бош иргатди... шунда мурданинг қовоғи пирпиради, кейин аста-секин киприк кўтарилиди-ю, уларнинг тагидан хира кўз қораҷиғи кўринди. Магрут тантана ва шодлиқдан, қаҳрли шодлиқдан малайяликнинг чиройи ёришди, у лабларини катта очди, томоғидан курдатли

ЖАҲОН АДАБИЁТИ

наъра отилиб чиқди... Муцийнинг ҳам лаби очилди-ю, ғайритабии овозга жавобан заиф инграган товуш эшитилди...

Шу ерга етганда Фабий ортиқ бардош беролмади; назарида, қандайдир инс-жинсларнинг афсунода иштирок этажтандек бўлди! Қичқирганча, орқа-үнгига қарамай, тезроқ уйига етиб олиш мақсадида дуо ўқиб, чўкиниб уйи томон қочди.

XIII

Орадан уч соат ўтгач, Антонио келиб, ҳамма иш битганини, нарсалар йиғиштириб бўлинганини, синъор Муций сафарга тайёрланаётганини ха-бар қилди. Фабий хизматкорига бир оғиз сўз ҳам айтмай, айвон кўриниб турадиган пешайвонга чиқди. Юк ортилган бир нечта от айвон олдида тўпланиб туради, шундоққина зина ёнига икки кишига мўлжалланган кенг эгар урилган бақувват қора айғирни олиб келишди. Худди шу ерда бошяланг хизматкорлар ва қуролланган кузатувчилар туришарди. Айвоннинг эшиги очилди-ю, яна ўзининг илгариги кийимини кийиб олган малайялик ёрдамида Муций кўринди. Унинг башараси ўликникидек, қўллари шалвираб туради, бироқ у одим ташлар эди, рост! Одим ташларди, отга миндириб қўйилгач, қаддини тик тутиб ўтириди ва пайпаслаб жиловни топди. Малайялик унинг оёғини узангига тикиб қўйди ва бир сакраб мингашди-да, уни белидан ушлаб олди, шу кўйи карвон йўлга тушди. Отлар одимлаб борарди, улар уй олдидан қайрилишганида, Фабийнинг назарида, Муцийнинг қоратўри юзида иккита оппоқ доғ милт этиб кўрингандек бўлди... Наҳотки Муций унга нигоҳ ташлаган бўлса?! Фақат малайяликкина унга одатдагича истеҳзо билан таъзим қилди...

Буларнинг ҳаммасини Валерия кўрдимикин-йўқми? Хонасининг деразасидаги дарпардалар туширилган эди. Ким билсин, у деразадан мўралагандир.

XIV

Валерия тушлика емакхонага келди, у ўта маъсум ва меҳрибон эди, бироқ ҳамон ҷарчаганлигини айтиб зорланарди. Лекин унда илгариги ваҳима, доимий ҳайрат ва пинҳоний кўркув кўринмасди, Муций жўнаб кетганининг эртасига Фабий яна унинг суратини чизишга киришганди, хотинининг чехрасида уни саросимага солган вақтинчалик нуқсон йўқолганини ва аввалги иффат яна пайдо бўлганини кўрди... кўрди-ю, мўйқалам мато устида дадил, равон юра бошлади.

Эр-хотин яна аввалгидек баҳтли яшай бошлашди. Муций гўё ер ютгандек дом-дараксиз кетди. Фабий билан Валерия худди унинг тўғрисида лом-мим демасликка ва кейинги тақдирини суриштирумасликка шартлашгандек эдилар, дарвоке, Муцийнинг тақдирини ҳамма учун сирлигича қолди. У чиндан ҳам ер ютгандек фойиб бўлди. Фабий бир куни ўша машъум тунда қандай ходиса рўй берганини Валерияга сўзлаб бериши лозимлигини ҳам қарз, ҳам фарз, деб ўйлаб оғиз жуфтлаган эди, Валерия унинг ниятини сезди, шекилли, дами ичига тушиб кетди, кўзлари сузилди, гўё зарба тушишини куттандек сергакланди. Шунда Фабий унинг ахволига тушунди.

Ажойиб куз қунларидан бирида Фабий биби Цецилияниң суратини битираётган эди, Валерия орган олдида ўтирас, бармоқлари клавишилар устида чопарди... Кўққисдан қўллари остидан беихтиёр ғолиб севгининг бир вақтлар Муций чалган куйи янграб кетди, худди шу пайт Фабий билан турмуш қурганидан бери биринчи марта вужудида дунёга келаётган янги хаётнинг типиричилаганини ҳис қилди. Валерия чўчиб тушди-ю, тўхтади.

Бу нима ўзи? Наҳотки...

*Рус тилидан
Мирзиёд МИРЗОИДОВ
маржимаси*

ЖАҲОН АДАБИЁТИ

ГЛОБУС

АНГЛИЯ ҚИРОЛЛИГИ

Ташкил топган вақти:
928 йил

Пойтахти: Лондон

Майдони: 133 396 км²

Аҳолиси: 53 012 456 киши

Расмий тили: инглиз тили



ЖАҲОНӢ НОМЛАРГА БОЙ МАМЛАКАТ

Адабиёт

Хозирги инглизларнинг аждодлари – мамлакатга Европадан кӯчиб ўтган англосакслар бўлиб, бу аҳоли ўргасида жуда кўплаб ривоят ва афсоналар тилдан-тилга ўтиб юрарди. Инглиз тилидаги адабиётлар (инглиз адабиёти деган тушунччанинг ўзи ҳам) асосан англосакслар насронийлик динини қабул қиласанларидан кейин пайдо бўлди. Ўша пайтларда роҳиблар халқ ичида юриб қаҳрамонлик достон(поэма)ларини ёзиш олганлар (улар ичида энг машҳури VII асрда қоғозга тушган “Беовульф” асаридир). Қаҳрамонлик достонларидан ташқари, илк ўрта асрларда адабиётнинг бошқа жанrlарида ҳам асарлар (диний рисола ва трактатлар, рицарликнинг шеърлари, солномалар) яратила бошланди.

XI – XII асрларда Англия ҳудудини ҳозирги французларнинг аждодлари хисобланмиш норманнлар босиб олди. Бегона тил ва маданиятнинг суқилиб кириши туфайли юз берган мураккаб вазиятлар оқибатида бу даврда инглиз адабиёти уч тилда яратила бошланди: диний адабиётлар – лотин тилида, қадимий солномалар, ривоятлар, қадим ўтмиш воқеалари – инглиз тилида, шеър ва достонлар – француз тилида (уларнинг кўпчилик кисми бизгача етиб келган). Англия ҳудуди норманнлар истибододидан қутилганидан сўнг мамлакатда ягона миллий тил – инглиз тили вужудга келди (XIV аср). Бинобарин, умуминглиз адабиётида яратилган илк бадиий асар – Жеффри Чосернинг “Кентерберий ҳикоялари” китобидир.

Инглиз адабиёти тарихида XIV – XV асрлардаги буюк урушлар – Франция билан бўлган “Юз йиллик уруш” ҳамда фуқаролараро бўлиб ўтган Қизил ва Оқ атиргул урушлари – мазкур адабиёт тараққиётини тўхтатиб қўйган тарихий воқеиликлар хисобланади. Ўзаро тўс-тўполон ва вайронагарчиликларни келтириб чиқарган урушлар натижасида инглиз таҳтида Тюдорлар сулоласи ҳукм суро бошлади. Айнан мана шу сулола ҳукмдорлари умуминглиз адабиётининг гуллаб-яшнаши учун бемисл хизмат қилдилар. Натижада, XVI аср инглиз адабиётида инсонпарварлик (гуманизм) йўналиши пайдо бўлди,

ЖАҲОН АДАБИЁТИ

бу йўналиш асосчиси Томас Мор (жаҳонга машҳур “Утопиялар” асарининг муаллифи) эди. XVI асрнинг иккинчи ярмига келиб гуманизм – асосий ғоявий оқим қўринишини касб этди. Адабиётда гуманистларнинг ахлоқпарварлик, инсонпарварлик руҳидаги асарлари билан бир вақтда лирик жанрлар ҳам униб-ўса бошлади. Шу ўринда бевосита Петrarка шеъриятининг таъсири остида шаклланган инглиз сонети жанрини тилга олиб ўтиш жоиз (бошловчи шоирлар Т.Уайет ва Г.Х.Саррилар). Мазкур даврда яратилган Э.Спенсернинг “Фей (фаришта)лар қироличаси” эпик поэмаси ана шу йўналишдаги гултоҷ асарлардан бўлиб қолди. Айтиб ўтиш ўринлики, Спенсер қашф этган бундай шеърий тузилиш (“Спенсер строфалари”)дан кейинчалик Байрон ҳам изчил ва унумли фойдаланиб, ўзининг машҳур “Чайльд-Ҳарольд зиёратлари” поэмасида юксак самараларга эриша олди.

Европа мамлакатлари адабиётларида кейинчалик ғоят оммавийлашган саргузашт романлар, плутроманлар (маккорлар ҳақида асарлар), галант адабиёт (муомала, одоб ҳақидаги асар)ларнинг тарақкий топиши ҳам айнан шу даврдан туртки олган эди. Хусусан, инглиз Уйғониш даврининг энг муҳим ютуғи – бу драма жанрининг тараққиёти хисобланади. Урга асрларда драмалар асосан черков (диний) мавзуларига бағищланиб, сийқаси чиққан сюжет ва талқинлардан иборат бўлар, кўпинча ибодатхоналар, одамлар гавжум бўладиган кўчаларда томошабинларга намойиш қилинарди (“моралите” – томошалар). XVI аср ўргаларидан бошлаб, антик давр намуналарига тақлидан ёзилған, тарихий сюжетлар асос қилиб олинган драмалар пайдо бўла бошлади. Узида ҳалқ театрлари билан кулги (комедия) унсурларини бирлаштирган дунёвий драматургия, саҳна асарлари Европада энг буюк драматик шоир У.Шекспирнинг пайдо бўлишини тақозо қилди. “Ҳамлет”, “Макбет”, “Отелло” ва “Қирол Лир” фожиалари бу мислсиз адабнинг гултоҷ асарлари бўлиб қолди. Инсонпарварлик руҳда тарақкий топиб келаётган драматургия жанрининг янада ривожлана боришини XVII асрда бўлиб ўтган буржуа инқилоблари тўсизб қўйди. Театрлар инсон ахлоқини бузадиган муассасалар, деб эълон қилинди ва ёпиб ташланди (1642 йил). Бу пайтга келиб эпик (кўламли) достонлар яратиш жадал ривожлана бошлади – Жон Милтон ўз даврининг ижтимоий қарама-қаршиликларини очиб берган машҳур “Бой берилган беҳишт” достонини яратди. Икки ижодий-эстетик тизим – классицизм ва барокқо услубларининг кураши замирида Жон Дон лирикаси ва Ж.Драйден драматургияси шаклана бошлади. 1688–1689 йилларда юз берган “Шавкатли инқилоб” туфайли инглиз адабиётида янги давр бошланди. Даниэль Дефо қаламига мансуб “Робинзон Крузонинг ҳаёти ва ғаройиб саргузаштлари” романи бу даврда ўзига хос адабий манифест ролини бажарди. Бу асар қаҳрамони воқеликни ва борликни теран, сергак баҳолай олувчи ақл-идрокка суянган ҳолда табиат кучларидан ғолиб келади, кимсасиз оролда кишилик жамиятининг кичрайтирилган моделини яратишга муваффақ бўлади. Буржуа жамияти идеалларини куйловчи Жонатан Свифтнинг “Гулливернинг саёҳатлари” асарини эса айнан Дефо қарашларининг танқиди сифатида қабул қилиш мумкин. Алоҳида олинган инсонга, унинг хис-туйғу ва кечинмаларига бўлған эътибор адабиётдаги бошқа бир йўналиш – сентиментализм йўналишига ҳам хос бўлди (ушбу йўналишнинг асосий намояндаси С.Ричардсон деб қаралади).

Инглиз адабиётида XVII – XVIII асрлар – ажойиб сатириклар ва ҳажвчилар даври сифатида ҳам талкин қилинади. Публицистикада Свифт билан ёнмаён Жон Аддисон ва Р.Стил, эпик прозада Т.Смоллетт, Л.Стерн, О.Голдсмит номлари қайд этилади. Ушбу даврдаги энг машҳур асар деб тан олинган Р.Б.Шериданнинг “Гийбат мактаби” пьесаси жаҳонга машҳур комедия сифатида донг таратди ва “замонанинг ижтимоий иллатларини фош қилиб ташлаган саҳна асари” деб тан олинди.

XVIII аср инглиз шеъриятида медиатив (чуқурлашган ва бир мақсадга йўналган) жанрлар: элегиялар, табиат гўзаллигини тасвирилаш, турмушнинг

ранг-баранг, мукаммал ва муқаддас қонун-қоидаларига оид мушоҳадалар етакчи аҳамият касб эта бошлади. Аср ниҳоясига келиб эса шеъриятда ҳалқона оҳангларга, балладаларга, қўшиқларга қизиқиши ортиб борди, шунинг натижаси ўлароқ, шотланд шоири Роберт Бернс ижодида, шеърларида ҳалқона мотив ва мавзуларга берилиш янада кучайди.

Инглиз адабиётининг ривожига 1789–1794 йилларда бўлиб ўтган француз буржуя инқилоби ҳам улкан таъсир кўрсатди. Бу пайтда ақл-идрошка суюниб жамиятни қайта қуришга қаратилган маърифий ғоялар талафотга учраб, ўз ўрнини романтизм ғояларига бўшатиб берди. XVII аср охирларида инглиз шеъриятида “Кўл мактаби вакиллари” деб номланган гурухга мансуб шоирлар пайдо бўлди (С.Т.Колриж, У.Вордсворт, Р.Саут). Мазкур мактабга мансуб биринчи авлод шоирлар ижодида лирик қаҳрамон тасаввuriда туғилган кундалик ҳаёт воқеиликларига мурожаат қилиш, шундан келиб чикадиган кечинмалар кўпроқ ўрин олди. Иккинчи авлод романтик шоирлар (Ж.Г.Байрон, П.Б.Шелли, Ж.Китс) “Кўл мактаби” вакилларининг ижодий услубини, улар тутган йўлни танкид қилиб чикдилар ва замоннинг долзарб мавзуларига атаб асарлар ёздилар. Шунинг учун ҳам романтикларнинг “иккинчи тўлқин” вакиллари ижодида, улар битган асарларда турмуш тарзига, ҳаётнинг сийқаси чиққан асоратларига қарши қурашувчи исёнкор қаҳрамонлар, мавжуд ижтимоий вазиятларда ўз имкониятларини, қалб кучини намоён қила олмаётган ақлли, маърифатли, олижаноб шахслар қисмати кўпроқ ўрин эгаллади. Вальтер Скоттнинг тарихий романларида қаҳрамонлар илк ўрта асрлардан бошлаб то XVIII асрдагача Ёвропа тарихида муҳим ўрин тутган воқеалар теварагида ўзларининг баҳти, келажаги, тақдирни учун қурашадилар.

XIX асрнинг 30-йилларидан бошлаб Англияда романтик руҳдаги адабиёт таназзулга учраб, ўз ўрнини янги ижодий услубга – ҳаётни ва инсонни реалистик бўёқларда тасвирлайдиган реализм услубига бўшатиб берди. Аср ўрталарига келиб Шарлотта Бронте, Чарльз Диккенс, Уильям Теккереј номлари реалистик адабиётнинг марказий устунларига айланди. Булар ичida айниқса Диккенс реализми ғоят ўзига хос бўлиб, унинг романларида ҳам, кичик ҳажмдаги асарларида ҳам персонажлар – қаҳрамонларга, разилларга, содда ва анойиларга, жайдари одамларга ажralган ҳолда намоён бўлади.

XIX асрнинг охирларида инглиз адабиёти икки оқимнинг қураши, тўғрироғи, танқидий реализм ва неореализм ўртасидаги мусобака авж олганлиги билан характерланади. Неоромантизм оқими вакиллари (Э.Л.Войнич, Р.Л.Стивенсон, Р.Киплинг) ўз асарларида романтик услубнинг ташки кўринишларини сақлаган ҳолда, ҳаёт ҳақиқатларини “бор бўйича” кўрсатишга интилдилар. Инглиз адабиётида Оскар Уайлд номи билан бошланган эстетизм ғоялари эзгулик ва гўзалликнинг тантана қилиши, дунё ҳам, инсон қалби ҳам бориб-бориб охир-оқибатда яхшилик томон бурилишига бўлган эътиқодни улуғлайди. Умуман, реалистик оқим анъаналари (инглиз адабиётида бу оқим XX аср бошларидан “традиционализм” деб атала бошлади) то шу кунларда ҳам ўзининг долзарб тамойилларига содик ҳолда давом этиб келмоқда. Бундай ҳозиржавоблик, анъаналарга содиклик, қисқаси, неореализм Бернард Шоунинг интеллектуал драмаларида, Герберт Уэллснинг фантастик романларида, Жон Голсуорсининг миқёсли роман-эпопеяларида, Сомерсет Моэмнинг романларида ўз аксини топди.

XX асрнинг биринчи ярмида инглиз адабиётида модернизм йўналиши асосий ижодий услуб сифатида кўпчилик ёзувчиларнинг эътиборини тортиди. Модернист адаблар наздида одам – мангу ва ўзгармас қадрият, унинг қалбига вақт ҳам, тарихий муҳит ҳам таъсир ўтказа олмайди.

Танқидчилар модернистик услубнинг дастлабки нишоналари Жеймс Жойснинг буюк “Улисс саргузашлари” романида куртак очганлигини

қайд этадилар. Танқидчилар фикрича, адаб гўёки муҳташам бир ребус ясад, мазкур романида ўзининг жаҳоний маданият тараққиёти ва инсоннинг ундаги ўрни борасидаги мушоҳадаларини, тасаввурларини кодлаб-мухрлаган. Шунингдек, адабиёт соҳасида Виржиния Вульф олиб борган изланишлар, топилмалар бугунги кун ўкувчилари учун қизиқарлидир, зеро бу адива яратган қаҳрамонлар реал борлиқдаги воеа-ходисаларга ҳар сафар ўз қаравшидан, вазият тақозосидан келиб чиқиб баҳо беради. Вульф учун шуниси муҳимки, у муайян борлиқнинг ўзи мавжуд эмаслигини, балки атрофимизда бизни ўраб турган беҳудуд мавжудлик ҳақида субъектив фикрлар чексиз даражада кўп эканлигини кўрсатгиси келади.

Инглиз адабиётининг кейинги даврлардаги ҳодатига биринчи жаҳон уруши ҳам ўзининг таъсирини ўтказмай қолмади. Ёшлиар юрагидаги тушкунлик туйғулари адабиётда “йўқолган авлод” вакилларининг тақдирини турли ракурслардан туриб ёритишда айниқса кўл келди. Англиядаги ёзувчилар орасида Р.Олдингтоннинг бу борадаги хизматлари катта бўлди. Гап ёш авлод қалбини чулғаб олган тушкунлик (пессимизм) туйғулари ҳақида кетар экан, иккинчи жаҳон урушининг одамлар тақдирига, келажагига, ҳаётига, қалбига, яашаш тарзига етказган талафотларини ҳам эсдан чиқармаслик керак, албатта. Бу хил кўнгилсизликларнинг чукур томир ёиши, келажакка бўлган ишончнинг сўниши, мозийдан мерос бўлиб ўтаётган идеалларга нисбатан шубҳа-гумоннинг ортиши – айнан ўша урушдан кейинги давр адабиёти кўтариб чиқсан мавзуулар бўлиб, бу мавзуулар Ж.Оруэлл ва У.Голдинглар яратган асарларда ўз аксини топди. Модернистик адабиётда унутиб қолдирилган ижтимоий муаммолар урушдан кейинги даврдаги адиларнинг ижодида – А.Мёрдок, Г.Грин, Ч.П.Сноу романларида қайтадан намоён бўла бошлади. 50-йилларда “Ўпкалаган ёшлиар гуруҳи” деб ном олган гуруҳ вакиллари (К.Элис, Ж.Уэйн, Ж.Брейн ва бошқалар) ижодида XX аср жамиятининг ижтимоий ва маънавий имкониятларидан шубҳаланиш оҳанглари пайдо бўлди. Аммо “ўпкалаганлар” мавжуд ижтимоий тузумнинг иллатларини танқид қилишдан нарига ўтолмадилар, ўз замонасининг долзарб муаммоларини ҳал қилишга доир бирон-бир янги таклиф беролмадилар. Шунга қарамай, ушбу гурухга мансуб адиларнинг (Ж.Особорн, Р.Болт, Г.Пинтер) ижтимоий муаммолар кўтарилиган драмалари инглиз адабиётида ёрқин из қолдирди. Булардан ташқари, Ж.Р.Толкиен ва унинг издошлари бошлаган фэнтези жанри мамлакат худудида, ундан ошиб Европа ва жаҳон китобхонлари доирасида мисли кўрилмаган даражада шов-шуввлар кўтарилишига сабаб бўлди.

Айни дамда (XX асрнинг сўнгти ўйниллуклари, XXI асрнинг бошларида) инглиз адабиёти икки йўналишда ривожланиб бормоқда, дейиш мумкин. Бир томондан, интеллектуал ақл соҳиблари, инглиз адабиёти билимдонларига мўлжалланган ижод (масалан, Р.Фаулз, Т.Стоппардлар ижоди) ўкувчиларга илғор адабиёт сифатида тақдим қилинмоқда. Иккинчи томондан, оммавий ўкувчига мўлжалланган, қаҳрамонлари кутилмаган вазиятларга тушиб қоладиган саргузаштли, детективга мойил асарлар китобхонлар олқишига сазовор бўлмоқда. Бу услубда ижод қиласидан адилар (А.Кристи, Ж. ла Карре)нинг асарлари ҳозирги пайтда жаҳон адабиёти ихлосмандларининг ҳам дикқат-эътиборини ўзига тобора кўпроқ тортмоқда.

Театр

Англия театри тарихи ўрта асрларда (V-XI асрлар) Европа бўйлаб кезиб юрган ҳалқ қизиқчилари – гистрионларнинг томошалари, черков маросимларидан бошланади. XI-XV асрларга келиб французлар таъсирида ўрта аср театр томошалари – миракл, мистерия, XIV-XVI асрларда эса моралите, фарс каби йўналишлар юзага келди.

ЖАҲОН АДАБИЁТИ

Инглиз театрни даврига келибгина дунёвий характер касб этди. Англияда театр – ҳақиқий халқ санъати бўлиб, ҳамма учун очиқ эди. Профессионал актёрлар труппалари ҳам шу даврда юзага келган. XVI аср охирларида Лондонда 20 га яқин театр бўлиб, улардан энг машҳурлари Жеймс Бербедж ва Филип Хенсло театрлари эди.

Лондонда биринчи театр биноси 1576 йилда, машҳур “Глобус” театри 1612 йилда қурилади. Қиролича Елизавета даврида Жон Лили, Роберт Грин, Кристофер Марло, Бен Жонсон, Вебстер каби истеъодли драматурглар оригинал асарлар яратдилар. Аммо бу ижодкорларнинг номлари Шекспир ижодининг соясида колиб кетди. Уйғониш даврининг йирик драматурги Вильям Шекспир инсон шахсияти, унинг ҳис-туйгулари ва эҳтиросларининг моҳир тасвирчиси сифатида жаҳон адабиёти ва театри тарихида муҳим ўрин эгаллади.

1642 йилда ҳокимият тепасига пуританлар келиши билан Англия парламенти томонидан барча томошалар ман қилинди, актёрларни жиноятчи сифатида хибга олиш буюрилди. 1660 йилда Стюартлар династияси даврида яна театрларга рұксат берилди.

XVII аср инглиз драматурглари ичида энг машҳури Шеридан бўлиб, унинг “Фийбат мактаби” сатирик комедияси жуда оммалашади.

XIX–XX асрларга келиб инглиз драматургиясида танқидий реализм, натурализм, символизм, реализм, неоромантизм, эстетизм каби услубларда яратилган асарлар вужудга келди. Режиссёrlик театр асосчиси сифатида эса Томас Жекоб Грейн (1862–1935)нинг “Мустақил театри” тилга олинади. Бу театр репертуари Ибсен, Гауптман, Стриндберг, Толстойнинг янги асарларидан тузилган эди. Интеллектуал театр ватани ҳам Англия саналади. Унинг шаклланишида Б.Шоу, режиссёр ва драматург Харли Гренвилл Баркерлар муҳим роль ўйнадилар. Бернард Шоу публицистик фикрга асосланган театр тарафдори бўлиб, бундай театрда актёр ҳам санъаткор, ҳам нотиқ сифатида гавдаланади. Бернард Шоу замонавий инглиз ижтимоий драмаси асосчиси ҳамда мусикий танқидчи бўлган. У интеллектуал драма асосчиси сифатида асарларига баҳсни, қаҳрамонларнинг ҳозиржавоблик ва ўткир мунозараларга бой диалогларини асос қилиб олади.

Инглиз театр режиссёrlаридан Питер Брук саҳналаштирган Шекспир пьесалари томошабинлар орасида айниқса муваффақият қозонди. Бугунги кунда Англияда кичик-кичик профессионал, ярим профессионал ва профессионал бўлмаган театр труппалари фаолият кўрсатади. Ҳозирда Буюк Британиянинг пойтакти Лондон шаҳрида ўнлаб театрлар мавжуд.

Музейлар

Англия архитектураси, қадимий қалъя ва қасрлари, дикқатга сазовор жойлари инглиз миллиатининг ҳақиқий хазинаси ҳисобланади. Қадимий архитектура ёдгорликлари билан бир қаторда замонавий ёдгорликлар ва музейлар ҳам саёҳатчиларнинг севимли манзилларига айланган, Масалан, машҳур детектив Шерлок Холмс музейи ёки Гарри Поттер муҳлислари яратган машҳур “9дан 3 платформа” ҳайкали дунёнинг турли бурчагидан ташриф буюрадиган саёҳатчиларнинг дикқатини торгади.

Лондоннинг Мэрилебон районида мадам Тюссонинг мумдан ясалган фигуранлари музейи жойлашган. Бундай музейлар дунёнинг 11 та шаҳрида мавжуд бўлиб, бу музейнинг Лондондаги биринчи кўргазмаси 1835 йилда бўлиб ўтган эди.

Виктория ва Альберт музейи эса 1852 йилда киролича ва шаҳзода шарафига очилган бўлиб, унда 5 мингийиллик тарихни акс эттирган 4,5 миллион экспонат мавжуд. Музейда Шимолий Америка, Осиё, Шимолий Африка тарихига оид керамика, шиша, тўқимачилик, костюм, кумуш, темир, тақинчоқ, ҳайкалтарошлиқ, гравюра экспонатлари, фотосурат ва тасвирий санъат асарлари мавжуд.

Лондон Миллий галереясида XIII-XX асрларга оид бўлган 2 мингта тасвирий санъат асари бор. Музей 1824 йилда ташкил этилган. Бу музейдан Европа рассомлик мактабларининг барча йўналишларига мансуб бўлган асарлар жой олган. Бундан ташқари Лондонда жойлашган аниқ фанлар музейи, илм-фан музейи ҳам дунёга машҳур. Ливерпул шаҳрида эса XX асрнинг машҳур мусикий квартети “Битлз”нинг музейи жойлашган.

Кино

Англияда биринчи фильм намойиши 1896 йилнинг 26 марта Лондондаги “Олимпия” залида бўлган. Уни биринчи инглиз кинематография ходими Уильям Пол ташкил қилган. Англия киноси тарихига “Брайтон мактаби” номи билан кирган йўналиш вакиллари Уильям Фризе-Грин, Эсме Коллинз, Жемс Уильямсон, Жорж Альберт Смитлар маҳаллий фотоклубнинг аъзоси бўлганлар. “Брайтон мактаби” вакиллари кино санъатида бир қанча техник янгиликларни амалиётга киритдилар. Жумладан, икки ёқлама экспозиция, ҳаракатдаги кадрларни суратга олиш, панорама яратиш, суратни тескари олиш, стоп-кадр каби техник услублар кино санъатида биринчи марта улар томонидан кўлланган. Монтаж техникаси, репортаж техникаси, бир ердан иккинчи ерга эркин кўчиб ўтиш, натурада суратга олиш каби услубларни ҳам улар бошлаб берганлар.

Мелодрама жанридаги инглизлар яратган фильмлар дунё томошабинлари орасида муваффақият қозонди. Бадиий адабиёт намуналаридан биринчи бўлиб 1908 йилда Шекспирнинг “Ромео ва Жулъетта” трагедияси экранлаштирилди. 1911 йилда суратга олинган “Генрих VII” фильмида эса Лондондаги оддий халқ ҳаётини акс эттириш учун биринчи марта оммавий саҳналардан фойдаланилган.

30-йилларда инглиз ҳужжатли киноси юзага келди. Ҳужжатли кино раҳбари Ж Грирсон мактаби вакиллари П.Рота, Б.Райт, Э.Энстей, А.Эстон, Д.Тейлор 300 га яқин ҳужжатли фильм яратдилар.

Иккинчи Жаҳон уруши даврида асосан мелодраматик йўналишдаги, урушдан чарчаш кайфиятларини акс эттирган фильмлар суратга олинди.

50-60 йилларда инглиз тижорат киноси мухим аҳамият касб этди. Унинг асосини детектив жанридаги фильмлар, жумладан, Агата Кристининг Эркюль Пуаро ва мисс Марпл ҳақидаги асарларининг экран талқини, Жеймс Бонд ҳақидаги машҳур фильмлар ташкил киласди.

Бугунги кунда Англия киноси замонавий техник воситалар билан яхши таъминланган, қатор истеъоддли актёр ва режиссёrlарга эга соҳалардан бўлиб, кизғин ижодий жараённи бошдан кечираётir. Ҳар йили ишлаб чиқариладиган турли мавзу ва жанрлардан иборат инглиз фильмлари янги-янги номлар билан бойиб, фестивал ва анжуманларда мунтазам равища иштирок этиб совринли ўринларни эгаллаб келмоқда.

Музаффар АҲМАД,
Севара МАҲМУДОВА
тайёрлади



АНГЛИЯ ШЕРІЯТИ

ХАЛҚ БАЛЛАДАЛАРИ

Баллада (Французча “ballade” – рақсга тушиб айтападиган күшик сўзидан келиб чиққан) – Европа халқлари адабиётида XIV – XVI асрларда шаклланган шеърий жанр бўлиб, кейинчалик бу атама халқ қаҳрамонлари, тарихий воқеалар, умуман, тугал бир ижтимоий-романтик ҳодисалар ҳақида хабар берувиши шеърий асар сифатида ҳам шуҳрат қозонган. Хозирги пайтда адабиётда муаллифи номаълум халқ балладалари билан бир қаторда адабий балладалар (муаллифи маълум бўлган шеърий асарлар) ҳам мавжуд. Эътиборингизга ҳавола этилаётган инглиз шоирлари мушоирасини халқ балладаларидан намуналар билан бошладик.

ҚУЗҒУН УЧАР ҚУЗҒУН ТОМОН...

Қузғун учар қузғун томон,
“Кар-қар” этиб, солар сурон:
– Айтгил, дейди, ога Қузғун,
Емак қайда бизлар учун?

Қузғун ога бергай садо:
– Кенг майдонда бизнинг гизо.
Тол остида таом бордир,
Үлиб ётар бир баҳодир.

Ким ўлдирган ва не учун,
Буни билар фақат лочин.
Яна билар байтал-дўнон
Ҳам ёшгина хуширўй жсувон.

Лочин учди тоғ-ёбонга,
Ёгий минди ул дўнонга,
Энди, эсиз, хуширўй жсувон
Янги ёрин кутар бу он...

РОБИН ГУД ШЕРИФНИ ҚАНДАЙ МЕҲМОН ҚИЛГАНИ ҲАҚИДА

Камончилар баҳслаши бир кун:
“Орамизда энг зўр мерган ким?!”
Баҳсга гувоҳ – Шерифнинг ўзи,
Қани кимда омад юлдузи?

Давра аро тушиби Кичик Жон,
Кўтарилиди қий-чув, тўполон.
Дадил тутиб тиги пайконни,
Уч бор аниқ олди нишинонни.

– Кимсан ўзи? – сўради Шериф, –
Қаддинг баланд, феълинг кўн жўмард.
Жон дедики: – Лозиммас таъриф:
Рейнольдирман, эл дер: Яшилбарг!

– Келгин, Рейнольд, киргин хизматга,
Менда сира бўлмагайсан кам.
Маош тайин – йигирма тилла,
Яна бергум бир аргумоқ ҳам.

Шундай қилиб Кичик Жон нохос,
Шериф учун бўлди хос навкар.
Хўп ярашиди унга бу либос,
Лек ўзгармас тили, нақ заҳар...

Бир кун Шериф қалин ўрмонга
Шикор учун от солди жсадал.
Сўз демади бул ҳақда Жонга,
На пинҳона ва ёки дангал.

Тушлик вақти етса-да ҳамон,
Шерифдан ҳеч бўлмасди дарак.
Жаҳл билан деди Кичик Жон:
– Қани, ошпаз, келтиргин емак!

“Озроқ чида, ўлиб қолмайсан,
Сабр таги – олтин”, – дер ошпаз.
– Нима дединг, мени билмабсан,
Овқат келтир дедим, лўттибоз!

Жон чиқарди ўткир қиличин,
Ошпаз йигит ундан эмас кам.
Иккиси ҳам кўрсатиб кучин,
Киличбозлик бошлианди шу дам.

Бошлиар узра шамишир ялангоч,
Чор атрофга таратар жараган.
— Қойил, — деди Жон топмай иложс, —
Киличбозсан, устаси фаранг!

Борасанми, мен-ла Шервудга,
Сарбоз бўлиб сен Робин Гудга?
Йигит деди: — Розиман юз бор,
Оиҳонадан бўлганман безор!

Шундай деба у чаққон шитоб,
Олиб келди сур гўшту шароб.
Кичик Жонни сийлади обдон,
Ўзини ҳам унумтмай бир он...

Кейин эса бор идиишларни
Жадал йигиб, қонга жойлади.
Оддийисинмас, соғ қумушларни
Тўлатди-ю, қонни бойлади.

Тагин катта олтин қадаҳни
Илкис олиб қонга тиқди ул.
Шул қадаҳда туийиб фараҳни
Шериф шароб ичарди нуқул...

Кулиб қарши олди Робин Гуд,
Кемши маишхур, тенгсиз тийрандоз.
Икковлон шод куйлашиб суруд,
Сўнг чиқдилар Шерифга пешвуз...

Шериф сўрар: — Айт, қани, Рейнольд,
Не қитурсан ўрмонда бу чоғ?
Жон дедики: — Эй, муҳтарам зот,
Сизни кутиб бўлдим-ку муштоқ.

Бир мужда бор, Сизга мунтазир
Кийик кўрдим, дарёдан нари,
Сардор кийик, яшил тусдадир,
Нақ баҳорий новда сингари...

— Гапинг чинми — ғалат, ё тир-ай,
Гар рост бўлса, кийикни кўрай.
— Марҳамат, — дерлутф ила Жон ҳам,
Йўлдошингиз ўзимман ҳар дам.

Шериф етди дарёга, шояд,
Ортда қолди ўрмонли ҳудуд.
Бамисоли бир яшил қоя,
Унга пешвуз чиқди Робин Гуд...

У Шерифни сийлади чунони,
Зиёфатда бақамти икков,
Шериф тутиб қадаҳни шу он,
Олтин жомин таниди дарров.

Таниди-ю шаштаҳа синди.
Робин Гуд-чи ҳайқирап қувноқ.
Кайфу сафо авжига минди:
— Дўстлик учун ол энди, ўртоқ!

Биз мавишат қиламиз узоқ,
Сийлаб сендеқ улфати хосни.
Шартимиз бор, сен учун бироқ,
Кийгайдирсан яшил либосни...

Сени ўзим шогирд қиламан,
Қароқчилар ичрасан, тамом.
Үн икки ой синааб, биламан,
Маскан бўлгай сенга шул ўрмон!

— Нима? — сўрар Шериф кўп ҳайрон,
— Бунда қол-у, ўрмонда яша!
— О, оғайним, Робин, қадрдон,
Бундан кўра чавақлаб ташла!

— Кўлимдаги мана шу қилич,
Шамишир ҳаққи, қасамёд айла.
Камбагални ёқлаш-чун онт ич,
Золимнимас, сен халқни сийла!

Кўтлуғ онтни Шериф тан олди,
Гарчи бунга қийналди чунон.
Бир умрга Шервудда қолди,
Кеч бўлса-да уйғонди вижедон...

РОБИН ГУДНИНГ ИБОДАТИ

Бир ривоят сўйлай Сизга, ажиб, беқиёс.
Робин Гуд кийганин руҳоний либос.
Робин ридо кийиб, хочни осибди,
Кўлга тасбеҳ тутиб, олга босибди.
Бир чақирим юрмай, ўрмонда нохос,
Икки руҳонийга учрабди пақкос...
Улар отларини қисташиб жадал,
Недандир баҳслашар, сўзлаб галма-гал...
Руҳонийлар сари юзланиб нолон,

Робин кўл чўзибди: – Хайр этиңг эҳсон!
 Кимки бир қашиоққа қилса мурувват,
 Тангридан ёғилгай унга ҳам раҳмат!
 Тонг саҳардан очман, танамда йўқ куч,
 Бирор меҳрибонга Эгам қилмас дуч.
 На қултум шаробдан бўлмадим сероб,
 На тишлам нон едим, аҳволим хароб...
 – Оҳ, биродар, кошки бўлсайдик ганий, –
 Дея тилга кирмиши икки руҳоний. –
 – Саховат, мурувват инсонга фарзdir,
 Яқинларга меҳр – илоҳий қарзdir.
 Биламиз, сахийга ёғилишин қут,
 Бироқ бизни талаб кетди Робин Гуд.
 Энди бизлар тенгмиз, йўқдир иштибоҳ,
 Бизлар ҳам сен каби гарибу қашиоқ...
 – О, руҳоний оғам, ҳайф сизга ридо,
 Кўксингизга ҳайфдур, хоч олийнишон,
 Гарчи икки сўздан – учтаси худо,
 Аммо тилингизда бурродир ёлгон!
 Начора, мен ўзим ёрдам бераман,
 Сиз зинҳор, уринманг, жим ва тек туринг.
 Ҳамёнингиз бир-бир қараб кўраман,
 Недир топсан агар, сиз ўздан кўринг!
 Бу сўзларни тинглаб икки руҳоний,
 Отларин қамчилар, мисли суворий.
 Бироқ Робин шоввоз, сира келмас паст,
 Ҳар икки отлиқни тутади чандаст.
 Отдан ийқиб, тепар, сўнгра қамчилар:
 Тилга кирап яна ул алдамчилар:
 – Ҳой, мурувват қилинг, азиз биродар,
 Ялангоёқ бўлмас, ўз-ўзга душман!
 Айтдик-ку, бизлар ҳам Сиз каби абгор,
 Бирор наф чиқиши гумон бу ишдан!
 – Демак, сиз қашиоқлар, ноҷор ва нолон,
 Мен эсам ўзимнинг қавмим ранжитдим?
 Унда келинг, бирга туриб учовлон,
 Ибодат қилайлик Худога, токим,
 У бизни ёрлақаб, кўрсатиб қарам,
 Тўлдирсин, ҳамёнга, ақча-ю, дирҳам...
 Шундан сўнг риёкор икки руҳоний,
 Кўк сари қўл чўзиб қилмиши илтижо:
 Парвардигор, Тангрим, аё Раббоний,
 Бизларга сийму зар айлагил ато!
 Зўр бериб, оҳу воҳ қилмишиди улар
 Робин-чи, мунофиқ ҳолидан кулар.
 Шу тарзда ўтказиб бир неча онни,
 Робин дер: – Бўлди, бас, қаранг ҳамённи!
 Қани, боқайлик-чи, пок Парвардигор
 Сиздек гадоларга не қилмиши нисор?!
 Воажаб, Яратган қарами ошкор,
 Намоён бўлди-ку бу анжуманга,
 Робин ҳамёнларни агдарса тезкор,
 Тўқилмии беш юзта нақ тилла танга!
 – Ана, холос! – дея ҳайқирди Робин,
 Буни атаси мумкин чиндан мўъжиза,
 Азиз огаларим, ибодатингиз
 Дилдан экан, Тангрим қилмабди изза!
 Юз тиллани олинг, сизники бўлсин,
 Бу ҳам – омадингиз кулгани бугун.

ЖАҲОН АДАБИЁТИ

*Бироқ, шул тоабад хотирда қолсин,
Улуг қасам куни бугун сиз учун!
Кўксимдаги азиз ушибу хоч ҳаққи,
Сиз учун шу онтдир, энг олий нишон,
Бу ёргуғ оламда тириксиз токи,
Ҳеч кимга, ҳеч қачон демайсиз ёлғон!
Дуч келсангиз йўлда гадога ночор,
Отдан тушгайдирсиз, хайри хушларсиз,
Ўзингиз учун ҳам, мен учун тақрор,
Кафтига уч-тўртта танга ташларсиз...
Шундай деб Робин Гуд шум роҳибларни
Отга ўтқазди-ю, кузатди тамом,
Узи эса сингди ўрмон қаърига,
Улуг ибодатин этгали давом!*

ЭШИКНИ ЁП, КАМПИР!

*Байрам арафаси, якишанба оқшом,
Тунги хоб, оромга ётишининг олди...
Нечундир кампиршио бўлиб беором,
“Пишир-куйдир” мөккә чоғланиб қолди.*

*Ташқарида кеч куз, изгириш шамол,
Собук жунжиктиар, баданни дир-дир!
Кампирига қараб буйруқ берар чол:
– Тезроқ эшикни ёп, кампир тушишагур!*

*– Боринг-эй, шу етмай турувди ўзи,
Бир бошимга минг иши, гапингиз қурсин,
Менга қолса, шу эшикниң кўзи
Яна юз шил мутлақ, ланг очиқ турсин!*

*Шу тарзда чол-кампир яниб бир-бирин,
Анча маҳалгача қилди можаро.
Тики чол кўндириб, қайсар кампирин,
Бир шарт ўйлаб топди иккови аро:*

*Хуллас, шу кеч кампир неки пиширса,
Пайтаслаб, меҳмонлар барин топшиди.
Қоврилган жўёжса ҳам қатлама сомса,
Ширин кулчалардан обдон топшиди...*

*Шунда ҳам хонадон соҳиблари жисим,
Қилт этмай, чидам-ла кузатишар лол.
“Гапирган – маглуб” – деб ўйлашар балким,
Ютқазмоқ истамас на кампир, на чол...*

*“Меҳмон”лар-чи чолнинг тамакидонин,
Топиб бурқистарлар, ёзганча хумор.
Сўнгра бўза ишар, ҳўллаб томогин,
Шунда ҳам чол-кампир чурқ этмас зинҳор...*

*Нихоят келгинди икки барзанги
Үйдаги бор-будни кўтариб олди.
Остонадан ҳатлаш чиқар чоғида
Бириси ногаҳон шундай деб қолди:*

*– Кел, гаров бойлаймиз ўтифмоққа жисим,
Кўрайлик-чи, кимга омад боқади?
Беҳос қимир этса, ё гапирса ким –
Билиб қўй, эшикни ўшал ёнади!!!*

*Орадан дақиқа, соатлар ўтди,
Бироқ ҳамон очиқ ташқи дарвоза,
Уй совиб, пеккада олов ҳам ўчди...
Чол-кампир қилт этмас, чиқмас овоза...*

*Нихоят тун ярим, соатнинг занги
Ўн икки бор янграп, эшик ётилмас...
Уйга кириб келди икки барзанги,
Нотаниши – кимлигинчол-кампир билмас...*

*“Хой, ким бор, ким яшиар бу зимиштонда?!”
Кўноқ барзангилар солишар сурон.
Чолу кампир собит аҳду паймонда,
Миқ этмас, оғизга солғандек талқон...*

*– Роза маза қилдик, заб таом экан,
Айниқса товуқ гўшт, бўза ажойиб!
Лек, рости, сомсаси бироз хом экан,
Сомсапазни ҳали ўқитмоқ жсоиз!*

*Бу гапга чидолмай кампиршио дарҳол
Қичқириди: “Бекор гап, сомсам пишгандир!”
Ҳайқириқдан хурсанд бўлиб, дейди чол:
“Ютқаздинг, ютқаздинг, эшик ёп, кампир!!!”*

Жон Китс

Жон Китс (1795–1821) – инглиз романтик адабиётининг кенжা авлодига мансуб шоир. Лондон университетида жарроҳлик бўйича таҳсил олиб, имтиҳондан ҳам муваффақиятли ўтади, аммо бу касб билан умуман шуғулланмайди. 1817 йили эълон қилинган “Шеърлар” тўпламида ижтимоий ҳаётдаги риёкорликлар ва иккюзламачиликлар танқид тифи остига олинади. “Эндицион”, “Гиперион”, “Изабелла ёкирайхонли мўнди”, “Ламия” сингари ўнга яқин достон ёзган. Шоир ҳалқ оғзаки ижодига бўлган муҳаббатини “Робин Гуд” туркумида акс эттиради.

Қисқа умр кўрса-да, Китс Англия адабиётини янги оҳанглар билан бойитишига улгурди.

ГЎЗАЛЛИК

Гўзаллик ҳамиша этар маҳлиё,
Ҳеч кимса ундан юз бурмагай асло.
Ул покдир, тушибагай тубан ҷоҳга ҳеч,
Бизни эзгуликка чорлар эрта-кеч.
Дил фараҳ, оромга интилса магар,
Гулгун туйгулардан ясад гулчамбар,
Ғаму андуҳларни инкор этарак,
Хоккор тупроқ сари талгинса юрак,
Жаҳолатни ҳайдаб, гуноҳни ҳайдаб,
Файзиёб, мунаввар орзулар сайлаб,
Кўз очиб-юмгунча гўзаллик ҳисси,
Андуҳ губоридан поклайди бизни...

Ҳаммаси, ҳаммаси, булар ҳаммаси
Буюк гўзалликнинг олий жисилласи.
Ҳаммаси юракдан ғамни қувгайдир,
Кўнгил меҳробини нур-ла ювгайдир...

Шундайдир Ой, Қўёш, илнодай барғ, ҳаслар,
Шундайдир чечаклар аро нарғислар...
Ҳатто яйловдаги сурувлар шундай,
Дарё тўлқинлари, гулувлар шундай...
Кўрғазнинг бағрида паноҳ топғандек,
Оlam шодлигига гувоҳ топғандек,
Дунё неъматлари борки, сочилган,
Ўрмон чечаклари инжса очилган,
Қўйна заминнинг илк баҳодирлари,
Болалик ҷоғимиз асомирлари –
Бизлар тинглаган ул зўр эҳтиром-ла,
Буюк афсоналар шундай мақомда...

ЮНОН ГУЛДОНИГА ҚАСИДА

I

О, сукутнинг маъсум малаги,
Мангу абас давронга дил банд!
Сукутнингда пинҳондир балки,
Мозийлардан келган ўғит-панд?!
Нелар ҳақда айтган ҳикоянг?

Сен банда ё Тангрим шарпаси?
Темпей водийсими, Аркад ўтлоғи,
Қайдан мерос шиддат, жазаванг?
Пойгалар шодлиги, иффат ҳадиги,
Най-уногоранинг мискин нағмаси?

II

Гарчанд эшитилган нағмалар инжса,
Тингланмаган саслар янада ёрқин.
Шундай экан, найлар ҳеч тинмасин-да!
Забт этсин дилимни фараҳли тўлқин!
Бу қўшиқни бўғиб, тинчитиб бўлмас,
Муҳофиз япроқлар кўшики остида.
Сен, эй, жушиқин ёшлиқ, жасур, нағирион,
Ошиқдирсан, лекин шиқинг дастида
Истаклар чилпарчин бўлиши мумкин,
Лаблар гулобидан тотмай ҳеч қачон!

ЖАҲОН АДАБИЁТИ

III

*О, яшил баргларнинг янги саҳфаси,
Баҳорий шодликнинг шукуҳи сизда.
Бахтиёр машиоқнинг завқли тұхфаси –
Күйлари эскирмас ҳеч бағрингизда.
Юз бора, минг бора баҳтга ёр севги,
Барҳам топмагай ул ва тушимагай паст.
Гарчанд титраб-қақшаб, кетгайдир бадар.
Унинг қошида пуч ҳамда арзимас
Эхтирослар, ҳирсу ҳавас биздаги,
Қонимиз күпіртган қалбдаги қадар...*

IV

*Ким экан бу коҳин, салобати-ла
Барчага сингдирган қўрқув ҳиссини?
Оломон ошиқар қай бир меҳробга
Гуллар билан безаб аробасини?
Нечун тақвodor эл субҳи саҳардан
Тарқ этмиши осуда ўшибу шаҳарни –
Тошлиар маҳол эрур буни айтмоги...
Бўм-бўши кўчаларнинг сукути теран,
Асрлар кечдилар ва кечар тақрор,
Ҳеч кимга насибмас ортга қайтмоги...*

V

*Юксак арши аъло! О, юксак андуҳ!
Охир мармар тошдир ҳар шаҳдга якун!
Мангуликдек совуқ ҳамда бешукуҳ –
Хаётдек неъматдан тополмай мазмун,
Бизлар кетсак агар, қайгу-гамимиз
Үрнини олгайдир ўзга қайгу-гам...
Ришиналарни боғлар пайтда айт дангал,
Етказ, билсин токи, ул авлодимиз:
“Гўзаллик – ҳақиқат, ҳақиқат – гўзал!
Шундан ўзгасини била олмасмиз!”*

Дилан ТОМАС

Дилан Томас (1914-1953) – “Ўн саккиз шеър” (1934), “Йигирма беш шеър” (1936), “Севги харитаси” (1939), “Ўлим ва нажот” (1946) сингари тўпламлар муаллифи. “Мусаввир портрети” (1940) автобиографик қиссаси, “Сут ўрмони” пьесаси, новеллалари бор. Д.Томаснинг лирик-фалсафий шеърларида инсон ва табиат муносабати, уларнинг ўзаро уйғун ҳодиса экани ўзига хос тарзда талқин этилади. Шунингдек, у инглиз адабий тилини ва шеърий шаклларининг янгиланишига ҳам катта ҳисса қўшиди.

“УЗЛАТГА ЧЕКИНМОҚ ИСТАДИМ МУДОМ”

Узлатга чекинмоқ истадим мудом
Риёкор ёлғоннинг қутқуларидан.
Кўхна қўрқувлардан тараалмииши фиғон
Умрим жудо қилди уйқуларидан.

Мунаввар тонглар ҳам ёргу кундузлар
Тўн бўлиб денгизнинг ортига чўкди.
Юракда гул очган энг нафис ҳислар
Шубҳадан қорайди, япрогин тўқди...

Узлатга чекинмоқ истадим мудом
Шарпаларнинг соҳта тавозесидан.
Уларни жасам этган йигин, издиҳом,
Ёлгон китобларнинг овозасидан.

Барчасин чулғаган даббаба, шукуҳ,
Ожиз туман каби тарқади-кетди.
Юрагим риёга қилмай таважжусуҳ,
Жисмим қўргонини нурағион этди...

Узлатга чекинмоқ истадим мудом,
Нетай, қўрқув мени айлади банди.
Валек, чириб битган риё остидан
Мутлақо янги бир ҳаёт уйгонди...

Қадим қўрқув, ҳадик йўқолди абас,
Тўраларча либос, олифта, фараңг,
Энди ҳатто ажсал менга келмас бас,
Ёлғон мамоти-ла тугар ушибу жсанг...

Шул сўлим ҳаётнинг чақмоқ садоси
Парқу булут томон айлади парвоз.
Базримни чулғади ҳурлиқ сафоси,
Энди чин сўз учун йўқдир эътиroz...

Узлатга чекинмоқ истадим мудом,
Бироқ узлат мендан мангу чекинди.
Шодликлар келтироғи эзгу бир пайғом,
Дийдамдаги алам унутдирип энди...

Рус тилидан
Муҳиддин ОМОН таржималари

Сэр Уолтер Рэли

Сэр Уолтер Рэли (1552-1618) сиёсий жараёнлар, зиддиятли ҳамда талафотларга тўла вазиятлар теграсида сарсон яшаб ўтган оташқалб шоир. Рэли ўзидан бетакрор, нафис, қайноқ ва исёнкор шеърлар қолдирди. У ватанида ҳам шоир, ҳам ҳарбий, ҳам тадқиқотчи бўлиб танилган.

“ШУНДАЙИН ОНЛАР БОР...”

*Шундайин онлар бор – бизни ташлаб кетгай
Ёшлик, қувончимиз, қалбда боримиз.
Коронгу қабрдай зулматга отгай –
Ногоҳ ёпирилиб келган зоримиз.
Сарсон тентисак-да умримиз бўйи,
Инкор этолмаймиз тақдирнинг раъин.
Лек барибир шу дард, гамдан бир куни
Аминманки, Худо қутқарар мени.*

ИНДАМАС ОШИҚ – 1

*Дарё тошиқинидай оқар ҳисларим,
Қанча чуқур бўлса, шунча тилим гунг.
О севги, нақадар заъфарон туйгу,
Юрагим тубига йигилди бор мунг!
Сўзларим шу қадар бисёру бисёр
Лекин оташ ишиқим этолмас изҳор.*

ИНДАМАС ОШИҚ – 2

*Ёлғонмас, юрагим маликаси-чун
Бор севгимни фидо этганлигим рост.
Фақат журъат етмас титимга бир зум,
Менга мурувват ҳам асло керакмас.*

*Муҳаббатда сукут азоблар кўпроқ,
Аммо қуруқ сўз ҳам гашни қўзгатар.
Ахир хоксоргина, тиланчилар ҳам
Дилда кўпроқ раҳму шафқат уйготар.*

*Не бўлса ҳам қалбим маликаси-чун
Курбон бўлсин менинг бор муҳаббатим.
Журъатим етмаса ҳамки, безабон
Севаман, рад этиб ёр мурувватин.*

Уильям ВОРДСВОРТ

Уильям Вордсворт (1770-1850) – лирик балладалари билан инглиз адабиётидағы романтик даеврни чүққига күттарған шоирлардан. Вордсвортнинг илк шеърий түплами – “Кечки сайрлар ва лирик лавҳалар” 1793 йилда нашрдан чиқкан.

“ОЛАМ ГАНИМАТДИР...”

*Оlam ганиматдир; эртами ё кеч
Тандан дармонимиз кетгай оқибат.
Баҳра ололдикми шу табиатдан,
Ё увол бўлдикми, қолдикми бебахт?!
Ойга бағир очиб ётар она Ер,
Шамоллар увиллар умрин тўзгитиб.
Ухлаётган гулдай бегам, бепарво*

*Ўтиб кетамиз жисм куйлардан безиз;
Ҳеч нима қўзгатмас бизни, лек ё, Раб!
Эскирган бидъатлар бузди онгимиз.
Шу тобда қадрдан майсанзор узра
Увушган қаддимни кўтардим ожиз.
Денгизлар юзида тишқирган тўлқин
Ҳаёт қўшигини куйларди бетин...*

ВАҚТ СИЛСИЛАСИ

*Кўкка кўтарилиши нақадар огир,
Коя бўйлаб пастга юмалаши осон.
Даҳшатли садолар сусаймас ахир,
Кўнгироқ овози жаранглаган он.
Кўнгироқ жаранглар, жаранглар дунё,
Ташвишили ноласи ўҳшар фироқса.
Ҳақиқат ўлмагай; ботиний фарёд*

*Бетизгин ҳаётни тутарп сўроққа.
Фақат шундан кейин улугвор қоя
Тонгда оқаринган ерга бўй эгар.
Кечаги эскирган салтанат каби
Тождор бошин ортиқ кўтармай қолар.
Сукунатни тилар муздай бир нидо:
Биз вақтга мағлубомиз, бўлурмиз фидо!*

Альфред ТЕННИСОН

Альфред Теннисон (1809-1892) Англиянинг Сомерсби манзилида таваллуд топған. “Улисс”, “Тритонус”, “Артур Холламнинг хотирасига”, “Қиролнинг хаёллари”, “Парчалан, о, денгиз, парчалан” каби юксак лирик шеърлар муаллифи.

“ПАРЧАЛАН, О, ДЕНГИЗ, ПАРЧАЛАН...”

*Парчалан, о, денгиз, парчалан,
Муздай, қора тошлар узра, сен.
Менинг эса тилим айланаб,
Хаёлларим қайта уйғонсин.*

*Кандай фараҳ – балиқчи ўғли
Онаси ила қулмоқда яна.
О, бир ёқда денгизчи йигит
Күйлар кўрфаз томонда, ана.*

*Тепаликлар олдидан сокин
Сузиб ўтар улкан кемалар.
Ҳайҳот, улар қолдирган согинч,
Айрилиқ дилимни тимдалар.*

*Сен эса парчалан, парчалан,
Қояларинг остида, денгиз.
Эвоҳ, менга қадрдан кунлар
Жўшиқин ҳаёт қайтмагай ҳаргиз.*

ЁЗ ОҚШОМИ

*Кандай гўзал ухлар қирмизи гулбарг,
Мавж урма тўлқин – сувлар оқиши.
Балиқлар ҳам ором оларлар сувда,
Мени уйғотади ари товуши.*

*Кўз олдимда оппоқ товус товланиб,
Оппоқ руҳдай ял-ял ёнар қаршиимда.
Замин бошин қўйиб само қўксига
Гёё кўнглин менга этар баҳшида.*

*Кўкдан думли юлдуз учиб тушиару
Бўтун ўйларимга солар қасирга.
Нилуфаргул чўчиб йигар баргларин
Ba аста беркинар кўлнинг бағрига...*

“ЁШЛАР, МАЖРУХ ЁШЛАР...”

Ёшлар, мажрух ёшлар, билмам, не улар,
Илоҳий гариблик қаъридан чиқиб
Кўзимдан тўқилар, тўқилар...
Кўзги далаларга боқарканман жисим,
Ўйларман кунларим хеч қайтмаслигин.

Асов дengиз узра милитираб илк нур,
Эслатади менга сотқин “дўст”ларим.
Йигидан қизарар тагин кўзларим –
Денгизга кўмаман бори меҳримни,
О, қанчалар азоб – қайтмас кунларим.

Оқара бошлиған ёз саҳарида
Энг эрта куйлаган қуилардай ҳазин
Сўнган кўзларимга дард тўлар маҳзун.
Хандон отган боғлар қайгузмани билмас,
Шунчагам дитимда – кутган кун келмас.

Бир кун ўлиб кетсам, эслашар балки
Умиқсиз, чорасиз ҳазон баргидай.
Баривир севаман ҳаммани бирдай!
Илк севгимдай чуқур, дардимдай оғир,
Нетайки, янги кун тугади охир!

Роберт Льюис СТИВЕНСОН

Роберт Льюис Балфор Стивенсон (1850-1894) шоир, эссеист, романнавис ҳамда саёҳатчи адаб сифатида маълум ва машҳур. “Хазиналар ороли”, “Уғирланган”, “Доктор Жекил билан жаноб Хайднинг гайриоддий ишлари” каби асарлар, туркум шеърлар муаллифи.

“БУ УЙ МЕНГА БЕГОНА...”

Бу уй менга бегона, қайга олиб кетай бош?
Очлик азоблайди, лек кетмоқлигим шарт.
Аёз шамол елар тепаликлар узра,
Куяр шаррос ёмғир, кулбам омонат.
Бир замонлар шундай оқиллар яшаб,
Дилдан сўзлашлари қалбга бўлган чўғ.
Гулхан ёнидаги ёришиган ҳар юз
Бўгуни ўтмииш бўлди, энди қайтиши йўқ.

Ўшандада уй эди уйим, азизим,
Мехрибонларим-ла бут эди ҳаёт.
Гулхан нури ўйнаб деразаларда,
Еқимли бир қўшиқ янгарарди бот-бот.
Энди тонглар отар маҳзундан-маҳзун,
Уйим ёлгиз қолди, мўри ҳам совуқ.
Қандай ёмон – дўстсиз танҳо қолмоқлик,
Энди яқиним ҳам, гамгузор ҳам йўқ.

Кўклам келар яна, сайрагай қуилар,
Кўклам олиб келгай қуёшини, гулни.
Тепаликлар узра гуллар арчагул,
Майин ёмғир ёғар сийпалаб уйни.
Кунлар шундай бўлган болалигимда,
Энди эшик очиқ, кулбам омонат.
Мўри устида ҳам куилар қушчалар,
Бироқ мен қайтмасман, кетгум тоабад.

ЎТИНЧ

*Кенг, юлдузли осмон остидан
Қабр кавлаб, ётқизинг мени.
Бахтли яшаб, баҳтли ўлгум мен,
Шундай якунлайман умримни.*

*Ваҳоланки бу қабр эмас,
Рұхим Арии Аълода кезгай.
Менинг үйим ҳув дengiz эди,
Ўзим эса ўтдим овчидаи.*

ОРЗУ ЎЛИМИ

*Гар бекарор, тинимсизман мен
Толеъ излаб бўлдим саросар.
Магар баҳтим бой бериб қўйсам
Ҳаёт нури чехрамда сўнар.
Баҳт куларкан баҳтиёр кўзда,
У умримдан кетди барибир.
Ёз ёмгири китобим ювиб,*

*Қилар маъюс қўнглимни дилгир.
Ё, Худойим, роҳат ато эт,
Пичоқлама руҳимни бир зум.
Гарчи бебаҳт ўлиб кетсан ҳам
Раббим, сенинг номинг ёд этгум.
Қисматимни шўр қилди, э-воҳ,
Аччиқ азоб, шармисор гуноҳ!*

Перси Бииши ШЕЛЛИ

П.Б.Шелли номини (1792 - 1822) “Фарб шамолига қасида”, “Сўфитўргайга”, “Куй туғилгай яна бир куй ўчганда”, “Анархия ниқоби ва мамлакат бошидаги қора булутлар” каби шеърлари дунё бўйлаб машҳур қилди. Шоирниң келажакни олдиндан башорат этиб ёзилган “Қиролича Маб”, “Аластор”, “Ислом исёни”, “Адонайс” ҳамда тугалланмай қолган “Ҳаёт зафари” шеъри, “Сенси” (1819) ва “Озод қилинган Прометей” (1820) каби шеърий драмалари улкан муваффақият қозонди.

ҚАЙФУ

*O, дунё! O, ҳаёт! O, бу шоиқин вақт!
Қўлларингда эриб бораман мискин...
Қаерда яшаидан тўхтаб қолгандим,
Энди қачон қайтгай шонли қисматим?
Хеч қачон, о, энди ҳеч қачон!*

*Кунларим қорадир, тунларим қора,
Шодликларим абас, қолмади юпанч.
Ёзми ё, қишими ё, ё яшил баҳор
Бергаймикан дардли дилимга қувонч –
Хеч қачон, о, энди ҳеч қачон!*

“КУЙ ТУҒИЛГАЙ...”

*Куй туғилгай яна бир куй ўчганда,
Куй қўнгилга солар титроқ, ҳаяжон.
Ҳшибўй гунафшалар гуллаган палла –
Мусиқага шайдо бўламиш шу он.*

*Гунчаси очилгай атиргул сўлса,
Оҳангларга тўлар ошиқ уйқуси.
Қачонки гул сўлса, қачон куй тинса –
Муҳаббат ҳам мангу ором олгуси.*

ОЙ

1

Замин ўлаётган жувондай ҳолсиз,
Докачиммат ёпиб, олга интилар.
Эсанкираб кезар, довдираб ёлгиз
Онги каби нурсиз хонаси қолар.
Оппоқ, шаклсиз ва ожиз қиёфа –
Қорамтири фазода ой кўтаришар.

2

Хорғин бир суратда сузасан танҳо,
Кўк оша термишиб замин бағрига.
Ҳамроҳсиз, тўлдошишиз бездингмикан ё
Миллионлаб юлдузлар ичра ҳам якка.
Сира ўзгармассан дардли нигоҳдай,
Холбуки, самонинг ҳусни сенсан, Ой!

ХИНД СЕРЕНАДАСИ

Сенинг хаёлингда кўзим очаман,
Оқшомнинг илк ширин уйқусиданоқ.
Шамоллар эсади беозор, майнин,
Юлдузлар ёнади янада чақноқ.
Сенинг хаёлингда кўзим очаман,
Руҳим товонимда, тилим безабон.
Ким етаклар мени кошонанг томон?
Деразанг остига, эй, моҳитабон!

Елвизак еллардан уйқуси ўчар –
Тунда ором олиб ётган денгизнинг
Димогимга гулоб иси урилар,
Ширин хаёлидай сендайин қизнинг.
Булбул хонии этар, йўқ, нола этар,
Жон бергуси келар юрагингда тинч.
Қанийди, ўзим ҳам ўша булбулдай
Куйласам деразанг остида ҳар кеч.

*O, кўтар бағримни шу майсазордан!
Йиқилдим! Хушимдан кетдим! O, ўлдим!
Қанийди, лабларинг теккан ёмғирлар
Томсайди лабимга, юзимга сим-сим.
Ёноқларим музлаб боради, э воҳ!
Юрагим потирлар чиқкудек қиндан.
O, қалбим сўроқлар номингни ҳар чоғ,
Қалбим жон бергуси ўтиб пойингдан!*

*Инглиз тилидан
Қандилат ЮСУПОВА
таржималари*



Грэм ГРИН

Машхур инглиз адаби Г.Грин 1904 йилда туғилды. Унинг илк романы “Ичимдагини топ”. Сўнг у ўткир сюжетли “Стамбул экспресси”, детектив жанрдаги “Ёлланган қотил”, “Ишончли шахс”, “Ваҳималар маскани” ва “Мени Англия яратди” асарларини ёзди.

Грэм Грин умранинг сўнгги йилларида Швейцарияда яшади ва 1991 йил Швейцариянинг Вене шаҳрида вафот этди.

ФОРАТГАР МАКТУБЛАР

Картер ниҳоят қирқ икки ёшида қонуний никоҳ билан бошини боғлашга жазм этди ва бу оиласи ҳаёт унга мисли кўрилмаган даражада осойишта, беташвишдек туюлди. У Жулияни меҳроб олдидан олиб кетмасидан, Жозефина кўз ёшларини қандай артаётганини кўрмасидан илгарироқ никоҳ маросимининг ўзи ҳам унга беҳад завқ бағишилаганди. Жозефинанинг тўйига ташрифи ва улар ўртасидаги самимий муносабатнинг сақланиб қолгани янги одамлар учун ғалати кўринарди. Картер Жулиядан ҳеч нимани яширмасди, Жозефина билан ўтказган ўн ийллик мashaққатли ҳаёти борми, аёлнинг ғайриоддий қизганишларию энг нозик дақиқаларда кўтарадиган жанжаллари борми, бари ҳақида у Жулияга оқизмай-томизмай сўзлаб берганди.

– Ҳамма гап уни ўз турмушининг мустаҳкамлигига ишонмаслигига эди, – деди Жулия ачинганча уни химоя қилиб. Жулия орадан бирор фурсат ўтгач, Жозефина билан дўстлашиб кетишига ишонарди.

- Билмадим, азизим, бунга ишониши қийин!
- Нега энди? Наҳотки, мен сени севган одамга меҳр қўя олмасам?
- Унинг муҳаббати шафқатсиз эди.
- Балки сени йўқотаётганига имони комил эканидан шундай кўйига тушгандир? Азизим, тонмай кўяқол, наҳот у билан шунча яшаб, бирон марта ҳам баҳтли лаҳзаларни бошингиздан кечирмаган бўлсангиз?
- Кечирганимиз.

Бироқ унинг ўзи Жулиягача бирон аёлни севганига ишонишини истамасди.

Аёлнинг тантилиги уни ҳайратга соларди. Асал ойининг еттинчи куни улар Сунион бурни денгиз соҳилининг чоққина ошхонасида шароб ичиб ўтиришганида, у беихтиёр киссасидан Жозефинанинг хатини топиб олди. У хатни кеча олганди ва Жулияни ранжитмаслик учун буни сир тутганди. Бу Жозефина бўлмай яна ким ҳам бўларди: ҳатто қисқагина асал ойида ҳам уни тинч қўяй демайди! Бир текисда, майда қилиб, сочидек қоп-кора сиёҳда ёзилган аёлнинг дастхати ҳам унинг ғазабини кўзгарди. Жулиянинг соchlари оқ олтин сингари очик рангда эди. Наҳотки унга қачонлардир кора сочли аёллар ёқсан бўлса? Ва яна сабрсизлик билан ўшандай кора сиёҳда битилган мактубда нима ёзилганини билиш учун уни очиш керакми?

– Азизим, хат кимдан келибди? Мен жўнатмани аллақачон олганимиздан бехабар эканман.

– Жозефинадан. Кеча келганди.

– Ҳали сен уни очмадинг ҳамми? – деди аёл, жўнатма тўғрисида унга оғиз ҳам очмаганини юзига солиб ўтиrmай.

- Мен у ҳақда эшитишни ҳам истамайман.
- Азизим, балки у бетобдир?

- Унга бало ҳам урмайди!
- Ёки пулсиз қолгандир...
- У, менинг хикояларимга қараганда, ўзининг моделларидан кўпроқ пул топади!

– Азизим, кел, кўнглимизни кенг қилайлик. Бу, бизнинг қўлимииздан келади. Биз қандай баҳтлимиз, шу ҳақда бир мулоҳаза қилиб кўр.

У хатни очди – мулойим, гина-кудуратлардан ҳоли – ва уни ижирғанибгина ўқиди:

“*Азизим Филипп*, шундай баҳтли кунда йиғлоқи аёлдек кўринишини истамасдим ва шу боис сизлар билан хайрлашолмадим, икковингизга баҳт ҳам тилолмадим. Менинча, Жулия гоятда гўзал, устига-устак жуда ёши кўринади. Сен унга илтифотли бўлишинг керак. Биламан, бу сенинг қўлингдан келади. Уни кўрганимдан сўнг мени нега узоқ вақт ташлаб кетолмаганингга ҳайрон бўлдим. Тентаккинам! Жарроҳлик муолажаси қанча тез бажарилса, у шунча оғриксиз кечади...

Менинг нима билан шугулланаётганим энди сени қизиқтиради деб ўйламайман, агар күтилмаганда зигирча бўлса-да, мен ҳакимда қайгураётган бўлсанг, айта қолай – ўзингдан қолар гап йўқ, мен ўзимга ташвиши ортириши борасида баҳона ўйлаб топшига доим ҳам уста бўлганман, – сенга шуни айтмоқчидимки, мен жуда кўп ишлайман, нима билан банд экан деб ўйлайран? Француз “*Vogue*” учун расмлар туркуми устида ишлайман. Улар француз франкида менга бир фунё тул тўлашияти ва ўз баҳтсизликларим ҳақида ўйлаб ўтиришига менда вақт йўқ. Мен уйимизга кирдим ва бу сени ранжитмас деб умид қиласман (кечирасан, собиқ уйимизга!), қораламаларим қаергадир гойиб бўлибди. Эсингдами, иккимизга тегишили қути бўларди – биз уни орзу умидлар галадони дердик, қораламамни ўша ердан топдим. У ердан ҳамма нарсамни олгандек эдим, бироқ у, Напулнинг ажсиб ёзида ёза бошлаб, чала қолган ўша қўлэзманг ичига тушиб қолган экан. Эзмалик қилиб юбордим, аслида сизларга баҳт тиламоқчи эдим, холос.

Сени ардоқловчи Жозефина”.

Картер хатни Жулияга узатди.

- Бундан бешбаттар бўлиши ҳам мумкин эди.
- Хатини ўқиганимни наҳотки у маъқуллаган бўларди?
- Ахир хат иккимизнинг ўқишимизни ҳисобга олиб ёзилган.

Энди ҳеч нимани яширишнинг ҳожати йўқлиги қандай яхши, дея хаёлдан ўтказди у. Охирги ўн йил давомида у жанжалдан, Жозефинанинг аразлашларидан ва унинг гаплашмай қўйишидан қўрқиб, озмунча нарсаларни ундан пинҳон тутдими, ҳатто гунохи бўлмагандан ҳам. Энди ҳеч нимадан қўрқмайди, энди у жиддий хатога йўл қўйган тақдирда ҳам ақлли ва меҳрибон Жулиядан узр сўраши мумкин.

– Сенга мактубни кеча кўрсатмай аҳмоқлик қилдим, – деди у. – Бошқа бундай қилмайман.

Спенсернинг шеъридаги мисра ёдига тушди: “Довулли денгиздан кейинги сокин бандаргоҳ”.

Хатни ўқиб бўлгач, Жулия деди :

– Менинча у ажойиб аёл. Сенга шундай мактуб ёзгани қандай ёқимли. Биласанми, мени ҳамиша ҳам кўнглим хотиржам бўлмаган... Агар мен сен билан ўн йил яшаганимда, сени йўқотишни асло истамаган бўлардим.

Улар таксида Афинага қайтганларида аёл ундан сўради:

- У билан Напулда бўлиш сенга ёқканмиди?
- Бўлса бордир. Ҳозир ёдимда йўқ. Сен барибир бошқачасан.

Гарчанд у аёлнинг елкаларини сезиб турган бўлса-да, хотирада қолган хиссиётлар уни безовта қила бошлаганини сезгандек, аёл ундан ўзини нари олди. Қуёш йўлни ёритиб турарди, олдинда уларни тушлиқдан кейинги эринчоқлик ва ёқимли мудроқ кутиб турарди, мана марҳамат...

— Азизам, сен мендан хафа эмасмисан?

— Йўғ-э... Факат... Назаримда сен қачондир Афина тўғрисида ҳам Напул ҳакида: “Эсимда йўқ. Сен барибир бошқачасан”, – деб айтган гапларингни тақрорлайсан, гўё.

— Эҳ менинг тентаккинам! – деди у аёлни ўпидиб кўяркан.

Улар таксида кетаётиб, бир оз ҳазил-хузул қилишди-да, шахар уйлари кўзга ташланга бошлагач, Жулия жойлашиб ўтириб олиб, соchlарини тартибга келтира бошлади.

— Йўқ, сени унчалик ҳам бемехр дея олмайман, – иқрор бўлиб деди аёл ва ўз ҳаётига яна ўша-ўша беташвиш нигоҳ ила боқа бошлади. Уларнинг орасидан оламушук ўтганига Жозефина айбдор.

— Эр-хотин ўринларидан туриб, кечки овқат тараддудига тушдилар, шунда аёл:

— Жозефинага жавоб ёзиш керак, – деб қолди.

— Бекорчи гапни кўйсанг-чи.

— Азизим, мен сени тушунаман, бироқ у ҳақиқатан ҳам сенга ажойиб мактуб йўллабди, буни тан ол!

— Бўпти, биз унга биронта сувратли открытикалардан жўнатармиз.

Шу билан муаммо ўз ечимини топди-кўйди.

Улар Лондонга қайтганларида, агар шундай совуқ ҳавони қиши деб бўлмаса, унда уларни куз қарши олди дейиш мумкин эди: аэроромнинг учиш ўйлагига қор аралаш ёмғир армонсиз куярди, ва пиво, соқололгич ва сули емишлари осилган реклама лавҳаси ёнидан ўтиб кетаётиб, уйни ҳар сафаргидан ҳам эрта иситишга тўғти келишини ташвиш билан ўйлай кетишиди ва ўша лаҳзанинг ўзида ёрқин, ёруғ Парфенон устунларининг қадри ўтаётганини хис этишди. Авиакомпаниянинг: “Британия ҳаво компанияси сизларни олиб кетади ва яна олиб келиб кўяди”, -- деган шиор ҳар қачонгидан ҳам ваҳимали эшитиларди.

— Етиб боришимиз билан барча иситиш воситаларини ишга туширамиз, – деди Картер, – ҳадемай иссиққина уйда ўтирамиз.

Бироқ улар уйга келиб, ичкариги эшикни очганларида иситиш воситалари ёқилганининг гувоҳи бўлишди. Фира-шира меҳмонхона ва ётоқхонада олов милтиллаб, ёқимли ёниб турарди.

— Қандайдир сеҳргар пари бизнинг ғамимизни еган кўринади! – деди Жулия.

— Э, қанақа сеҳргар пари! – деди Картер. Камин тахтаси устидаги: “Кarterхоним” деб ёзилган хатжилдга аллакачон унинг кўзи тушганди.

Жулия хатни овоз чиқариб ўқиди:

“Азизим Жулия, сизни оддийгина Жулия десам эътиroz билдиrmassisiz деб умид қиласман. Axir сиз билан ўхшаш жиҳатларимиз етарли: биз иккимиз бир одамни севамиз. Бўгун ҳаво шу қадар совуқ бўлдики, шунда мен дарров сизларни серқуёши юртлардан қандай қилиб музлаб ётган уйга келишиларингизни кўз олдимга келтирдим. Мен бу уйнинг қанақа совуқ бўлишини биласман. Биз Филипп икковимиз жсанубдан қайтганимизда мен ҳар иили бежизга шамолламасдим.) Шуларни ўйлаб, ўзимга эркинлик беришга жазм этдим: уйга беруҳсат кириб, иситии қурилмаларини ёқдим, бироқ бу юмушларни биринчи ва сўнгги бор бажараётганимни исботлаш учун менга тегишили қалитни ташқаридағи пойандоз тагига қўйдим. Эҳтимол, сизнинг самолётингиз тўсатдан Римдами, ё бошқа ердами ушланиб қолар. Шунда мен тайёррагоҳга қўнгироқ қиласман, агар, Ҳудо кўрсатмасин, учиб келолмасангиз, унда уйга қайтиб келиб, иситии қурилмасини ўчириб қўйишимига тўғри келади (яна ким билади дейсиз, бу ёқда электр ҳақи оишдан ошиб ётган бўлса!) Оқиомни кенг жойда, ҳузур-ҳаловатда ва осойишталикда ўтказасиз деган умиддаман.

Сизларни севувчи Жозефина.

Айтганча, уйда қаҳва йўқ экан, мен бир қути “Мовий тоғлар”дан ошхонада қолдирдим”.

– Худо ҳақи, у ҳеч нимани назардан қочирмай, роса ғамимизни ебди! – деда кулди Жулия.

– Яххиси, бизни ўз ҳолимизга қўйса бўларди, – деди тўнғиллаб Картер.

– Унда биз совуқда қолган бўлардик, эрталаб қаҳва ҳам ичолмасдик.

– Назаримда, у барисининг эвазига қаергадир биқиниб олгану сендан бўса олиш пайида тўсатдан отилиб чиқиб келадигандек. – У Жулияни ўпди ва хавотир билан эшикка қараб қўйди.

– Бунча адолатсиз бўлмасанг. Ахир у калитни шолча тагида қолдирдим деди-ку.

– Бошқа ясатиб олган бўлиши ҳам мумкин-ку.

Аёл бўсалари билан унинг оғзини ёпди.

– Самолёт элитди, шекилли, одамнинг тезроқ ётгиси келяпти, сезяпсанми?

– Ҳа.

– Афтидан, бу тебранишнинг таъсири бўлса керак?

– Кел, шундай роҳатдан ўзимизни бебаҳра қилмайлик.

– Аввал анави пойандоз тагига бир қараб қўйай. Барибир текшириб кўриш керак, балки у бизни лақиллататиғандир.

У оилавий ҳаётдан маст эди. Ҳатто аввалроқ оила қурмагани учун ўзини койирди ҳам, гарчи бундай бўлган тақдирда хотини Жозефина бўлиши мумкинлиги унинг ҳаёлидан кўтарилган бўлса-да. Жулияниң бирон-бир юмуш билан банд бўлмагани қандай мўъжиза, у ҳамиша эрининг ёнида! Улар хизматкор ёлламадилар ва шу боис ҳаётларини кимнингдир тартиб-коидасига мослаштиришнинг ҳам ҳожати йўқ эди. Улар ҳамма ерга, ресторану базмларга, маҳсус зиёфатларга бирга боргандлари боис нигоҳлар учрашувининг ўзи улар учун кифоя эди... Жулияниң заиф соғлиғи ҳақида тез кунда миш-мишлар тарқала бошлади – у тезда толикарди, базмларда кўпинча ўн беш дақиқа бўлиб, ё бўлмай: “Оҳ, азизим, мени афу этасиз, бошим оғриб қолди. Эсиз... Филипп, мени қузатиб қўйишини ҳаёлингизга ҳам келтира кўрманг... – дерди. Филипп: – “Йўқ, мен, албаттга, сен билан кетаман!” – дерди-да, қаҳва тортилиши билан маҳсус зиёфатдан жуфтакни ростлаб қоларди.”

Нимадир бўлди-ю, бир марта улар далил-исбот устида қўлга тушиб қолдилар – уй эгаси қандайдир ҳатни ташлашни илтимос килиш учун орқаларидан изма-из чиққанида, улар зинада туриб ичаклари узилгудек кулаётгандилар. Ўшанда Жулия ўзини асаби зўриқкан кишидек кўрсатишни бир амаллаб уddaлаганди...

Орадан бир неча ҳафта ўтди. Бу никоҳни чиндан ҳам толеи баланд дейиш мумкин эди. Йўл-йўлакай ўз баҳтларини муҳокама қилишу бунинг учун бир-бирларидан миннатдор бўлишдек ҳолатлар уларга ҳузур бағишлиарди.

– Баъзан мен, сен Жозефинага уйланнишнинг ҳам мумкин эди-ку, деда ўйлаб қоламан... Тўғрисини айт, нега унга уйланмагансан?

– Менимча, иккимиз ҳам юрагимизнинг туб-тубида муносабатларимизнинг омонат эканини сезганмиз?

– Бизники-чи, бизники омонат эмасми?

– Бизники мустаҳкам бўлмай, яна кимники мустаҳкам бўлсин.

Секин-аста ҳаракатга келувчи бомба ноябрнинг бошида ўз кучини кўрсатди. Турган гапки, бу портлаш анча аввалроқ содир бўлиши мумкин эди, бироқ Жозефина унинг ҳаётида юз берган ўзгаришларни фаҳмлай олмади. Филипп улар яқинлашиш кунлари унга “орзу умидлар ғаладони” деда ном қўйиб, у ерга хомаки ҳикояларию билдиримай ёзib олинган сухбатлардан парчаларни ва шунга ўхшаш нарсаларни, аёл эса хомаки, наридан-бери чизилган расмларни сақлайдиган кутига назар ташлашидан аввал орадан бир неча ҳафта ўтиб кетди.

ЖАҲОН АДАБИЁТИ

Кутини очиши билан унинг кўзи аёлнинг мактубига тушди. Унинг устига хитоб аломати билан ёғли қора сиёҳда: “Мутлақо махфий”, – деб ёзилганди ва ҳазил тариқасида кўзи катта қиз бола шаклидаги (Жозефина ташки кўриниши учкалик ҳам бузилмаган ҳолда буқок бези функциясининг ўзгариши дардига чалинганди) шиша идишдан ўрмалаб чиқаётган жин сурати чизилганди. Картер мактубни кучли нафрат ила ўқиб чиқди.

“Азизим! Ҳар замон, ҳар замонда бўлса-да, мен, ўн ишллик турмушишимиз ҳаққи ҳурмати “яхши ётиб тур”, ёки “яхши ётиб турдингми?” ё бўлмаса “азизим, соглиқларинг яхшиими?” деган сўзлар билан сени сийлашига ҳаддим сигар деб ўйлайман. Саломат юришинги Яратгандан сўраб қоламан. Сени (чин дилдан) севиб қолувчи

Сенинг Жозефинанг.

Аёлнинг сўзларида “аҳён-аҳёнда бўлса-да” ошкора дўқ-пўписа янграб турарди. Эркак кутини қарсилатиб ёпиб, азбаройи овозининг борича сўкина кетди, буни эшишиб, Жулия эшиқдан мўралади.

– Сенга нима бўлди, азизим?

– Яна ўша Жозефина-да!

– Биласанми, ҳозир унга осон эмаслигини мен яхши тушунаман. Боёқиши. Наҳотки сен унинг хатини йиртиб ташламоқчи бўлсанг?

– Сенингча, нима қилишим керак? Бутун бир китоб ҳолига келгунча сақлашим керакми?

– Менимча бу шафқатсизлик.

– Ҳали мен унга шафқатсиз бўлиб қолибманми? Жулия, у охирги йиллари менга қандай нағмалар кўрсатганини сен ҳатто тасаввур ҳам қилолмайсан. Унинг кўрсатган кароматлари оркасидан орттирган чандиқларимни кўрсатайми сенга: агар унинг бир жазаваси тутиб кетса борми, сигаретни тўғри келган жойимга босищдан ҳам тоймасди.

– Сени йўқотаётганини билиб, ақлдан айрилаётган бўлса керак-да. Аслини олганда, бу чандиқларинг барига мен сабабчиман.

У, аёлнинг кўзлари аллақандай довюраклиқдан нафис ва хурсанд чақнаб кетганини кўрди.

Орадан атиги икки кун ўтиб, иккинчи бомба ҳам портлади.

Жулия эрталаб уйгонгандарида кўриб қолди:

– Тўшакни ағдариш керак. Иккимиз аллақандай чуқурликнинг қок ўртасига думалаб кетаётгандекмиз, гёё.

– Наҳотки?

– Тартиби ўрганган одамлар тўшакни ҳар ҳафтада ағдариб туришади.

– Ҳа, Жозефина ҳар доим шундай қиларди.

Улар чойшаб, ёстиқжилларни олиб ташладилар-да, тўшакни юмалоқлай бошлидилар. Тўшак ўрнида Жулия номига йўлланган мактуб ётарди. Картер хатни сездирмай қоқиб ташламоқчи бўлди-ю, бироқ уни Жулия кўриб қолди.

– Яна хатми?

– Нима бўларди, Жозефинадан хат-да. Бу хатлар ҳадемай бир жилдга ҳам сифмай қолади, шекилли. Жорж Элиотнинг хатлари сингари академик нашр тарзидаги босишига тўғри келади.

– Азизим, бу мактуб менга ёзилган. Уни сен нима қилмоқчи эдинг?

– Билдирамай, йиртиб ташламоқчи эдим.

– Бизнинг бир-биримиздан яширадиган сиримиз йўқ деб ўйлагандим.

– Мен ҳам. Бироқ мен бу дунёда Жозефинадек аёл борлигини унутибман. Бу сафар аёл хатжилдни истар-истамайгина очди.

– Хатнинг бу ерда ётиши чиндан ҳам ғалати... Сен нима деб ўйлайсан, мактуб бу ерга тасодифан тушиб қолдимикин?

– Мен бундай деб ўйламайман. Тасодифан қаердан келиб қолиши мумкин?

Аёл хатни ўқиб бўлгач, уни Картерга узатди ва ўзини енгил ҳис этганча деди:

– Хат бу ерга қандай тушиб қолганини, мана, Жозефина тушунтириб беради. Худога шукур, бунинг хеч бир ғалати ери йўқ.

У хатни ўқий бошлади:

“Азизим Жулия!

Ишонаманки, сиз қўёшининг юонон еридаги ҳақиқий тафтидан баҳраманд бўляпсиз. Буни Филиппга айтиб ўтирмангу, (гарчанд сизлар, шубҳасиз, бир-бирингиздан сир яширмассангиз-да). Бироқ мен Франция жанубини сира ёқтирмаганман. У ерларда ҳамиша изгирин мистраль шамоли эсади ва терини қовжиратади. Грецияда сизларни бундай ноҳушиликлар безовта қилмагани қандай яхши. Биз ҳамма вақт у ерларга борамиз дея отланганмиз, бироқ ҳеч имкон тополмаганмиз, энди Филипп қандай мамнун эканини кўз олдимга келтиряпман. Мен бугун хомаки асарларимни олиб кетмоқчи бўлиб келгандим ва бирдан тўшакнинг, агар ундан кўпроқ бўлмаса, икки ҳафтадан бери ағдарилмай ётгани ёдимга тушиб қолди. Ўзингиздан қолар гап йўқ. Филипп иккимиз ҳаётимизнинг сўнгги кунларини қувончдан бебаҳра ўтказдик. Шундай бўлса-да, унумни оролидан қайтган илк тунингизни тўшагингиздаги дўнг, паст-баланд ноқулайликларни ҳис этиб ўтказшингизни хаёлимга сиздиrolмадим, шу боис мен уни ағдариб қўйдим. Уни ҳар ҳафтада қайта-қайта солиб туришингизни маслаҳат берардим, бўлмаса, ўртасида доим чуқурча пайдо бўлаверади. Айтгандек, қишики пардаларни ҳам осиб қўйдим, ёзгиларини эса тозалашига топишордим. Манзили: Бром-стрит, 153.

Салом билан Жозефина”.

– Ёдингдами, Напулнинг турган-битгани жаннат деб ёзганди менга, – деди Картер. – Бу хатнинг муҳаррири унга тузатиш киритишига тўғри келади.

– Йўқ, сен барибир тошбағир одамсан, – деди Жулия. – Азизим, у ахир бизга ёрдам бермоқчи. Бўлмаса парда ва тўшак ҳақида мен қаёқдан билардим?

– Сен ҳали унга узундан-узун самимий хат йўллаб хўжалик ишлари бўйича ҳам бир-бирингиз билан тажриба алмашмоқчимисиз дейман?

– Ахир у бир неча ҳафтадан буён илҳақ бўлиб жавоб кутяпти. Мактуб бу ерда отам замонидан бери ётган бўлса.

– Қизиқ, бу уйда қадимдан бери яна қанчаси сақланаётган экан-а? Қасам ичиб айтаманки, мен ҳозир уйнинг ҳамма ерини остин-устин қилиб чиқаман. Ертўласидан то чортогигача.

– Бизда униси ҳам, буниси ҳам йўқ.

– Мен нима ҳақда гапираётганимни сен жуда яхши тушуниб турибсан!

– Менга фақат пашишадан фил ясаётганинг тушунарли, холос. Мен сени, Худо ҳақи, Жозефинадан кўркяпсан деб ўйлајпман.

– Жин урсин ўша Жозефинани!

Жулия кескин бурилди ва чиқиб кетди, у эса ўз юмушлари билан машғул бўлди. Ўша куни улар яна жигифлашиб қолишиди. Айтарли жиддий бирон нима содир бўлмаган эса-да, барибир Филиппнинг кайфияти бузилди. Халқаро телеграмма жўнатиш мақсадида телефон рақамни излай туриб, маълумотнома китобининг биринчи жилди ичидан “қийшайиб кетган “о” ҳарфи билан Жозефинанинг машинкасида алифбо тартибида ёзилган телефон рақамларининг узундан-узун рўйхатини топиб олди. Бу ерда унга зарур бўладиган барча ракамлар бор эди. Эски дўсти Жон Хьюзнинг телефон рақами Хэррдос универмаги билан ёнма-ён қайд этилганди; бу ерда яна яқин атрофдаги такси тўхташ жойининг, дорихоналарнинг, гўшт, сабзавот, балиқ дўконларининг, банкнинг, тозалаш буюртмасининг, унинг ношири ва агентининг, Элизабет Арден косметик кабинетининг, маҳаллий сартарошхонанинг (қавс ичиди: “Ж. учун: назарда тутинг, бари бинойидек ва мутлақо арzon,” деб ёзилганди) ҳам рақамлари бор эди. Икки аёлнинг

хам исми ва шарифи бир хил эканини Картер илк бора пайқаб қолганди.

— Йўқ, у аёл фариштанинг ўзгинаси, — деди Жулия. — Биз бу рўйхатни телефон турган ернинг тепасига илиб қўямиз. Бу ерда чиндан хам зарур бўлган барча рақамлар муҳайё экан.

— Аввалги хатларида у нимага ишора қилганини ёдга олсак, қизиқ, нега бу ерда заргар йўқ?

— Азизим, тағин нималарни валдираяпсан? У бор ҳақиқатни ёзган. Агар мен озгина пул жамғариб қўймаганимда, биз ҳам Франциянинг жанубида дам олган бўлардик.

— Сенингча, мен Грецияга бориш учун сенга уйландимми?

— Бунақа бемаъни гапларни қўй. Нега Жозефинага бунчалик адолатсиз муносабатда бўляпсан?.. Унинг бизга кўрсатаётган ҳар қандай ёрдамини ёмонликка йўйганинг-йўйган.

— Хали сен буни ёрдам деб ўйлайсанми?

— Йўқ, сени пушаймон бўлаётганинг аник.

Шунда у ҳақиқий тинтувни бошлаб юборди. У сигарет қутисидан тортиб, ғаладонгача, картотекадан тортиб, Грецияга ўзи билан олиб кетмаган костюмнинг киссасигача титкилаб чиқди, телевизорнинг орқа томонини очиб, ҳожатхонадаги бақча қопқоғини кўтариб ташлади, ҳатто у ердаги қоғоз ўрамини ҳам янгилади (буниси ортиқча айлантириб ўтирадиган эскисидан дурустрок эди). Жулия ундан хабар олиш учун ҳожатхонага борди, бироқ унинг нигоҳларида одатдаги нағислиқдан асар ҳам қолмаганди. У пардаларнинг устки қисмларини обдон қоқиб-силкитди (керак бўлганда пардалар яна тозалашга топширилса, ким билади, у ердан тағин нималар чиқмайди), тагига бирон нима беркитилганми, ё йўқми дея сават ичидаги кир чойшабларни суғуриб олди. У ошхонада эмаклаб юриб, плита тагларини кўздан кечирди: қувурга бир парча қоғоз ўраб қўйилганини кўрди-ю, сёвинганча уни шартта юлиб олди, бироқ — афсус! — қоғоз парчасини сувузатиш мутахассиси эсдалик учун қолдирганди. Тушликдан сўнг почта қутисига тарақлаганча рўзномалар келиб тушди ва Жулия даҳлиздан туриб қичқириди:

— Қандай ажойиб! “Vogue”га обуна бўлганингни нега менга айтмагандинг?

— Мен унга обуна бўлмаганман.

— Кечирасан, бу ерда қандайдир тўйхатга ўхшаш яна нимадир бордай кўринаяпти. Бизни “Vogue”га мисс Жозефина Ҳекстол-Жонс обуна қилибди. Бу унинг бизга кўрсатган илтифоти эмасми?

— У журналда турқум расмлари билан қатнашибди. Уларни кўраман деб кўзим учиб тургани йўқ.

— Азизим, болалик қилишни бас қил! Балки сен унга китобларингни ўқиши ҳам ман этарсан?

— Менинг ягона талабим: у бизни тинч қўйисин, вассалом. Ҳеч бўлмаганда бир неча ҳафтага. Мен кўп нарса сўраётганим йўқ, шекилли?

— Азизим, сени барибир худбин деса бўлади.

Ўша куни оқшом у ўзини ҳорғин ҳис этса-да, руҳи анча енгил тортганди. У тинтувни пухта, синчиковлик билан ўтказди. Тушлик ўртасида унинг ёдига дафъатан уйнинг торлиги сабаб шу пайтгача очилмай ётган девор жавонидаги тўёналар тушди ва у, биринчи ва иккинчи таомлар орасида кути михланганига ишонч ҳосил қилиш учун физиллаб бориб келди; Жозефина қўлини яралашдан кўркиб, бурагични қўлга олишга юраги дов бермаслигини у биларди, болғадан эса ўлгудек қўркарди.

Эр-хотинлар истаган пайтлари салгина қўл теккизишлари билан уни бузишлари мумкин бўлган туннинг хуш ёкувчи ҳаловатидан, ҳайриятки, Картерлар ҳам баҳраманд бўлишди. Вақтни бой бериш жазманларга ярашмайди, эр-хотинларники эса бари олдинда.

— “Мен бугун кексалиқдек ювошиб қолдим”, — ёдаки ўқиши маҳорати билан ирод қиласди.

— Буни ким айтган?

– Броунинг.

– Мен Броунингни яхши билмайман. Билсанг, унинг шеърларидан ўқиб бер. У Броунингни овоз чиқарип ўқишини яхши кўрарди – Картернинг овози дурустгина бўлиб, беғубор мағурурлигини намойиш қилишга у тайёр эди.

– Чиндан ҳам эшитгинг келяптими?

– Ха.

– Мен буларни Жозефинага тез-тез ўқиб берардим, – эҳтиёт шарт деди у.

– Нима бўпти? Баъзан биз истаймизми, йўқми, аввал кимлар биландир қилган ишимизни яна такрорлашимизга тўғри келади, шундай эмасми, азизим?

– Мана ҳали бирон марта ҳам Жозефинага ўқиб бермаган шеърлар. Мен ҳатто у одобсизлик бўлиб кўрингандা ҳам, унга ошиқ бўлганман. Бизнинг муносабатларимиз ... хийла мўрт эди.

Ўқиганларидан унинг ўзи ҳам таъсиirlаниб кетди. Гўё у Жулияни шу топда севганчалик ҳеч қачон севмаганди. Мана ва ниҳоят энди унинг ўз уйи бор – шу пайтгача у ит ётиш, мирза туриш билан яшаб келди.

Унга қолса, шеърни Жулия ўқигани маъқул эдию, унда аёли уни бу қадар болаларча берилиб тингламаган бўларди.

У навбатдаги саҳифани очди ва у ерга сўлоқмондай-сўлоқмондай қилиб, кора ҳарфлар билан ёзib тўлдирилган бир варак қоғоз кўйилганини кўрди (агар Жозефина мактубни хатжилдга солишини фаҳмлабанида, Картер уни ўқишидан аввал пайқаган бўларди):

“Қадрдоним Филипп! Мен сен ёқтирган, шунингдек мен ҳам, китоб саҳифаларидан туриб, сенга фақат хайрли тун тиламоқчи эдим, холос. Сен билан муросаю мадорада ажратишганимиз қандай баҳт. Иккимизга тааллуқли хотиралар ҳамиша бизни боғлаб туради.

Сени севувчи Жозефина.

У китобни мактубга кўшиб улоқтириди-да:

– Ярамас! Ярамас иблис!-- деди тишиларини ғижирлатиб.


– У аёлни бекорга ҳақоратлашингга йўл кўймайман! – бирдан ўшқира кетди Жулия. Аёл варакни ердан олди-да, у ерда ёзилганларни ўқиб чиқди. Сенга буни нимаси ёқмади? – сўради аёл. – Нима, сенга хотиралар ёқмайдими? Унақада бизнинг хотиралар нима бўлади?

– У бизни кўғирчоқ қилиб ўйнатяпти, ё буни кўрмаяпсанми? Бу билан нимага эришмоқчи бўлганини-чи, буни ҳам тушунмаяпсанми? Наҳотки сен шу қадар эсини еган аёл бўлсанг?

Уша кечада улар бир-бирларига ҳатто оёқларининг учини ҳам теккизмай, ўриннинг бошка-бошка тарафида ётишди. Бу улар уйга қайтишгандан сўнг шу тариқа ўтказган илк тунлари эди. Тунни икковлари ҳам бехузур ўтказишидди. Тонгда эса Картер нимагадир мутлақо унинг хаёлига келмаган, шундай кўзга ташланадиган ердан у доим ўз ҳикояларини ёзадиган чизиқли қоғоз саҳифалари тагидан хат топиб олди. Мактуб шундай сўзлар билан бошланганди:

“Севгилим! Мен сени ҳамиша атаганимдек, шундай сўзлар билан алқасам, ишионаманки, бундан сира жаҳлинг чиқмайди...”

*Рус тилидан
Дилдорхон АЛИЕВА
таржимаси*



Сэмюэл БЕККЕТ

Машхур драматург, ёзувчи ва шоир Сэмюэл Баркли Беккет 1906 йил 13 апрелда Ирландияда дунёга келди. Инглиз ва француз тилларида ижод қилган Беккет адабиётдаги модернизм ҳодисасининг асосчиларидан, шунингдек, абсурд театрининг тамал тошини кўйган драматурглардан бири саналади. Жумладан, унинг "Годони кутиш" пьесаси XX аср дунё драматургиясининг энг ноёб намунаси сифатида жаҳонда машҳурдир. Адабиётдаги ўзига хос изланишлари, бетакрор асарлари ва уларда инсон руҳиятининг ҳали ифода этилмаган қирралари акс этгани учун адид 1969 йили Нобель мукофотига лойик кўрилди.

С.Беккетдан "Мёрфи" (1938), "Малон вафот қилди" (1951), "Исмиз" (1953), "Худди бордек" (1961), "Ҳамсуҳбат" (1979) каби насрый асарлар, "Годони кутиш" (1952), "Унсиз ҳаракат 1" ва "Унсиз ҳаракат 2" (1956), "Уйиннинг охири" (1957), "Бахтиёр кунлар" (1960), "Келди ва кетди" (1965), "Мен эмас" (1972) сингари пьесалар ҳамда шеърлар мерос қолди.

Сэмюэл Беккет 1989 йил 22 декабрда ҳаётдан кўз юмди.

ГОДОНИ КУТИШ

(Пьеса)

ИШТИРОК ЭТУВЧИЛАР:

Эстрагон.
Владимир.
Поццо.
Лаки.
Болакай.

БИРИНЧИ САҲНА

Ёлғизоёқ тупроқ йўл. Йўл чеккасида якка дарахт. Оқиом пайти.

Э с т р а г о н тошига ўтирганча бошимогини ечишига уринади. Икки қўллаб, кучаниб торта бошлиайди. Қурби етмай тўхтайди, ҳансира б нафас ростлайдида, кейин яна уринади. Ҳаракат тақрорланади.

В л а д и м и р кириб келади.

Э с т р а г о н (яна тўхтаб). Жуда жонга тегди.

В л а д и м и р (оксоқланганча майдада қадамлар билан яқинлашиб келади-да, оёқларини ийриб, қўлини ёзиб туради). Мен ҳам шундан ташвишга туша бошладим. (Юриб келиб, тўхтайди). Мен бир умр шу фикрга қарши бўлганман. Доим ўзимга-ўзим: В л а д и м и р, ҳовлиқма, ҳали ҳаммаси олдинда дердим ва яна курашга отланардим. (Уширин хотиротларга берилиб хаёл суреб қолади. Э с т р а г о нга қаратади) Мана сен яна ёнимдасан.

ЖАҲОН АДАБИЁТИ

Э с т р а г о н. Шундай деб ўйлайсанми?

В ла д и м и р. Қайтиб келганингдан хурсандман. Бутунлай кетиб қолдингми, деб хавотирлангандим.

Э с т р а г о н. Мен хам.

В ла д и м и р. Бу учрашувимизни қандай нишонласак экан? (*Ўйланади*). Кани, турчи. Бир бағримга босай. (*Э с т р а г о нга қучогини очади*.)

Э с т р а г о н (*тұтоқиб*). Хозир, ҳозир.

Жимлик.

В ла д и м и р (*хафа бўлиб, совуққонлик билан*). Таксирим тунни қаерда ўтказганини билсак бўладими?

Э с т р а г о н. Овлоқда.

В ла д и м и р (*ҳайрон бўлиб*). Овлоқда?! Қаерда экан у?

Э с т р а г о н (*имо-шиорасиз*). Аnavи ёқда.

В ла д и м и р. Нима, сени калтаклашмадими?

Э с т р а г о н. Калтаклашди... Бир оз.

В ла д и м и р. Ҳамишагиларми?

Э с т р а г о н. Ҳамишагилар? Билмадим.

Жимлик.

В ла д и м и р. Бу ҳақида ўйлаганимда... бунга анча бўлди... ўзимга ўзим савол бераман... ким бўлган бўлардинг... менсиз... (*Қатъий*.) Ҳозир бир қоп гўштдан бўлак нарса бўлмасдинг, гапимга ишонавер.

Э С Т Р А Г О Н (*илкис қўзғалиб*). Хўш, кейинчи?

В ла д и м и р (*алам билан*). Бу бир одамга оғирлик қиласди. (*Сукут, яна жонланиб*.) Бошқа томондан энди афсусланишнинг фойдаси йўқ, бу гапларим эсингда турсин. Буни олдинроқ ўйлаш керак эди, 1900 йилларда.

Э с т р а г о н. Етар. Мана бу зормандани ечишга ёрдам берсанг-чи.

В ла д и м и р. Қўлни қўлга бериб иккаламиз Эйфел минорасидан ўзимизни пастга отдик. У пайтлар ҳозиргидай эмасдинг. Энди эса жуда кеч. Энди юқорига кўтарилишимизга ҳам изн беришмаса керак. (*Эстрагон яна бошмогини ечишига уринади*.) Нима қиласпсан?

Э с т р а г о н. Ечаяпман. Нима, бошмоқ ечганини ҳеч кўрмаганмисан?

В ла д и м и р. Сенга минг марта айтганман, оёқ кийимни ҳар куни ечиш керак деб. Айтганда қулоқ солиш керак эди.

Э с т р а г о н (*ёвлорган оҳангда*). Ёрдам бера қолгин!

В ла д и м и р. Азоб бераяптими?

Э с т р а г о н. Бераяпти! Жони ачимай сўрашини қаранг!

В ла д и м и р (*жсаҳли чиқиб*). Гўё бу дунёда сендан бошқа азобланмаётгандек? Менга парво ҳам қилмайсан. Ўзингни менинг ўрнимга бир кўйиб кўрганингда эди. Ана ўшанда билардинг.

Э с т р а г о н. Сенга ҳам азоб берганми?

В ла д и м и р. Берганми! Азоб берганми, деб сўрашини кўринг бунинг!

Э с т р а г о н (*бармоги билан ишиора қилиб*). Бу шимнинг тугмасини қадамаслигингга сабаб бўлолмайди.

В ла д и м и р (*эгилиб*). Ие, ростдан ҳам. (*Тугмасини қадай туриб*.) Одам майда-чуйда ишлар билан чалғимаслиги керак.

Э с т р а г о н. Нима ҳам дердим, қиёмат бўлмагунча сенинг тўпиғингта сув ҳам чиқмайди.

В ла д и м и р (*хаёлчан*). Қиёмат бўлмагунча... (*ўзига-ўзи гапиргандек*.) Яхши. Ҳолва деган билан оғиз чучимайди. Буни ким айтган?

Э с т р а г о н. Менга ёрдам беришни истамайсанми?

В ла д и м и р. У алал-окибат барибир келади, деб баъзан ўзимни ишонтираман. Ӿшанда мени ғалати ҳиссиёт чўлғаб олади... (*У шляпасини олиб*,

иチガ қарайди, құли билан титкилайды, яхшилаб қоқади ва яна қайтиб кияди.) Ҳалигидай... Хотиржам ва шу билан бирга... (сүз тополмай қийналади) күркүв аралаш... (Ҳаяжон билан). ҚҰР-ҚУВ. (У яна шляпасини құлғига олиб, иチガ қарайди.) Бу нима гап! (Ичидаги ниманидир қоқиб ташламоқчидей шляпани құлғига қаттық уради ва иチга назар ташлаб, яна қайта кияди.) Ниҳоят... (Э с т р а г о н бір амаллаб ниҳоят башиғасын ешиига мұваффақ бўлади, иチга қарайди, құлни тиқиб пайтаслайды, ағдариб силкилайди. Ерга бирон нарса тушимадимикан деб, аланглайди, ҳеч нарсага кўзи тушимагач, яна бошмоққа қўлни тиқади. Кўзлари маънисиз жсовдирайди.) Нима?

Э с т р а г о н. Ҳеч нарса.

В л а д и м и р. Қани кўрсат-чи.

Э с т р а г о н. Кўришингга ҳожат йўқ.

В л а д и м и р. Яна кийиб кўр-чи.

Э с т р а г о н (оёгига эринмай разм сола туриб). Озроқ шамоллаб турсин.

В л а д и м и р. Мана сизга одамзотнинг феъли: айб оёғида бўла туриб, бошмоғидан нолийди. (Яна бир марта шляпасини олиб, иチга қарайди, силкійди, қоқади, иチга пуфлайди-да, қайта кияди.) Бу жонга тега бошлади. (Сукут. Э с т р а г о н ҳидини кетгазии учун бармоқларини қимирлатиб, оёгини ўйната бошлайди.) Қароқчилардан бирининг жони омон қолганмиш. (Жимлик.) Бу ёмон эмас. (Жимлик.) Гого...

Э с т р а г о н. Нима?

В л а д и м и р. Бордию тавба-тазарру қилсак-чи?

Э с т р а г о н. Нима учун?

В л а д и м и р. Айтайлик... (Сўз тополмай қийналади.) Сабабини кўрсатишимиш шарт эмасдир.

Э с т р а г о н. Бор гуноҳимиз туғилганимиз учунми?

*Владимир беўхшов кулади ва бирдан қўлни човига қўйиб, тўхтаб қолади.
Ранги-рўйи ўзгариб.*

В л а д и м и р. Ҳатто кулиш ҳам мумкин эмас.

Э с т р а г о н. Жуда бемаъни тақиқ.

В л а д и м и р. Табассум қилиш мумкин. (У беўхшов табассум қилганча туриб қолади. Бир оздан сўнг бирдан қиёфаси ўзгаради.) Бу унчалик ҳам ўхшамади. Дарвоке... (Жимлик.) Гого...

Э с т р а г о н (асабийлашиб). Нима дейсан?

В л а д и м и р. Сен Инжилни ўқиганмисан?

Э с т р а г о н. Инжилни... (Ўйланиб.) Ҳойнаҳой, қачонлардир кўз ташлаганман.

В л а д и м и р (ажабланиб). Мактабда таълим беришмаганми?

Э с т р а г о н. Ҳозир эслай олмайман, ўшандада худога ишонармидик, йўқми?

В л а д и м и р. Ниманидир чалкаштирмаяссанми?

Э с т р а г о н. Эҳтимол. Муқаддас Ер харитаси ҳамон ёдимда. Рангли харита. Жуда ҳам чиройли. Ўлик денгиз оқиши рангда эди. Унга бир марта назар ташлаб, чанқаб кетгандим. Ўшандада ният қилгандим: “Асал ойини шу ерда ўтказамиш. Денгизда чўмиламиш. Жуда баҳтли бўламиш”.

В л а д и м и р. Шоир бўлсанг бўлар экан.

Э с т р а г о н. Айтмасанг ҳам шоир эдим. (Уст-бошига ишора қилиб.) Нима, сезилмаяптими?

Жимлик.

В л а д и м и р. Нима деётган эдим... Оёғинг қандай?

Э с т р а г о н. Шиша бошлади.

В л а д и м и р. Ҳа, ёдимга тушди. Қароқчи воқеасини гапираётгандим,

эсингдами?

Э стр а г о н. Йўқ.

В ла д и м и р. Истасанг, айтиб бераман.

Э стр а г о н. Йўқ.

В ла д и м и р. Бу ҳам бир эрмак-да (*Жимлик.*) Халоскор билан бирга икки қароқчи ҳам чормих қилинганди. Уларни...

Э стр а г о н. Ким билан?

В ла д и м и р. Халоскор билан. Икки қароқчи. Айтишларича, улардан бири омон қолган, иккинчиси эса... (“Омон қолган” деган сўзга тескари бўлган сўзни тополмай қийналади.) жазоланган.

Э стр а г о н. Нимадан омон қолган?

В ла д и м и р. Дўзахдан.

Э стр а г о н. Мен кетдим. (У жойидан қилт этмайди.)

В ла д и м и р. Шундай қилиб... (*Жимлик.*) Тақдирнинг изми билан... нима... Ишқилиб, сенинг жонинг тегмадимми?

Э стр а г о н. Мен қулоқ солаётганим ҳам йўқ.

В ла д и м и р. Тақдирнинг ҳукми билан тўрт инжилчилардан биригина буларни ёзиб қолдиришга муваффақ бўлган. Бирок тўрталаси ҳам ўша ерда бўлган, тўрталаси ҳам воқеанинг гувоҳи эдилар. Улардан фақат биттасигина қароқчининг омон қолганини айтади. (*Жимлик.*) Қулоқ сол, Гого, сен ҳам ҳеч бўлмаса сухбатимизга қўшилиб туришинг керак.

Э стр а г о н. Кулоғим сенда.

В ла д и м и р. Тўртасидан бири. Қолган учтасидан иккитаси эса, ломлим дейишмайди. Учинчиси эса уни ҳақоратлашганини айтади.

Э стр а г о н. Ким?

В ла д и м и р. Нима?

Эстрагон. Ҳеч нарса тушунмаяпман... (*Жимлик.*) Кимни ҳақоратлашган?

В ла д и м и р. Халоскорни.

Э стр а г о н. Нима учун?

В ла д и м и р. Чунки уларни халос этишни истамаган.

Э стр а г о н. Дўзахданми?

В ла д и м и р. Э-э, йўқ, албатта. Ўлимдан.

Э стр а г о н. Кейинчи?

В ла д и м и р. Уларнинг иккаласини ҳам жазолашган.

Э стр а г о н. Жазолашса нима қилибди?

В ла д и м и р. Бошқаси эса фақат бир киши омон қолганди дейди.

Э стр а г о н. Нима бўпти? Иккаласининг фикри икки хил бўлган, бор гап шу.

В ла д и м и р. Уларнинг бари гувоҳ бўлишган, тўрталаси ҳам. Фақат биттасигина қароқчи омон қолди дейди. Нега энди бошқаларга эмас, унга ишониш керак?

Э стр а г о н. Ким унга ишонаяпти?

В ла д и м и р. Ҳамма. Ҳамма унинг мана шу ҳикоясини билади, холос. Э стр а г о н. Одамлар – аҳмоқ.

У қийинчилик билан ўрнидан туради-да, чўлоқланиб чап ён парда томон юра бошлиайди. Тўхтаб, қўлини пешонасига қўйиб, узоққа кўз ташлайди. Ўғирилиб, ўнг парда томон юради. Узоқларга кўз ташлайди. Владимир ундан кўзини узмайди, кейин эса бошимоқларни йигиштириб олишига тутинади. Йичга қараб, бирдан отиб юборади.

В ла д и м и р. Тф-у! (*Тупиради.*)

Эстрагон саҳна ўртасига қайтиб, атрофга назар ташлайди.

Э стр а г о н. Яхши жой. (*Ўғирилиб, олд тўсиққа яқинлашиб, томоша-*

бинлар томон тикилади.) Чиройли манзара. (*Владимирга юзланиб*) Кетдик.

В лад и м и р. Бунинг иложи йўқ.

Э с т р а г о н. Нима учун?

В лад и м и р. Биз Годони кутаяпмиз.

Э страгон. *Ха, тўғри. (Жимлик.)* Шу ер эканлигига ишончинг комилми?

В лад и м и р. Нима?

Э с т р а г о н. Кутадиган жой.

В лад и м и р. У якка дараҳт олдида деганди. (*Улар дараҳтга тикилишиади.*) Атрофда бошқа дараҳт борми?

Э с т р а г о н. Нима бў?

В лад и м и р. Мажнунтолга ўхшайди.

Э с т р а г о н. Япроқлари қани?

В лад и м и р. Ҳойнаҳой тўкилиб бўлган.

Э с т р а г о н. Энди йифлолмас экан-да?

В лад и м и р. Афтидан, мавриди ўтган.

Э с т р а г о н. Бу куриб қолган новда.

В лад и м и р. Ҳали куримаган.

Э с т р а г о н. Куриган.

В лад и м и р. Ку... (*Сергак тортиб.*) Бу билан нимага шама қиласапсан?

Жойни адаштиридик, демоқчимисан?

Э с т р а г о н. У аллақачон келиши керак эди.

В лад и м и р. У албатта келаман, деб ваъда бермаган.

Э с т р а г о н. Бордию, келмаса-чи?

В лад и м и р. Эртага яна шу ерга келамиз.

Э с т р а г о н. Эртадан кейин ҳамми?

В лад и м и р. Эҳтимол.

Э с т р а г о н. Келаверамиз, келаверамиз.

В лад и м и р. Яъни...

Э с т р а г о н. Токи келгунга қадар.

В лад и м и р. Жуда кескин гапирайпсан.

Э с т р а г о н. Қечा ҳам бу ерга келгандик.

В лад и м и р. Йўқ, шу ерда сен адашяпсан.

Э с т р а г о н. У ҳолда биз кечা нима қилдик?

В лад и м и р. Биз кечা нима қилдик?

Э с т р а г о н. Нима қилдик?

В лад и м и р. Рост айтаяпман... (*Жаҳли чиқиб.*) Одамни доим шунақа довдиратиб қўясан.

Э с т р а г о н. Назаримда, биз кечা ҳам келгандекмиз.

В лад и м и р (*атрофга аланглаб.*) Бу ер сенга таниш кўринаяптими?

Э с т р а г о н. Мен ҳали бундай демадим.

В лад и м и р. У ҳолда нима?

Э с т р а г о н. Гап бунда эмас.

В лад и м и р. Ҳўш, унда нимада... бу дараҳт... (*томошибинларга юзланиб*) бу ботқоқлик.

Э с т р а г о н. Бугун оқшом эканлигига ишончинг комилми?

В лад и м и р. Нима?

Э с т р а г о н. Уни кутадиган пайт.

В лад и м и р. У шанба куни деганди. (*Жимлик.*) Адашмасам.

Э с т р а г о н. Ишдан кейин.

В лад и м и р. Қаергадир ёзиб ҳам қўйгандим. (*У ҳар хил нарсаларга тўла чўнтақларини ковлаштира бошлиди.*)

Э с т р а г о н. Қайси шанба? Бугун ўзи шанбами? Эҳтимол, бугун якшанбадир? Еки душанба. Балки жумадир?

В лад и м и р (*хўдди қайси қун эканлиги ерга ёзиб қўйилгандек, асабийлашганча атрофга аланглайди.*) Бундай бўлиши мумкин эмас.

Э с т р а г о н. Балки пайшанбадир?

В лад и м и р. Ҳўш, нима қиласамиз?

Э с т р а г о н. Агар у кеча келиб, бизни бу ердан тополмаган бўлса, бугун келмаслиги аниқ.

В л а д и м и р. Бироқ, сен кеча ҳам келгандек деяпсанку?!

Э с т р а г о н. Балки, мен адашаётгандирман. (Жимлик.) Кел, бирпас жим турайлик, маъқулми?

В л а д и м и р (*истар-истамай*). Бўпти. (Эстрагон қайтиб ўтиради. Владимир асабийлашиб у ёқдан бу ёққа юради, баъзан тўхтаб, уфқ томон астойдил тикилиб қолади. Эстрагон уйқусирай бошлайди. Владимир Эстрагон қаршиисида тўхтайди.) Гого... (Жимлик.) Гого... (Жимлик.) Гого!

Эстрагон бирдан кўзини очади.

Э с т р а г о н (*бирдан ўзларининг ночор вазиятда эканлиги ёдига тушиб*). Кўзим илинибди. (Таъна аралаши.) Нима учун доим энди мизғий бошлаганимда уйготасан?

В л а д и м и р. Ўзимни ёлғиз хис килдим.

Э с т р а г о н. Мен туш кўрибман.

В л а д и м и р. Айтмай қўя қол!

Э с т р а г о н. Тушимда гўё...

В л а д и м и р. Айтма деяпман!

Э с т р а г о н (*атрофга шиора қилиб*). Шулар билан овунмокчимисан? (Жимлик.) Яхши эмас, Диidi. Тунги босинқирашларимни сенга айтмасам, кимга ҳам айтаман, ахир?

В л а д и м и р. Босинқирашларинг фақат ўзингники бўлиб қолсин. Буни кўтара олмаслигимни яхши биласан.

Э с т р а г о н. Баъзан ажрашиб, икки томонга кетсан яхши бўлармиди деб ўйлаб қоламан.

В л а д и м и р. Барибир узокқа кетолмасдинг.

Э с т р а г о н. Чатоқ жойи ҳам шунда-да. (Жимлик.) Рост, Диidi, ҳамма бало ана шунда. (Жимлик.) Йўл равон бўлса. (Жимлик.) Йўлдошинг эса самимий-кувноқ. (Жимлик. Эркаланган оҳангда.) Тўғрими, Диidi?

В л а д и м и р. Жим бўл.

Э с т р а г о н (*хузурланиб*). Жим бўл... Жимлик... (Ширин энтикиб.) Худди инглизлар айтганидек, жимлик, факат жимлик. Улар жуда хотиржам одамлар. (Жимлик.) Шаробхонага кирган инглиз ҳақидаги латифани биласанми?

В л а д и м и р. Ҳа.

Э с т р а г о н. Айтиб бер-чи.

В л а д и м и р. Етар.

Э с т р а г о н. Бир инглиз ширакайф бўлиб шаробхонага борибди. Бека ундан ким керак деб сўрармиш: оқбаданми, қорачадан келганми ёки сариқ сочли? Давом эттир.

В л а д и м и р. Бас қил!

Владимир саҳнадан узоқлашиади. Эстрагон унинг ортидан саҳна четига қадар боради. Эстрагоннинг ҳаракатлари кураши мусобақасидаги томошабиннинг ҳаракатини эслатади. Владимир ортга бурилиб, Эстрагоннинг ёнидан ўтиб, саҳнага қайтади. Унинг кўзлари ҳорген. Эстрагон у томонга қараб бир неча қадам ташлайди. Тўхтайди.

Э с т р а г о н (*майин оҳангда*). Менга нимадир демоқчимидинг? (Владимир жавоб бермайди. Эстрагон олдинга қадам ташлайди.) Менга нимадир демокчи эдинг. (Сукут. Яна қадам ташлайди.) Айтақол, Диidi...

В л а д и м и р (*ўғирилмасдан туриб*). Айтадиган ҳеч қандай гапим йўқ.

Э с т р а г о н (*олдга қадам ташлайди*). Нима, хафа бўлдингми? (Сукут. Олдга қадам ташлайди.) Кечир! (Сукут. Олдга қадам. Елкасига қўлини қўяди.) Қулоқ сол, Диidi. (Сукут.) Кўлингни бер! (Владимир ўғирилади.) Кел, қуҷоқлашайлик!

(*Владимир асабийлашганча, жойида туриб қолади.*) Менга изн бер! (*Владимир ҳовуридан тушади. Улар қучоқлашишади.*) Э с т р а г о н орқага тисарилади.) Сендан саримсоқнинг хиди келаяпти!

В л а д и м и р . Буйрак учун фойдали. (*Сукут. Эстрагон дараҳтни кўздан кечира бошлиди.*) Хўш, энди нима қиласми?

Э с т р а г о н . Кутамиз.

В л а д и м и р . Ҳа, кейинчи?

Э с т р а г о н . Вактичоғлик қилсак нима бўлади?

В л а д и м и р . Мана шунда яхши туради.

Э с т р а г о н (қизиқиб). Туради?

В л а д и м и р . Бундан узилиб тушадиган ҳамма япроқ учун. У узилиб тушган жойдан меҳригиё униб чиқади. Шунинг учун уни узаётгандан овоз чиқаргандек бўлади. Нима, буни билмасмидинг?

Э с т р а г о н . Яна қайтиб осиб қўямиз.

В л а д и м и р . Новдагами? (*Улар дараҳтга яқинлашиб, айлануб кўра бошлишади.*) У жуда муртга ўхшайди.

Э с т р а г о н . Уриниб кўрсак-чи.

В л а д и м и р . Уриниб кўр.

Э с т р а г о н . Аввал сен бошла.

В л а д и м и р . Йўқ, олдин сен.

Э с т р а г о н . Нима учун?

В л а д и м и р . Сен менга қарагандан енгилроқсан.

Э с т р а г о н . Ҳамма гап ана шунда-да.

В л а д и м и р . Тушунмадим.

Э с т р а г о н . Яхшилаб ўйлаб кўргин.

Владимир ўйга толади.

В л а д и м и р (ниҳоят). Тушунмадим.

Э с т р а г о н . Ҳозир тушунтираман. (*Ўйлануб.*) Япроқ... япроқ... (*Ғазаб билан.*) Тушунсанг-чи ахир!

В л а д и м и р . Сенга ишонаман.

Э с т р а г о н (қийинчилик билан). Гого енгил – новда синмайди – Гого ўлган. Диidi оғир – новда синади – Диidi ёлғиз. (*Жимлиқ.*) У ҳолда қандай... (маъқул сўз тополмай қийналади.)

В л а д и м и р . Бу ҳақда ўйламаган эканман.

Э с т р а г о н (излаган сўзини топиб). Катта бўлган айни пайтда кичик ҳамдир.

В л а д и м и р . Нима, мен сендан оғирроқ қеламанми?

Э с т р а г о н . Буни сен айтдинг. Мен билмайман. Икки имкониятдан бири. Деярли.

В л а д и м и р . У ҳолда нима қиласми?

Э с т р а г о н . Ҳеч нарса. Шуниси хавфсизроқ.

В л а д и м и р . Кутайлик-чи, у нима дер экан?

Э с т р а г о н . Ким?

В л а д и м и р . Годо.

Э с т р а г о н . Яна шу гап.

В л а д и м и р . Ҳаёт-мамот масаламиз ҳал бўлмагунча, уни кутамиш.

Э с т р а г о н . Бошка томондан олиб қарагандা, темирни қизифида босиш керак.

В л а д и м и р . Унинг нима дейиши мени қизиқтирайпти. Барибир бу зиммамизга ҳеч қандай масъулият юкламайди.

Э с т р а г о н . Биз ундан нимани сўраган эдик.

В л а д и м и р . Нима, у ерда йўқмидинг?

Э с т р а г о н . Эътибор қилмаган эканман.

В л а д и м и р . Ҳалиги... айттарли ҳеч нарса.

Э с т р а г о н. Бирон нарса сўраганмидинглар?
 В л а д и м и р. Шундай, шундай.
 Э с т р а г о н. Бирон нарса ўтингиларингми?
 В л а д и м и р. Шунақароқ.
 Э с т р а г о н. У нима деб жавоб берди?
 В л а д и м и р. Қараб кўраркан.
 Э с т р а г о н. Нима, у ҳеч нарсани ваъда беролмайдими?
 В л а д и м и р. Ўйлаб кўриши керак экан.
 Э с т р а г о н. Бошини оғритмасдан дегин.
 В л а д и м и р. Оиласи билан маслаҳатлашиб.
 Э с т р а г о н. Дўстлари билан.
 В л а д и м и р. Айғоқчилари билан.
 Э с т р а г о н. Гумашталари билан.
 В л а д и м и р. Ҳисоб-китоб дафтарига қараб.
 Э с т р а г о н. Банқдаги ҳисоб ракамига қараб.
 В л а д и м и р. Бир қарорга келишдан олдин.
 Э с т р а г о н. Бу табиий.
 В л а д и м и р. Наҳотки?
 Э с т р а г о н. Менимча, шундай.
 В л а д и м и р. Менимча ҳам.
 Э с т р а г о н (ҳаяжонлануб). Биз-чи?
 В л а д и м и р. Нима?
 Э с т р а г о н. Биз-чи деяпман?
 В л а д и м и р. Тушунмадим.
 Э с т р а г о н. Бунда бизнинг иштирокимиз қандай бўлади?
 В л а д и м и р. Ролми?
 Э с т р а г о н. Ҳовлиқма.
 В л а д и м и р. Роль? Тиланчиларнинг ролини.
 Э с т р а г о н. Шундай дегин.
 В л а д и м и р. Тақсиримга бирон нарса ёқдими?
 Э с т р а г о н. Бизнинг ҳеч қандай хуқуқимиз қолмаганми?

Владимир илгаргидек телбаларча кулади-да, бирдан тўхтайди. Кулгидан бошка ҳаммаси яна тақрорланади.

В Л А Д И М И Р. Қўлимдан келганда, албатта, кулган бўлардим.
 Э С Т Р А Г О Н. Уларни йўқотиб қўйдикми?
 В Л А Д И М И Р (дона-дона қилиб). Уларни пуллаб бўлдик.

Жимлик. Улар қимир этишимайди. Қўллари оҳиста қимирлайди, боши хам, оёқлари эса букилган.

Э с т р а г о н (базур). Бизни банди қилишмаганми? (Жимлик.) А?
 В л а д и м и р (қўлини кўтариб). Қулоқ сол!

Нотабийи турган ҳолатда, уни тинглай бошлиайди.

Э с т р а г о н. Ҳеч нарса эшитмаяпман.
 В л а д и м и р. Жимм! (Улар қулоқ солишади. Эстрагон мувозанатини йўқотиб, сал бўлмаса ийқилиб тушай дейди. У ёқдан-бў ёққа чайқалаётган Владимирнинг қўлидан у тутиб қолади. Улар бир-бирларини бағриларига босганча, бир-бирларининг кўзларига тикилганча қулоқ соладилар.) Мен ҳам.

Енгил тортиб нафас олишиади. Бўшашиб, бир-биридан узоқлашишиади.

Э с т р а г о н. Мени қўрқитиб юбординг.
 В л а д и м и р. У келдимикан деб ўйлабман.
 Э с т р а г о н. Ким?
 В л а д и м и р. Годо.
 Э с т р а г о н. Ана! Қамишзорда шамол турди.
 В л а д и м и р. Қасам ичиб айтишим мумкинки, кимнингдир ҳайқириғи
 эшитилди.
 Э с т р а г о н. Кимга ҳайқирди?
 В л а д и м и р. Отларга.

Жимлик.

Э с т р а г о н. Кетдик.
 В л а д и м и р. Қаёққа? (*Сукут.*) Балки бу тун унинг уйида қорин
 тўйдириб, иссиқ ва қуруқ жойда, сомон устида ухлармиз? Шунча кутга-
 нимизга яраша. Гапим тўғрими?
 Э с т р а г о н. Туни билан эмас.
 В л а д и м и р. Яна бир кун.

Жимлик.

Э с т р а г о н. Қорним очди.
 В л а д и м и р. Сабзи ейсанми?
 Э с т р а г о н. Бошқа нарса йўқми?
 В л а д и м и р. Бир жуфт турп ҳам бор.
 Э с т р а г о н. Сабзини менга бера қол. (*Владимир чўнтақларини ковлаши-
 тира бошлиайди, турпни чиқариб Эстрагонга беради.*) Раҳмат. (*Ковшаниб,
 гамгин оҳангда.*) Бу турику!

В л а д и м и р. Кечирасан! Сабзи эканлигига ишончим комил эди. (*Яна
 чўнтақларини ковлашириб, турп чиқаради.*) Факат турп. (*Кидиришида
 давом этади.*) Афтидан охиригисини сен единг (*Излайди.*) Шошма, мана. (*Ниҳоят сабзини чиқариб Эстрагонга узатади.*) Мана, азиз қадрдоним. (*Эстрагон сабзини қўли билан артиб, ея бошлиайди.*) Турпни менга бер. (*Эстрагон унга турпни беради.*) Майда чайнаб егин, бошқа йўқ.

Э с т р а г о н (*ковшаниб*). Сенга савол бердим.
 В л а д и м и р. Хўш?!
 Э с т р а г о н. Саволимга жавоб бермадинг.
 В л а д и м и р. Сабзи ширинмикан?
 Э с т р а г о н. Мазали.
 В л а д и м и р. Унда жуда соз. (*Жимлик.*) Нима демоқчи эдинг?
 Э с т р а г о н. Ёдимдан кўтарилди. (*Тамишанади.*) Ҳамма гап ана шунда-
 да. (*Мамнуният билан сабзига тикилади, бармоқлари учида тутганча, уни
 айлантириб томоша қиласди.*) Сабзинг чакки эмас. (*Иштача билан оғзига
 солади.*) Шошма, эсладим. (*Сабзини тишлайди.*)

В л а д и м и р. Хўш, нима экан?
 Э с т р а г о н. (*оғзини тўлдириб, паришин хотирлик билан.*) Бизни банди
 қилишмаганми?

В л а д и м и р. Ҳеч нарса эшитмаяпман.
 Э с т р а г о н (*ковшаниб, ютина туриб*). Сендан сўраяпман, бизни банди
 қилишмаганми?

В л а д и м и р. Банди?
 Э с т р а г о н. Бан-ди.
 В л а д и м и р. Банди деганинг нимаси?
 Э с т р а г о н. Қўл ва оёқларимизни боғлашмаганми.
 В л а д и м и р. Ким? Ким боғлайди?
 Э с т р а г о н. Сенинг одаминг.

В л а д и м и р. Годоми? Бу фикр қаердан чиқди? Бўлиши мумкин эмас!
(Сукут.) Йўқ... хали.

Э с т р а г о н. Унинг исми Годоми?

В л а д и м и р. Менимча, шундай.

Э с т р а г о н. Кулок сол. (У сабзини поясидан ушлаб, кўз олдида айлантира бошлиайди.) Қизиқ. Еганинг сайин бемазалиги сезилаяпти.

В л а д и м и р. Менда эса акси.

Э с т р а г о н. Яъни?

В л а д и м и р. Еган сайин мазасини олаётганга ўхшаяпман.

Э с т р а г о н (узоқ ўйлагандан сўнг). Сенингча, тескари бўлиш керакми?

В л а д и м и р. Ҳаммаси ғайратга боғлиқ.

Э с т р а г о н. Феъл-атворга.

В л а д и м и р. Чорасизга чора йўқ.

Э с т р а г о н. Минг чирангин, фойдаси бўлмас.

В л а д и м и р. Қариран, қартарсан, асл наслингга тортарсан.

Э с т р а г о н. Бузоқнинг юргургани сомонхонагача.

В л а д и м и р. Тақдирдан қочиб кутулиб бўлмас.

Э с т р а г о н. Нима ҳам қила олардинг. (Колган сабзини Владимирга узтади.) Тугатиб қўясанми?

Шундай яқиндан даҳшатли қичқириқ эшиштилади. Эстрагон сабзини тушириб юборади. Улар жойларида қотиб қолишади, кейин ўзларини парда томонга уришади. Эстрагон ярим йўлда тўхтайди, қайтиб, сабзини олиб, чўнтағига солади-да, уни кутиб турган Владимир томон отилади. Кейин яна тўхтайди, яна қайтади, бошимоғини олиб, Владимир томон югурлади. Улар ўғирилганларича, бошларини букиб, бир-бирларини қучганча кутиб туришади. Поццо ва Лаки кириб келади. Поццо Лакини унинг бўйнига солинган арқондан тортиб, етаклаб олган. Шундай қилиб олдин Лаки пайдо бўлади, узун арқон етгунга қадар саҳна ўртасига юриб боргач ортидан Поццо пайдо бўлади. Лаки оғир жисмадон, ийгема курси, мева-чева солинган сават ва пальто(қўлида) кўтариб олган. Поццонинг қўлида арқон.

П о ц ц о (парда ортидан). Тезроқ! (Қамчи овози. Поццо пайдо бўлади. Улар саҳнага чиқшишади. Лаки Эстрагон ва Владимир ёнидан ўтиб, гойиб бўлади. Арқон тортилади. Поццо уни силкиб тортади.) Қайт! (Гуппиллаган овоз эшиштилади. Лаки лаш-лушилари билан агнаб тушади. Владимир ва Эстрагон ёрдам берайликни ёки бизга тааллуқли бўлмаган нарсага аралашмаганимиз маъқулми деб, иккиланиб унга тикилиб қолишади. Владимир Лаки томон қадам ташлайди. Эстрагон унинг енгидан тортади.)

В л а д и м и р. Қўйиб юбор!

Э с т р а г о н. Үзингни бос.

П о ц ц о. Эҳтиёт бўлинг. У аяб ўтирмайди. (Эстрагон ва Владимир ажабланиб тикилишиади.) Бегоналарни.

Э с т р а г о н (шивирлаб). Бу ўшами?

В л а д и м и р. Ким?

Э с т р а г о н. Халиги...

В л а д и м и р. Годоми?

Э с т р а г о н. Ҳа.

П о ц ц о. Үзимни таниширишга изн беринг. Поццо.

В л а д и м и р. Йўқ.

Э с т р а г о н. У Годо дедими.

В л а д и м и р. Э, йўқ.

Э с т р а г о н (Поццога). Тақсир, сиз Годо эмасмисиз?

П о ц ц о (қўрқинчли овозда). Мен Поццоман! (Жимлик.) Бу исм сизларга хеч нарсани англатмаяптими? (Жимлик.) Сизлардан сўрайапман, бу исм

сизларга танишми?

Владимир ва Эстрагон бир-бирига ҳайрон бўлиб тикилишиади.

Э с т р а г о н (гёё ниманидир эсламоқчидек бўлиб). Бодзо... Бодзо...

В ла д и м и р (илгаргидек). Поццо...

П о ц ц о. Поццо!

Э с т р а г о н. Э, ха! Поццо... ха, ха... Поццо...

В ла д и м и р. Поццоми ёки Бодзо?

Э с т р а г о н. Поццо... эсимда йўқ.

В ла д и м и р (муросали оҳангда). Мен Годзо оиласини танирдим... Бека каштадўзлик қиласарди.

Поццо газаб билан улар томон юради.

Э с т р а г о н (сергак тортаб). Таксир, биз бу ерлик эмасмиз.

П о ц ц о (тўхтаб). Ҳа-а, бечора одамзот авлоди. (Кўзойнагини тақади.)

Кўриниб турибди. (Кўзойнагини олади.) Сизлар ҳам менинг қавмимдансаниз, шекилли (Тўсатдан қаҳ-қаҳ отиб кулади.) Поццо қавмидаги одамлар. Яратганинг суюкли бандаси!

В ла д и м и р. Гап шундаки, биз...

П о ц ц о (кескин). Годо деганларинг ким?

Э с т р а г о н. Годо?

П о ц ц о. Мени Годо деб ўйладиларинг.

В ла д и м и р. Э, йўқ, таксири, бундай хаёлга ҳам бормадик.

П о ц ц о. Ким у?

В ла д и м и р. Бууу-у, ҳа-алиги... танишимиз.

Э с т р а г о н. Кўйсанг-чи, биз уни умуман танимаймиз.

В ла д и м и р. Албатта... биз уни яхши билмаймиз... бироқ шундай бўлса-да...

Э с т р а г о н. Агар кўчада учратиб қолганимда ҳам уни танимаган бўлардим.

П о ц ц о. Мени у деб ўйладиларинг.

Эстрагон. Гап шундаки, биз... коронғулик... чарчаганимиз... хориганимиз... кутавериб... тан оламан... туюлди... бир неча дакиқага...

В ла д и м и р. Унга қулоқ солманг, тақсири, қулоқ солманг!

П о ц ц о. Кутавериб? Демак уни кутаётган экансизлар-да?

В ла д и м и р. Гап шундаки, биз...

П о ц ц о. Шу ердами? Менинг еримда-я?

В ла д и м и р. Ҳеч бир ёмон хаёлга борганимиз йўқ.

Э с т р а г о н. Бизнинг ниятимиз холис эди.

П о ц ц о. Йўл ҳамма учун очиқ.

В ла д и м и р. Биз ҳам шундай фикрдамиз.

П о ц ц о. Шармандалиқ, бироқ бу ҳақиқат.

Э с т р а г о н. Чорасизга чора йўқ.

П о ц ц о (кескин ишора билан). Буни унутайлик. (Арқонни тортади.) Тур! (Жимлик.) Йиқилиб тушиши билан тошдек қотиб ухлайди. (Арқонни тортади.) Туракол, ярамас! (Лакининг бир амаллаб тургани ва нарсаларини йигиштираётгани эшитилиб туради. Поццо арқонни силкитади.) Ортга! (Лаки саҳнага орқаси билан юриб келади.) Тўхта! (Лаки тўхтайди.) Ортингга қайрил! (Лаки ўгирилади. Владимир ва Эстрагонга хушмуомилалик билан.) Дўстларим, сизларни учратганимдан хурсандман. (Уларнинг ажабланиб турганини кўриб, гижиниб.) Ҳа, ҳа, жуда ҳам мамнунман. (Арқонни тортади.) Яқинроқ кел! (Лаки яқинлаша бошлайди.) Тўхта! (Лаки тўхтайди. Владимир ва Эстрагонга.) Биласизми, манзил ҳамиша олис туюлади, бир ўзинг оқимга қарши йўлга чиққанингда... (соатига қарайди.) ...оқимга қарши... (санайди.) олти соат, ҳа, тўғри, дам олмасдан олти соат, бирон тирик жон учрамади. (Лакига) Пальто! (Лаки жомадонни ерга қўйиб, юриб келиб, пальтони тутқазади-да, қайтиб,

ЖАҲОН АДАБИЁТИ

жамадонни қўлига олади.) Ма, ол. (Поцо унга қамчини тутқазади, Лаки унинг ёнига келади ва қўли банд бўлгани учун қамчини тиши билан олади. Ортга қайтади. Поцо пальтони кия бошлиб, тўхтаб қолади.) Пальто! (Лаки нарсаларни ерга қўйиб, келиб, Поцога пальто кийшига ёрдамлашадида, қайтиб нарсаларни қўлига олади.) Ҳавонинг салқинлиги сезилаяпти. (У ниҳоят тугмаларини қадайди, эгилиб, уст-бошига қараб, қаддини ростлайди.) Қамчи! (Лаки келиб, эгилади; Поцо қамчини унинг тишлари орасидан олади; Лаки ортга тисарилади.) Биласизми, азизларим, мен ўзимга ўхшаганлар тоифасидан асло ажралгим келмайди, (у ўз тоифасидагиларга кўз ташлайди) ҳатто улар менга унчалик ўхшамасалар-да. (Лакига.) Курси! (Лаки ерга жомадонни ва саватни қўяди, келиб, курсини ёйиб, ўтириши учун ҳозирлайди-да қайтиб жамадон ва саватни кўтариб олади. Поцо курсига кўз ташлайди.) Яқинроқ! (Лаки ерга жомадон ва саватни қўйиб, келиб курсини яқинроқ қўяди-да, қайтиб жамадон ва саватни қўлига олади. Поцо ўтириб, қамчининг бир уни билан Лакининг кўкрагига нуқиб уни штарида.) Ортга! (Лаки ортга тисарилади.) Яна. (Лаки яна ортга тисарилади.) Тўхта! (Лаки тўхтайди. Владимир ва Эстрагонга.) Шунинг учун яна йўлда давом этишдан олдин ижозатларингиз билан бир оз муддатга ёнларингизда қолмоқчиман. (Лакига.) Сават! (Лакки келиб, саватни узатади-да, ортга қайтади.) Тоза хавода, албатта, корин тез очқайди. (Саватни очиб, пиширилган товуқ, бир бурда нон ва бир шиша шароб олади. Лакига.) Сават! (Лаки келиб, саватни олади-да, тисарилиб тўхтайди.) Яна! (Лаки ортга чекинади.) Уша ерда! (Лаки тўхтайди.) У жуда сасиб кетган. (Шиша оғзидан шароб симира туриб.) Сизларнинг соғлигингиз учун. (У шишиани қўйиб, тамадди қилишига тутинади.)

Жимлик. Эстрагон ва Владимир бир оз дадиллашади ва Лакини ўраб олиб, гир айланиб томоша қила бошлишади. Поцо шитаха билан товукни пакъос тушира бошлиди, суюкларини шимиб, отиб юборади. Лаки то жомадон ерга теккунга қадар секин ўтира бошлиди, бирдан туриб, яна ўтиради. Унинг ҳаракатлари худди тик туриб ухлаётган одамнинг ҳаракатига ўшиаб кетади.

Э с т р а г о н . Унга нима бўлган?

В л а д и м и р . Жуда чарчаган кўриниади.

Э с т р а г о н . Нима учун нарсаларни ерга қўймайди?

В л а д и м и р . Мен каердан билай? (Улар Лакига яқинроқ боришиади.)

Эҳтиёт бўл!

Э с т р а г о н . Уни гапга солиб кўрсак-чи?

В л а д и м и р . Қара!

Э с т р а г о н . Нима?

В л а д и м и р (Кўрсатиб). Бўйни.

Э с т р а г о н . Мен ҳеч нарса кўрмаяпман.

В л а д и м и р . Мана бу ерга тур.

Эстрагон Владимир ўрнини эгаллайди.

Э с т р а г о н . Ҳа-а, рост.

В л а д и м и р . Қонаб кетган.

Э с т р а г о н . Арқоннинг изи.

В л а д и м и р . Шилиб юборган.

Э с т р а г о н . Нима демокчи эдинг?

В л а д и м и р . Арқон тугуни.

Э с т р а г о н . Жуда хавфли.

Яна Лакини ўргана бошлишади. Юзига разм солишиади.

В л а д и м и р. Күрениши чакки эмас.

Э с т р а г о н (елка қисиб, жирканиб афтини бужсмайтиради). Шундай деб ўйлайсанми?

В л а д и м и р. Бир оз нозикроқ экан.

Э с т р а г о н. Унинг сўлаги оқаяпти.

В л а д и м и р. Зўриққанидан.

Э с т р а г о н. Кара, кўпик.

В л а д и м и р. Балки у телбадир?

Э с т р а г о н. Аҳмоқ.

В л а д и м и р (бўйинни чўзиб). Буқоғи бор экан.

Э с т р а г о н (бўйинни чўзиб). Бу тахмин холос.

В л а д и м и р. У нафас олишга қийналаяпти.

Э с т р а г о н. Кўрқадиган жойи йўқ.

В л а д и м и р. Кўзларига қарагин!

Э с т р а г о н. Нима бўпти?

В л а д и м и р. Корачиқлари катталашибди.

Э с т р а г о н. Назаримда унинг жони узилаяпти.

В л а д и м и р. Бу хали аниқ эмас. (Жимлик.) Ундан бирон нарса сўра-чи.

Э с т р а г о н. Шартмикан?

В л а д и м и р. Осмон узилиб ерга тушармиди?

Э с т р а г о н (иккиланиб). Тақсир...

В л а д и м и р. Қаттиқроқ.

Э с т р а г о н (овозини баландлатиб). Тақсир...

П о ц ц о. Уни тинч кўйинглар! (Улар эндигина овқатланиб бўлиб, оғзини енги билан артаётган Поццо томон ўгирилишади.) У мизғиб олмокчи эканини кўрмаяпсизларми? (У муштугини олиб, уни тўлдира бошлиайди. Ерда ётган товуқ суякларига Эстрагоннинг кўзи тушиб, тамишаниб қараб қолади. Поццо гугурт чақиб муштукни тутатмоқчи бўлади.) Сават! (Лаки қимир этмайди. Поццо гугуртни отиб юбориб, газаб билан арқонни тортади.) Сават! (Лаки сал бўлмаса ийқилиб тушигудек бўлиб, зўрга кўзларини очади, келиб шишани саватга солади-да, жойига қайтиб яна мизгий бошлиайди. Эстрагон суяклардан кўзини узолмай қолади. Поццо иккинчи гугурт чўпини чақиб, муштукни тутатади.) На чора, бу ишни у эплай олмайди. (Тамаки торттиб, оёқларини узатади.) Ох! Мана бу бошқа гап.

Э с т р а г о н (иккиланиб). Тақсир...

П о ц ц о. Оғайни, нима гап?

Э с т р а г о н. Ҳа-а... сизга энди керак эмасми... халиги... буларни ташаб юборасизми... суякларни... тақсир?

В л а д и м и р (гаши келиб). Сабр қилиб туролмадингми?

П о ц ц о. Ҳечқиси йўқ, ҳечқиси йўқ, асло хижолат тортманг. Суяк керак эмасми дейсизми? (Уларни қамчи билан ағдаради.) Йўқ, шахсан менга керак эмас. (Эстрагон суяк томон қадам ташлайди.) Бироқ... (Эстрагон тўхтайди.) Аслида унинг эгаси ҳаммол. Шундай экан, буни ундан сўраганингиз маъкул. (Эстрагон Лаки томон юзланиб, иккиланиб қолади.) Сўранг, сўрайверинг, кўрқманг. У сизга айтади.

Эстрагон Лакига яқинлашиб, олдида тўхтайди.

Э с т р а г о н. Тақсир... маъзур тутасиз, тақсир...

Лаки қимир этмайди. Поццо қамчини ишга солади. Лаки бошини кўтаради.

П о ц ц о. Сендан сўрашаяпти, тўнғиз, жавоб бер. (Эстрагонга.) Сўранг.

Э с т р а г о н. Кечирасиз, тақсир, суяклар керак эмасми?

Лаки бир муддат Эстрагонга тикилиб қолади.

П о ц ц о (киноя аралаш). Тақсир! (Лаки бошини хам қилади.) Жавоб бер! Уларни ейсанми, йўқми? (Лаки лом-лим демайди. Эстрагонга.) Улар сизники. (Эстрагон сүякка ташланиб, уларни гажий бошлидай.) Жуда ғалати. У биринчи марта ризқидан воз кечаяпти. (У Лакига ташвишиланиб тикилиб қолади.) Ишқилиб бунақа ҳазиллари билан ўзини касалга солиб олмаса эди! (Арқон тугунини сикқиб боғлади.)

В л а д и м и р (кутилмагандага). Қандай шармандалик!

Жимлик. Эстрагон таажжусубланиб, суюк гажиидан тўхтайди ва наебат билан бир Владимирга, бир Пощоға тикилади. Пощонинг парвойи фалак. Владимир тўхтовсиз тумоқади.

П о ц ц о. Бирор нарсани назарда тутиб шундай дедингизми?

В л а д и м и р (мингирлаган оҳангда). Одамга бундай муносабатда бўлиш... (Лакини кўрсата туриб) бу ҳолни мен... одамзотга нисбатан... йўқ... бу шармандалик!

Э с т р а г о н (четда қолишини истамай). Қандай шармандалик! (Яна суюни кемиришига тушиади.)

П о ц ц о. Жуда шартаки экансиз. (Владимирга) Бетгачопарлигим учун маъзур тутасиз, ёшингиз нечада? (Сукут.) Олтмиш?.. Етмиш?.. (Эстрагонга.) Унинг ёши нечада бўлиши мумкин?

Э с т р а г о н. Ўзидан сўранг.

П о ц ц о. Беодоблик қилмоқчи эмасман. (*Муштугини олиб, уни қамчига уриб, ўрнидан туради*) Бироқ кетишим керак. Ҳамсуҳбат бўлганларинг учун раҳмат. (*Ўйланади*.) Ёки сизлар билан бир тамаки тортсаммикан? Бунга сизлар нима дейсизлар? (*Улар лом-мим дейишмайди*.) Мен жуда кам чекаман, жуда кам. Кўп чекишига унчалик одатланмаганман. Бу (*муштукни юраги устига олиб боради*) юрак уришини тезлатади. (*Жимлик*.) Тамаки – минг ўзингни асраганингга қарамай, дармонингни сўриб олади. (*Хўрсинади*.) На чора. (*Сукут*.) Балки сизлар чекмассизлар? Шундайми? Йўқ? Дарвоқе, гап ҳозир бунда эмас. (*Жимлик*.) Туриб қўйган бўлсан, энди қандай қилиб ўтираман? Иродасиз одам бўлиб қўринишни истамайман. (*Владимирга*.) Нима? (*Жимлик*.) Балки сиз хеч нарса демагандирсиз? (*Жимлик*.) Аҳамияти ўйқ. Шундай қилиб... (*Ўйланаб қолади*.)

Э с т р а г о н. Ҳа-а! Шуниси маъқулроқ. (*Суюни ташлайди*.)

В л а д и м и р. Кетдик.

Э с т р а г о н. Дарровми?

П о ц ц о. Шошманлар! (*Арқонни тортади*.) Курси! (*Қамчи билан кўрсатади*. Лаки курси кўяди.) Яқинроқ! Шу ерга! (*Ўтириб олади*. Лаки ортга тисарилиб, жомадон ва саватни қўлига олади.) Мана, яна ўтириб олдим! (*Муштукни тўлдира бошлидай*.)

В л а д и м и р. Кетдик!

П о ц ц о. Ишқилиб, кетишлиарингга мен сабабчи эмасманми? Яна бир оз қолинглар, афсусланмайсизлар.

Э с т р а г о н (бир нарсадан умидвор бўлиб). Бизнинг вақтимиз бемалол.

П о ц ц о (муштукни тутади). Биринчисига қараганда (*Муштукни оғзидан чиқариб, уни томоша қила бошлидай*) иккиничиси ҳамиша ёмон, сизларга айтиб қўйяй. (*Яна муштукни оғзига солади*.) Бироқ, у ҳам ёмон эмас.

В л а д и м и р. Мен кетдим.

П о ц ц о. У афтидан менга тоқат қиломаётганга ўхшайди. Мен, албатта, одамохун одам эмасман, бироқ шу сабаб бўла оладими? (*Владимирга*.) Хато қилишдан олдин, яхшилаб ўйлаб қўринг. Дейлик, атрофга қоронгу тушмасдан ҳозир кетдингиз ҳам дейлик. (*Учаласи ҳам осмонга тикилади*). Хўш, кейинчи. Кейин нима бўлади... (*Муштукни оғзидан чиқариб, унга тикилади*.) ...ўчиб қолди... (*муштукни ёқади*) у ҳолда... у ҳолда... у ҳолда нима бўлади? ...Ҳалиги учрашувларинг нима бўлади, анави билан... Годе-

ми... Годоми... Годами... (*Жимлик.*) Хуллас, кимни назарда тутаётганимни биласизлар. Келгуси тақдирларингиз ахир унга боғлиқ-ку. (*Жимлик.*) Дейлик сизнинг яқин келажагингиз.

Э с т р а г о н. У рост айтаяпти.

В л а д и м и р. Буни сиз қандай билдингиз?

П о ц ц о. Эх, у яна мени саволга тутаётпти. Мана шу тахлит самимий ва қадрдон дўст бўлиб қоламиз.

Э с т р а г о н. Нега у нарсаларини қўлидан қўймайди.

П о ц ц о. Уни учратсам мен ҳам ўзимни баҳтиёр ҳисоблардим. Қанча кўп одамни учратсам, шунча ўзимни баҳтиёр хис этаман. Ҳатто энг ярамас одам ҳам сенга нимадандир сабоқ бериши, ўрнак бўлиши, баҳтли эканлигинги яхши хис этишингга кўмаклашиши мумкин. Ҳатто сизлардан ҳам (*у ҳар бирининг кўзига тик қараши учун иккаласига галма-гал кўз ташлайди*) ҳатто сизлардан ҳам, эҳтимол, нималардир ўргангандирман.

Э с т р а г о н. Нега у нарсаларини қўлидан қўймайди.

П о ц ц о. Бу мени ҳайрон қолдирган бўларди.

В л а д и м и р. Сизга савол беришди.

П о ц ц о (*кувноқ оҳангда*). Савол? Ким? Қанақа савол? (*Жимлик.*) Ҳозиргина сиз, мен билан гаплашолмай, қалтираб тургандингиз. Энди эса мени саволга тутаёпсиз. Бунинг оқибати яхши бўлмайди.

В л а д и м и р (*Эстрогонга*). Афтидан у гапингни эшитганга ўхшайди.

Э с т р а г о н. (*яна Лаки атрофида ўралаша бошлидай*.) Нима?

В л а д и м и р. Энди саволингни унга бер, у бемалол эшитиши мумкин.

Э с т р а г о н. Нимани сўрайман?

В л а д и м и р. Нега нарсаларини ерга қўймайди, деб.

Э с т р а г о н. Буни мен ўзимдан сўраяпман.

В л а д и м и р. Үндан сўраб қўя кол.

П о ц ц о. (*кутилмаган саволдан довдираф қолишидан ташвишиланиб уларнинг сұхбатига қулоқ тутади*). Нега у қўлидаги нарсаларни ерга қўймайди, деб мендан сўрамоқчисизлар, шундайми?

В л а д и м и р. Шундай.

П о ц ц о (*Эстрогонга*). Сиз ҳам қўшиласизми?

Э с т р а г о н (*Лакининг атрофидан нари кетолмай*). Ҳудди буғуга ўхшаб пишиллашини қаранг.

П о ц ц о. Саволингизга ҳозир жавоб бераман (*Эстрогонга*). Ўтинаман, Үзингизни босинг. Менинг жаҳлимни чиқаряпсиз.

В л а д и м и р. Бу ёкка кел.

Э с т р а г о н. Нима бўлди?

В л а д и м и р. Ҳозир у негалигини айтар экан.

Улар ёнма-ён турганча, жисм бўлиб кута бошлишиади.

*Рус тилидан
Жаббор ЭШОНҚУЛ
таржимаси*

(Давоми бор)



ИНГЛИЗ УЙГОНИШ ДАВРИ ДРАМАТУРГИЯСИ: УИЛЬЯМ ШЕКСПИР

Уильям Шекспир (William Shakespeare) 1564 йилда Англияning Уоррикшир графлиги ҳудудидаги Эвон дарёси устида жойлашган Стрэтфорд шаҳарчасида кўлқопсоз косиб Жон Шекспир оиласида дунёга келди. Бу ҳақда маълумот Стрэтфорддаги Авлиё Троица черковининг қайднома китобида зикр қилинган. Адабнинг болалиги ва ёшлиги ҳақида тўлароқ маълумот берувчи бошқа бирон манба мавжуд эмас. Таникли ношир ва олим Жорж Стивенс Шекспир вафотидан юз эллик йил сўнг унинг ҳаёти ҳақида тўплаган маълумотларга таяниб қўйидагича ёзган эди: “Шекспир ҳақида бор бицганимиз қўйидагилар бўлди. У Стрэтфорд шаҳарчасида дунёга келган. Ўша ерда улғайиб, ўн саккиз ёшида кўшни фермер кизига уйланган, фарзандлари бўлган. Сўнгра Лондонга кетган, аввалига актёр, кейин ёзувчи бўлган, қатор поэмалар ва театр учун пьесалар ёзган. Ва ниҳоят Стрэтфордга қайтиб, сўнгги васиятини ёзган ва ўша ерда вафот этган”¹. Шунга қарамай, шекспиршунос олимлар ўтган 350 йил бадалида адиб меросини тинимсиз ўргандилар, архив ва театр музеяларидан янги-янги ҳужжатлар топиб, унинг таржима ҳолини бойитишга муваффақ бўлишди.

Уильям Шекспир болалигидан Стрэтфорд шаҳридаги Грамматика мактаби²га қатнаб саводини чиқаради. Бироқ унга грамматика мактабини тугаллаш насиб қилмайди. 1578 йилга келиб Шекспирнинг отаси Жоннинг ишлари касодга учрайди ва оилани боқиши қийинлашади. Ёш Уильям ҳам мактабни саккизинч синфдан ташлаб, отаси ёнида ишлашга мажбур бўлади. Шекспир биографлари унинг то 1585 йилгача кечган ҳаётини турлича талқин қиласидилар. Масалан, Кэролайн Сперджен, Жон Обри, Томас Плюм, Жон Уилсон, Никола Раулар фикрини умумлаштирадиган бўлсақ, Шекспир ўспирин пайтида кўпроқ табиат қўйнида вақтини ўтказган. Ҳатто қўшниси дворян Томас Люси ўрмонида ўғринча ов қилган, пул топиб, кўнгилхушлик билан машғул бўлган. Ҳаётда эркин ва бирмунча уддабурон бўлган Шекспир ҳатто қўшни қишлоқда яшовчи дворян Ричард Хетеуэйнинг ўзидан саккиз ёш катта қизи Энн Хетеуэй билан ишқий роман юритади. Оқибатда ҳомиладор бўлиб қолган йигирма олти яшар Энн билан ўн саккиз ёшли Уильямнинг 1582 йилнинг 27 ноябрида никоҳ тўйлари бўлиб ўтади. Шундан кейин 1583 йилнинг май ойида уларнинг қизи Сьюзен, 1585 йилда эса эгизак фарзандлари Амнет (ёки Гамнет) ва Жудита дунёга келади. Шекспиршунос Никола Раунинг ёзишича, ёш Уильям ва қўшни феодал Томас Люси ўртасидаги можаро бу йилларда ҳам давом этган, ўз ўрмонида ўғринча ов қилгани учун сэр Люси уни бир неча бор жазолаган. Ахир оқибат Шекспир 1585-1586 йиллар орасида иш ахтариб Лондонга кетади. Яна бир шекспиршунос Жон Обрининг ёзишича Шекспир то 1586 йилгача Стрэтфордга яқин бўлган Глостершир графлигига қарашли Костуолд қишлоғида ўқитувчилик қилган. Олимларнинг бу каби бошқа мазмунли маълумотларини ҳам Шекспир ҳаётномаларида учратишимиз мумкин³. Нима бўлса ҳам Шекспирнинг болалик ва ўспиринлик

¹ Қаранг: Шекспир В. Ромео и Жульєтта. Трагедия; Сонеты.-М.: Мир книги, 2005. – с.5.

² Grammar School (ўрта мактаб) – Ўрта асрларда Англияда лотин тилида билим берадиган ўрта мактаб. Бу мактабларда гуманистик тарбия ва билим олиш йўлга қўйилган бўлиб, асосан риторика, философия ва грамматика қоидалари ўргатилган, қадим юон ва рим адабиёти чукур ўтилган. – муаллиф.

³ Қаранг: Аникст А. Шекспир. – М.: Молодая гвардия; 1964.-с. 20-30.

йиллари Англияning тарихий воқеаларга бой даврига, мамлакатда қиролича Елизавета ҳукмронлик қилган йилларга тұғыр келади.

Хуллас, 1587 йилда Шекспир Лондонга келаркан, гуманизм ғояларини тарғиб қилаётган фалсафа, адабиёт ва театр арбоблари даврасига келиб қүшилади. Инглиз адабиёти тарихи билимдөнлари профессорлар Г.В. Аникин ва Н.П Михальскаяларнинг таъкидлашларича, Шекспир 1587-1593 йиллар Лондон театrlарида актёр сифатида фаолият күрсатаркан, томошабинлар орасыда шұхрат қозонолмаган.¹ У 1593 йилдан машхур актёр ва режиссёр Ричард Бербедж “Театр” ида аввало актёр, сұңг режиссёр ва драматург сифатида фаолият күрсатған. Шекспир 1599 йилдан Лондонда янги курилған “Глобус” театрида пайчи (улуш олувчы) ҳисобланған ва сахна учун драмалар Ѽзған. Шундай қилиб Шекспирнинг номи 1593 йилдан драматурглар сафида пайдо бўлади ва тез фурсат орасыда шұхрат қозонади.

Бу йилларда Шекспир қиролича Элизавета саройи зодагонларидан бўлган ёш граф Саутгемптон билан яқиндан дўстлашади. Сабаби, Шекспир граф Саутгемптонга ўзининг илк поэмалари “Венера ва Адонис” (1593) ва “Лукреция” (1594)ни бағишилаган эди. Ҳар иккала поэманинг титул варағида “Барон Тичфильд, граф Саутгемптон, Хенри Рисли олий ҳазратларига... Сизнинг каминау кулингиз Уильям Шекспир” мазмунидаги бағишивони ўқиш мумкин. Нафси замар қиролича Элизавета ва унинг саройидаги мўътабар зодагонларга муаллифларнинг ўз асарларини бағишилашлари у даврда одат тусига кирған бўлиб, бунинг эвазига ул номдор аъёнлар қаламкашларга мукофотлар беришган, нафақалар тайинлашган, қолаверса, уларни ўз химояларига олганлар. Шекспир ҳам дўсти граф Саутгемптон химоясига ўтгач, эмин-эркин ижод қиласи, ҳаёти ва адабий фаолияти гуллаб-яшнайди.

Уильям Шекспир ҳаммаси бўлиб ўн тўқиз йил ижод қиласи. У 1593-1612 йиллар орасыда икки поэма, 154 та сонет ва 37 та пьеса Ѽзди. Адаб 1612 йилда театр ва драматургия билан хайрлашиб, туғилиб ўсган она шахри Стрэтфордга қайтиб келади. У ерда тўрт йил тинч ҳаёт кечириб, 1616 йилнинг 23 апрелида 52 ёшида бу дунё билан хайрлашади.

Шекспир меросини олимлар уч даврга бўлиб ўрганадилар. Биринчи даврга адабнинг 1591-1601 йилларда Ѽзған “Венера ва Адонис”, “Лукреция” поэмалари, сонетлари ва тарихий хроникалари киради. Шунингдек Шекспир бу даврда ўзининг “Тит Андроник” (1594), “Ромео ва Жульєтта” (1595), “Юлий Цезар” (1599) фожиаларини, “Қийиқ кизнинг қуйилиши” (1594), “Ёз оқшомидаги туш” (1594-1595), “Венециялик савдогар” (1595), “Виндзорлик нозанинлар” (1597), “Йўқ нарсадан бир талай фавғо” (1598-1599), “Бу сизга ёқадими” (1599-1600), “Ўн иккинчи кечә ёки турфа ҳангомалар” (1690) номли комедияларини ҳам Ѽзди.

Адаб ижодининг иккинчи даврига унинг 1601-1608 йилларда яратган машхур трагедия ва комедиялари киради. Улар “Хамлет” (1600-1601), “Отелло” (1604), “Қирол Лир” (1605-1606), “Макбет” (1606), “Антоний ва Клеопатра” (1607), “Кориолан” (1608), “Афиналиқ Тимон” (1608) фожиалариидир.

Шекспир ижодининг учинчи даврига мансуб асар “Перикл” (Pericles) 1608-1612 йилларда Ѽзилган, “Цембелин” (1609-1610), “Қишлоғ” (1610-1611), “Бўрон” (1611) трагикомедиялари ҳисобланади.

Таъкидлаганимиз, XVI аср инглиз ренессанс шоирлари ижодида сонет жанри етакчи ўрин тутади. Шекспирнинг “Сонетлар” тўплами илк бор 1609 йилда нашр қилинади. Аслида муаллиф уларни 1592-1598 йиллар орасыда Ѽзған эди. Сонетлар мазмунидаги фалсафий теранлик, лиризм устуворлиги, кўтаринки кайфият ва мусиқавийлик ўкувчини ўзига ром этади. Лирик қаҳрамон, яъни шоир ўзининг сарвқомат, келишган дўсти жаноб W.H. га садоқатини ва қора сочли, буғдойранг юз хоним (the Dark Lady) га муҳаббатини ошқора баён айлади. Қизиғи шундаки, “Сонетлар” китобининг титул варағидаги “Ушбу сонетларнинг Ѽилишига асосий сабабчи бўлган сир-

¹ Аникин Г. В., Михальская Н. П. История английской литературы. – М.: Высшая школа, 1975. - с. 46.

ли дўстим жаноб W.H. га баҳт-саодат ва узоқ умр тилайман,” деган ёзувнинг ечими устида шекспиршунослар то хозирга қадар бош котирадилар. Шоирнинг сир тутган садоқатли дўсти ким бўлгану, таъриф қилинган маҳбубаси “корасоч буғдойранг юзли хоним” ким эди. Дарвоқе, Шекспир сонетлари хақида юзлаб макола ва тадқикотлар яратилган, Гёте, Вордсворт, Оскар Уайлд каби сўз усталари уларни таҳлил қылганлар. Бироқ улардан биронтаси ҳам шоир пинҳон тутган қадрдан дўсти W.H.нинг, ёхуд кўнгли мойил бўлган буғдойранг юзли хонимнинг ҳаққоний исм-шарифини аниқ айттолмаган.

Шекспиршунослар адид сонетларини асосан икки қисмга бўлиб талқин қилишади. Биринчи қисмга 1-дан то 126-га қадар, яъни муаллифнинг “сирли дўсти”га бағишилаган сонетлари, иккинчи қисмга эса 128-152 гача яъни “корасоч, буғдой ранг юз хоним”га бағишиланган сонетлари киритилади. Хуллас, олимларнинг кўпчилиги биринчи қисмга мансуб сонетларида Шекспир ўзининг яқин дўсти ва ҳомийси граф Саутгемптонни таърифлаган дейишса, бошқалари шоирнинг кенжা замондоши граф Уильям Херберт (W.H. – бу ҳарофлар инглизчада унинг исми шарифига мос тушади – М.Х.) мадҳ этилганини исботлашга ҳаракат қилишади. Нима бўлганда ҳам сонетларда тасвирланган ёш, хушқомат ваmallасочли истараси иссик бу йигит шоир кўнглига яқин бўлгани очик сезилиб туради. Сонетларда таърифланганидек шоир маълум бир вақт хуштаъб йигитдан йироклашиб, “кора соч, буғдой ранг юз хоним”га эргашади, йигит эса нописанда қиёфада ўзга шоирлар мажлисига йўл олади. Ниҳоят кора соч аёлга муҳаббати сўнган (139 сонет) шоир кўнгли сарвқомат дўсти, mallасоч йигитни кўмсайди, рашик илиа севгилисига тавозе билан мурожаат қиласади:

*Феълингда пинҳонки ноҳақлик, ёлғон,—
Оқламоққа мажсбур қилмогинг бекор.
Ундан кўра синдир кучни куч билан,
Макр ила сен мени этма ярадор.*

*Ўзгани сев, аммо учрашган замон
Кўзларингни мендан олиб қочма ҳеч.
Ишқинг сақлагувчи кўксим бекалқон
Киприкларинг гарчи ялангоч қилич.*

*Кўзларинг қудрати ўзингга аён,
Мендан нигоҳингни узиб, оқибат –
Ўзгаларнинг кўксин оларсан ниион,
Ки менга кўрсатмоқ бўларсан шафқат.*

*Q, шафқатингни қўй! Нигоҳинг майли
Ўлдирса ўлдирсан ишқим туфайли.*

(Русчадан Ю.Шомансур таржимаси)

Оқибатда шоир севгисига номуносиб бўлган бевафо ва енгилтак корасоч хонимни рад этиб, ўзининг қадрдан дўстига бўлган садоқатини ундан устун кўяди. Икки сирдош дўст яна бирга бўлади, аввалги пинҳона муносабатларини қайта тиклайди. Хulosса килиб айтганда, Шекспир сонетларининг аксари қисми мазмунан лирик қаҳрамоннинг муҳаббат йўлидаги иқрорини, таъбир жоиз бўлса, тоат ибодатини мадҳ этади. Лирик қаҳрамон қалбida жўш ураётган ишқ туйғулари унинг маънавий қиёфаси ва жамиятга муносабати билан уйгунашган ҳолатда тасвирланади. Шекспир сонетлари ab ab cd cd ef ef gg тарзидаги кофияланган бўлиб, уларда мисраларнинг метафора ва афоризмларга бойлиги, фалсафий маънонинг устуворлиги кўриниб туради.

Шекспир сонетларини рус тилига шоир-таржимон С.Я.Маршак зўр

маҳорат билан ўғирган бўлса, ушбу русча таржимадан ўзбек тилига Мақсуд Шайзода ва Юсуф Шомансур таржима қилганлар. Ўзбекистон халқ шоири Жамол Камол шоир сонетларини бевосита инглизчадан ўзбек тилига таржима қилиб, алоҳида китоб ҳолида нашр эттириди.

Шекспир ижодининг дастлабки даврида тарихий хроникалари билан бирга ўзининг қувноқ комедияларини ҳам яратди. Адид комедияларининг қаҳрамонлари ҳаётдан завқ ола биладиган, турмушда ҳаракатчан ва қувноқ қишилар бўлиб, улар ўз тақдири ва келажагини ўз қўли билан яратишга қодир, гуманистик дунёкарашга мойил одамлардир. Масалан, “Ёз оқшомидаги туш” (1594-1595) комедиясида адид итальян драматургиясидаги “ниқобли комедия” жанри анъаналарини давом эттиради. Пьесадаги воқеалар табиат қўйинида, севишган ёшларнинг пинхона учрашувларини тасвирлаш билан ўтади. Ёшлар ота-она ҳукми билан эмас, балки ҳақиқий муҳабbat ила турмуш қуришга ҳаракат қиласидар. Уларнинг ишқий учрашувларида юзларига тутиб олган ниқоб ҳимоя воситасини бажаради. “Ўн иккинчи кечা” (1600) комедиясида яна севги мавзусига мурожаат қиласкан, муаллиф ишқ-муҳабbat йўлида дадил олға юриш қилган янги замон-ренесанс даври ёшлари қиёфасини яратади.

“Венециялик савдогар” (1595) комедиясида эса Шекспир ишқ-муҳабbat мавзусидан четга чиқади. Асар мазмунида икки бир-бирига қарама-қарши дунё: гўзаллик, биродарлик, бағрикенглик, олийжаноблик ҳиссиётлари эгалари (Антонио ва унинг дўстлари Бассанио, Порция, Нерисса, Жессика) ва мол-дунёга ўч, хасис, худбин (Шейлок ва унинг ҳамтовоқлари) қишилар ўртасидаги тафсилотлар тасвирланади. Антонио янги давр – ренессанс кишиси, у олийжаноб фазилатлар соҳиби, дўстларига ҳамиша ҳамдард, уларга ёрдам қўлини чўзиб келади. Шейлок эса унинг тамомила акси, ўта худбин ва хасис судхўр, у буржуача мешчанликни хуш кўради, ўзгалар ҳисобига бойлик орттирувчи, инсоний фазилатлардан ўта йироқ бўлган шахс.

Шунингдек, Шекспир комедияларида масхарабоз образи ҳам киритилган бўлиб, у ўзида комик сюжетларни, ҳазил-мутойибаларни мужассам этади.

Урта асрларда қирол ва йирик феодаллар саройида масхарабоз лавозимида хизмат қилган шахслар ўз хўжаларига кўнгилхушлик ато этиш билан бирга, унинг хато-камчиликларини ҳеч тортинмай ҳазил-мутойиба аралаш bemalol айта олганлар. Шекспир ўзининг “Қирол Лир”, “Ўн иккинчи кечা”, “Бу сизга ёқадими” каби пьесаларида масхарабозлар образига кенг ўрин беради ва улар иштирокида замонасида мавжуд иллат ва камчиликларни кескин танқид қиласиди. Масалан, “Ўн иккинчи кечা” комедиясидаги калондимоғ графиня Оливия билан масхарабоз ўртасидаги ушбу диалогда бу холат очик қўринади.

Оливия – Йўқол, аҳмоқ!

Қизиқчи – Маликам, яхши май ва яхши маслаҳат иккита камчиликни тузата олади. Қуруқ аҳмоққа май берсангиз, у ҳўл бўлиб қолади. Агар ёмон одамга яхши маслаҳат берсангиз, у яхши бўлиб қолади. Агар тузалмаса, тикувчи унга ямоқ солиши керак. Чунки эски нарсаларнинг давоси ямоқ. Яхшилик айб қиласа унга гуноҳни ямоқ қиласидар. Тузалган гуноҳкорга яхшиликни ямоқ қиласидар. Агар шу қиёсим ёқса ёқди, ёқмаса – начора? Бахтсизлик ҳамиша иснод бўлганидек, гўзаллик – мисоли гул. Графиня, аҳмоқ чиқарив юборилсин, дедилар ва мен такрор айтаманки, графиня чиқарив юборилсин.

Оливия – Мен сени чиқарив юборилсин, дедим, афандим.

Қизиқчи – Бу зўр хато, хоним! *Cicullus non tacit monachum* (лот.: “кулоҳ кийган билан одам роҳиб бўла қолмайди”) яъни, қалпогим бачкана бўлгани билан ақлимга асар қилмайди. Марҳаматли малика, ижозат беринг, сизнинг аҳмоқлигинизни исбот этай.

(Русчадан X.Гулом таржимаси)

Хуллас, Шекспир комедияларининг мазмуни қайси даврга мансуб

бўлишидан қатъий назар, улардаги мақсад ва ғоя замонасига ҳамоҳанг кечади, ренессанс кишилари орзу қилган шахснинг баркамол ақл-идрокини ўзида акс эттиради¹.

Шекспир ижодининг биринчи даврида яратган “Тит Андроник” (1594) фожиасини қадим Рим адабиётидаги “қонли трагедия” жанрига ҳамоҳанг тарзда ёзган эди. Дарвоқе, фожиа мазмун ва бадиийлик жиҳатлардан қадим Рим файласуфи ва ёзувчиси Сенека трагедияларига ўхшашидир. Пъесанинг бош қаҳрамони саркарда Тит Андроник Рим олдидаги муқаддас бурчига содик қолса-да, ундаги олий мақсад ва ватан олдидаги садоқат Римни парчаланишдан сақлаб қололмайди. Тит Андроникка қарши унинг ракиблари ёвуз ва маккор Сатурнин, Тамора ва мавр Арон узлуксиз кураш олиб борадилар. Вокеа якунида уларнинг ёвуз харакати фош қилинсада, фожиавий тўқнашувлар содир бўлиб ўтади.

Шекспирнинг трагедия жанридаги юксак маҳорати унинг “Ромео ва Жульетта”(1595) фожиасида янада ёрқин намоён бўлади. Адид ўз асари сюжетини шоир Артур Брукнинг “Ромео ва Жульетта”(1562) поэмасидан олган бўлиб, ундаги жанр ва тасвир воситаларидан воз кечиб, фожиа мазмунига юксак ғоя ва бадиий баркамоллик пафосини сингдирди. Асарда бир-бирига душман хонадонда тугилиб вояга етган ва тасодифан кўришиб бир-бирини севиб қолган икки ёш Ромео ва Жульеттанинг пок муҳаббати, ишкни туйғулари улуғланади. Айни пайтда ўрта аср феодал ахлоқининг ярамас иллатлари, фисқу фужур икки қалбнинг эркин муҳаббатига тўғаноқ бўлгани пъеса мазмунида кескин қораланади. Адид “Ромео ва Жульетта” фожиасида ёмонликнинг туб илдизи қаҳрамонларнинг ички дунёсида эмас, балки уларни куршаб олган атроф муҳит ҳамда жамиятнинг ноқобил одатларидир, дея уқтиради. Мана шу бешафкат жамият ва хиссиятсиз муҳит билан тўқнаш келган икки мурғак қалб уларнинг бемаврид қурбонига айланади. Танқидчи В. Г. Белинский таърифи билан айтганда “Бу чин муҳаббатнинг юксак кўриниши бўлиб, Ромео ва Жульетта монологларида севги фақат икки ёшнинг бир-бирига иштиёқи тарзидагина эмас, балки ишқнинг юксак маънодаги рамзи, таъбир жоиз бўлса унинг илоҳий куч-кудратида мужассам бўлгувчи олий фазилат тарзидаги кўринишидир”².

Пъесадаги персонажлар орасида монах Лоренцо образи алоҳида ўрин эгаллайди. Рухоний бўлишига қарамай Лоренцо диний фанатизм ақидаларидан йироқ бўлган софдил инсон. У янги замон, яъни Ренессанс қадриятларининг ҳимоячиси, илм одами. Шу боис у икки ёшнинг севгисини асрраб-авайлашга харакат қиласи, уларни бир лаҳза бўлсада баҳтли кўришни истайди. Минг афсус, воеалар у кутганидек ижобий тугамайди. Бир-бирининг дийдорига шошилган Ромео ва Жульетта тасодиф ва хурофт қурбонига айланадилар, заҳар ичиб, ҳаётдан эрта кўз юмадилар.

Фожиа сўнггида воеа Монтекки ва Капулетти хонадонларининг ярашиш сахнаси билан якун топади. Феодал оиласарининг бу келишуви Верона князи Эскалининг аралашувида кечади. Княз сахнада олий хукмдор кўринишида, яъни ўзбошимча феодалларни ўз измига бўйсиндира олган мутлақ монарх қиёфасида гавдаланади ва унинг:

Ҳаммагизга тонг келтирди мотамсаро сулҳ,
 Ҳатто қолмоқ истамайди аламли қуёш.
 Юринг, ҳали кенгаши қуриб ўйламоқ керак—
 Кимга биздан штифоту кимларга жазо!
 Ромео ва Жульеттанинг қиссанидан ҳам,—
 Гамли қисса кўрган эмас тарихда олам!

(М. Шайхзода таржимаси)

хитоби билан сахна ёпилади.

¹ Қаранг: История зарубежной литературы. Средние века и Возрождение. – М.: Высшая школа, 1987. - С.370.

² Белинский В.Г. Полн. собр. соч., М., 1953, том 7, с.313.

Шекспир навбатдаги трагедияси “Юлий Цезар”(1599) билан ўзининг тарихий драмалариға яқун ясайди. Муаллиф фожеанинг сюжетини қадим юон тарихчиси Глутархнинг “Қўшалоқ таржима ҳоллар” китобидан олсада, мазмунан тамомила оригинал асар яратишга муваффақ бўлади.

Фожиада ўз даврининг муҳим сиёсий воқеалари – қадим Римда республикачилар (Брут, Кассий) билан империя тарафдорлари – цезарчилар (Антоний, Октавиан) ўртасидаги кураш акс эттирилган. Асардаги чукур ижтимоий-сиёсий фикрлар, душман гурухлар ўртасидаги шиддатли конфликт, тарихий қаҳрамонлар характеристерини яратишдаги маҳорат – трагедияни Шекспир ижодининг энг яхши намуналаридан бири даражасига кўтарган. “Юлий Цезар” трагедияси шоир Уйғун томонидан ўзбек тилига ўтирилиб, 1959 йил Ҳамза театрида саҳналаштирилди.

Шекспир ижодида катта ижобий бурилиш ясаган, маҳорат мактаби ҳисобланмиш унинг энг машҳур асари “Ҳамлет” фожиасидир. Дания шаҳзодаси Ҳамлетнинг фожиавий ҳаёти тарихчи Саксон Грамматикнинг “Данияликлар тарихи” китобидан олинган бўлиб, бу мавзуда Шекспирга кадар француз адаби Белфор ва инглиз драматурги Томас Кид ҳам драмалар ёзгандилар. Бирок улар яратган Ҳамлет образи саҳнада Шекспир Ҳамлетидек шуҳрат қозонолмади.

Трагедиянинг бош қаҳрамони шаҳзода Ҳамлет отасининг қотили ўз амакиси Клавдий эканини билгач, оғир қайғуга ботади. У қотил Клавдийнинг жирканч киёфаси ва муноғиқлигини фош этиб, ундан қасос олиш ўз зиммасига тушганини тушиниб етади. Бўлиб ўтган даҳшатли воқеалар уни адолатсизликлар ва бузилган мұхитга қарши курашга отлантиради. Аввало Ҳамлет узоқ вақт ўзи билан, ўзидаги чигал, мураккаб хаёл ва файритабий тушунчалар билан кураш олиб боради. Ўз бошига тушган ғам-ғусса уни бошқалар баҳтсизлигининг сабабларини аниқлашга ундейди. Қаҳрамоннинг шахсий изтироби унинг атрофидаги одамлар қайғуси олдида ўз аҳамиятини йўқотади. Акс ҳолда, у бадбаҳт Клавдийдан аллақачон отаси учун қасос олган бўларди. Лекин Ҳамлет шахсий ўч олишдан олдин бошқа кўп муҳим масалалар устида бош қотириши, уларнинг мағзини чақиб олиши зарур эди. Дастлабки саҳналарда Ҳамлет суст, паришонхотир, фаолиятсиздек кўрингани билан, аслида у фаолиятли шахс. Турмушдаги кескин қаршиликлар: бир томондан отасининг ёвузларча ўлдирилиши бўлса, иккинчидан қотил Клавдий саройида кечеётган ёқимсиз хаёт, айшу ишрат, ҳатто ичилган ҳар бир коса майни замбарак отиш билан шарафлаши каби бепарда қилиқлар уни жиддий ўйлашга мажбур қиласди. Қаҳрамондаги ушбу ҳолат унинг “To be, or not to be: that is the question” (“Тирик қолмоқ ё ўлмоқ: Шудир масала!”) сатрлари билан бошланувчи машҳур монологида ўз аксини топган.

“Ҳамлет”нинг шоҳ асар дея тан олиниши сабаби унданда воқеалар мазмунида жамиятининг энг муҳим муаммолари – тарих, давлат тузуми, сиёсат, фалсафа, ахлоқ, одоб, дин масалаларининг қамраб олинганлиги, барчасининг бадий матнда мужассам талқин этилгани ва саҳнада қаҳрамонларнинг руҳий холати ҳамда кечинмалари орқали берилганидадир. “Ҳамлет” ўтган 1748-2003 йиллар давомида рус тилига йигирма уч маротаба таржима қилинган¹ бўлса, XX асрда ўзбек тилига уч бор ўтирилди. Асарни дастлаб 1934 йил шоир Чўлпон, 1948 йил Максуд Шайхзода ва 1991 йил Жамол Камол таржима қилдилар. Уч забардаст шоир қаламига мансуб бу таржималар турли даврларда ўзбек театрларида ўйналиб келинди, қайта-қайта нашр қилинди.

Шекспир “Отелло” трагедиясининг сюжетини итальян ёзувчиси Чинтионинг “Венециялик Мавр” новелласидан ижодий ўзлаштиради. Асар бош қаҳрамони араб Отелло ўз жасорати ва одамийлиги билан оққўнгил Дездемонанинг муҳаббатига мушарраф бўлади. Ҳатто рашк ўтида ёниб,

¹ “Ҳамлет”ни рус тилига илк бор 1748 йил шоир А.П.Сумароков таржима қилган эди. Манбаларда таъкидлашича у таржимадан кўра кўпроқ “Ҳамлет”га тақлид тарзида яратилган мустақил асарга ўхшаган. Сўнгги русча таржима Андрей Чернов томонидан бажарилган бўлиб, у 2003 йилда нашр қилинди ва театрларда саҳналаштирилди.

Дездемонанинг соғдиллигига кўнглида шубҳа пайдо бўлганида ҳам унинг дилига озор беришдан ўзини тияди, самимийлигини сақлаб қолади. Чунки Отелло “табиатан рашқчи эмас, балки оқкўнгил, ўзгаларга ишонувчан одам” (А.С. Пушкин) эди.

Унинг Дездемонага нисбатан шубҳалари ғаламис Ягонинг найранглари туфайли пайдо бўлади. Асар сўнггида Дездемона ҳам, Отелло ҳам мунофиқ Яго хийласининг қурбонига айланадилар. Барибир, ҳақиқат юзага чиқади. Манфур Яго қилмишига яраша жазо олади. Отелло ўз хатосига икror бўлиб, саҳна сўнггида қуийдаги сўзларни айтаркан, ўзига ўзи ханжар уриб, оламдан кўз юмади.

*Жиндак сабр қилинглар.
Икки оғиз сўз айтаман кетиш олдидан.
Юртга бир оз хизмат қилдим, бу энди маълум,
Балки айтиши шарт эмасдир. Лекин сўрайман:
Бу қайгули савдоларни хатга соларкан,
Қандоқ бўлсан – шундоқ ёзинг: зарра камайтманг.
Ғазаб ила бир нималар кўшишманг. Айтингким,
У бир жинни эди, лекин севарди жуда,
Рашқчи эмас эди, лекин бир қўзгалдию
Жазаваси чегарадан оиди ўшишда...
Подиоликка бермас ноёб гавҳарини у
Битта жсоҳил ҳинду каби отди беписанд.
Энди унинг мўлтираган, муте қўзидан –
Аввал ишеглаб кўрмаганди, шундоқ бўлса ҳам,
Арабистон дарахтининг шифобаҳи, шаффоф
Ширасидай ёйлар оқар... Айтинг шувларни...*

(Жамол Камол таржимаси)

“Отелло” фожиаси собиқ Иттифоқ даврида унинг ҳудудида ящаган барча ҳалқлар тилларига таржима қилинган ва саҳналаштирилган эди. Ўзбек тилига “Отелло”ни 1940 йил шоир Фафур Ғулом таржима қиласди. 1941 йил трагедия Ҳамза театрида саҳналаштирилади.

“Қирол Лир” (1605-1606) фожиасининг мазмунини адаб тарихчи Гольфрид Монмаутнинг “Британия тарихи” ва Холиншеднинг “Хроникалар” китобларидан олади. Бироқ, мавзууни қайта ишлаб унга Глостер тарихини ҳам киритади. Асарда жамиятдаги социал муаммолар, оталар ва болалар ўртасидаги таҳт учун кураш ижтимоий-сиёсий воқеалар билан вобаста тарзда тасвирланади. Кўпни кўрган ва ўз куч-қудратига ишонган тажрибали қирол Лир кексайган чоғида мамлакат сарҳадларини уч қизига тақсимлаб бериб, ўзи “давлат ташвишларидан холи” яшамокни ният қиласди. Иззатталаб ҳукмдор аввалига қизларининг ўзига бўлган садоқатини билмоқ ниятида улардан қайси бири кекса отани кўпроқ яхши кўришларини сўрайди. Катта қизи Гонериля билан ўртсанчиси Регана қирол оталарини ҳаддан ортиқ севажакларини баён қиласдилар. Кенжатой қиз Корделия бўлса отасига опаларидан ортиқ бирон гап айтотмаслигини, уни факат бир фарзанд тарзида ҳурмат қиласдигани айтади. Мақтовларга мойил кекса қирол давлатини икки катта қизига бўлиб беради. Аччиқ устида кенжак қизи Корделияни меросдан маҳрум қиласди. Вакт ўтиши билан мол-мулк шайдолари бўлган опа-сингил Гонериля ва Регана кекса отани унугтадилар, ҳатто уни ўзларига ҳалакит бермасин дея кўчага ҳайдайдилар. Отасининг фожиавий қисматидан воқиф бўлган кенжак қизи Корделия уни ҳалокатдан кутқаришга нечоғлик уринмасин, опалари қаршисида ожиз қолади. Сабаби унда на бойлик, на давлат бор эди. Бечора қиз фалакнинг бу қадар разиллигидан нолиб, рўшнолик кўрмай ҳаётдан кўз юмади. Кейинчалик ўз ҳатоларини тушуниб етган қирол Лир ҳам унинг жасади устида аччиқ кўз ёшлар тўкиб, бу бешафқат дунё ва ярамас тузумга лаънатлар ўқиди ва ўзи ҳам унинг қурбонига айланади.

Шунингдек, илк сақналарда мағрур феодал, енгил-елпи ҳаёт кечирган граф Глостер ҳам қирол Лир каби ҳаётнинг турли синовларига дуч келади. Охир-оқибат қирол ақлдан озгач, ҳақиқатни англаган бўлса, тақдири унга ўхшаган граф Глостер икки кўзи ўйилиб, уйидан ҳайдалгачина кўзи очилади. Муаллиф граф Глостер тилидан айтилган “Бизнинг давр шундайки, кўрларни девоналар етаклайди” (IV-парда I-кўриниш) сўзлари билан ўша замонга ўз муносабатини билдиради. Хўллас, асар сўнгтида замонаси иллатларининг қурбонига айланган икки йирик феодал ўзлари яшаган жамиятнинг адолатсиз қонуниятларини қоралайдилар, табиат яратган маддий бойликларни барчага баробар тақсимламоқ, бу дунёда барча тенг бўлиб, тинч-тотув яшамоқ лозим, деган холосага келади. Бу эса ренессанс даври кишиларининг орзу-умиди эди.

Холоса қилиб айтганда, пьеса ўша давр ижтимоий-сийесий ҳаётида шаклланиб келаётган капиталистик муносабатлар, бойликка ружу кўйиш каби иллатлар кишилар ўртасидаги юксак фазилатлар саналган қардошлиқ, оила ва бирордлик ришталарини ҳам емириб бораётгани рўйи-рост танқид килинганди.

“Қирол Лир” фожиасини 1956 йил атоқли шоиримиз Faфур Fулом ўзбек тилига ўтирган. Таржима дастлаб “Шарқ Юлдузи” журналида босилиб чиқади. Мазкур таржима 1960 йил Шекспир асарларининг бир жилдигида, кейинчалик 1981-1985 йилларда чоп қилинган беш томникка киритилди. Трагедияни 1966 йилда Ҳамза театри сақналаштириди. Қирол Лир образи атоқли актёр Олим Хўжаев талқинида катта фалсафий кучга эга бўлиб, саҳнада у замонасининг гуманист-файласуфи тимсолида номоён бўлган эди¹.

Шекспир “Макбет” (1606) трагедиясида мустабид монарх ҳукмронлиги даврида мамлакатдаги фожиавий аҳвол ва унга қарши кураш жараёни билан боғлиқ воқеаларни тасвирлайди. Трагедия сюжетини муаллиф тарихчи Р. Холиншеднинг “Англия, Шотландия ва Ирландия хроникалари” китобидан олади. Асадаги воқеалар марказида ўта мустабид ва жоҳил қирол Макбет образи туради.

Дастлабки сақналарда Макбет душманга қарши қаҳрамонона жанг қилган ботир лашкарбоши сифатида намоён бўлади. Лекин кўп ўтмай унинг қалбида шуҳратпараматлик ва худбинлик хиссёти жўш ура бошлайди, тож-тактни эгаллаш иштиёқи вужудини қамраб олади. Авваллари у фитначиларга қарши курашган бўлса, эндилиқда ҳокимиятни эгаллаш учун унинг ўзи саройда фитна уюштиради. Ҳийла-найранг ва тажовузлик билан тахтни эгаллаб олгач, Макбет рухан изтироб чеккан бўлса-да, жиной ишлардан қайтмайди, ўзига душман билган кишиларни ўлимга маҳкум этади. Ва ниҳоят Макбетнинг ўзи ҳам рақиби Мақдуф билан тўқнашувда енгилиб, ҳалок бўлади. Унинг ўлими табиий эди. Чунки ҳалққа зулм ўтказган, мамлакатни қонга ботирган мустабид ҳукмдорнинг умри қисқа, тақдири ўлим билан якун топиши муқаррар, деган ечим асарнинг асосий foяси бўлиб, у охирги саҳнада Макбетнинг узилган бошини кўтариб кирган лашкарбоши Мақдуфнинг “Мана ўша шум мустабид, золимнинг боши. Замонамиз озод бўлди”, деган сўзлари билан қарор топади.

“Макбет” фожеасини рус тилига Ю. Корнеев маҳорат билан ўтирган. Ушбу русча таржимадан уни ўзбек тилига шоир Саъдулла Аҳмад ва инглиз тилидан шоир Жамол Камол таржима қилдилар.

Холоса қилиб айтганда, Шекспир ўз тарихий хроникалари, комедия ва трагедияларини яратаркан авваламбор уларда замонаси руҳини, ҳалқ қай-фиятини, ўтмиш ва келажак идеалларини хисобга олганди. Шу боис адаб ўз асарларига ҳалқона руҳни сингдириш билан бирга унинг ҳоҳиш-истагини рўёбга чиқаришни ҳам орзу қилди, орзуларни эса яратган образларида юксак маҳорат билан тасвирлади.

Мұхаммааджон ХОЛБЕКОВ,
филология фанлари доктори,
профессор

¹ Қаранг.: Сулаймонова Ф. Ўша манба, 144 бет.



ШЕКСПИР ВА САҲНА ТАЖРИБАЛАРИ

(Режиссёрлик талқинлари масалалари хусусида)

*Қандай қилиб мумтоз тарихдан асрлар
чангини қоқиб ташлаш ва уни завқ билан,
қизиқарли ҳикоя қилиб берши мумкин?*

Иккита жаҳон урушидан сўнг Шекспир трагедияларини талқин этишдаги классик қоидалар XX асрнинг олтмишинчи йиллари театрлари томонидан бузиб юборилди. Айнан шу даврда Чехов театридан абсурд театрига, Станиславский системасидан Мейерхольд биомеханикасига, Брехтнинг ҳеч кимга ўхшамайдиган, гайриоддий ўзга олами ва Ежи Гратовский театрига томон ҳаракатларнинг жўшқин динамикасини кузатиш мумкин. Шу зайл режиссура 60-йилларда юзага келган ижодий ғояларни то янги қоидалар қарор топгунга қадар муваффақият билан ривожлантириб, такомиллаштириб борди. Постмодернистик руҳдаги 1980-йиллардан театрларга трагедиянинг асл моҳияти, шунингдек, матн, сюжет ҳақидаги тасаввурни деконструкция қилиш (маълум бир тузилмани бекор қилиш) тушунчаси кириб келди. Шекспир трагедияларини саҳналаштириш асосида борлиқни англашга уриниш замонавий саҳна санъатининг ўзига хос, самарали йўналишларидан бирига айланди.

Европа театри режиссураси жадал суратда классик манбалар билан тажриба-синовлар ўтказиш, матнларга замонавий тус бериш орқали бутун дикқат-эътиборини ранг-баранг бадиий ифода воситаларини излашга қаратди. “Хайратга солиш”, мунтазам янгиликка интилиш, қашфиётчилик ва саҳна эфектларини техник жиҳатдан такомиллаштириб бориши кучайди. Шу билан бирга, жамият маънавий ҳаётини истиора, ишоралар орқали англашга, тагдор рамзлардан фойдаланишга уринишлар ҳам кўзга ташланади.

Шу жиҳатдан, театр санъатининг ижтимоий таъсир кучи ва жамиятни янгилаш ва ўзгартира олиш курдатига астойдил ишонган театр арбобларининг ғоявий-бадиий қарашлари эътиборга лойикдир. Театрнинг мақсад ва вазифалари тўғрисида худди шундай тасаввурга эга бўлганлардан бири, машхур италиян режиссёри Ж.Стрелер матбуотда шундай чиқиш қиласи: “Ишонаманки, қадриятлар қадрсизланган даврда – “Наҳотки, Сиз театр ёрдамида дунёни ўзгартириш мумкин, деган Брехт идаосининг тасдиқланишига чиндан-да ишонсангиз!”, дея менга истеҳзо аралаш кулимсираб савол берган зийрак ёшларга ҳеч иккilanmasdan шундай жавоб бергим келади: – “Албатта! Инсоннинг ҳар бир хатти-харакати дунёни ўзгартиради. Модомики, бадиий асар ушбу ҳаракатларнинг энг таъсирчанларидан бири экан, у ҳолда жамоа қалбига улкан таъсир ўтказувчи театр ҳам жиндек бўлсада дунёни ўзгартиришга қодир!”.

Ушбу нуқтаи назарни қўллаб-куватловчи режиссёrlар учун асосий ижодий рағбатлантирувчи омил “масала қўйиш” ва уларга “жавоб бериш” зарурати ҳисобланади. Улар замонавий ижтимоий-маънавий ҳаётнинг долзарб жараёнларини англашга интиладилар. Уз фаолиятида масалага бундай ёндашув режиссура санъатининг қатор дарғаларини бир-бирига яқинлаштиради. Питер Брук, Жоржо Стрелер ва Ингмар Бергман уларнинг энг машхурлари ҳисобланади. Бу уч режиссёр XX асрнинг иккинчи ярмида инсонпарварлик, умуминсоний қадриятларнинг умрибоқий эканлигига так-

пор ва тақрор далиллар келтирган ҳолда, чин инсоний ғояларни образли талқин қилиш орқали замонанинг оғриқли қирраларини англашга ҳаракат киладилар.

Бу режиссёрларнинг эстетик, фалсафий ва сиёсий қарапашлари турлича бўлишига қарамай, уларнинг ижоди бир хил ижтимоий-маданий жараёнлар таъсирида шаклланган. Маянавий қадриятларнинг бой берилиши, инсоннинг инсонийлигини йўқотиши муаммоси ушбу режиссёрларнинг бош мавзуси бўлиб қолди. Балки, шунинг учун ҳам улар Шекспирнинг “Қирол Лир”ига мурожаат қилишгандир. Шекспирнинг бошқа бирон бир асарида жамиятнинг маънавий таназзулга учраши манзарадари бу қадар кенг миқёсда тасвирланмаган. Турли даврларда саҳналаштирилган ҳар учала спектаклга (Брук 1962 йил, Стрелер 1972 йил, Бергман 1982 йил) хос бўлган умумий оҳанг (мотив) бор, у ҳам бўлса – дунё ва инсон тақдиди учун бонг уриш оҳангни. “Қирол Лир”нинг ҳар учала талқинини айнан бир хил матннинг уч хил варианти сифатида қабул қилиш мумкин. Режиссёрларнинг ҳар бири трагедия сюжетининг долзарбилигини ўзича бўрттириб кўрсатади.

60-йиллар томошабинлари учун Брукнинг постановкаси иккинчи жаҳон уруши воқеалари билан боғланади ва унинг маънавий оқибатларини очиб беради. Брук қилмишлари учун “буткул айбловлар”дан жони зирқираган жамиятни кўрсатган. Унинг талқинида Корделия ва Масхарадан ташқари деярли барча персонажлар айборд қилиб кўрсатилади. Брук эзгулик ёки вахшийлик йўлини танлаш инсоннинг ўзига боғлиқ эканлигини кўрсатиш орқали Шекспир трагедияси талқинига ўзига хос мазмун сингдиради.

Брук бўлиб ўтган воқеаларда Лирнинг шахсий айборлиги масаласини олиб ташламайди. Лирнинг айби шундаки, пьеса воқеаларининг бошланишида уни куршаб олган дунё унга тўқис ваadolатли, келажак эса “озод ва баҳтиёр” кўринади. Унинг ўзи фарогатли дунё манзарасини ўйлаб топади ва ўз хаёлотидан лаззатланади, бироқ бу дунё Корделия ва Кентнинг итоатсизлигидан дарз кетади. Унингadolatли ва бальмани ниятини тушунмасликлари Лирнинг ғазабига сабаб бўлади. Лир на дунё билан, ва на ўз-ўзи билан муросага келолмай, ҳётдан кўз юмади.

Брукнинг спектаклида Шекспир пьесасининг жанр табиати қайта ин-кишоф қилинади. Танқидчилардан бири – “Трагедия – коҳинлар театри, гротеск – масхаралар театр”, деб ёзган эди. Брукнинг спектаклида ҳам кўча томошаларининг анъанавий ниқоблари намоён бўлади. Ақлдан озган (Лир), сўқир (Глостер), савдои (Эдгар) ва Масхара.

Спектаклда “шафқатсиз ва ахлоқсиз” дунё образи режиссёр томонидан мавхум, пинҳона маънавий бўшлиқ сифатида идрок қилинган. Саҳна декорация ва реквизитлардан деярли холи, бир маромда, текис ёритилган. Асосий ифода вазифаси занглаган тунука қирқимларидан ишланган саҳна тўридаги “жонли” пардага юкланган. Уларнинг тебранишидан ҳосил бўлиб узок-узоклардан келаётган шовқин-сурон олис, аммо муқаррар бўрондан дарак беради. Трагедия финалида “темир шовқин”нинг ишлатилиши буткул ноchorлик, тушкунлик кайфиятини янада бўрттирган, келажакда ҳақиқат ваadolatнинг тантана қилишига умид йўқлиги ҳақиқати тасаввурнинг кучайишига хизмат қилган.

Жоржо Стрелер спектакли болалар дунёси билан ота-оналар дунёси ўртасидаги зиддиятлар асосига курилади. Режиссёр Шекспир пьесасининг конфликтини энг аввало, “авлодлар конфликти” сифатида кўради. Стрелер талқинида “Қариялар” гўё аввал бошданоқ давр тақозоси билан ўлимга маҳкум этилган. Улар содир бўлаётган воқеа-ҳодисаларнинг фожиасини тўлиқ англаб етишга қодир эмаслар. Бироқ Стрелер спектаклидаги “Ёшлар” ҳам “яксон қилинган”, улар ўз-ўзларининг қурбонларидир, улар ўзгаларни ўлдирадилар, аммо уларни ҳам ўлдиришади.

Стрелер спектаклида Лир учун вақт бошқаларга нисбатан анча тез ўтиб боради. Ва у бақувват қариядан мункиллаган чолга айланади. Ундаги қатъий бурилиш машҳур бўрон саҳнасидан сўнг, у ҳақиқатни англай бошлагач юз

беради. Айнан шу лақзаларда чинакам иқрор содир бўлади: Лир ўзининг садоқатли йўлдоши бўлган Масхара – бу кийимини ўзгартириб олган Корделия эканлигини билади (иккала ролни битта актриса ижро этади). Бир вақтлар шекспиршунослиқда бу икки персонаж ўртасидаги сирли боғлиқлик тўғрисида мунозаралар бўлган. Пьесада Масхара Корделия ғойиб бўлиши билан пайдо бўлади, у кўриниши билан эса Масхара кўздан йўқолади. Баъзи бир тахминларга кўра Шекспир “Глобус”ида ушбу ролларни битта актёр ижро этган. Стрелер Шекспир томонидан “Кирол Лир” да қўлланилган эски театр анъаналаридан бўлмиш “кийим алмаштириш” ва “танилиш” усуулларини кучайтиради.

Стрелер спектакли персонажлар ўртасидаги муносабатларнинг ўйлаб топилган ранг-баранг драматургияси билан ажralиб туради. Режиссёр ўзининг “Лир”ида парокандалиқ, инсоннинг қон-қардошлиқ, оиласвий ришталарини йўқотиши, чин инсоний муносабатларнинг барбод бўлиши муҳитини яратади.

“Лир” Бергман спектаклида ўзгача талқин қилинган. Бу умумий байрамона, хушчақчақ кайфият фонидаги қонли қиссадир. Трагедия воқеалари Ўйғониш даврига кўчирилди. Бу ерда “театр дунёси” том маънода, рўйи рост тантана қиласди. Таникли театршунос В.Силюнас спектакль ҳақида шундай ёзди: “Сокин, кўтаринки мусиқа оҳангларига ҳамоҳанг гаройиб нафис қиёфалар равон ҳаракатланар, қадимию соз жўрлигида куйлаётган аёлнинг овози янгарди. Ажойиб нақшинкор ридога ўралган, оқарган соchlари устида шоҳона тож ярқираган кирол бизга елка ўгириб ушбу манзарага термулиб турарди. Мусиқа шўх-ўйноқи тусга киради, саҳнада кульбитлар, сакрашлар, турли гимнастик ҳатти-ҳаракатлар намоён бўлади.” Ушбу “спектакл”нинг ўз ролларини пухта эгаллаган барча иштирокчилари ўзларининг “чикиш”ларини бажонидил кутадилар ва ўз репликаларини тутилмасдан, равон талаффуз киладилар. Бироқ ушбу “спектакл”нинг бир маромдаги мўътадил ҳаракатини Корделия чалкаштириб юборади. Барча ҳайратга тушади, айниқса иззат-нафси топталган Лир бу ходисанинг асл моҳиятини бирданига англай олмай, гангид қолади. Бергман талқинида Лир “қари масхарарабоз” ва “масхараబозлар кироли”дир.

Режиссёр кучли метафорадан фойдаланади. Кироллик ҳокимияти учун персонажлар ўртасида чинакамига қирғинбарот жанг бошланади. Бунинг натижасида декорациялар қулаб тушади ва саҳна бўм-бўш ҳолатга келади. Томошибинлар кўз ўнгидаги ҳаммаёқ дашту биёбонга айланади. В Силюнас “Хотиманинг қўрқинчли ва хунуклиги – тарих шоҳсупасида худбинларча ўзига ҳаддан зиёд бино қўйишнинг интиҳоси аянчли бўлиши, ёвузлик ҳавас қиларлик манзара эмас, балки борлиқ жонзод ҳаётига таҳдид солувчи ярамас куч эканлиги тўғрисида огоҳлантириш”, деган холосани беради.

1987 йилда таникли режиссёр Роберт Стуроа Тбилисидаги Ш.Руставели театрида “Кирол Лир”ни саҳналаштиради. Кироллик қўринишида Лир ўз мулоғимлари билан ҳудди актёрлик танловидаги ҳакамлар ҳайъатига ўҳшаб кетади. Лир аввал бошданоқ баҳосини билган ҳолда меросхўрларининг бадиҳаларини тинглайди. Киролнинг ўзи ҳам муғомбир, гоҳ шумлиқ қилиб ийғламсирайди, гоҳ хириллаб, хуррак тортади, гоҳ ўзини ўлганга солади, ҳатто бўрон вақтида ҳам ўзининг телбаларча қалтис ўйинини давом эттиради.

Қаҳрамонларнинг бешафқат ўйинлари – ёвузликнинг одатий ходисага айланаб қолаётганлигини кўрсатишга интилган режиссёр тадқиқ қилаётган воқеликнинг таркибий қисми. Ҳамма нарса чалкаш, ахлоқий тушунчалар бузилган, қон-қариндош кимсаларнинг ўзаро муносабатлари ҳам издан чиқкан.

Саҳнанинг чап томонида очик софитлар. Ўнгда томоша залининг давоми, ложа ва яруслар, полда таъмирдан ортган ёғоч пайрахалари сочилиб ётибди. Тепада, “галеркада” ёлғиз “томушабин” жойлашган. Саҳна қаъридаги икки қаватли мослама кези келганда авахта, баъзан бошпанасиз кимсалар

учун чайла вазифасини бажаради, уни ҳатто сайёр актёrlарнинг соябонли араваси деб ҳам тасаввур қилиш мүмкін. Ҳаммаси шартли, барчасининг мақсад вазифаси бор, шакли-шамойилини осонгина ўзгартира олади.

Режиссёр фикри вахимали ва кескин. Фалокат рўй беришидан олдин гоҳ ер ости гумбурлаши, гоҳ самодаги момақалдиrok овози бизни у ҳақда огохлантиради. Финалда – ёвузлик ўзининг сўнгти нуктасига етганда, ушбу театр дунёси ларзага келиб, парчаланиб кетади. Ўнинг паға-паға тутун бурқсираган харобалари ичра оёқ ости бўлиб ётган жасадлар орасидан заминдаги энг сўнгти инсон чиқиб келади. Бу – жони узилган Корделияни судраганча оёқларини зўрга босиб келаётган Лир эди. Шафқатсиз ва мудхиш ўйин шу зайл ниҳоясига етади.

Шекспирнинг “Қирол Лир” трагедиясини 2006 йили режиссёр Ю.Бутусов Сатирикон театрида саҳналаштиради. Бу режиссёр “абсурд-клоунада” услубида ишлайди. Режиссёр барча воқеаларни содда ва тиниб-тинчимас, жонсарак цирк муҳитига жойлаштиради. Актёrlар цирк ишчиларининг маҳсус кийимларида чиқиб, манежнинг қизил гиламини тўشاшибга киришадилар. Рассом А.Шишкин бутун саҳнани очиб ташлайди, фақатгина қаерга олиб чиқиши мавҳум бўлган биргина эшик қолдиради. Шунингдек, саҳнада учта эски пианино ҳам жойлаштирилган бўлиб, гўё уларда қачонлардир Лирнинг қизлари мусиқа чалишга ўргатилган, деган тасаввур уйғотади.

Тўғридан-тўғри томошабин кўзларига аёвсиз санчилаётган тартибсиз софит нурлари гўё бўронни англатади. Бу ерда Масхара ҳалок бўлади. Лир ўзининг Масхарасини кучли босим билан, ниҳоятда қаттиқ бағрига босади: ортиқ бундай фалокатларни кўриб азобланмасин, уйқуга кетиб ором олсин, зеро бу дағал аренада унинг қайгули ҳазилларига ўрин қолмади. Барча даҳшатдан ларзага тушади – Қирол аклдан озган. Бинобарин, спектакль ўзи севган инсонларни қанчалик осон ва қийналмай ўлдириш мумкинлиги, шунингдек, қандай қилиб ота ва фарзандлар ўзаро бир-бирларини тушуна олмасликлари тўғрисидадир.

Нафақат Корделия, балки барча қизлари ўлими Лирнинг оғриқдан зирқирашига сабаб бўлади. Бироқ у тинчимайди, жонсиз қизларини галма-гал пионинолар ёнига ўтказишга уринади. Улар чўйкалааб, ийқила боштайдилар. Яшанглар, чалинглар, менинг қизларим, оҳангни бузмасдан чалинглар. У ўтмишга қайтишни, қизларини болалигига қайтаришни хоҳлади. Кўзлари хира тортиб, сўнгги нур сўнгунча қизларининг ўлими билан олишади.

Узбек театри тарихига назар солсак, Шекспирнинг ушбу машхур трагедияси 1966 йили режиссёр Н.Ладигин томонидан Миллий театрда саҳналаштирилганлигини кўрамиз. Режиссёр Лирнинг эски, бир маромдаги мўътадил, ҳашаматли дунёсининг барбод бўлиши асосида қурилган концепциясига амал қилган ва бу инсоният фожиасининг илдизларини излаш призмаси орқали очиб берилади. Лирни забардаст ўзбек актёри Олим Хўжаев ўйнайди. Унинг Лири довюрақ, олийжаноб, жасур жангчи, обрули ва ҳалол инсон сифатида гавдаланади. У фитна-галамисликлардан йироқ, инсонлар билан мулокотда очиқ ва қатъиятли эди. Режиссёр ва актёр Лир образини ривожлантириш орқали қирол энг аввало ўз кадр-қимматини ғараз, хасад, ёвузлик, макр-хийладан асраромоқчи, ўз куч-куvvати ва дунёқарashi даражасида маънавий қадриятларни химоя қилмоқчи бўлган, деган фикрни илгари сурадилар.

Саҳнавий воқеалар трагедия сюжетини ҳаракатга келтирувчи характерлар ва қарама-қарши кучларнинг мураккаб ривожланиш жараёнига қурилган. Театршунос Э.Мухторов шундай ёзади: “Спектаклнинг дастлабки саҳналарида О.Хўжаев Лирнинг кейинги тақдирини англаб етиш учун калит қидиради. Узининг инсоний қадр-қимматига Лирнинг ишончи қанчалик кучли бўлса, рўё хаёлотидан қутилиши шунчалик қийин кечади, унинг ҳақиқат билан, ҳақиқий ҳаёт билан тўқнашуви янада оғрикли бўлади”.

ЖАҲОН АДАБИЁТИ

Олим Хұжаевнинг Лири трагедия воқеалари давомида ўзи ва олам ҳақидаги тор, хусусий тасаввурларидан аста-секин ҳоли бўла бошлайди. Сарсон-саргардонлик ва азоб-укубатлар Лирнинг кўзини очади ва у дунёга янгича нигоҳ билан қарай бошлайди.

1997 йили Ўзбек давлат драма театрида “Қирол Лир” трагедиясининг премьераси бўлиб ўтди. Композитор Фарҳод Алимовнинг мунгли, изтиробга тўла мусикий оҳанглари спектакль бошланганидан дарак беради. Саҳнага Шекспир қаҳрамонлари чиқади, воқеалар бошланиб, томошабинлар кўз ўнгидаги мамлакатни ўз кизларига бўлиб бермоқчи бўлган кекса қиролнинг фожиавий қисмати жонланади. Театр Шекспирни деярли бўм-бўш саҳнада ўйнайди, кўзга ташланадигани фақатгина саҳна қаърига осилган шилдироқ парда ва полга қопланган мато ҳамда спектаклнинг бутун юкини ўзида кўтарган актёрлар холос.

Анъанавий қолиплардан ҳоли бўлишга интилиш, саҳнавий таъсирчаникнинг янги воситаларини излаш америкалик режиссёр Давид Каплан саҳналаштирган ушбу спектаклда яққол намоён бўлади. Спектаклга режиссёрнинг ўзи рассомлик қилган бўлиб, воқеаларни мавҳум Альбиондан Шарққа кўчиради. Шарқона услугуб оҳанглари рассом З.Носирова маҳорат билан бажарган саҳна анжомлари ва либосларда ҳам тўлиқ аксини топган.

Ўйлаймизки, Шарққа мослаштириш режиссёр талқинининг ягона муҳим жиҳати эмас. Бу фақат воқеа ва қаҳрамонларни томошабинга яқинлаштиришнинг шартли усули ҳолос. Тасаввуф ғояларига ихлосманд бўлган Давид Каплан инсоннинг масъулияти тўғрисидаги масалани ечишига йўл қидиради, дунё неъматларидан ихтиёрий воз кечиши сабабларини асосламоқчи бўлади. Таркидунёчилик олий ҳақиқатга эришиш йўлидаги харакатдир, деган ёндашув мавжудлигини инкор этиб бўлмайди. Режиссёр ушбу концепцияни асослай олса ва уни саҳнада гавдалантиришга эришсагина у ҳаққоний хисобланади. Бироқ, ўйланган мақсад етарлича амалга ошмаган ва шунга мос саҳнавий ечим такомилига етмаган, деган фикрдамиз.

А.Рафиқов Лирни хис-ҳаяжонга тўла, жўшқин романтик анъаналарда ижро этади. Унинг қаҳрамони ўзининг ҳақлигига имони комил. Рафиқовнинг Лири аста-секинлик билан кўзи очилиб борган сари, содир бўлган воқеаларни азобли англаш жараёни кучайиб боради. Энди унинг қаҳрамони қирол эмас, оддий инсонга айланади. Шу боис образ қиёфасини очища бўрон саҳнаси ўта муҳим. Кучли драматик ҳолатга кирган актёрнинг монологи ғазаб ва надоматлардан ҳоли, аммо жароҳатдан зирқираётган ғарibu нотавон қалбининг оғриқлари сезилиб туради.

“Ҳамлет”ни қандай саҳналаштириш мумкин? Юз йиллардан бери бу савол ҳар бир соғлом фикрли саҳналаштирувчиларни ўйлантириб келади. Балки ҳамма гап ушбу пьесанинг кўплаб жумбокларни ўзида яшириб келаётгандигидар. Балки, режиссёrlар ушбу буюк трагедияга яширин тилдимларни очиш илинжида мурожаат қилишар?

Утган асрнинг 70-йилларида таникли россиялик режиссёр Ю.Любимов Москва шаҳридаги Таганка театрида актёр В.Висоцкий билан “Ҳамлет”ни саҳналаштиради ва у актёрнинг энг машҳур ролларидан бўлиб қолди. (Б.Пастернак таржимаси). Г.Гейненинг шундай машҳур ибораси бор: “Ҳамлет – бу катта йўлга қўйилган кўзгу, асрлар оша бу йўлдан халқлар ва давлатлар ўтиб боради ва уларнинг ҳар бири ушбу кўзгуда ўз аксини кўради”.

Бу сўзларда Шекспир трагедияларига нисбатан янгича қараптак саҳнада ташланадиганини асосламоқчи бўлган, у сўзларга, ибораларга урғу

бериб, уларнинг туб моҳиятини янада ёрқинроқ очиб беришга интилган.

Саҳнага Висоцкийнинг Ҳамлети чықади. Эгнида кора вилвет жинси, жундан түқилган кора свитер, кўлида гитара. Бу ҳолат Ҳамлетнинг ўзи шеър тўқиб, ўзи кўшиқ айтишини англатади. Чиндан-да, В.Висоцкийнинг Ҳамлети куй чалиб, Б.Пастернакнинг “Ҳамлет” деб номланган шеърини кўшиқ қилиб айтади. Бу бутун спектакль учун калит эди: “Бироқ воқеа-ходисаларнинг тартиби белгилаб қўйилган ва йўлнинг тугаши муқаррар”. Ҳамлет муқаррар қисматдан кутилиб қололмайди. У атрофида нималар содир бўлаётганлигини ва уни нималар кутаётганлигини аниқ тасаввур қиласди.

Унда тажовузкорлик бор эди ва шу билан бирга, у ҳимоясиз ҳам эди. Таникли шекспиршунос А. Аникст шундай ёзади: “Анъанавий “академик” фикрловчилар учун “Висоцкий ва гитара” гўё ҳақоратдек эди. Лекин замонавий фикрловчилар учун спектакль ва образ дарҳол ўзининг мантиқий исботини топди. Бу бизнинг Ҳамлет, бизнинг замонамиз кишиси эди. Шунуси маълумки, барча Ҳамлетлар бир нарсадан азият чекарди: “Замон издан чиқди”. Бу Ҳамлет бизнинг замонамиздаги азоб-укубатлардан қийналарди. Пьеса кульминациясида Дания шаҳзодаси образи нафақат актёр билан, балки шоир образи билан ҳам уйғунлашиб кетади. Ҳамлет ва Висоцкий ғазабга минади, Ҳамлет ва Висоцкий мазах қиласди, Ҳамлет ва Висоцкий ғам-андух чекади, Ҳамлет ва Висоцкий ҳалок бўлади ва ғалаба қозонади”.

Сценографиянинг ўзига хослиги дабдабабозлиқдан воз кечилганлигига эди. Бутун саҳна бўйлаб оғир ва қалин жун иплардан тўқилган каттакон дарпарда ҳаракатга келади. Режиссёр билан рассом Ѓ.Боровскийнинг ҳамкорликдаги ихтироси бўлган машҳур дарпарда турли маъноларни англатувчи чукур мазмун-моҳиятга эга эди. Бу фожиавий кучлар, тақдирлар, ҳалокатлар рамзи эди. Бу парда ўзгарувчанлик хусусиятига эга бўлиб, баъзан у инсонларни янчидан ташлагудек шиддат билан бостириб келаётган даҳшатли деворга айланади, баъзан ожиз кимсаларни домига тортган баҳайбат ўргимчак тўрини эслатади. Ундан қочиб қолишнинг сира иложи йўқ, чунки у саҳнанинг ҳамма бурчакларини эгаллаб олганди. Парда зулм ва шафқатсизлик тимсоли, у қисмат, одамларни қабрга улоқтирувчи маҳлуқ, фоний дунёнинг рамзий ифодаси эди. У томошабин руҳиятига таъсир қиласди, бехисоб ҳаракатлари, ўралиб-буралишлари билан буткул ўзига тортарди.

Висоцкий ўз Ҳамлетида “нима қилмоқ керак?” деган савол қаршисида турган тенгдошлари номидан гапиради. А. Бартошевич ўзининг “Рус Ҳамлети: 20 аср” номли мақоласида шундай ёзади: “Ҳамлет учун “Зиндонлар дунёси”ни тушуниб етишдан кўра “издан чиқкан аср” муҳитида қандай яшаш керак, қандай қилиб ўзига хиёнат қилмаслик, қадр-қимматини сақлаб қолиш, дунё фожиаларининг мутлак ҳукмронлари бўлган кучлар қаршисида қандай қилиб инсон бўлиб қолиш мумкинлигини англаш муҳимроқдир”. Ҳамлет бу қисмат ва ажал Пардасини енга олмаслигини билган ҳолда ақл бовар қилмас жангга отланади.

Маълумки “Ҳамлет” илк маротаба ўзбек саҳнасида 1935 йили режиссёр М. Уйғур томонидан саҳналаштирилди. Кейинчалик 1939 йили қайта саҳналаштирилиб, узоқ йиллар театр репертуарида сақланиб қолади. Ҳамлет ролини кейинги 30 йил давомида Олим Хўжаев ижро этади.

Орадан узоқ йиллар ўтиб, XXI аср бошларида, яъни 2003 йили Миллий театр саҳнасида Турғун Азизов томонидан Шекспирнинг Ҳамлет асари саҳналаштирилди. Сон-саноқсиз саҳна вариантларининг мавжудлигини эътиборга олган ҳолда, кўпни кўрган томошабинни хайратга солиш режиссёр учун ҳазилакам иш эмас. Янги давр пьеса ҳақидаги тасаввурнинг кенгайишига, унга ўзгача нигоҳ билан қарашга имкон яратди. Романтик оҳанг ва лирик чекинишлар ғойиб бўлди. Ҳаётий аниқлик, катыйлик, образ тафсилотида тиниқлик пайдо бўлди. Спектакль авваллари очиқ қолган кўпгина саволларга жавоб тариқасида намоён бўлади.

Спектаклда хиёнат, айниқса, Ҳамлет онасининг хиёнаткорлигига асо-

сий урғу берилади. “Замон издан чиқди, уни изга солиши менинг зиммамага түшди” деган иборани Ҳамлет спектаклда Клавдий билан, Арвох, Офелия ва онаси билан бўлган саҳналардаги каби энг муҳим лаҳзаларда бир неча марта тақрорлайди. Бундай талқин эски андозалардан фарқ қиласарди, шунингдек, на трагик, на романтик ва на қаҳрамонлик услугубига эга бўлмаган актёр Тохир Саидов ижросидаги Ҳамлет образининг ўзи ҳам одатдаги тасаввурларга сифмасди. Уни шаҳзода қиёфасида қабул қилиш мураккаб эди. Бироқ, режиссер айнан шунга урғу беради. У мақр ва ёвузлик гирдобига тушиб қолган одамни бизга яқинлаштиради. Ахир Ҳамлет билан содир бўлган воқеалар синоатларга тўла фоний дунёда тинчгина яшаб юрган оддий кишилар билан ҳам рўй бериши мумкин-ку. Гўё Саидовга бегона бўлган бу ролда актёр мутлако дадил, шу билан бирга, вазмин ва хушёр. У ҳар бир сўз, ҳар бир ишора, ҳар бир товуш оҳангини тарозига солиб, кейин ҳаракатга ўтади. Эҳтирослар портглайди, тугёнлар алана олади, ноҳақликлардан ғазаби қайнайди.

Икки образ – Гертруда ва Клавдий образларининг талқинлари ҳам алоҳида эътиборга лойиқ. С.Юнусова ўзида гуноҳнинг чидаб бўлмас азобли юкини тортади. Актриса биринчи саҳнада ёз қаҳрамонининг чукур ички түғёнларини намоён қиласди. У сўнгги дақиқаларгача Клавдийни тушуна олмайди, нима учун воқеалар бу қадар тез ўзгариб, унинг ҳаётини оступ-устун қилиб юбораётгани тагига етолмайди. С.Юнусованинг қаҳрамони бунга руҳан тайёр эмас, у ўз қарорининг қанчалик тўғри эканлигига ҳам ишонолмайди. Қандайдир бепарволик ва енгилтаклик тўғрисида гап ҳам бўлиши мумкин эмасди. У руҳан тушкунликка маҳкум бўлганди, Ҳамлет билан бўлган саҳнада эса буткул чорасиз, нотавон ожизага айланади.

Клавдий ролини турлича изоҳлаш мумкин. Бироқ, актёр М.Абдукундузов учун энг муҳими одамзоднинг маънавий тубанлашуви, хукмронлик учун бемаъни интилиш йўлида қанчалик паст кетиш мумкинлигини кўрсатиш бўлган. У жizzаки, баднафс ва бемулоҳаза шахс. Жазо муқаррар эканлигига фахми етмай, кутуришда давом этади. Аммо, ташки суратидан вазмин, ҳатто хотиржам кўринишга ҳаракат қиласди. У сурбетларча бепарволик билан ўз нуксонларини фазилат даражасига кўттармоқчи бўлади.

Актёр Клавдийни оқлашга уринмайди. Баъзан у кўзлаган мақсадидан офишмайдиган, мустаҳкам иродали кимса сифатида тасаввур уйғотади. Балки шуниси билан Гертруданинг эътиборини тортгандир. У қилган жиноятлари учун афсусланмайди, ҳокимият ва қироличани кўлдан бой бермаслиги учун Ҳамлет ўлиши керак ва бу йўлда у ҳеч нарсадан қайтмайди.

Мумтоз асар театр жамоасининг ижодий қувватини, режиссер ва актёрларнинг мавжуд имкониятларини белгиловчи ўзига хос мезон. Унга мурожаат этиш ҳамиша пировард натижаси билан қизиқиш уйғотади. Таниш асарнинг саҳнавий талқини қандай бўлар экан? У сюжет ва воқеалар ривожини шунчаки тасвиirlab берувчи жуда жўн, содда бўлиши ёки бетакрор инсоний муносабатларнинг фавқулодда кутилмаган мураккаб тизимини юзага келтириши ҳам мумкин.

Бу ҳолатни литвалик режиссер Э.Някрошюс саҳнalaштирган машхур “Отелло” спектаклида кузатиш мумкин. Нима сабабдан ушбу спектакль ўн йилдан ортиқ вақт мобайнида нафақат театр танқидчиларининг, балки томошибинларнинг ҳам эътиборини тортиб келмокда? Буюк Шекспир трагедиясининг ушбу талқинида қандай сир яширинган? Бу спектаклда анъанавий сақна шаклларининг бузилиши нималарда кўринади? “Някрошюс класик матнни қайта ишлаган, сўз ва сақна кўринишларини монтаж килган”, деган фикрга келиш мумкин эмас. Йўқ. Бошқа нимадир содир бўлган, гўёки ҳаммаси оддийгина. Шекспир пьесасининг матни актёрларнинг жисмоний ҳатти-ҳаракатларига курилган, ҳар бир сўз, ҳар бир жумла ўзига хос жисмоний, пластик ечимига эга.

Воқеаларга пианино ва пианиночи олиб кирилган бўлиб, мусикий композициялар ижро этилади, мизансаҳналар эса замонавий хореография

қоидалари асосида қурилади. Спектаклда трагедиянинг мазмун-моҳиятини ифода этувчи мизансахналар, ҳаракатлар ва оҳанглар орқали бутун саҳна бўйлаб тарағлан товушлар олами, мусиқа ва нозик рамзий ишоралар хукмронлик қиласи

Режиссёр трагедия матнининг янгича жаранглashingини хоҳлайди. Истеъдодли ва тажрибали режиссёр Някроюсни кўпчилик танқидчилар гўёки ташки ечим услубидан борувчи ажабтовур режиссёр деб атайдилар. Бу спектакль – трагедиянинг моҳиятини тагдор, сўзловчи мизансахналар орқали очиб берувчи нозик рамзий-мажозий ишоралар спектаклидир. Уларда қаҳрамонларнинг ички туғёнлари шу даражада тўла-тўкис юзага қалкиб чиқадики, буни қандай қилиб ўйлаб топиш мумкинлигига ҳайрон қоласан. Бир қарашда гўё шунчаки жўн, содда кўринган хатти-ҳаракатларда инсон қалбининг чукур руҳий кечинмалари мужассам.

“Отелло” спектаклининг мураккаб партитурасида бош қаҳрамоннинг ҳайратомуз даражада иродали, мард ва жасур қиёфаси чизиб берилади. Томошибин қарисида В.Багдонас ижросида шавкатли жангчи қад ростлайди. Унинг ташки кўриниши ҳар қандай ортиқча дабдаба ва ҳашамдорликдан йироқ. Спектакль учун муҳим бўлган умумий жиҳат – бу бош қаҳрамоннинг мавр эканлиги эмас, балки Отеллонинг Дездемонага бўлган эҳтиросли, нафис ва жўшқин муҳаббатидир. Қаҳрамон қатъиятли, шу билан бирга ишонувчан ва соддалиги ҳам бор.

Режиссёр ва актёр курдатли севги дардига илк маротаба мубтало бўлгани учун ҳам онгини хирадаштириб кўйган хис-туйғулардан сархуш бўлиб, ўзини идора қила олмай қолган Отеллонинг ички маънавий оламини аниқ тасаввур қилишга интиладилар. Узи учун нотаниш бўлган, ғайриоддий оламга тушиб қолганлиги унинг тинчини бузди, руҳий изтироблар ва хавотирга солди. Макр-хийланинг риёкор ҳамлалари қарисида у ожиз қолди, қадди букилди. У биринчи марта душман зарбидан эмас, балки ўз-ўзидан мағлуб бўлгани учун ҳам руҳан эзилади, тушкунликка тушади. Отелло ўз айбига икрор бўлган ҳолда, ўз-ўзини мукаррар ўлимга маҳкум қиласи.

Шекспирнинг “Отелло” трагедиясини 1980 йилларда Москвалик режиссёр Евгений Симонов Миллий театр жамоаси билан саҳнага олиб чиқди. Саҳналаштирувчилар иккита жиддий муаммога дуч келдилар. Биринчиси спектаклни қаҳрамонона-романтик талқин қилишга, унда ишончнинг поймомл қилиниши фожиасини кўришга мажбур қилувчи анъанавий қояларни айланиб ўтиш, иккинчиси, ушбу классик асарни идрок қилишда йиллар давомида шаклланиб келган эски андозаларни бузиш.

Москвадан келган ижодкорлар режиссёр Е.Симонов, рассом И.Сумбаташвили, композитор Л.Солин биргаликда трагедиянинг шиддатли ва мураккаб ҳаёт тарзини акс эттирувчи бадиий умумлашма муҳит яратишга, шу билан фалсафий ва маънавий муаммоларни очиб беришга ҳаракат қилишади.

Турғун Азизов ижросидаги Отелло энг аввало манманлик ва шуҳратпарастликдан бутунлай йироқ, мулоҳазали ва вазмин одам. Дездемонанинг чиройидан ҳам кўпроқ ақл-заковати ва инсоний фазилатлари уни ўзига мафтун қиласи. Уларнинг муносабатлари ҳам оташин эҳтирослар замирига эмас, балки ўзаро ишонч-эътиқод ва ҳамфирлик асосига қурилган. Шунинг учун ҳам Отелло Дездемонанинг хиёнатига ишонч ҳосил қилган заҳоти унга ҳаётий мадад бериб турган асосий таянчани йўқотади, у ҳам бўлса инсонларга бўлган ишонч! У аслида файласуф ва хаёлпараст эди. Актёр макр ва қабоҳат қарисида соғ виждонли, ҳалол, покдомон инсонларнинг нақадар фожиали даражада ожиз эканликлари тўғрисидаги Шекспир ғоясини мантиқий изчиллик билан очиб беради.

Тўлқин Тожиев ижросидаги Яго ёвузлик ва маккорликнинг анъанавий тимсоли сифатида намоён бўлади. У баландпарвоз, заҳарханда ва қалтабин кимса эди. Унинг ҳар бир пайдо бўлишида буткул борлиқни яксон қилишга

кодир ёвузылкнинг мудхиш шарпаси күринарди.

1997 йили режиссёр Барзу Абдураззоқов Ўзбек давлат драма театрида “Отелло” трагедиясини саҳналаштиради.

Шекспир шоҳ асарининг одатдаги талқинларидан воз кечишга, трагедияни ҳаракатта келтирувчи ҳақиқий сабабларни аниқлашга, ҳарактерларни уларнинг мураккаб, ички зиддиятлари билан изоҳлашга бўлган интилиш режиссёрни трагедия матнини мутлақо янгича “ўкишга” мажбур қилди. Унинг эътиборини тортган жиҳат фақатгина алданган, оёқ-ости қилинган ишонч мавзусининг ёритилиши бўлиб қолмай, балки ёвузылкнинг ижтимоий моҳияти, унинг одамзодни хароб қилувчи таъсир кучини асослашдан иборат эди. Ва у асосий қаҳрамони Яго бўлган спектаклни саҳналаштиради. Айнан унинг хатти-ҳаракатлари дастлабки саҳна воқеаларининг ҳаракатга келишига турткি бўлади. Айнан у фитна бошлайди, уни ривожлантиради, кульминацияга бориб етганда эса ўзининг қилмишлари ҳалокатли эканлигини англаб, ўзи ҳаракатга келтирган ёвузылк механизмини тўхтатмоқчи бўлади. Бироқ энди кеч бўлганди. У ўз яқинларидан айрилади, маънавий янчилган, мағлуб этилган Яго буткул ёлғизликка маҳкум бўлади. Пушаймонлик, афсус-надомат қалбини тирнайди.

Тавбасига таянган ёвузылк фожиаси – спектаклнинг бош мавзусини шундай таърифлаш мумкин. Ёрқин саҳнавий кўринишларда намоён бўлган режиссёрлик талқини ҳам худди шундай жаранглайди.

Рассом Г.Брим сценографияси алоҳида эътиборни тортади. Рассом шартли-муштарақ ҳолда тунги Венеция манзараларини, парусли кема палубасини, Кипрнинг гранит соҳилларини, Дездемонанинг хобхонасини бор бўйи билан ўзида мужассам қилган бежирим, яхлит маконни яратади. Шамол парусларни шиширади, момакалдиrok гулдураши ва қояларга келиб урилаётган денгиз тўлқинларининг шовқини эшитилади. Мураккаб тизимли товуш ва нур воситалари уйғунлигига таъсир кучи янада ошган саҳна кўринишлари спектаклга романтик жозиба бағищлайди. Ва бу режиссёр концепциясига зид келмайди, аксинча, одатий турмуш икирчикирлари ва романтика, уларнинг ўзаро боғлиқлиги ва зиддиятлари кўрган-кечиргандарни идрок қилишни янада кучайтиради.

Спектаклда қаҳрамонона-романтик жўшқинлик одатдаги кундалик ҳолат даражасига тушади. Саҳнада ўз ташвишлари билан банд бўлган оддий одамлар. Отелло ролининг ижрочиси Э.Носиров образ талқинига янги мазмун киригади. У содда, оққўнгил, самимий ва ниҳоятда ишонувчан, ҳатто жуда тез ранжиб, ўзини таҳқирланган ҳис қилиб қолади. Унда такаббурликдан асар ҳам йўқ.

Дездемона (Х.Санаева) ҳам бошқалардан ажralиб турмайдиган, эл қатори оддий аёл. Кипрга у кичик тугунчасини кўтарганча мулозимларисиз, ёлғиз ўзи кириб келади. Қоп-қора рўмолга бурканган Дездемона кўринишидан қочоқ аёлни эслатади. У ўз отасининг уйидан қочади, уни ардоқлаб севган отасидан узоклашиб, аллақандай мавхум, номаълум кисмат томон интилади, баҳтини излайди, аммо ажалга йўлиқади.

Спектакль марказида Яго туради. Бу ролни А.Рафиқов ижро этади ва унда чинакам фожиавий хусусиятни кўради. Унинг Ягоси абжир фитнакор. Унинг киёфасида шайтонни эслатувчи нимадир бор. Актёр ўз қаҳрамони киёфасини шундай чизади: рангпар юзи озғин ва сўлғин, кўзлари чақнок, соchlар орқага силлиқ тараалган, бўй-басти ихчам, хатти-ҳаракатлари енгил, қадамлари дадил ва шаҳдам. Бу ташки чизгиларда беорлик, шубҳа ва сурбетлик қоришиб кетган ақл эгасини кўриш мумкин.

Барабанцио сенатдан Отеллони жавобгарлика тортишни талаб қилганда унинг юзлари қувончдан яшнаб кетади. Негаки, у кўзгаган фитна ўз кучини кўрсата бошлаган эди. Ҳаммасини аллақачон кўз олдига келтирган Яго – “Кандай гўзал тонгга, Родриго”, дея севинч билан ҳайқирганча, шўх-шодон рақсга тушиб кетади.

Инсон рухиятининг билимдони бўлгани учун ҳам у одамларни усталик

билан “үйнатағы”. Яго Отеллонинг ҳаддан зиёд ишонувчан ва соддалигини яхши билади. Бирок унга бу нима учун керак? Яго яширинча Дездемонага күнгил құяды. Режиссёрнинг фикрига кўра айнан шу ҳақиқат унинг барча кирдикорларига сабаб бўлади.

Э.Носировнинг Отеллоси унга буткул ишонади, у ёлғончи ва риёкорнинг устомонлиги олдида ожиз ва нотавон. У эсанкираган, рухияти синик, худди гангид қолган ёш болага ўхшайди. Рухий хотиржамлигини йўқотиб, ногаҳон Дездемонага қўл кўтаради. Бу интихонинг бошланиши эди.

Яго воқеалар устидан ўзининг тўлиқ хукмронлигини хис қиласи. Фақатгина Дездемона кўз ёш тўкиб, ундан кўмак сўраб, кўлини узатган лахзалардагина бир зум ўзига ўхшамай қолади. Дездемона эрига нима бўлаётганлигини билолмай руҳан эзилади ва бу уни ваҳимага солади, қўрқитади. У ёрдам сўраб мурожаат қилиши мумкин бўлган ягона яқин кимса – бу Яго. Бу ҳолат фитнакорни довдиратиб қўяди. Ҳеч қандай айби йўқ, ҳимоясиз ожизага унинг раҳми келади. Шу пайт унинг юраги илк маротаба ачиниш, афусуланиш хиссини туйғандек бўлади.

Финалда Отеллонинг ҳалок бўлиши билан, гўёки Яго ўз мақсадига эришгандек бўлса-да, у билан бирга Дездемонани ҳам йўқотганлигини тушуниб етади. Родриго ва Эмилия ҳам ўлдирилган. Яго ёлғиз қолади. У ўзини идора қилолмайди. Ҳолдан тойған, ниманидир пичирлаганча Эмилия ёнида бош эгади, Дездемонага яқинлашиб, индамай ундан бўса олади, кейин Отелло қаршисида тиз чўкиб, унинг жасадини кўтариб, бағрига босади. Бошини орқага ташлаганча, фалакдан гуноҳидан ўтишни сўраб, унсиз нидо қиласи. Ўзбек театрида ғаройиб талқин қилинган Шекспир трагедияси шу зайл ўз ниҳоясига етади.

Шекспир асарларининг саҳнавий талқинлари орқали борлиқни англашга бўлган интилиш замонавий театр санъатининг энг муҳим қирраларидан бўлиб қолмоқда. Жадал суратларда техник жиҳатдан янгиланиб бораётган бугунги кун театри бизни ҳайратга солишда давом этмоқда. У кундалик ҳаётдан кўра ёрқинроқ тус олиб, Шекспир 450 йил муқаддам ўз асарларида тилга олган азалий муаммоларнинг янгича ечимини излаб топишга интилмоқда. Яқинда Россиялик режиссёр В.Фокиннинг Санкт-Петербургдаги Александр театррида, Канадалик режиссёр Робер Лепажнинг Москвадаги Миллатлар театррида саҳналаштирган “Хамлет” спектакли Шекспир асарларига бўлган қизиқишининг сўнмаганлигини, аксинча, кучайиб бораётганлигини исботлайди.

*Мұхаббат ТҰЛАХҰЖАЕВА,
санъатиунослик фанлари доктори,
профессор*



ТАРИХИЙ ҲАҚИҚАТ ВА ТАҚДИР

Инсоният маданияти тараққиётида Уйғониш даври адабиёти деб аталыш давр алоҳида аҳамиятга эга. Бу давр адабиётида Европанинг бошқа мамлакатларида бўлгани каби Англияда ҳам илм-фан тараққиётининг катта ютуқларга эришуви ҳамда бунинг ижтимоий ва иқтисодий ҳаётга таъсирини кузатиш мумкин. Англия Уйғониш даври адабиётининг ёрқин намояндаси Шекспирнинг “Гамлет” асари пайдо бўлгунга қадар мамлакатдаги сиёсий-ижтимоий коллизиялар ҳамда уларнинг ечимида зодагонларнинг ўрни ва роли ҳақидаги масаланинг илдизларини тушуниш ва тасаввур қилиш қийин эди. Уйғониш даврида юз берган улкан кашфиётлар диний ва ижтимоий ақидаларга бўлган ишончни сусайтирди, лекин ҳали одамлар тасаввурини тамомила ўзгартириш учун илм-фандаги ютуқлар ҳамда уларнинг жамият онги тараққиётидаги туб моҳияти инсониятга бевосита ва образли етиб боришини таъминлаш лозим эди. Бу борада бадиий адабиётнинг инсон ва жамият олдидаги хизмати бекиёс. Шекспир мана шундай муҳим ва улкан ўзгаришлар даврида яшади, ижод қилди. Унинг қаҳрамонлари ўз даврининг улкан муаммоларини англаш ва ечимини топишга интилувчи мураккаб образлар сифатида намоён бўлади. Бундай образлар талқинида жамиятдаги эркин ва мутаассиблиқдан холи дунёкараш ҳамда унинг давр психологиясида акс этаётган янгича концепт тасвири ётади. Шунинг учун бўлса керак, шекспиршунослиқда борлик ва жамиятга муносабат масаласида “Гамлет”гача ва ундан кейнинг тасаввур этиш”, деган тушунча мавжуд. Гамлет образи талқинида “ўзини тушуниш ўзгаларни тушунишга олиб келади”, деган ақида эмас, балки “унингча, бирорни яхши билдингми, бас, ўзингни ҳам яхши биласан”¹, деган тўхтамни кўриш мумкин. Биргина бу эмас, файласуфлар ва санъатшунослар дунёни “Гамлетча тушуниш” деганда, кўпроқ Уйғониш даври, Шекспир реализми моҳиятини назарда тутадилар. Чунки реализм дунёни кўришни, кўриб билишни (яъни эшитиб ёки мuloҳаза қилиб эмас, бевосита ўзлаштиришни) тақозо қиласи. Шекспир яратган образлар янги давр, янгича фикрлаш ва дунёкарашни шарҳлаши, шакллантириб бериши керак эди. Бунинг учун янги давр моҳиятини тушуниш зарур эди.

Шекспирнинг драматургия соҳасидаги илк қадамлари миллий тарихнинг поэтик талқинига бағишлиган драматик хроникалар ёзишдан бошланган. Ёш драматургнинг дастлабки асарлари таникли инглиз драматурги Кристофер Марлога тақлидан яратилганини мутахассислар қайд қилганлар². Бундай тақлид, асосан, драманинг поэтик фасади, яъни мавзунинг танланиши, муаммонинг кўйилиши, асарда кироллик ва шахс ўртасидаги зиддиятлар ҳамда уларнинг бир-бирига муносабати масалаларидан иборат эди. Бироқ Шекспир асар фасадини шакллантириш масаласида ва бадиий конфликтни топиш, танлаш ва ҳал этиш борасида ўз устозидан ўзиб кетганлиги кўплаб илмий манбаларда акс этган³.

Шу ўринда, Шекспир нима учун драматургия соҳасидаги фаолиятини тарихий хроникалар яратишдан бошлади, деган савол пайдо бўлиши мумкин. Маълумки, XVI аср Англия адабиётида кенг кўлланган адабий жанрлар тарихий хроникалар ёки тарихий драмалардан иборат эди. Бу жанрнинг ташкил топишига ва ривожланишига мамлакатда рўй берган бир қатор иж-

¹ Ҳаққулов И. Шекспир машъали. Вильям Шекспир. Сайланма. 1- жилд. – Тошкент.: Фан, 2007. – Б. 23.

² Аникст А. А. Творчество Шекспира. – М.: Художественная литература, 1963. – С. 81.

³ Шведев Ю. Исторические хроники Шекспира / Шекспировский сборник: 1958. – М.: Искусство, 1959. – С. 78.

тимоий-сиёсий ҳодисалар, тарихий воқеалар сабаб бўлган. Шекспир замондошларининг драматик хроникалари тарихий ва сиёсий мазмуни жиҳатидан ниҳоятда долзарб мавзуларга бағишиланган. Бу масалада Шекспир ҳам замондошларидан ортда қолмади. У ўз асарларида тарихий ҳақиқатни юксак поэтик маҳорат билан тасвирлай олди; муаллиф хроникаларида воқеалар соддалаштирилмайди, балки асар қаҳрамонлари орасидаги конфликтлар, характерлар орасидаги зиддиятлар кучайтирилиб, улардаги таъсирчанлик кучининг ошувига эришилади.

Шекспир ижодий фаолиятининг биринчи даврида (1591-1601) ўнта хроникал драма яратган бўлиб, улар қуйидагилардан иборат:

1. Генрих VI, 1-қисм.
2. Генрих VI, 2-қисм.
3. Генрих VI, 3-қисм.
4. Ричард III.
5. Ричард II.
6. Қирол Иоанн.
7. Генрих IV, 1-қисм.
8. Генрих IV, 2-қисм.
9. Генрих V.
10. Генрих VIII.

Асарларнинг номланишидан кўриниб турганидек, ҳар бир тарихий хроника маълум бир мавзу, давлат, қирол манфаатининг алоҳида феодаллар манфаати билан тўқнашуви муаммосига бағишиланади. Бу хроникалардан дастлабки тўрт пьеса – тетрагология, воқеалар ривожи жиҳатидан бир-бiri билан мустаҳкам боғланган ва емирилаётган жамиятнинг драматик эпопеяси тасвирини ташкил этади. “Генрих VI” асарининг дастлабки уч қисми (трилогия) турли даврларда яратилган. Аввал унинг иккинчи қисми 1590-1591 йилларда ёзилган бўлиб, учинчи ва биринчи қисмлари эса 1592 йилда якунланган¹. Бу туркумга киритилган пьесаларни драматург бир мақсад ёки муаммони ёритиш мақсадида бошлаган, деб фараз қилиш қийин, чунки улар ягона ном остида бирлаштирилганига қарамасдан турли даврдаги ижтимоий муаммолар талқини билан характерланади. Шу сабаб унинг замондошлари ҳам ҳар бир пьесани мустақил асар сифатида қабул қилганлар.

Генрих VI ҳақидаги трилогия ўрта асрлар Англиясидаги ўзаро феодал урущлар даврининг бадиий картинасини яратади. Мамлакатда ҳукмронлик қилган кишилар фожиаси ва халқ бошига кулфат келтирган воқеалар асарнинг асосий мазмунини шакллантирган. Мамлакатдаги анархияга барҳам бериш, мамлакатни қирол раҳбарлигига марказлашган давлатга айлантириш ғояси трилогиянинг ва умуман, Шекспир хроникаларининг ўқ томири саналади. Шекспир трилогияси “Генрих VI” номи билан аталса-да, трилогияда қирол бош қаҳрамон эмас, умуман, асарда марказий қаҳрамон йўқ.

“Генрих VI”нинг иккинчи қисмida драматург халқ оммасининг ижтимоий ҳаёти тасвирида унинг мақсад-интилишлари, орзу-умидлари нималардан иборат эканини ойдинлаштиради. Ўша давр халқ қўзғолонлари эпизодини яратар экан, Шекспир Англия халқ озодлиги ҳаракати тарихидан икки қўзғолон – Генрих VI замонидаги Ж.Строу ва Р.Кет раҳбарлигидаги қўзғолонлар тасвирига алоҳида урғу беради ҳамда қўзғолон раҳбарлари номи остида халқ ҳаракатлари поэтик истифодасини бирлаштиради. Адид яратган халқ қўзғолони манзараси ўз давридаги халқ қўзғолонларининг типик кўринишидир. Драматург ҳеч нимани ўзгартирмаган, юмшатмаган ҳолда бу қўзғолоннинг камчиликларини, унинг иштирокчиларида қатъият йўқлигини реал тасвирлай олган.

Трилогиянинг учинчи қисмida Қизил гул ва Оқ гул (сиёсий партиялари) урушининг энг авжига чиқсан даври орқали Ланкастер ва Йорк авлодлари орасидаги кескин кураш ва йоркларнинг таҳти эгаллаши воқеаси тасвир-

¹ Корнилова Н. Вильям Шекспир. – М., 1972. – С.110.

ланган. Асарда ифода этилган беҳисоб жанг картиналарида ҳар икки сулола қонхўрликда бир-биридан ўзид кетмоқчидек бўлиб туюлади.

Кирол Генрих VI образи трилогиянинг ҳамма қисмларида ҳам ювош, тинч ҳаётни яхши кўрган, иродасиз, диндор шахс сифатида тасвирланган, у ҳатто чўпон бўлиб туғилмаганига ачинади, бутун мамлакатга раҳбарлик қилган киши Генрих эмас, балки унинг хотини қиролича Маргарита экани хроникаларда очиқ баён этилади.

Учинчи хроника охирида трилогияни бўлғуси асарлар билан боғловчи янги мавзу ва янги қаҳрамон Глостер образи гавдаланади. Бу асар мазмун ва хронология жиҳатидан “Генрих VI” трилогиясининг давоми ва биргаликда тетралогияни ташкил қилувчи хроникал асар “Ричард III” эди. “Генрих VI”нинг учинчи қисмidaёт Ричард ўз жинойи фаолиятини бошлайди, золим, қонхўр кимса сифатида кўзга ташланади.

Шекспир хроникаларидаги қироллар бева-бечораларнинг ҳимоячиси эмас, улар ўз манфаатини ўйлайдиган хукмронлар, холос. Ҳамма хроникалар қироллар номи билан аталган ва улардаги воқеа ана шу кирол хукмронлик қилган даврга мос тасвирланади. Ҳар қайси хроника қирол образи ва характерини очиш билан боғланган бўлса-да, драматургнинг мақсади қиролни улуғлаш эмас, балки ўша кирол давлатни идора этишга лойикми, йўқми, деган масалани ҳал этишдан иборат эди. Лекин бу ўринда Шекспир, қирол ундан ёки бундай бўлиши керак, деб фикр юритмайди. Улар ўз даврининг вакиллари бўлган жонли шахслар, давлат ҳам абстракт тушунча эмас, тарихий зарурят бўлган сиёсий идора сифатида кўрсатилади. Ҳар бир хроника ҳам кирол, ҳам мамлакат фожиасини тасвирлайди. Халқ дунёқарашининг ифодаловчиси Шекспир мутлақ монархияни мамлакат тараққиёти ва халқ осойишталигини таъминловчи ягона, тўғри тузум деб тушунган. Шунинг учун Шекспир ижодининг биринчи даврида яратилган ўн хроникани ана шу масалага, инглиз монархиясининг шаклланишига бағишлиланган асарлар сифатида қабул қилиш зарур.

Шекспир қиролларга бағишлиланган асарларида муҳаббатни асосий мавзу сифатида майдонга олиб чиқмайди; бу ўринда драматург ўз замондошларидан фарқ қиласи. Шекспир қироллари муҳаббат изҳор қилиш, хонимларга хушомадгўйлик қилиш билан шуғулланмайдилар. Драматург томошабинлар дикқатини майший ҳаёт томонига жалб этмаслик учун онгли равишида, муҳаббат мавзусини хроникаларда асосий деб белгиламаган ва бутун дикқатини масаланинг ижтимоий-сиёсий жиҳатига қаратган. Шу муносабат билан Ф.Сулеймонова ёзган эди: “Шекспир қиролларга танқидий муносабатда бўлади. У қиролларнинг камчиликлари, жиноятлари, мақсадлари ва бутун кирдикорларини бирма-бир очиб ташлайди. Уларнинг шахсий фожиалари қанчалик оғир бўлмасин, халқ бошига келтирган машакқатлари ундан ҳам оғир. Шекспир яратган қиролларнинг деярли ҳаммасида салбий хусусиятлар устунлик қиласи. Жон – кўрқоқ, ёлғончи; Ричард II – майшатпараст, мамлакат манфаатига бефарқ қаровчи, уни сотишга ҳам тайёр; Генрих IV – айёр, қасамхўр; Генрих VI – иродасиз, заиф, ожиз, диндор; Эдуард IV – ишратпараст, ўз фикри, мустақиллиги йўқ; Ричард III – кабих, қотил, золим, вахший; Генрих VIII – айёр, иккюзламачи ва бошқалар”¹.

Шекспир хроникаларида мамлакатнинг ижтимоий тараққиёти, монархиянинг асосий суюнчиғи бўлган дворянлар мол-мулки ва шаҳар буржуазиясининг иктиносидий ҳаёти, пул ва ишлаб чиқариш муносабатлари моҳиятининг ўсиши ҳақида ҳеч қандай гап йўқ. Хроникалар, асосан, қиролларларда Оқ ва Қизил гул уруши воқеалари ҳамда мутлақ монархиянинг шаклланиши тарихи ҳақидаги ижодкорнинг шахсий муносабати тасвиридан иборатдир. Қироллар қонун ва анъаналарга бўйсунишдан кўра, ўз кучларига ишонишни афзал биладилар, давлатдаги қироллик сиёсатини ўз манфаатларига хизмат қилдиришга уринадилар.

¹ Сулеймонова Ф. Шекспир Ўзбекистонда. – Тошкент: Фан, 1978. – Б.55.

Шекспир асарларида тарихий ва сиёсий воқеалар устувор хусусият касб этса ҳам муаллиф тарихга демократик гуманизм нуқтаи назаридан қарайди, уни сунъийлаштирумайди ҳам, камситмайди ҳам, балки холисликка интилади. Аммо муаллиф тарихий воқеалар ва шахсларни ўз асарларида айнан гавдалантирумайди, аввал рўй берган баъзи воқеаларни кейинга, кейингини олдинга суради, қаҳрамонлар ёшини, феъл-атворини ўзгартиради. Демак, тарихий вақт билан бадиий вақт муносабати ва мувозанатини сақлашга интилади. Бадиий вақт нуқтаи назаридан тарихий воқеаларнинг илдизига назар ташлайди, ўтмишда бўлган воқеаларни эсга олиш, хотирлаш ёки туш кўриш каби эпизодлар билан томошабин қўз олдида гавдалантиради.

Катор инглиз драматурглари, хусусан, Кристофер Марло ҳам тарихий асарларида ҳар томонлама ривожланган шахс образини яратиш ғоясини илгари суриб, жонли характерларни тасвирлашга уринганлар, лекин уларда сиёсий масалаларга қизиқиши, тарих ва жамият муносабатларини бадиий таҳлил этиш маҳорати Шекспир даражасида эмас. Шахс тақдирини жамият тақдирни билан узвий боғлиқликда деб хисобловчи Шекспир жамият тарихини англаш масаласида ҳам замондошларидан ўзиди кетди, гуманизм фалсафасини даврнинг сиёсий, ахлоқий муаммолари билан мутаносиблиқда янги погонага кўтарди.

Шекспирни фожиалари жаҳонга машхур қилса-да, унинг саҳна юзини кўрмаган тарихий хроникалари шоир ижодий меросининг муҳим қисмини ташкил қиласди. Адибнинг поэтик маҳорати янги қирраларини ўрганишда бу асарлар алоҳида материал бўлиб хизмат қила олади. Шу ўринда таъкидлаш лозимки, Шекспирнинг “Ричард III” ва “Генрих IV” асарларини хроникалар деб айтишдан кўра тарихий драмалар сифатида баҳолаш мақсадга мувофиқдир. Чунки улар мамлакат тарихи хроникасига бағишиланган бўлсада, асарларда образли тасаввур ва баъзи ўринларда бадиий тўқима устунлик қиласди. Шуни ҳам таъкидлаш керакки, Шекспир хроникаларини инглиз театрлари учун мўлжалланган асардан кўра кўпроқ зиёлилар даврасида ўқиши учун мўлжаллаб ёзилган драмалар сифатида қабул қилиш ўринли бўлар эди.

XIX аср инглиз драматургиясида шуҳрат топган Бернард Шоунинг “мутолаа учун ёзилган драмалари” (“драмы для чтения”) ҳам маълум маънода Шекспир бошлаб берган драматургик мактабнинг давоми эканини унутмаслик лозим. “Шекспир чексиз, – деб ёзди улуғ немис шоири Гёте, – Шекспир ҳақиқатан ҳам бепоёндир, чунки ҳар бир давр, ҳар кайси миллат унинг асарларидан маънавий озуқа олади”¹.

Мана, неча асрлардан бери Шекспир асарлари дунёнинг миллионлаб китобхонлари томонидан севиб ўқилиб келинмоқда. Драматургнинг трагедия ва комедиялари жаҳон театр саҳналаридан тушмай, актёрлар томонидан маҳорат билан ижро этилиб, томошабинлар олқишига сазовор бўлмоқда. Шу ўринда ўзбек таржима мактаби тарихида шекспиршунослик анъаналарини эсга олиш жўяли бўлур эди. Хусусан, Чўлпон,Faфур Ғулом, Максуд Шайхзода, Асқад Мухтор Ҳамид Ғулом, Юсуф Шомансур таржималарида ўзбек ўқувчиси Шекспир асарларининг бадиий қудрати, даҳо ижодкорнинг бадиий маҳорат мактаби намуналари билан танишдилар. Янги даврда таниқли шоир Жамол Камол Шекспир асарларини бевосита инглиз тилидан ўзбекчага ўгиришга эришди. Бу билан уни шекспиршуносликда янги йўналишга асос солди деб айтиш мумкин. Бир вақтлар Белинский “Шекспир даҳоси туфайли инсоният онги бир-икки погона юксалди”, деб таъкидлаган эди. Шундай экан, буюк драматург асарларини инглиз тилидан ўзбек тилига таржима қилиш ва уларнинг поэтик моҳиятини келажак авлодга етказиши бизнинг муҳим вазифамиздир.

Махлиё УМАРОВА,
филология фанлари намзоди, доцент

¹ Эккерман И.П. Разговоры с Гете в последние годы его жизни. –М-Л., 1974. - С.128.



“НАХОТ ИЗТИРОБДА ДОИМ ТАФАККУР...”

Иброҳим Ҳаққул ва Шахноза Назарова сұхбати

Шахноза Назарова: – Дунё адабиётіда Шекспирға ворислик ҳеч қачон түхтаб қолмаган. Шу вактта қадар юзага келгандар барча адабий оқымлар диний манбалар билан тенгма-тенг Гомер, Данте, Шекспир чегарасини кесиб үтады.

Устоз Нажмиддин Комилов адабиёт тарихидаги Хайём системаси, Данте системаси, Шекспир системасини Шарқ ва Ғарб тенг көнгликларидегина тұла масаввур этган. “Тафаккур карвонлари” китобида Ибн Сино ва Данте муносабатларини тизимга солиб ўрганған. Олим Шекспир Дантедан таъсирланған бўлса, демак, у Ибн Сино меросидан ва шарқлиқ боиша файласуфларнинг қараашларидан баҳраманд бўлған, дейди. Бу кузатишлар Данте ва Шарқ, Гёте ва Шарқ, Шекспир ва Шарқ, Толстой ва Шарқ, Достоевский ва Шарқ деган жуда улкан қомусий тадқиқотнинг бир улуши.

Шекспир олами психология, файласуф, тарихчи, адабиётшунослар томонидан энг күп ўрганилган соҳа. Аммо Шарқ ва Ғарб тафаккурни қуиши, юқори дея баҳоламасдан айтиши мумкинки, шарқ тадқиқотчиларининг қараашлари масаланинг Шарқдан таъсирланиши қанотини күтариб бершиши керак, хуласаларни айнан шундай тадқиқотларгина асосига етказа олади. Шундай эмасми? Устоз, бунинг учун биздаги қиёсий адабиётшуносликнинг аҳволи қай ҳолатда?

Иброҳим Ҳаққул: – Маълумки, қадим даврлардан буён ишонч, эътиқод, маданият, маслак нұктай назаридан дунёни Шарқ ва Ғарб дея иккига ажратыш умумий одат ва кўнишка бўлған. Бу фарқланишга кўра Шарқ ишонч, Ғарб эса тушунча оламини юзага келтирған. Дарҳақиқат, бугун бутун дунё халқлари қалбида ҳоким бўлған ишончлар дастлаб Шарқда туғилиб, ундан кейин жаҳоннинг турли минтақаларига тарқалған. Будпарастлик, брахманлик, конфуцийлик Ўзоқ Шарқда пайдо бўлиб, ҳанузгача шу жойда яшаётган инсонларнинг катта кисми онгига ҳукмронлик қилмоқда.

Зардушт, Моний, Маздак динлари, христианлик ва ислом Ўрга Шарқда дунёга келган эди. Ислом дини ҳукмронлиги шимолий-шарқий Осиё, Ўрга Осиё, Яқин Шарқ ва Африкада истиқомат қилған жамиятларни ҳам қамраб олган.

Европа, Америка, Африка ва Австралияда кун кечирған қавмлар ҳамда жамиятлар, Осиё динларини қабул этишдан аввал, ўзларининг ерли динларига соҳиб бўлишган. Аммо улар Осиёдан келгандар кучли ишонч ҳаракатлари қаршисида ё йўқолиб борган, ёки таъсирсиз ҳолга келгандар. Ғарбдаги буюк ижодкорларнинг Шарқ билан муносабати ёки Шарқ илм-фани ва адабиётидан таъсирланиши хусусида фикр юритишида юқорида қайд қилганимиз тарихни эсдан чиқармаслик лозим. Чунки Ғарб фалсафий жараёнлар, аклий назариялар ва илмий фаолиятларини қувватлантиргунга қадар Шарққа ўзгача бир эхтиёж ва талаблар билан ёндашган ҳамда умид боғлаган. Қиёсий адабиётшунослик қачонки ишни масаланинг туб илдизини ўрганишдан бошласа, ана ўшандага Шарқу Ғарб мавзусидаги паст ё баланд кетишлар ўз-ўзидан камайиб боради.

Ибн Сино ва Данте мавзусини ҳар жиҳатдан тұғри ҳамда ишончли тарзда ўрганиш учун, энг аввало, буюк итальян шоирининг мусулмончиликта муносабати ва ислом динига қандай қараганлигини аниқ билиш шарт деб ўйлайман. Чунки Үйғониш давридан бошлаб Европадаги буюк ижодкорлар-

нинг аксарияти ислом дини ва унинг пайғамбариға ниҳоятда салбий нигоҳ билан қарашган. Бу ҳодисанинг ҳам туб сабабига етилса, улар христианликнинг таъсирида адашгани равшанлашади. Бас шундоқ экан, Ғарб илми ва адабиёт оламида нега Форобий, Ибн Сино, Ибн Рушд каби алломалар кўкларга кўтарилиб мақталган? Биринчидан, уларнинг илмий-фалсафий меросида инсониятнинг ўзини англаши ва тафаккурда илгарилашига катта йўл очадиган ҳақиқатлар кент ўрин олган. Иккинчидан, бу файласуфларнинг асарларини кескин танқид қилган машхур мусулмон олимларининг айбномаларига таяниб, улар исломдан юз буриб, христианликни қабул айлашга ҷоғланишган деган бир тушунча кенг тарқалган. Щуро давлатининг дастлабки даврларида Ғарб илм-фани ва маданиятини Шарқ учун халоскор сифатида кўрсатиш умумий удум даражасида кўтарилиган бўлса, анча кейин Шарқ илмий-маданий дунёсининг Ғарбга таъсири ҳақида ҳам гапирилиб, маҳсус тадқикотлар яратилди. Аммо ушбу тадқикотларда ҳам асосан шўро мағкураси талаб ва кўрсатмаларидан бир пайса ҳам нари жилмаган олимларнинг илмий ишларига суюнлиган. Умуман олганда, Шарқ ва Ғарб илмий-адабий алоқаларини тадқиқ этиб, ишончли хulosалар чиқаришнинг ilk шарти – тил билиш; бунда инглиз, немис, француз, араб каби халқаро тилларни яхши биладиган ёшларимиз то ҳанузгача узук-юлук ёки ҳаваскорлик даражасида ўрганилиб келинаётган Шарқ ва Ғарб мавзуини қаноатланарли тарзда ёритиб беришлари мумкин. Менимча, бағоят муҳим ва қизиқарли бу ишни амалга оширишда айнан “Жаҳон адабиёти” журнали ташаббускор ва масъул бўлмоғи лозим. Чунки журнал саҳифаларидан ушбу йўналишга тегишли мақолаларнинг ўрин олиши кишига умид беради. Ушанда ҳар бир ўқувчида саёз ёки ҳавойи фаҳрланиш эмас, балки ўзининг қадимий илдизларини билиш хисси кучаядики, бунинг аҳамияти ўзгача бўлгани сингари, унинг мушоҳада завқини тўла таърифлаш ҳам мушқулдир. Аслида энг муҳими ҳам ана шу!

Шу ўринда изоҳга монанд бир фикрни айтиб ўтсам. Ғарбда ҳам турли ирқ, миллат, дин, дунёқарашга мансуб кўп халқлар яшайди. Уларнинг ҳаммасида ҳам Шарқка, хусусан, ислом дини ва унинг улуғ Пайғамбариға муносабат бир хилмас. Шу маънода айрим француз ва италян мутафаккирларидаги қаҳр, найранг аралаш қитмирлик олмон ва инглизлар тарихида учрамайди. Масалан, Вольтер ва Блез Паскал камситувчи, таҳқирловчи гаплар битгани ҳолда, Гёте Пайғамбаримизнинг образини яратишга бел боғлаган бўлса, Шекспир ислом маърифати мушоҳадасидан тўхтовсиз илҳомланган.

Тарихдан яхши аёнки, жаҳондаги аксарият халқларнинг маданияти бирбири билан боғликлиқда ва ўзаро алоқа йўллари билан ривожланиб, бойиб борган. Туркий халқлар маданияти ҳам Шумер, Чин, Ҳинд, Форс, Араб маданияти билан вобасталиқда тараққий этган.

Туркий маданият ва адабиётни кенг маънода Ислом маданияти ва мағкурасидан ажралиган ҳолда англаш ҳам, тасаввур этиш ҳам имконсизdir. Чунки мусулмон маданияти жаҳон тамаддунининг янги даври, мусосир боскичи эди.

Муборак ва муқаддас Куръони карим, илм ва моҳияти нуқтаи назаридан дунёнинг сўнгги дини бўлган ислом инсонга яшаш учун янги дунёқараш, янги маънавий-руҳий иқлим келтирган эди. Мусулмонлик мағкураси ҳукмронлик қилган ерларда янги тафаккур, янги идрок, янги маданият ва санъат ҳаётининг сардори ҳамда раҳнамоси Оллоҳнинг суюкли расули Мухаммад (с.а.в.) эди. Шунинг учун нубувват фалсафасига таяниш, Мухаммад пайғамбар шахсиятига чексиз меҳру мухаббат Шарқдан етишиб чиққан ҳар бир буюк санъаткор тушунчасидаги дахлсиз нуқта ҳисобланарди. Зоро, нубувват, наинки Шарқ, балки Ғарбга ҳам очилган ишқ ва ирфон эшиги эди.

“Мұхаммад Мустафонинг дини, – дейди Покистоннинг буюк мутафаккир шоири М.Иқбол, – ҳаёт динидир. Унинг шариати – ҳаёт динининг тафсiri. Сен тупроқ бўлсанг, бу дин сени осмон этади. Сени Ҳақ истаган ҳолга

етказади. Унинг жилоси темирни ойнага айлантиради...” Фарблик қайси ижодкорнинг кўнглига тасаввуфга қизиқиши уруғи қадалган бўлса, энг аввало, бу исломнинг хизматидир.

Ш.Н: – Суҳбатларингизда тасаввуф ва *Фарб* дунёси ўрганилмаганлиги, тасаввуф ва Шекспир ижодиёти мавзуи ниҳоятда қизиқарли бўлиб, буни ўрганини Шарқ ва Шекспир сарлавҳаси билан бошланиши кераклиги ҳақида фикр билдиргансиз. Н.Комилов “Ҳамлет”нинг 5-пардасидаги бош суюкларга оид суҳбат мотивини *Искандар* ва гадо учрашуви сюжети билан, Ҳамлетнинг “Қайсари Румдан вақти келгач лой қилишиар деворлар учун” сўзларини Хайём қараашлари билан боғлаган. Сиз айтасиз: “Ҳамлет – дарвеш”. Бундай фикрлаш тарзи, кишини ўйга толдиради. Унинг ўзини найга ўхшатиши Румийга яқинлаштиради. Аммо доим кўнгилнинг бир четида шубҳа туради. Меъёрни қандай тутиб турши мумкин?

И.Х: – Меъёрнинг ҳам меъёри сунъийлик ва юракни ғашлантирувчи шарқпарастликка эрк бермаслик. Шарқлик бирор бир кимса бориб Шекспирни қийнаган ё ингратган эмас. Жабру жафо, қандай ғам-гусса чеккан бўлса, у ўз даври, замони, ижтимоий мухитидан чеккан. Шекспир *Фарб* заминида ўсиб-улғайган азамат бир Даҳарт. Уни ҳеч бир тарзда Шарқ об-ҳавосига мутлақ яқинлаштириб ҳам, мутлақ мувофиқлаштириб ҳам бўлмайди. Шекспир факат ва фақат ўзига ўхшаганлиги туфайли Шекспир. Аммо шу билан бирга унинг рух ва тафаккур “личини” мусулмон оламига сайд айлаб, ундан гоҳо таъсирланиб, гоҳо моҳият неъматларидан озиқланган. Шарққа беписанд қараб бўлмаслиги, унинг дини, тарихи ва маданиятини ўрганмаслик айни тақаббурлик оғати эканлигини дил-дилдан ҳис қилганлиги учун ҳам Шеспирни мен жуда эъзозлайман. Найни Румий қашф этгани йўқ, Румийгача ҳам бор эди. Лекин Мавлононинг нафаси билан “най” замину осмонни ларзага солган эди. Эҳтимол, Шекспир бир қарич қамишдан ясалган найнинг соҳир овозига эмас, Румийнинг муборак нафасига ошуфта бўлгандир. Демокчиманки, ҳақиқатнинг зоҳирий жиҳатлари кўпда унинг ботин юзини очмайди, унга етиб боришга ҳатто монелик қиласди.

Ш.Н: – Ҳамлетнинг мутафаккир сифатидаги қиёфаси ҳақида гапиргансиз. Асарда сўзланаётган сўзларга кўра у ерда ҳамма мутафаккир. Бундан бир оз таажисубланаман. Ҳамлет мутафаккир, аммо унинг тили менга кўтода ясамадек туюлади. Бу ўринда Л.Толстойга бутунлай ён бермаялман. Шекспир ҳаҳрамонлари тили, хусусан, Ҳамлет тилидаги ясамаликда бир оз табиийлик бор, ахир булар драмалар. Ҳақиқтапарастнинг ҳам телба ниқобига беркиниши инсониятнинг ўзи қадар қадим мотив. *Фарб* адабиётидаги асосий асарлар мана шу ясама тилга тақтид қиласди. Л.Толстой бўлса бунга тоқат қўлламайди, Ж.Жойс буни “Улисс” да қаттиқ кулгуга олади, ҳам бу тилга тақтид қиласди. Адабиёт тили – ясама тилми?

И.Х: – Машхур бир олимнинг “Тил – санъат асари эрур”, деган таърифини ўқиганман. Ҳақиқатда ҳам ўзи шундай. Аммо буни билиш, мушоҳада қилиш ва кўриш учун тилга тилчи кўзи билан эмас, балки услубчи кўзи билан қараш лозим бўлади.

Экзистенциализм фалсафасининг асосчиларидан бўлган М.Хайдеггер тилга янада теран нигоҳ билан қараб, “Тил одамнинг уйидир”, дейди. Ҳа, одам тил ичида яшайди. Унинг бутун ҳаёт тажрибаси, ўзи истасин-истамасин, тилда акс этади. Эртадан то оқшомгача ўзаро фикр алмашган, барча туйғу, тушунча ва ҳаракатини тил билан ифодалаган инсон чиндан ҳам тилни ўзининг мавжудлиги даражасига етказади. Шунга кўра, тилни инсон мавжудлигининг ўзига хос шаклдаги ифодаси, деса асло хато бўлмайди.

Тил одам ҳаётининг ҳар лаҳзасида иштирок этмаганда эди, унинг одам билан бафоят яқин алоқасини ўйламаса ҳам бўларди. Ваҳоланки, шу яқинлик, аникроғи “ифода шакллари”га қараб у ё бу миллатнинг асрлар мобайнида яшалган туйғу, тахайюл ва тушунчаларини билиш мумкин. Тил миллат руҳи ва фикр ҳаётининг кўзгуси, маданиятининг асоси дейилганда, мен ушбу

ҳақиқатларни англашга уринаман. Буларни эътиборга олмай, имкон даражасида ўрганмай Шекспир қаҳрамонлари тили ёки тил хусусиятларидан баҳс юритиш, менимча, тўғри эмас.

Энди бадиий тил масаласига келсак. Адабиёт туйғу ва тушунчаларни жонли сўзлашув тилидан бир неча ҳисса кучли, гўзал, нафис ва таъсирили бир тарзда тасвирлаб беради. Ҳис, эҳтирос, хаёл, фикр ўзига энг уйғун, бежирим ифода шаклини чинакам адабий асардан топади. Демак, ҳалқнинг тили қандай бўлса, адабиёти ҳам шундай. Менимча, ҳеч бир тилдаги таржима Шекспир қаҳрамонларининг наинки тили, руҳий олами ва характер хусусиятлари ҳақида аслиятдагидек тасаввур ўйғотмаслигига тан бериш жоиз деб ўйлайман.

Ҳамлетнинг тили факат Сизгamas, жуда кўпчиликка ясамага ўхшаб туюлган. Мен бундан ажабланмаганман ва ажабланмайман ҳам. Ҳамлетнинг тили, маълум бир маънода, “куш тили”. Шу боисдан уни ҳамма ҳам тушунавермайди. Унинг шарқлик дарвешга монандлиги аввало шунда. Иккинчидан, у очик, гўё ўзини чекламасдан гапиради, лекин айни пайтда буюк дарди, чексиз изтиробини яшириш учун бир “парда” сифатида тилдан ҳам фойдаланади.

Яна бир фикр. Айрим пайтда хотираға келган хаёлни одам ёркин тасаввур этолмай қолади. Нега? Сабаби ҳали мубҳам, қоронфиликдан тўла ажралмаган. Гоҳо зеҳнда канот ёзган фикр ё маънига етишиб бўлмайди, чунки у фавқулодда юксакда. Иттифоқо кўнгилда юз очган ҳис-туйғуни ифодалаш имконсиздай туюлади. Сабаб? У ҳаддан зиёд теран. Шундай ҳолатларда нима бўлади? Ичдан ё бир фарёд кўтарилади. Ёки мавҳум нималардир дейилади. Еҳуд ҳеч нима демасдан, хусусан, “дежурний” сўзлар “оёқ ости”га олиниб тепкиланади. Ҳамлетда шундай. Тил, сўз англатолмаганни, хайриятки, рух, сукут англатади. Ҳамлет буларнинг ҳар иккиси – рух ва сукут тилидан бафоят унумли фойдаланган...

Ш.Н: – Шекспир дунё адабий, фалсафий, диний тафаккурини бошқарувчи, даврий тушунчаларни тартибга солувчи даҳолардан. Масалан, айтганимиз Жойс Одиссейни ўз даврига, ўз қаҳрамонига, ўз маконига Ҳамлет орқали кўчиради. Замонавий драматургия аллақачон даврларнинг шекспирча ечимиға ўтиб олди. Устоз, Шекспирнинг Гарбдаги, Шарқдаги эндиги ўзлаштирилишини қандай тасаввур қиласиз?

И.Х: – Баъзан ёзувчи, олим биродарлар билан гурунглашганда мен “Бугун Шекспир керак... Ҳозир Достоевский замони бўлди...” деган гапларни айтаман. Инсониятнинг кулфат, ҳасрат ва фожиалари Шекспир ёки Достоевскийлар замонига қараганда бир неча юз ҳисса майдаланиб, тармоқ ёзиб кўпайиб кетди. Улар орасида ҳали исми ҳам номаълумлари бисёр. Шунинг учун, биринчидан, Шекспирдай тарих ва ўзи яшаган замон ўргасида ҳеч кимникига ўхшамайдиган ҳамда бошқа бирор такрорлай олмайдиган адабий “кўприк” яратиб, инсониятни шиддат ила таназзул ҷоҳига тортаётган асосий хато, бадбаҳтилик ва адашувларни айнан юракка етиб борадиган зайлда кўрсатувчи даҳо зарур; иккинчидан, Ҳамлет изтиробига ворис Достоевский сингари санъаткор керак.

Атоқли режиссёр Баҳодир Йўлдошев бир сұхбатида “Ҳар бир миллатнинг ўз Ҳамлети бўлиши лозим. Ҳамлет орқали миллатни тарбиялаб вояга етказиши керак. Бу энг муҳими”, – дейди. Лекин миллатнинг Ҳамлети қандай вояга етиб, қандоқ майдонга чиқади? Мана бу муаммо. Чунки кўпчилик қарийб бир хилда ўйлаб, бир хилда сўзлагани учунми ёки бошқа бир кўнижмалар туфайлими ҳамлетона дард, алам, изтироб йўллари жуда-жуда саёзлаштириб ташланган. Мен Ҳамлетга кўр-кўронга эргашиш, билиб-билмай ундан ибрат олишга тарғиб қўлмоқчимасман. Йўқ, унга қарши туришни ҳам билиш лозим демоқчиман. Унинг “худбин”, “хафсаласиз”дек кўринган қиёфаси ортида узоқ даврларга қаратилган яшовчанлик ва оғриқли эътироуз мужассам.

Ш.Н: – Шекспир таржималари тадқиқидан кўнглингиз тўладими?

И.Х: – Таржимашунос деганда, кўз ўнгимда диди ўткир, савияси баланд, тил ва адабиётни билишдан ташқари тарих, фалсафа ҳамда диндан ҳар қалай

хабардор, сўзни чуқур ҳис қилувчи киши қиёфаси гавдаланади. Айниқса, Шекспир каби санъаткорлар асарлари таржимасини шундай тадқиқотчилар тадқиқ этиши шарт. Шекспир драмалари таржималари билан уларни илмий ўрганиш ишлари ўзаро қиёсланса, таржимашунослик ҳали тўла қад ҳам ростлай ололмаган, дейишга тўғри келади. Бир ё икки тадқиқот доирасида “Ҳамлет” ёки “Отелло” таржималарининг барча сир-асорори ёритилишига шахсан мен ишонмайман. Демоқчиманки, таржимашунос ўзбекчалаштирилган матнлар ҳаёти ва тақдирига ҳакамлик қилишни уddyalай олиши билан бирга, Шекспир ижодиётининг ҳақиқий тарғиботчиси даражасига кўтарилиши ҳам керак. Афсуски, шундай олимга муҳтожмиз.

Ш.Н: – *Китобхонлик, адабий асарларга акс-садо қай ҳолатдалиги сир эмас. Бу бутун дунёни ташишига солаётган муаммо. “Жаҳон адабиёти” журнали 2013 йилда Ф.Достоевскийнинг “Иблислар” романини, А.Камюнинг “Калигула” драмасини нашр этди. Тадқиқий акс-садолар етиб келганича йўқ. “Жаҳон адабиёти” журнали Шекспирнинг қайси томонларини, Шекспирга оид қандай тадқиқотларни қай ҳолатда ёритишини хоҳлардингиз?*

И.Х: – “Жаҳон адабиёти” биринчи навбатда буюк Шекспирнинг жаҳоний мавқенини кўрсатадиган ва унинг жаҳон халқлари кўнглини ишфол айлаган ижодий қашфиётларидан баҳс юритувчи мақола ва китобларни ўзбек ўқувчисига етказишга уриниши керак. Шекспирнинг айрим асарлари икки ҳатто уч бора, яъни икки ва уч ижодкор томонидан ўзбекчалаштирилди. Шу тажриба тўхтаб қолмаслиги, қойиллатиб амалга оширилган ҳар бир янги таржимага асарнинг олдинги таржимаси тўсиқ бўлмаслиги лозим. Бизнинг адабиётшунослигимизда нимани ўрганиш, нимани ўрганмаслик зарур дея ўйланган аниқ бир меъёр йўқ. Шунинг учун “маҳаллий классиклар” ижодини ўрганишга сарфланган кучнинг самараси кўпинча бир чақага ҳам арзимайди. Журнал ўзбек шекспиршунослигининг ривожланишига хизмат қиладиган турли мавзуу ва хилма-хил шаклдаги асарларнинг яралишига ташаббус кўрсатса, ёмон бўлмасди.

Ш.Н: – *Бир гал сұхбатимизда Шекспир мутолаасидан узилмадим, дегандингиз. Шекспир борасидаги илк холосаларингиз ва ҳозирги қарашларингиз ўртасида қандай фарқ бор?*

И.Х: – “Шекспир ижоди ҳаддан ташқари бой ва терандир. Табиатан у маҳсулдор шахс, бир йилда унинг биттадан ортиқ нарсасини ўқимаслик қепрак. Акс ҳолда у ижодкорни ҳалокатга маҳкум этади...”, – дейди буюк олмон шоири Гёте. Шекспир ижодиётининг моҳиятида “ҳалокатли” бир куч-куват борлигини яқин-яқингача хаёлга ҳам келтиргмагман. Бугун буни ҳар нечук биламан. Шекспирни ўқиб-ўрганмай яшалган ҳаёт – маҳдуд ҳаёт. Инсон ўзини англаши, нафсу ҳавонинг курбони бўлмаслиги учун ўз шахсини Шекспир қаҳрамонларида, уларнинг шахсини эса ўзиникида кўришга уриниши, шахсиятсизлиги билингданда эса ҳеч чўчимасдан, тушкунликка ён бермасдан шахсият яратишга жаҳд айлаши керак. Шу маънода шекспирхонлик кишига “инжил”ни ўрганишдан ҳам кўпроқ ёрдам ва шавқ беради. Бунга бош сабаб эса Шекспирнинг ҳазрати Исо таълимотини теран ўзлаштириб, санъат тилида унинг зарур кирраларини тасвирлашга эришганидир. Шарқнинг буюк мутафаккирлари Аттор, Румий, Яссавий, Навоий мактаби сингари Шекспир мактаби ҳам ҳаммадан аввал нафси тийиш, хирс, ғазаб, моддий манфаат ғаләёнларидан ўзини муҳофаза айлаш, одам қавмини танишда адашмаслик мактаби. Шекспир инсонни нокаслик ўйинлари, қаттоллик ва қонхўрлик мусобақалари, разиллик ва тубанлик саҳналарига юзлаштиради. У инсон орқали ғайриинсонийликни қанчалик қоралаб, инкор этса, инсонга таяниб инсонийлик истиқболига ўшанча умид ҳосил қиласди.



ЖОН ГИЛГУД

Бу йил Шекспир даҳоси таваллудининг 450 йиллиги бутун дунёда катта санъат байрами сифатида кенг нишонланди. Унинг мумтоз ижодига бағишлиб ватани Буюк Британияда ва дунёning бошқа кўплаб мамлакатларида қатор илмий конференциялар, ижодий учрашувлар, иирик маданий тадбирлар ташкил этилди.

Аслида Шекспирга эътибор ва унинг асарларига мурожаат қилиш қайси мамлакатнинг қайси бир театрида бўлмасин санъат ва адабиёт ахли учун доим шов-шувли ҳодиса, унинг қаҳрамонлари сиймосини яратиш эса ҳар қайси даврда ижод килган актёрлар учун ғоят юксак шараф, баҳт бўлиб қелган. Жаҳон театр саҳналарида бундай баҳтга муяссар бўлган санъаткорлар кўп. Бирок, Шекспир қаҳрамонлари ижроси орқали зўрдан зўр чиқиши, улар тимсолида халқлар таҳсинига сазовор бўлиш осон кечадиган ҳодиса эмас. Англия пойтахти Лондондаги нуфузли театрлардан бири “Олд Вик” театрининг аффсонавий актёри Жон Гилгуд худди муаллифнинг ўзи сингари нодир истеъод эгаси бўлиб, том маънода

“шекспир актёри” сифатида XX аср театр тарихи сахифаларида қолди. У яратган Ҳамлет, Макбет, Қирол Лир, Ромео, Ричард III образлари довруғининг садолари янги асри-миз сарҳадларида ҳам жарангни йўқотмай турибди.

Британиялик машхур актёр Эллен Террининг набираси бўлган Сэр Артур Жон Гилгуд 1904 йилда Лондонда дунёга келган. У Қироллик академиясининг драма санъати бўлимида таҳсил олиб, 17 ёшидан “Олд Вик” театрида дастлабки ролларини ўйнай бошлади.

Уттизинчи йилларга келиб Англияда жаҳонга таникли бир гуруҳ актёрлар авлоди етишиб чиқди. Пегги Эшкрофт, Лоренс Оливье, Ральф Ричардсон, Алек Гинеслар қаторида Жон Гилгуд ижоди ҳам шу даврда ўз гуллаш босқичига etди.

“Олд Вик” театри бу даврда Шекспир асарларининг биринчи нашрига кирган барча пьесаларни қайта-қайта саҳнага қўйди. Ушбу спектакллар Лондон томошабинларининг заковатли қисмини театрга жалб этмай қолмади. Театр Шекспир асарларини янгicasiga ўқиб, уларга хос шоирона нафосатни саҳнага кўтариш, ўтмиш актёрлик анъаналарини тиклаш, шекспирона кўтарилик поэзия билан замонавий психологик талқин тамойилларини уйғунлаштиришга ҳаракат қилди. Ана шу ўзаро муштараклик Жон Гилгуд ижодида ёрқин намоён бўлди. Жон Гилгуд табиатан мусиқий овоз соҳиби, саҳнабоп гавда ҳаракатчанлиги (пластика) га эга актёр эди.

Гилгуд ижодидаги иирик образ – Дания шаҳзодаси Ҳамлет ролини биринчи марта 1930 йили 25 ёшида ўйнайди. Бу ёшда Ҳамлетни ўйнаш у давр инглиз театрида

камдан-кам учрайдиган ҳодиса эди. Лекин бу роль Гилгудга яна 1931, 1936, 1939 ва 1944 йилларда ҳам насиб этди. Ҳамлет образи умр бўйи у билан яшаб келди. Зеро, Гилгуд истеъдодининг моҳияти шу образда кенг намоён бўлди. У Шекспир сўзларини олиб, уларга давр кишиси руҳини сингдиришга ҳаракат қиласди. Гилгуд Ҳамлет ролида очиқдан очик замонага ҳамоҳанглик изламайди. У ўз вазифасини Шекспир қаҳрамонининг руҳий табиатини очишда деб билади. Унинг шиҷоаткор, жўшқин Ҳамлети тўқнашув ва олишувлардан заррача тап тортмайдиган куч-ғайратга тўлган йигит тимсолида намоён бўлади. Лекин бу жўшқинлик узоққа бормайди. “Дунё зиндон” деган ваҳимали гап унинг тани жонига сингиб, ички қатъиятини бўғиб, уни ўз ёғига қоврилувчи аламзадага айлантириб қўяди. Ҳамлет қалбини ўртаган алам-изтироблар она билан учрашув саҳнасида отилиб чиқади. Бу Ҳамлет маънавий борлигинининг кўтарилиш саҳнаси бўлиб, шу ерда онага айтилмиш очиқ киноя ва таъналарда унинг риёкорлик ва қабоҳатга бўлган тубсиз қаҳрғазаби тўла очилади. Бу ўринда Ҳамлет – Гилгуднинг алам-изтироб чўқкан лаб ва яноклари, қилич мисол кескир сўз ва қўл ҳаракатлари кўзга кўринмас ғаним билан муросасиз олишаётган киши ҳолатини эслатади. Бу исён, беҳаловат қалбуғёни эдики, ундан “аламдийда ёш”нинг норозилик ингроқлари эштилиб тургандек эди. Она билан учрашув саҳнаси Ҳамлет – Гилгудга қатъийлик ато этади, фикрчанлик ва босиқлик билан қабоҳат ва разолатга қарши тик бора оловчи мардонавор кишига айлантиради. Бу жиҳат 1934 йилда актёрнинг ўзи қўйган спектаклда кенг намоён бўлади, ўша йилги Ҳамлетдан сўнг Гилгуд ҳақида “тафаккур актёри” сифатида эътироф этадилар.

1934 йилда Гилгуд Вест-Энддаги “Нью” театрида “Ромео ва Жульетта” спектаклида икки образни гавдалантиради. Спектакль қиёфаси

ўта оддий бўлиб, ундаги ягона ва яхлит қурилма, орқа ва олд қора қурилма пардалар саҳна кўринишларининг тезкорлик билан ўзгаришини таъмин этади. Бутун диққат эътибор актёр ижросига қаратилади. Гилгуд актёр Лоренс Оливье билан Ромео ва Меркуцио ролини навбат билан ўйнайди. Ромео – Гилгуд Жульеттадан ҳам кўпроқ севги оташида ёнувчи, шоирона эҳтиросларга бой ошиқ йигит сифатида кўзга ташланади. Унинг Ромеоси ҳаётийлиги билан ажралиб туради. Шу билан бирга Гилгуд яратган Меркуциода ҳам романтик кўтаринкилик туғёни латиф ва сирли намоён бўлади.

Инглиз театри режиссёrlари даврнинг даҳшатли воқеаларига нисбаттан бефарқ туролмадилар. Давр садоси Шекспир трагедиялари асосида яратилган энг сара спектаклларда ўз ифодасини топди. Россиялик режиссёр Фёдор Комес-саржевский саҳналаштирган “Макбет”(1933) спектаклида Шекспир трагедиясини замонавий турмушга кўчиришга ҳаракат қилиб, ярим афсона шотланд тарихи воқеаларини даврнинг сиёсий вазиятларига яқинлаштиришга ҳаракат қиласди. Сарбозларга замонавий мундир кийдирилади, жанг майдонида замбараклар пайдо бўлади. Замонавий хукмдорга айлантирилган Гилгуд ижросидаги Макбет виждан кийноғида эмас, балки қилмишига яраша жазо олиш даҳшатидан васасага тушиб азоб чекади.

Уруш даврида инглиз жамиятида юксак мумтоз санъатга, Шекспирнинг эзгуликка тўла асарларига бўлган эҳтиёж ошиб борди. 1940 йили “Олд Вик” театри Гилгуд иштироки билан “Кирол Лир” трагедиясини кўйди. Спектаклда Лирнинг ҳаёт йўли эзгуликнинг уйғониш йўли тарзида идрок этилади. Маҳобатли мовий либос кийган такаббур хукмдор аста-секин ғамизтироб чекишига қодир инсонга айланиб боради. Саҳнадан саҳнага ўтиш билан унинг овозидан то ҳаракатларигача сокинлик, қалбида раҳм-шафқат ортиб боради. Бу

ёвузликдан эзгуликка, гердайишдан ҳалимликка, золимликдан шафоатга ўтиш йўли эди.

1944-1945 йили саҳналаштирилган “Ричард III” спектакли нафакат “Олд Вик” театри учун балки, Гилгуд ижодида муҳим воқеага айланди. Ричардда шайтоний ҳисинтилишлар жамланган бўлиб, у қон ичида туғилиб, қон тўлқини билан тахтга кўтарилиган қирол сифатида намоён бўлади. У Шекспирнинг барча асарларида бош қаҳрамон образини яратиш билан бирга Чехов асарлари орқали ҳам инсонларнинг нозик туйулашини бадиий тарзда очиб беришга эришди. Айниқса, Чеховнинг “Олчазор”идаги Трофимов, “Чайка”даги Тригорин, “Опа-сингиллар”даги Вершинен, “Иванов”даги Иванов образлари кучли, фалсафий маънодорлиги, хатти-харакатларидағи табиий ва қатъиyllиги билан ажralиб туради.



Гилгудда кинога нисбатан театрга муҳаббат ва хайриҳоҳлик кучлироқ бўлгани сабабли кино санъатини ўз ижодида иккинчи даражали деб билган. У кинога асосан пул топиш мақсадида боргандан ва топган пулларини театр ривожига сарф қилган. Аммо унинг кинодаги ижоди ҳам жуда самарали ва ўзига хос. У жаҳоннинг энг кучли кинорежиссёрлари билан ҳамкорлик қиласди. Алфред Хичкокнинг “Махфий агент”да Ричард Эшнден, Ричард Аттенборонинг

“Ганди” фильмида Лорд Ирвин, Жон Ирмэннинг “Скарлетт” сереалида Пьер Робилард, Жозеф Манкевичнинг “Юлий Цезар”ида Юлий Цезар, Стив Бэрроннинг “Мерлин” телесереалида қирол Констант, Шекхар Капур режиссёrlигидаги “Елизабета” фильmdа Рим папаси Пий V, Фрэнклин Шэффнер фильмни “Сфинкс”да Абду Ҳамдий, Стив Гордоннинг “Артур” фильмида Гобсон образи ва бошқа юзга яқин катта-кичик роллари билан муваффақият қозонган.

1953 йили Англия қиролиаси Елезаветта II уни театр ва кинодаги хизматлари учун Рицарлик унвони билан тақдирлайди. “Оскар”, “Гремми”, “Эмми”, “Тони”, “BAFTA”, “Олтин глобус” мукофотлари билан тақдирланади. Шу билан бирга япон императорининг мукофотига ҳам (1994) сазовор бўлади.

“Олд Вик” театри уруш йиллари фоя ва шаклларини ривожлантириш асосида ўз тарихида энг илҳомбахш даврларни бошдан кечирди. Ушбу театр саҳнасига чиқиши шарафига айландики, энг довруқли инглиз актёрлари ҳам “Олд Вик” театрига ўта бошладилар. Бинобарин, театрнинг бу ютуқларни кўлга киритишида моҳир трагик Гилгуддек моҳир трагик актёрларнинг меҳнатлари улкан бўлди. Саҳна ва экран юлдузи, буюк актёр Жон Гилгуд 2000 йили 96 ёшида Лондонда вафот этди.

*Фахриddин АБДУВОХИДОВ,
ЎзДСМИ катта ўқитувчиси*



“АФСУНГАР”НИНГ АФСОНАВИЙ ОТАСИ

Инглиз постмодерн адабиётида Жон Роберт Фаулзнинг ўзига хос ўрни бор. У айниқса, ўзининг “Коллекционер”, “Афсунгар”, “Француз зобитининг хотини”, “Дэниэль Мартин”, “Мантисса” сингари роман ва қиссаларида воқеаликни ноанъаний усулда, ўткир ва теран нигоҳда ёритишга ҳаракат килган.

Жон Роберт Фаулз 1926 йилнинг 31 марта Буюк Британиянинг Эссекс графлигига қарашли Лионси қасабасида дунёга келади. Унинг отаси Роберт Фаулз тамаки савдоси билан шуғулланар, онаси Глэдис эса, уй бекаси бўлса-да, маърифатпарвар инглиз аёлларидан эди. Фаулз ўз эсадаликлирида онаси айтиб берган қадимий афсоналар, эртаклар унинг қалбида адабиётга нисбатан қизиқиш ўйғотганини ёзади.

Жон Бедфорддаги ўрта мактабда ўқиган пайтларида хам ўзининг ташаббускорлиги, жамоат ишларида фаоллиги билан ажralиб туради. У барча фанларни пухта ўзлаштириш баробарида спортга, айниқса, крикетга жуда хам қизиқарди.

Жон мактабни битиргач, бир муддат ҳарбий тайёргарликни ўтаб, Қироллик денгиз пиёдалари флотига кабул қилинади. У дастлаб шу соҳада қолишини режалаштирганди. Бироқ, икки йиллик хизматдан сўнг, флотни тарқ этди ва Оксфорд университетига ўқишига киради. Бу ерда у немис ва

француз тилларини чуқур ўрганади.

Олий даргоҳ дипломи қўлига тегиши билан у Францияга йўл олади ва 1950-1963 йилларда педагогик фаолият олиб боради. У дастлаб Франциянинг Пуатье университетида, кейин эса Грециянинг Спецес оролидаги гимназияда, сўнг Лондондаги Авлиё Годрик коллежида ёшларга сабоқ беради. Айнан мазкур оролда унинг машҳур “Афсунгар” романини яратиш ғояси туғилади. Роман воқеалари хам айнан шу оролда бўлиб ўтади.

Кейинчалик бу роман унга катта шон-шуҳрят олиб келди. Мазкур асар бош қаҳрамони Николас Эрфенинг прототипи муаллифнинг ўзидир. Асарда ўз қобигидан зерикиб, саргузашт истаб, она юртидан бош олиб чиқиб кетган, кейин ўзи истагандек реал воқелиқдан йироқ, хаёлот оламига тушиб қолган, охир оқибат ўзининг дастлабки ҳаёт тарзига қайтган инсон қисмати ҳикоя қилинади. Инсон истакларининг чексизлиги, тақдир эса, ҳар бир инсоннинг имкониятлари даражасидағи ҳаёт тарзини инъом этиши мазкур асарнинг асосий мазмун-моҳиятини ташкил этади. Ушбу асар ўз имкониятимиздан ташқари рўёларга интилиб эмас, ҳаёт бизга тақдим этган неъматлардан тўғри фойдаланиб, умрнинг ҳар лаҳзасидан завқ олиб яшаш лозимлигини ўқтиради гўё.

Асарни ўқиши асносида унда Гомернинг “Илиада” ва “Одиссея”си, Шекспирнинг бир қатор драмалари таъсирини яққол илғагандек бўласиз.

Жон бўлажак умр йўлдошини хам айнан Спецес оролида учратган эди. У Элизабет Кристи билан 1956 йилда оила қуради. Элизабет ёзувчи билан кечган 35 йиллик ҳаёти давомида ижодига сезиларли таъсир ўтказади. Муаллифнинг кўплаб романлари қаҳрамонида айнан Элизабетнинг қиёфаси, сажъияси, феъл-атворини учратиш мумкин. Буни ёзувчининг ўзи хам кўп бор эътироф этган.

Фаулзнинг 1963 йилда нашр қилинган “Коллекционер” романи хам адабиёт майдонида кутилмаган ҳодиса бўлди. Қисқа фурсатда роман кўлма-кўл бўлиб кетди. 1965 йили

роман режиссёр Уильям Уайлер томонидан экранлаштирилди.

Мазкур асар икки асосий қаҳрамон – Клегг ва Миранда тилидан ҳикоя қилинади. Капалак коллекцияси билан шуғулланувчи Фредерик Клегг санъат билим юрти талабаси Миранда Грейни ёқтириб қолади. Бироқ қизнинг унда кўнгли бор-йўклиги билан қизиқиб ҳам кўрмайди. Кутимаганда катта бойликка эга бўлган Клегг қизни ўғирлаб келади ва ўз қасрининг ергўласида сақлади. Қиз бир неча бор унинг қасридан қочиб чиқишга уринади, аммо бунинг удасидан чика олмайди. Охир-оқибат қиз тутқунликда зотилжам хасталигига учраб, вафот этади.

Ийит аввал бу айрилиқдан сўнг ўз жонига қасд қўлмоқчи бўлади. Бироқ қизнинг кундалиги қўлига тушиб қолгач, қиз ундан қанчалик нафратланганини англаб етади.

Мазкур романда муаллиф бойлик ва куч билан инсон қалбини забт этиш имконсизлигини ёрқин ва ишонарли тарзда тасвирлай олган.

Шундан сўнг ёзувчининг “Аристос” номли публицистик тўплами дунё юзини кўради. Бу тўпламда у ўзининг жамиятдаги турли-туман муаммоларга нисбатан муносабатини билдириб, ҳар бир муаммонинг ижтимоий ва психологик жиҳатларини таҳлил қилишга уринади. Муаллиф ўзи яшаб турган ижтимоий табакалашув, ижтимоий тенгизликтин қаттиқ танқид остига олади.

1968 йили Фаулз ўз оиласи билан Англия жанубидаги Лайм-Реджис шаҳарчасига кўчиб ўтади. У умрининг катта қисмини дengиз бўйидаги ана шу мўъжаз қулбасида ўтказди ва бу ерда ҳам баракали ижод қилди. “Француз зобитининг хотини” романни ана шу ерда дунёга келган. Бу асар адига наинки катта шоншуҳрат, балки энг кўп даромад олиб

келган китоб бўлиб қолди. Адибнинг эътирофича, бу асарда аввалги ёзувчilar “унутиб қолдирган” мавзуни эмас, балки ёзишга журъат этолмаган жиҳатларни қамраб олишга интилган.

Воқеалар XIX асрда бўлиб ўтган бўлса-да, у асардаги воқеликка XX аср кишиси кўзи билан бокади ва унинг нуқтай назаридан баҳо беради. Мазкур асар режиссёр Карел Рейша томонидан экранлаштирилди.

Фаулз ҳали Оксфордда ўқиб юрган кезларида ёқ француз экзистенциялистлари – Камю ва Сартр ижодига қизиқиб қолганди. Улар асарларида илгари сурилган дунёнинг номукаммаллиги, инсон эркин сингари гоялар Фаулзниң кўлгина асарларига ҳам кўчиб ўтди. Ўтган асрнинг олтмишинчи йилларида яратилган асарларида айнан хаёл ва хаёт ўргасидаги зиддиятли ҳолатлар ҳикоя қилинади.

Етмишинчи йилларга келиб, Фаулз ўз ҳаётий қарашларини ўзгартиради. Бу ўзгаришлар “Кора ёғочдан қурилган минора” (1974 йил) қиссасида яққол кўзга ташланади. Ушбу асар қаҳрамони узоқ муддат экзистенциал озодлик ва одатий ҳаёт тарзидан қай бирини танлаш ҳақида узоқ ўйлайди ва ниҳоят иккинчисини танлайди. “Дэниэлл Мартин” асари эса, унинг машҳур “Афсунгар” романнининг мантиқий давоми ўлароқ юзага келади.

Адиг умрининг сўнгти йилларида юрак хасталиги туфайли қаттиқ азият чекди. Турмуш ўртоғи Элизабетнинг вафотидан сўнг у ўзини руҳан ёлғизланиб қолгандек ҳис этарди. Кейинги йилларда у деярли ижод қилмай кўйди. Узоқ давом этган хасталикдан сўнг 2005 йилнинг 5 ноябрида Лайм-Режисда вафот этди. Унинг “Афсунгар” асари инглиз адабиётидаги энг машҳур юзта асар қаторидан жой олган.

*Рустам ЖАББОРОВ
тайёрлади*



МУШТАРАК ИЛДИЗЛАР

(Тилимиз ҳақидағы шахсий мұлоқазалар)

Борлық ҳақидағы ҳозирга қадар түппланған жамики билимлар уммон әмас, аслида, уммондан томчидір. Бу билим ганжиналарининг яратилишида аввало инсонларнинг ақли-закоси-ю мұлоқот воситаси бўлмиш тил ва адабиётнинг ўрни бекиёс. Шунинг учун бутун башариятнинг ўзаро ҳамкорлиги маҳсали бўлган кўпгина тушунчалару қадриятлар умумийдир. Масалан, ҳар бир инсон ўзи туғилиб ўsgан юртини, ватанини эъзозлайди. Бу барчага хос хусусият – дунёкараш десак ҳато бўлмайди. Шунинг учун ҳам, арабча “ватан”, инглизча “native” ([нэйтив] ватан), туркий “туған-тұван” сўзларининг ўзаги бир-бирига яқин бўлиб, турли ҳудудларни билдирувчи сўзлар ҳам шундай: туркий “овдон”, “овул” сўзлари инглизча “villa” ([вилэ] вилла, боғли кошона), “village” ([вилэдж] овул, қишлоқ), туркий “йўргади (ўради)” сўзи русча “тогродить”, “огород”, “город” сўзларига мос келади. “Ов” ўзагига курилган бир қатор сўзлар (“овламок”, “овқат”, “овун”, “овул”, “(х)овли” ва ҳоказо) яққол кўрсатиб турганидек, ҳар бир киши туғилган замин унинг ҳам жисмөнний, ҳам маънавий қиёфасини белгилайди. “Овдон” деганда фақатгина “ов қиладиган ё овқатланадиган жой” – “овул” деб әмас, балки кенгроқ маънода, яъни ризқ-рўз, насиба, ўсиб-униш, фаровон ҳаёт кечириш, аждодларнинг ишини давом эттириш, комил авлодни тарбиялаш каби хайрли ишлар назарда тутилади. Ўлашимча, кўпгина миллатлар насабининг охиридаги “-ов”, “-ев”, “-ул” каби қўшимчалар ё ана шу “ов”, “овул” сўзлари билан, ё туркий “уй”, “эв” сўзлари билан боғлик бўлса, ажабмас. Зоро, туркий “хөвли” сўзи ҳам “ов” ўзагидан ясалиб, “оила яшайдиган уй ва шу уйга қарашил ер майдони” маъносини англатади. Маълумки, “х” ҳарфи бир қатор тилларда баъзида талаффуз қилинмайди. Масалан, “хинд”ни “инд”, “хўқиз”ни инглизча “ox” ([ўк]), “Елена”ни инглизча “Helen” ([хелен]), “Хаво”ни русча “Ева”, инглизча “Eve” ([ив]), “Абдуллоҳ”ни “Абдулло” дейилади. Қолаверса, форс-тожикча “обод” сўзи ҳам “овбод”, “ов қилинадиган”, “овга ярокли”, яъни тинч-фаровон ҳаёт учун қулай, файзли маскан маъносидаги сўз бўлгандир. Луғатда лотинча “oasis” ([оуэсис] воҳа, оазис) сўзи юонон тилидан, у эса ўз навбатида қадимги Миср тилидан келиб чиққан бўлса керак, деб тахмин қилинганди. Ҳойнаҳой, бу сўз ҳам “ов” ўзагидан ясалган.

Инсоннинг муқаддас ватанидан бу ватанни ёруғ-нурафшон қилган кунга эътиборни қаратайлик. Кўпгина тилларда “ёруғ (ёрқин)”, “яракламоқ (ярқирамоқ)”, “ярта (эрта)” сўзларининг ҳам ўзаги умумий: инглизчада “tau” ([рэй] нур), “radiate” ([рэ'диэт] нурланмоқ), русчада “рано”, “радуга”, “радость”, “рай”, “жар”, “гореть”, “горн”, арабча “нур”, “анвар”, “мунаvvvar”... Қадимги Мисрда куёш маъбудини “Ra” деб аташган. “Равшан” сўзи “рав” ҳамда “шан” сўзларидан таркиб топған бўлиб, “шан” сўзи “яшнамоқ (порламоқ)” сўзининг шунингдек, инглизча “shine” ([шайн] порламоқ, чаракламоқ) ҳамда “sun” ([сан] куёш) сўзларининг ўзагини ташкил қиласди. Шунингдек, туркий “йалт (жалт), йулт (жулт), йилт (жилт)” сўзлари маънодош бўлиб, “юлдуз (йулт)”, “олтин, алтин (йалт)”, “тилла (йилт)” сўзлари шу ўзаклардан ясалган. Қадимда “йулоқ” сўзи “чироқ, қандил” маъносини англатган. Русча “золото”, “жёлтый”, инглизча “gold” ([гоулд] олтин), “yellow” ([йеллоу] сарик), “glitter” ([глиттер] йилтирамоқ), “glow” ([глоу] ловулламоқ, ёнмоқ, йилтирамоқ), “light” ([лайт] ёруғлик, шуъла), “lunar” ([лунэр] ой), “illuminate” ([иллюминэйт] ёритмоқ), “lustre” ([ластрест] ялтираш, люстра), форсча “жило”, “жилва” сўзлари

ҳам шу ўзакка қурилган. Қолаверса, туркий “аланг”, “олмос”, “лов(улламок)”, “ял-ял”, “ялов”, “ёлкин”, “яланг-яланғоч”, “ялин(мок)”, “ёлвор(мок)”, “ёлчи”, “ёлғон-алда(мок)”, “ёлғиз”, форс-тожикча “олов”, “малла”, инглизча “love” ([лав] севги, муҳаббат), “lava” ([лава] лава), “hell” ([хелл] дўзах, олов), “lie” ([лай] ёлғон), “alone” ([элоун] ёлғиз), “lazy” ([лэйзи] ялқов), “lick” ([лик] яламок), русча “любовь”, “ложь-лгать”, “голый”, “лизать” сўзларининг ҳам ўзаги умумийдир. Ўйлашимча, ўзбек миллий матоси “атлас” (кейинчалик ундан андоза олиб яратилган “харита”) ҳам ўзининг ранг-баранг, сержилолиги билан “йалт, йалтиллаш, йалтиллас” сўзидан келиб чиққан. Хинд ҳамда Хитойда муқаддас ҳисобланган “лотос” (нилуфар) гули ҳам ял-ял ялтирайдиган қизил рангли гулдир. Туркий (баъзи бошқа халқларда ҳам) “алла” ва “ялла” қўшиқлари ҳам “йал” ўзагидан урчиган. “Алла”ни она ўз боласига меҳри товланиб, унга муҳаббатини изҳор қилиб айтса, “ялла”ни ошиқ маъшуқига ўз севгисини куйлаб айтади. Ҳар икки ҳолда ҳам қўшиқ “йал-йал” ёниб-жўшиб куйланади. Бундай мисолларни кўплаб келтирса бўлади. Халқларнинг ўйлари-ю сўзларидаги бундай ўхшашилкларни кўриб, муқаддас китобларда бутун инсониятнинг келиб чиқиши ҳамда дини бир эканлиги таъкидланганига ишонч ҳосил қиласи киши. Муқаддас Қуръоннинг “Шўро” сурасида Нуҳ, Иброҳим, Мусо, Исо, Мухаммад (барчаларига салом бўлсин) пайғамбарларга берилган дин умумий эканлиги, одамлар ўз динларини бўлаклаб, фирмаларга ажратмасликлари уқтирилади. Бинобарин, ҳозирги глобаллашув ва интеграциялашув жадал кечажетган замонда турли халқларнинг ўзаро тил топишиб, ўхша什 жиҳатларига, умумбашарий қадриятларга диккат-эътибор қаратиш муҳим аҳамиятга эгадир. Зоро, барча инсонлар учун бир-бирлари билан саломлашиб ҳол-аҳвол сўрашиш, тинчлик-омонлик тилаш, ёрдам қўлини чўзиш каби кўплаб қадриятлар хос. Масалан, ҳам гарб, ҳам шарқ халқларида “яхши” ва “ёмон”, “тўғри” ва “эгри”, “тинчлик” ва “уруш” тушунчалари-ю уларни англатувчи сўзлар умумий. Туркий “яхши”, “жахси”, “йаҳ”, “Йемў? – Хўпми, ҳами?”, “ийи”, “ийа”, “ха”, форсча “хуш”, “хўш”, “ха”, русча “хорошо”, “да”, “аха”, “ага”, инглизча “yes” ([йес] яхши, ха), “yeah” ([йэа] яхши, ха), ибронийча “яхве” сўзлари ўзакдош сўзлардир. Шунингдек, туркий “тўғри”, “тубри”, “эват”, инглизча “true” ([тру] тўғри), “correct” ([коррект] тўғри), “direct” ([дайреクト] тўғри), “right” ([райт] тўғри, ўнг), форсча “дуруст”, “рост”, “албатта”, русча “правда”, “правый”, “правильно” сўзларининг ўзаклари бирлиги бежизмас. “Эгри-буқри” сўзи инглизча “groove” ([груув] эгрилик), “curve” ([кэрв] эгри, буқри), “wrong” ([уронг] нотўғри, эгри), русча “кривой” сўзларига мос келади. Туркий “янги”, “яна”, “тағин” сўзлари билан форсча “нав”, инглизча “new” ([ню] янги), “again” ([эгейн] яна, тағин), русча “новый” сўзларининг ҳам ўзаги бир. Туркий “ур(уш)”, русча “удар” ҳамда инглизча “war” ([уор] уруш) сўзлари умумий бўлса, арабча “салом” сўзи билан инглизча “calm” ([калм, салм] тинч) сўзлари умумийдир. Янги йил арафасида турли жойларда ёнма-ён “Янги йилингиз билан!”, “С Новым годом!”, “Happy New Year!” тилакларга кўзи тушган киши янги йилга бир қувонса, улардаги “янги” сўзининг бошқа халқларнинг сўзи билан умумийлигини англаб яна бир шодланади! Зоро, шундай халқаро сўзлар халқларни бир-бирига яқинлаштиради-да!

Энди, келинг, инсониятни едириб-ичирадиган, кийинтирадиган соҳа – дехкончилик билан хунармандчиликка ялпи назар ташлайлик. Туркий “сеп(мок)” (урұғни), русча “сеять”, инглизча “sow” ([кој]) сўзларининг умумийлигини ўйлаб қаранг! Ана шу ўзакдан инглизча “season” ([сиизн] сезон, мавсум), “semen” ([сé мен] уруғ), русча “сезон”, “семя” сўзлари келиб чиққан. Ёхуд инглизча “ирригация”, туркий “сугориш”, русча “орошать” сўзларининг, туркий “туруч”, русча “гречка”, “рис”, инглизча “rice” ([райс]) сўзларининг умумийлиги бежиз эмас.

Луғатларда ўзбек сўз санъати бўлган “аския” сўзининг этимологияси арабча “закий” сўзи билан боғланади. Ваҳоланки, халқнинг феълига хос бўлган “аския” санъати арабларнинг Урта Осиёга келишидан аввал ҳам мавжуд бўлган. Фаразимча, бу сўз икки манбага боғланади: 1) қозоқ халқида сакланиб

қолган “айтис (айтишув)” санъатига, яъни “айтиски, айиски”; 2) инглизча “ask” ([аск] сўрамоқ), “seek” ([сиик] иска, изла) сўзига. Сабаби “аския” санъати ҳам “сўра, сўроққа тут, иска” маъносидадир. Аскияда “Фалончи, райхонмисиз, жамбулмисиз, сунбулмисиз?” сўроғидан бошланиб, “ундай қилдингиз, бундай қилдингиз-а?” дея рақиб сўроққа тутилади. Туркий “сўзла, сўйла”ни инглиз тилида “say” [сэй], “чайна”ни “chew” [чю], “жерк”ни “jerk” [жэрк], “tingla”ни “listen” [лисн], “лўқ”ни “look” [лук], “кўмса”ни “miss” [мисс], “пуфла”ни “puff” [паф], “пурка”ни “pour” [пор], “сепалаш”ни “splash” [сплэш], “супур”ни “sweep” [свиип], “тотиш”ни “taste” [тэйст], “ювиш”ни “wash” [уош], “отиш”ни “shoot” [шуут], “сиқ, қис”ни “squeeze” [сквииз], “ажрим, айрим (ҳакам, юрист, яъни айирувчи)”ни “jury” [жюри], “так(моқ)”ни “tack” [тэк], “бил(моқ)”ни “believe” ([билиив] билмоқ, ишонмоқ), “тий(моқ)”ни “tame” [тэйм] ва ҳоказо сўзлари кўрсатиб турибди-ки, туркий тил билан инглиз тилида умумий сўзлар бисёр. Шунинг учун, “аския” каби туркий сўзларнинг келиб чиқишини инглиз, олмон, итальян, юнон ва бошқа қадимий халқлардан излаш мантиқан тўғрироқ бўлади. Чунки Европа халқлари билан туркий халқлар эрамиздан аввалги Ҳун салтанати, ҳатто ундан олдинги Шумер маданияти давридан бери алоқа қилиб қелган. Бунга кўпгина олимларнинг тадқиқотларини, жумладан, қозоқ шоири Улжас Сулаймоновнинг “Азия”, рус олими Лев Гумилевнинг “Қадимги туркийлар” ва бошқа шу каби китобларни мисол қилиб келтираса бўлади.

Қадим-қадимдан алломалар оламнинг асосида тўрт унсур (ер, ҳаво, сув, олов) ётишини эътироф этишган. Муқаддас китобларда таъкидланишича, Тангри таоло бутун оламни, сўнг Одам Ато билан Момо Ҳавони яратган. Жумладан, Одам Ато тупроқдан, Момо Ҳаво эса унинг қовурғасидан яратилган. Нега айнан қовурғасидан? Шу ўринда туркий “қобирға” сўзи русча “ребро”, инглизча “rib” [риб] сўзлари билан умумийлигини таъкидлаб ўтиш керак. Маълумки, арабча “адам” сўзи билан форсча “замин”, русча “земля” сўзлари ўзаги бир бўлиб, бу туркий “ер (йер)” сўзига мос келади. Чамамда, “эр, эркак” сўзи асли бошда “йер” бўлиб, Худо “Йер”ни, сўнг у бир ўзи ёлғизланмаслиги учун ухлаб ётганида жуфти “Ҳаво”ни қовурғасидан яратган. Уларнинг ilk маскани бўлган “Боги Эрам” (русчада “Эдем”, яъни “земля” сўзи билан ўзаги бир) ҳам асли “Боги Йерам”дир. Маҳмуд Кошғарийнинг девонида ҳам “эр” сўзи “одам” маъносида қайд килинган. Шунинг учун ҳам, фаразимча, туркий “эр-хотин” ибораси асли “йер-йўтин” бўлиб, ҳаво (туркий “йўтал”, “(й)ўтака” сўзларининг ўзаги “йўт”) Ер куррасини ўраб – ҳимоялаб туради. Одам танасидаги қовурғанинг бош вазифаси ҳам ҳаёт учун зарур органлар (юрак, (й) ўлка (йўфка), жигар, ошқозон ва ҳоказо)ни ҳимоя қилишдир. Қолаверса, “ўт” сўзи ҳам феъл (ўтмоқ), ҳам от (олов, оташ) бўлиб, ҳар иккиси ҳаво ва сувга нисбатан кўлланади. Дарҳақиқат, ҳаводаги кислород ёки бензин, керосин каби суюкликларсиз ўт чикмайди. Шунингдек, табиатда фақат сув уч агрегат ҳолатга эга: қаттиқ, суюқ ва газ. “Хотин-қиз” иборасидаги “қиз” сўзи “қизимок” фельлининг буйруқ майли бўлиб, бу “хотин” сўзининг ҳам маъноси “ўт” дейишга асос бўлади. Шунингдек, арабча “аёл” сўзи ҳам туркий “йал, йол” (ёлкин) сўзи билан, русча “женщина” сўзи туркий “жан, йон” (ёнмоқ) сўзи билан ўзакдош бўлса, эҳтимол. Қолаверса, инглизча “hot” ([хот] иссик), “hades” ([хейдс] дўзах, оташ), русча “ад” сўзлари туркий “ўт” сўзига, инглизча “terra” ([терра] терра, тупрок) сўзи туркий “турпок” сўзига ўзакдошdir. Шунинг учун ҳам, эркакларда ер-тупроққа хос оғир-вазминлик, чайирлик, дағаллик, қаттиқлик жиҳатлари бўлганидек, аёллар ҳаво ва сувга (ҳаво ва сув моҳияттан бир-бирига жуда яқин) хос юмшоқлик, ҳавойилик, мулойимлик сифатларига эга. Эркак ва аёллар ҳакидаги бир туркум ибора ва мақолларда ҳам ана шу хусусиятларга ургу берилади. “Эрни эр қиласиган ҳам, қаро ер қиласиган ҳам – хотин” мақолини аслида “Йэрни расо йэр қиласиган ҳам, қаро йэр қиласиган ҳам – ўт (олов, ҳаво ва сув)” дея тушунмоқ керак. Ахир, кулол лойдан буюм ясаганда уни сувда кориб, ўтда қиздиради ё ҳавода қуригади-да. Эр-йигит уйланади, яъни бир уйга – ватанга эга бўлиб, ўзининг оиласини барпо қиласиди. Хотин-қизлар эса эрга тегади. Бундаги “эрга тегмоқ” ибораси ҳам асли “йэрга тегмоқ”,

яъни “йерли бўлмок” маъносидадир. Кўпгина халқларда “Сув оқиши ҳамда ўт ёнишига чексиз термилиш мумкин”, деган ибора бор. Дарҳақиқат, сув ҳам, ўт ҳам одамни ўзига мафтун-маҳлиё қилиб қўяди. “Сув балоси-ю ўт балосидан ўзи асрасин” деган ибора бор. Ҳар икки бало ҳам тупроқ ёрдамида даф қилинади. Бинобарин, сув тошқинини дамба қуриб, ўтни тупроқ сочиб, ҳатто қищда йўлларни қоплаган сирпанчик музларни ҳам тупроқ сепиб бартараф қилинади. Туркий “эркин (озод)”, “эрка” сўзлари ҳам асли “йеркин”, “йерка”, яъни “йери бор, ўзига тўқ, биронга қарам эмас” маъносидаги сўздир. Шунинг учун ҳам барча халқлар ўз ерига эга бўлишга интилиб, шундагина ўзларини чинакамига эркин-мустақил хис қилишларини англаганлар.

Бизгача туркий сўзларнинг маънолари-ю келиб чиқиши талқинига доир кўпгина қимматли асарлар етиб келган. Табиийки, Кошғарий, Юсуф Хос Ҳожиб, Рабгузий, Навоий ва бошқа алломаларимизнинг асарларини қиёсий таҳлил қилишда давом этишимиз жуда муҳим. Шу билан бирга, бошқа манбаларга, дейлик, Хитой, Ҳинд, Юнон, Рим, Миср ва бошқа юртларда сақланаётган асарларни ўрганишга ҳам дикқатни қаратиш зарур. Шу ўринда бир шахсий мулоҳазамни билдирам. Кошғарийнинг девони ўзбекча изоҳлар билан 3 жилд ҳолида 1963 йили Ўзбекистонда русча изоҳлар билан 2005 йили Қозогистонда нашр қилинган. Маълумки, Кошғарий ўз девон-лугатини араб тилига мослаб, иккитадан еттитагача ҳарфлардан иборат сўзларни тартиб билан қайд қилиб чиқкан. Яъни, асар аввал-бошда араблар учун мослаб ёзилган. Бироқ турк тили билан араб тили тубдан фарқ киласди. Сабаби, арабчада ундошлилар муҳим бўлса, туркийда унлилар муҳимроқ. Масалан, арабча уч ҳарфдан (“ҳ”, “қ”, “м”) тузилган “аҳком”, “маҳкам”, “маҳкамама”, “маҳкум”, “муҳокама”, “ҳакам”, “ҳаким”, “ҳикмат”, “ҳоким”, “ҳукм”, “ҳукамо”, “ҳукумат” ва ҳоказо сўзлар ўзакдош бўлиб, уларнинг маъноларни бир-бирига якин. Туркийда эса икки ундош ҳарфдан (“б” ва “л”) тузилган “бил”, “бўл”, “бел”, “бол” ва ҳоказо сўзлар бутунлай бошқа маъноларни англатади. Демак, девонни таржима қилишга ижодий ёндошиб, ҳозирги лугатшунослик қоидаларига мослаб, туркийлар учун алифбо тартибида, яъни аввало “а”, сўнг “б” ва ҳоказо ҳарфларидан бошланадиган барча сўзларни (от, феъл, сифат ва ҳоказо) қайд қилинса, самарали иш бўлади. Шунда, бир ўзакдан урчиган барча сўзларни яққол кўришга имкон туғилади. Масалан, девоннинг 1-жилдидаги “билиш” (348-бет), “билик” (367-бет), “билга” (403-бет), “биликлик киши” (466-бет), 2-жилдидаги “бильди (билир, билмак)” (30-бет), “билишди (билишур, билишмак)” (120-бет), “билинди (билинур, билинмак)” (166-бет), “билтўрди (билтўрур, билтўрмак)” (204-бет), “бильдўзди (бильдўзур, билдўзмак)” (235-бет), “бильсикти (бильсикар, бильсикмак)”, “бильгатти (бильгатур, билгатмак)” (393-бет), 3-жилдидаги “бильгаланди (бильгаланур, билгаланмак)” (219-бет), “билигсади (билигсар, билигсамақ)” (347-бет) сўзлари ҳамда асарда келтирилган кўпгина мақол ва шеърлардаги “бил” ўзагига қурилган сўзлар бир жойга жамланса, ўқувчига яққол тасаввур беради. Шу билан бирга, Кошғарийнинг девонида “й” ҳарфидан бошланувчи сўзлар асарнинг энг катта қисмини (3-жилд тўлиғича) ташкил қилиб, кўпгина сўзлар бизгача “й” ҳарфи тушиб ёки орттирилиб етиб келган. Буни чуқурроқ тадқик қилиш керак. Масалан, юқорида айтилганидек, “олтин” сўзи “йалтин” (ялтироқ), “йурак” – “урак”, “йук” – “үйук”, “ой” – “йой”, “ойок” – “йойок” (йойов сўзи шундан) бўлса мантиқийроқ бўлади. Ёки “илон” сўзи “йилан” бўлишига сабаб жониворнинг ўзига хос териси “йилт-йилт” қилишига ишорамикан? “Арслон”, “сиртлон”, “қоплон” сўзларидағи “лон” кўшимчаси “йилон (йилан)” сўзимикан ёки “қоплон” сўзи “қопловчи” маъносидаги “ла” кўшимчасимикан? Чамаси, инглиз тилидаги “lion” ([лайн] арслон, шер), русча “лев”, “слон” сўзлари ҳам шу ўзакка боғлиқ. Шуниси ҳам борки, арабча “лаин”, “лаънат”, “мальун” сўзлари “йилан” сўзи билан ўзакдош бўлиб, диний манбаларда иблиснинг илон, аждарҳо қиёфасида тасвирланишининг сабаби шунда.

Маълумки, Хитойда “йин” ва “йенг (янг)” (русчада “инь” ва “янь”) дуалистик фалсафаси кенг тарқалган. Туркийда “янги” сўзини “йенги” деб ҳам талаффуз қилиш бор (Девон, 3-жилд, 379-бет). “Йин” ва “йенг” сўзлари хитой

тилида мос равища “тоғнинг күёш тушмайдиган ва тушадиган томонлари”ни англатиб, дунёда барча нарса жуфт-жуфт (күёш ва ой, нур ва соя, эрқак ва аёл, актив ва пассив) яратилганига ишора қиласи. Қиёс учун, арабча “ғарб” ва “шарқ” сўзлари “кун ботиши” ва “кун чиқиши”ни англатади. Буни қарангки, хитойча “йин” ва “йанг” сўзлари туркий “йин” ва “йан” сўзлари билан айнан маънодош. Худди туркий “айир, айри, ажра, ажриқ (айир, жир)”, “айик, айкаш (айик)”, “асра, яашир (сир)” сўзлари қаби туркий “айна, айни (йин, жин)” сўзи “айниш, йўқ бўлиш, ажин тушиш”ни англатса, туркий “йан, жан” сўзи “ёнмоқ”ни англатади (Девон, 3-жилд, 72-бет). Русча “гнить” (айнимок, чиримоқ) сўзи ҳам “йин” ўзагига боғлиқ бўлса, русча “огонь”, ҳиндча “агни” (ҳиндларнинг қадимги веда динидаги олов маъбути), инглизча “ignite” ([игнайт] ёндиримоқ), “agony” ([э’гони] агония, ўлим талвасаси) сўзлари ҳам “йан” сўзи билан ўзаги бир. “Январ” ойининг номи римликларнинг күёш худоси “Янус”га нисбатан аталган. Инглизлар Шимолий Американи забт этганларида, ўзларини “янки (йанки)” деб атаги бошлаган. Афсуски, тишлинос олимлар бу сўзининг этимологиясига доир бирон аниқ маълумотга эга эмас. Фаразимча, буни икки хил тушунтириш мумкин; 1) худди Японияни “кунчиқар давлати” деганларилик, Лотин Америкасида хукмронлик қилган қадимги Йик (Инка) салтанати ҳам “Йинк”, яъни “кунботар давлати” маъносида бўлиб, кейинчалик инглизлар ўзларини уларга қарама-қарши қўйиб “йанки” деб атаган; 2) бу сўз “янги (йанги)” сўзидан олинган. Американи “янги дунё” деб таърифлайдилар. Дарҳақиқат, “Нью-Йорк” шахри (аввал “Нью-Амстердам” деб номланган) “янги Йўрик” деган туркий сўзлардан тузилган. “Йўрик” сўзи “бошқарув тизими” маъносида кўлланган. Шу ўринда, “Охиратда күёш ғарбдан чиқади” деган машҳур ҳадисн тўғри ва мажозий маъноларда талқин қилиб, “янки (йанки)”ларга нисбат бериш мумкин. Зоро, янги кун (хисоб) Англияниң пойт-тахти Лондондан ўтган Гринвич меридианидан бошланади. Демак, Америка қитъаси, яъни “йанки”лар куннинг бошланишини (куёшнинг чиқишини) белгилаб турибди.

Қадимги Шумер маданияти (э. а. 3000 йил) ёзув (пона-ёзув), филдирак каби кўплаб қашфиётлар қилган. Дунё тўфонини тасвирловчи достонлар шумерлардан ҳам бизгача етиб келган. Шумер тилида Худонинг “Дингир” деб аталгани, ўз навбатида туркий “Тангри”, форс-тожикча “Парвар-Дигор”, скандинавия халқларида “Тор (чақмоқ, бўрон ва ҳосилдорлик худоси)”, қадимги юон күёш маъбути “Атон”, ҳатто қадимдан Хитойда илохийлаштирилган “Дракон” (арабчаси “Аждархо”, инглизча “Dragon” [дрэгн], ҳарфларнинг жойи ўзгарган) ҳам шу ўзакдан келиб чиққани халқларнинг ўзаро алоқалари тўғрисида қимматли маълумотлар беради.

Кўп халқлarda саломлашганда бир-бирларига “соғлик” тилаб айтиладиган қўйидаги сўзларнинг ўзакларига қаранг: арабча “салом”, туркий “соғлом”, французча “салют”, лотинча “salut, salus”. Қолаверса, туркий “соғинмоқ” сўзининг “тиlamok, кўришни истамок” маънолари ҳам бор. Шунингдек, лотинча “sanitas, sanus” (соғлик) сўзидан “санитар”, “санаторий” сўзлари ясалган бўлиб, туркий “эсонмисан (есанмисан)?” деган савол “соғмисан?” деган маънони англатади (Девон, 1-жилд, 106-бет). Буни қарангки, инглизча “book” ([бук] битик, китоб) ҳамда арабча “китоб” сўзлари туркий “битик” сўзи билан ўзаги бир. Арабча “китоб” сўзи тескарисига ўқилиши керак, зоро, арабчада ёзув ўнгдан чапга қараб ёзилади. Туркий “хўжа” сўзи туркий “эга” сўзи билан ўзаги бир бўлиб, русча “хозяин”, инглизча “hegemon” ([хегемон] гегемон, хукмрон), “ego” ([иго] эго) сўзлари ҳам шу ўзакка курилган. Шумерчада “ғилдирак” сўзи қандай аталгани номаълум, бироқ туркий “ғилдирак”, “ғилай” ҳамда инглизча “wheel” ([уил] ғилдирак), “glide” ([глайд] ғилдира, думала), русча “вал”, “колесо” сўзларининг ўзаги “ғил” эканлиги бу тилларнинг, демакки халқларнинг яқинлигидан далолат беради.

Маълумки, қадимги юон ва Рим мифологияси халқ оғзаки ижодининг юксак намунаси хисобланади. Юонча “myth” ([мис, миф] миф, асотир, ривоят) сўзи туркий “-миш” сўзи билан ўзаги бир. Дарҳақиқат, “ундаймиш,

бундаймиш, кўрганмиш, эшитганмиш” сўзларидағи “миш” кўшимчаси айни афсона-ривоятларга хос. Қолаверса, “мистика”, “сим-сим”, “тилсім” каби сўзларнинг ўзаги ҳам “мис, миш” эканлиги тушунарли, зоро, номаълум нарса ва ҳодисалар ҳақида билиб-билимай “ундаймиш, бундаймиш” деб “миш-миш” ёхуд “миср-миср” қилинади-да!

Рус эртак қаҳрамонларининг номларига эътибор беринг: “Карабас-Барабас”, “Буратино”, “Колобок”, “Иван”, “Руслан ва Людмила”... Туркий сўз ўзаклар мана-ман деб турибди: “Қорабош-Бўрибош”, “Бурунвой”, “Ғил(дира)-бикин”, “Йан, Жан”, “Арслон”. Луғатда туркий “эртак” сўзи қадимги туркий тилдаги “ўт”, “кеч” маъносини англатган “эрт” феълидан “-ак” кўшимчаси қўшиб ясалган, деб кўрсатилган. Бироқ, ўйлашимча, русча “сказка”, “рассказ” сўзлари, инглизча “tale” ([тейл] эртак), “tell” ([тел] айтмоқ), “talk” ([ток] гапирмок) сўзлари кўрсатиб турганидек, “эртак” сўзи асли “айтак” бўлса керак. Худди шундай, “достон” сўзи форс-тожикча деб кўрсатилган. Менимча, бу сўз лотинча “dictare, dicere” ([диктаре, диссере] сўзламоқ, айтмоқ, баён (диктовать) қилмоқ) сўзидан келиб чиқиб, у эса ўз навбатида туркий “айтиш (айтиш-айдис)” сўзи билан ўзакдош. Дарҳақиқат, “тилларда достон бўлди” ибораси “тилларда айтишид (айдисти)” маъносида қўлланади.

Туркий “Алпомиш” достонининг юнон достони “Одиссея” билан умумий жиҳатларини кўплаб олимлар ўз тадқиқотларида таъкидлаганлар. XX асрда яратилган инглиз ёзувчиси Жеймс Жойснинг “Улисс” асари эса “Одиссея” достони таъсирида дунёга келган. Худди шундай, инглиз адабиётидаги илк эпик асар “Beowulf” ([Беовулф]) эрамизнинг саккизинчи асрида эски инглиз тилида яратилган. Инглизча “wolf” (ески инглиз тилида “wulf” [вулф] бўри) сўзи русчада “волк” бўлиб, туркий “увла(мок), увлок” сўзига мос қелади. Табиийки, ит вовуллагани каби, бўрининг увллашига ишора-да бу. Ўйлашимча, асар номи туркий “Бойбўри” бўлиб, “Алпомиш” достонидаги қаҳрамонга алоқаси бор. “Алпомиш”дан олдин унинг отаси “Бойбўри”нинг ҳам достони бўлган.

Қадимги хинд муқаддас китоби “Гита” панд-насихат мавзуидаги дидактик асар бўлиб, ҳозирда хинд суд маҳкамаларида гувоҳлар шу китобга қўлинни қўйиб рост гапиришга қасам ичадилар. “Гита” сўзи “панд-насихат”, “агитация” маъносини англатиб, бу сўз туркий “ўгит” (1, 1-жилд, 85, 292-бетлар) сўзи билан ўзакдош бўлса керак. Ҳозирда ўзбек тилида қўлланәётган “Ур(ган, гат)” сўзи аслида “ўг(ран, рат)” (Девон, 1-жилд, 253-бет) бўлиб, усмонли турклар бу сўзни асл шаклида қўллайдилар.

Хуллас, қўлланаётган кўплаб чет эл сўзларининг ўзаги туркийлигини тушуниб, ҳам ҳайрон бўлади, ҳам чет элликлар билан муайян яқинлик ҳиссини туди киши. “Car wash” ([кар уош] машина ювиш), “show” ([шоу] шов-шув), “abiturient” ([абитуриент] битибуровчи), “boss” ([бос] бошлиқ), “taxi” ([тэкси] такси, таши), “textile” ([текстайл] текстил, тикиш), “censor” ([сенсор] цензор, синчи, синовичи)...

Хулоса ўрнида айтиш керакки, дунё ҳалқларининг тарихи-ю қадриятлари умумийлиги келтирилган мисоллардан аниқ-равшан кўриниб турибди. Она тилимизда “тилини топиш” ибораси инсоннинг кўнглини топиш, унинг ҳоҳишистакларини қадрлашни англатса, “тил бирингириш” эса, худди илоннинг иккиланган тилига ўхшаб, инсонга нописандлик билан қараш, унга қарши иш кўришни англатади. Тил топиш, тил билиш, тилнинг ўзак маъноларини теран англаб етиш Ҳазрати Инсон учун ўзликни англаш демакдир.

Ўзликни англашда адабиётнинг ўрни ва роли бекиёслиги барчага маълум. Ўзбек адабиёти ўзини жаҳон адабиётининг узвий бир қисми сифатида ҳис қилиб, бутун башариятга хос туташ томирларни аниқроқ кўргани-билгани сайин тобора қудратлироқ бўлиб бормоқда. Адабиётнинг асосида эса тил ётади. Бинобарин, ўзбек тилининг жаҳон тиллари билан муштарак жиҳатларини қанчалик теран англаб етганимиз сайин, адабиётимиз, маънавиятимиз тобора бойиб, улкан куч-қудрат ва руҳий қувват касб этиб бораверади.

Фаррух ATAЕВ

ЖАҲОН АДАБИЁТИ

203



СЎЗЛАЁТГАН СУРАТЛАР

Журналинизнинг муқовасида XIX аср инглиз тасвирий санъатининг йирик намояндаларидан бири, портрет жанри устаси Чарльз Сайлэм Лиддердейл ижодидан намуна тақдим этилган. Унинг “Иккиланиш”, “Қирқкулоқ ийфувчи аёл”, “Синфдаги ёш қиз”, “Испан аёли”, “Учрашув” каби суратлари дунёга машхур.

Рассом 1830 йилнинг 28 сентябрида Санкт-Петербург шахрида истиқомат қилувчи шотланд оиласида дунёга келган. Унинг отаси

Жон Лиддердейл банк хизматчиси бўлган. У болалигиданоқ расм чизишга ўзгача меҳр қўйиб, кўп вақтини шу машғулот билан ўтказар ва келажакда мусаввир бўлишни орзу қиласди. У 13 ёшга тўлганида оиласи Лондонга кўчиб кетади. Бу ерда унинг рассом бўлиш орзулари амалга ошиши учун кенг имкониятлар мавжуд эди. 1856 йили у машқларини Қироллик Санъат академиясига юборади ва танловдан муваффакият билан ўтиб, Академия талабасига айланади. Уз даврида бекиёс обрў ва нуфузга эга бўлган Қироллик Санъат академияси кўплаб иқтидорли ёшларнинг рассомлик сир-синоатларини чукур ўрганиши, келажакда мусаввир бўлиб шаклланиши ва ўз ижодий йўлини топиб олишида катта мактаб бўлди. Чарльз ҳам бу имкониятлардан тўла-тўқис фойдаланган ҳолда ўз билим ва маҳоратини шакллантириб бора-ди. Академиядан олган сабоқ ва тажрибалари унинг профессионал рассом сифатидаги кейинги фаолиятида мухим аҳамият касб этади. Академияни мусаввирларни туттагандан сўнг, рассомнинг ижодий ҳаётида янги давр бошланди. Кейинчалик у Британия мусаввирлар жамиятига аъзо бўлади ва кўплаб суратларини шу ерда кўргазмага кўяди. Унинг мўйқаламига мансуб бўлган бир қатор бетакрор асарлар Британия санъат институти, Қироллик Санъат академияси кўргазмаларида намойиш этилади ва кўплаб муҳлислар эътиборига сазовор бўлади.

Мусаввир дастлабки суратларида акварель бўёқларидан фойдаланаарди, кейинчалик кўзи хасталангач шифокорнинг маслаҳатига амал қилиб, расмларини мойбўёқда чизишга ўтади. Шунга қарамасдан, унинг акварелда чизган дастлабки суратлари сон жиҳатдан унча кўп бўлмаса-да, юксак маҳорат билан яратилган ва мутахассислар томонидан эътироф этилган. Чарльз Лиддердейл ўз портретларида кўпроқ қишлоқ аёллари ва болаларини тасвирлайди. Бу суратлари орқали у ўз қаҳрамонларининг гўзлариги, улуғворлиги, феълатвори, нозик ҳаракатларини турфа ранглар орқали моҳирона ифода этади. Унинг суратларида қишлоқ ҳаёти, турмуш тарзи, эркинлик ва юксаклик кўзга ташланиб туради. Суратлардаги манзаралар, киёфалар ўзгача сокинлик, осудалик билан сўзлайдилар. Рассом асарлари фақатгина ўз замонасининг ижодкорларига ижобий таъсир кўрсатиб қолмай, келгуси рассомларнинг ижодига ҳам ўзгача илҳом бағищлаб келади.

Чарльз Лиддердейл 1895 йил Лондон шахрида вафот этган. Суратлари эса бугунги кунга қадар ўз кадр-киммати ва аҳамиятини йўқотмади. Дунёning турли бурчакларида ўтказиладиган ким ошди савдоларида унинг суратлари сотувга қўйилмоқда. Рассом ижодига мансуб сара суратлар ҳозирги кунда дунёning кўплаб мамлакатларидаги тасвирий санъат ихлосмандларининг шахсий кўргазмаларидан жой олган.

Дилдора РЎЗИМАҲАМОДОВА



УЛАР ҲАМ ШУ ОЙДА ТУҒИЛГАНЛАР...

3 МАЙ

1469 йил. **Никколо Макиавелли**, итальян файласуфи, ёзувчи ва сиёсат арбоби. “Теренция”, “Мардрагола” пьесалари, “Хукмдор” номли сиёсий асари, “Кастручо Кастраканинг ҳаёти”, “Харб санъати ҳақида”, “Тит Ливийнинг биринчи декадаси ҳақида мулоҳаза” ва бошқа ўнлаб асарлари дунёга машхур.

1939 йил. **Леонид Нечаев**, россиялик кинорежиссёр. “Буратинонинг саргузаштлари”, “Қизил қалпоқча”, “Юлдузли бола ҳақида эртак”, “Дорбоз”, “Узокдан телеграмма қабул қилинг”, “Репетитор” сингари йигирмага яқин болалар фильмларини суратга олган. “Ширин эртак” фильмси Россия киноси кучли юзталигидан жой олган.

6 МАЙ

1904 йил. **Харри Мартинсон**, швед ёзувчиси. Нобель мукофоти лауреати (1974). “Замонавий лирика”, “Қўчманчи”, “Табиат” тўпламлари, “Вейдан олинганд уч пичоқ” пьесаси мувваффакият келтирган.

7 МАЙ

1867 йил. **Станислав Реймонт**, поляк ёзувчиси. Нобель мукофоти лауреати (1924). “1794 йил” трилогияси, “Мугомбир аёл”, “Жаннатмонанд

ТАҚВИМ

замин”, “Мужиклар” “Хаёлпараст”, “Кўршапалак” романлари муаллифи.

10 МАЙ

1909 йил. **Йўлдош Аъзамов**, ўзбек кинорежиссёри. Ўзбек кино санъатининг иирик сиймоларидан бири. “Қилич”, “Мафтунингман”, “Фурқат”, “Ўтган кунлар”, “Мехробдан чаён”, “Орол балиқчилари”, “Қайтган келин”, “Баҳт исми” сингари йигирмага яқин фильмлар ижодкори.

11 МАЙ

1858 йил. **Карл Гауптман**, немис драматурги. “Марианна”, “Тоғ эчкиси”, “Наполеон Бонапарт”, “Пана ўйинлари”, “Кирол арфаси”, “Мусо”, “Уруш”, “Матильда” каби роман ва пьесалар муаллифи.

1895 йил. **Ян Парандовский**, поляк ёзувчиси. “Мифология”, “Сўз кимёси”, “Күёшли соатлар”, “Кирол ҳаёти”, “Олимп тўгараги” ва бошқа асарлари шуҳрат келтирган.

13 МАЙ

1882 йил. **Жорж Брек**, француз мусаввири, қубизм йўналиши асосчиларидан бири. “Мандола”, “Аёл юраги”, “Стол устидаги виолончел ва кларнет”, “Студия”, “Виолончел оҳангি”, “Стул”, “Кўзгудаги аёл” каби асарлар муаллифи.

15 МАЙ

1891 йил. **Михаил Булгаков**, рус ёзувчиси. “Дон Кихот”, “Одам ва Ҳаво”, “Иван Васильевич”, “Александр Пушкиннинг сўнгги кунлари”, “Югурши” пьесалари, “Қора денгиз”, “Минин ва Пожарский” либреттолари, “Уста ва Маргарита”, “Оқ гвардия”, “Жаноб де Мольер ҳаёти”, “Мухандис туёғи” сингари романлари билан шуҳрат қозонган. Кўплаб қисса, ҳикоя ва киносценарийлар муаллифи.

18 МАЙ

1872 йил. Бертран Уильям Рассел, британиялик файласуф, олим, ёзувчи, жамоат арбоби. Нобель мукофоти лауреати (1950). “Математика тамойиллари” китоби унга катта шуҳрат келтиради. “Тафаккур таҳлили”, “Атом асослари”, “Нисбийлик асослари” ва “Материя таҳлили” каби турли мавзуда асарлар яратган.

21 МАЙ

1844 йил. Анри Руссо, француз мусаввири, примитивизм намояндаларидан бири. “Карнавал кечаси”, “Ухлаётган лўли қиз”, “Ўрмонга сайр”, “Муза, илҳомланган шоир”, “Чакалакзордаги хужум”, “Уруш”, “Туш”, “Бахтиёр тўртлик” каби асарлар ижодкори.

23 МАЙ

1891 йил. Пер Фабиан Лагервист, швециялик ёзувчи. Нобель мукофоти лауреати (1951). Эмпрессионизм йўналиши намояндаларидан бири. “Софинч”, “Хаётий меҳмон” ва “Забт этилган умр” сингари насрый асарлари, “Яшашга халақит берманг” драмаси, “Пакана” ва “Варавва” романни муваффакият келтирган.

24 МАЙ

1845 йил. Карл Шпittелер, швейцариялик адаб. Нобель мукофоти лауреати (1919). “Прометей ва Эпиметей” достони, “Балладалар”, “Сен-Готард” дараси”, “Лейтенант Конрад”, “Қизиқарли воқеалар” сингари китоблар муаллифи.

1899 йил. Назрул Ислом, улуг бенгал шоири, мусиқачи ва файласуф. “Исёнкор шоир”, “Таназзул қўшифи”, “Надомат тухфаси”, “Эйфория”, “Ребел”, “Сиёсий айборнинг қувилиши”, “Кишанлардан холи” сингари кўплаб поэмалари, мусиқий асарлари ва ўзининг халқпарварлик ҳаракатлари билан донг яратган.

1905 йил. Михаил Шолохов, машҳур рус ёзувчи. Нобель муко-

фоти лауреати (1965). “Тинч Дон”, “Очилган қўрик”, “Улар ватан учун жанг қилдилар” романлари “Дон ҳикоялари”, “Инсон тақдири” каби асарлари умумжаҳон адабиёти мулкига айланган.

28 МАЙ

1912 йил. Патрик Виктор Уайт, инглиз адиби, драматург. Нобель мукофоти лауреати (1973). “Абиссионога қайтиш”, “Катта ўйинчоқлар”, “Моҳир ҳайдовчи” пьесалари, “Тириклар ва ўликлар”, “Барглардан хосил бўлган попуклар”, “Бирварақайига ҳаммаси ҳақида”, “Тўғон йўли”, “Одам дараҳти”, “Фосс”, “Аравада кетаётганлар”, “Тумор” романлари муаллифи.

30 МАЙ

1265 йил. Данте Алигьери, мумтоз итальян шоири. “Илоҳий комедия”, “Янги ҳаёт”, “Монархия” каби бадиий, хукуқшуносликка оид кўплаб рисолалари жаҳон адабиёти хазинасидан жой олган.

1937 йил. Александр Демьяненко, машҳур рус актёри. “Иван Васильевич ўз касбини ўзгартиради”, “Ы операцияси ёки Шурикнинг саргузаштлари”, “Кавказ асираси”, “Беш куну беш кеча”, “Типратикан”, “Ақлли буюмлар”, “Кишининг сўнгги куни”, “Салом ва хайр”, “Том остидаги жанжал”, “Дачада”, “Яшил фургон”, “Саркаш дарё”, каби фильмлардаги роллари билан шуҳрат қозонган.

31 МАЙ

1773 йил. Людвиг Тик, немис ёзувчиси, шоир, драматург. “Абраҳам Тонелли”, “Кичик дурадгор” каби қиссалар, “Франца Штернбальд саёҳати” романни муаллифи. “Этик кийган мушук”, “Шахзода Цербино”, “Тескари дунё” эртак-пьесалари шуҳрат келтирган.

Мафтуна
МУҲАММАДАМИНОВА
тайёрлади

RESUME

✍ This issue of the magazine is dedicated to England art and literature. In this regard, published short stories, poetry and creative examples of biographies of England famous personalities. Under the column “Prose” printed famous novel by the English writer Jane Austen “Pride and Prejudice” and the continuation of “Faust, his life, deeds, and the overthrow of hell”.

✍ In May, celebrated 450 years of the great playwright William Shakespeare, in the column “Literature and Philosophy” published articles by famous literary and art devoted to the multifaceted creative genius playwright. In the sub-heading “Drama” published Irish playwright Samuel Beckett’s “Waiting for Godot” play and a continued play “In search of the phantom” by Lasha Tabukashvili.

✍ In the column of “Heritage Masters in Translation” are printed the best examples of translation, as well as an article on the features of the creative heritage known translator Mirziyod Mirzoidov.

РЕЗЮМЕ

✍ Данный выпуск журнала посвящается литературе и искусству Англии. В связи с этим публикуются образцы поэзии, прозы, драматургии и творческие биографии знаменитых личностей Англии. В рубрике «Проза» печатаются известный роман английской писательницы Джейн Остин «Гордость и предубеждение», продолжение романа «Фауст, его жизнь, деяния и низвержение в ад».

✍ В мае отмечается 450 летие великого драматурга Вильяма Шекспира. В рубрике «Литературоведение и Философия» публикуются статьи известных литературоведов и искусствоведов посвященных многогранному творчеству гениального драматурга. В подрубрике «Драма» публикуется пьеса ирландского драматурга Сэмюэля Беккета «В ожидании Годо» и продолжение пьесы Лаша Табукашвили «В поисках фантома».

✍ В рубрике «Наследие мастеров перевода» печатаются лучшие образцы переводов, а также статья об особенностях творческого наследия известного переводчика Мирзиёда Мирзаидова.

Жаҳон

АДАБИЁТИ

2014 йил май сони

Обуначилар диққатига!

Журнални обуначига
етказилишида муаммолар
пайдо бўлса, қўйидаги манзилга
мурожаат қилинг.

Тошкент шахар, Амир Темур
1-тор кўча, 2-уй. Тел: (8371)
233-67-98,

Навбатчи мухаррир Ш.НАЗАРОВА
Техник мухаррир М.АЛИЕВА
Мусаххих Д.АЛИЕВА
Компьютерда саҳифаловчи А.УМАРОВ

Жаҳон адабиёти, 2014

ИНДЕКС 828, 829

2007 йилда №0252 раками билан лицензия олинган.

Ўзбекистон Матбуот ва ахборот агентлигига рўйхатга олинган, №189

Уч босма табоқ ҳажмгача бўлған кўллэзмалар қайтарилмайди.
“Жаҳон адабиёти” журналида эълон қилинган асарларни кўчириб босиши
да ва қайта нашр этишда таҳририятнинг ёзма розилиги олиниши шарт.

Таҳририят манзили:

100129, Тошкент, Навоий кўчаси, 30.
Телефонлар: 244-41-60; 244-41-61; 244-41-62.
Сайт: www.jahonadabiyoti.uz
E-mail: jahonadabiyoti@list.ru

Босишига руҳсат этилди 04.06.2014 й. Бичими 70x108 1/16. Офсет көғози.

Офсет босма. Шартли босма табоқ 18,2. Нашиёт босма табоби 20,0.

Адади 3460 нусха. 3493 ракамли буюртма. Баҳоси шартнома асосида.

“Жаҳон адабиёти” журнали компьютерида терилиб, “SHARQ” НМАҚда чоп этилди.
100000, Ўзбекистон, Тошкент ш. Буюк Турон кўчаси, 41 уй.

© Жаҳон адабиёти, 2014 й.